

15 0 0 0 2 .

Biblioth. S. Birgittæ ex libr. D. D.
Asdenti V. D. F. D. 1768.

LVIII

A

70

BIBLIOTECA NAZ.
Vittorio Emanuele III

LVIII

A

70

NAPOLI

~~XVIII. 0. 21~~

~~58~~

~~59~~

~~60~~



CASP. BARTHOLINUS
DE
TIBIIS VETERUM

AMSTELADAMI
Sumptibus Henr. Wetſenii.
c1669.



2



CASPARUS BARTHOLINUS
THOM. FIL. CASP. NER.
A.C. clō lō clxxvi. æt. xxii.

CASP. BARTHOLINO

Patritio Hafnienfi

De Tibiis Veterum scribenti.

CUr vates meminere lyram super astra locatam?

Scilicet hic melius Tibia vestra foret.

*Petrus Andreas Trinchorius
Varro Nicenus.*

Ad Eundem.

Tibiae origo, sonus, species, discrimen, & usus,

Quæque fuit virtus, edocet iste Liber.

Cit mentes, Pæana canit, flet funera, morbos

Depellit, placat numina, facrat hymen,

Regni aditum, mensasque hilarat. Quæ non facit? omnis

Te Auctore est veteri, Gaspare, Tibiæ honos.

Illam ut pœniteat se projecisse Minervam,

Et vereor posita sumat Apollo lyra.

N. F. A.

CAS-

CASP. BARTHOLINI
THOM. FIL.

De TIBIIS
VETERUM,

ET
EARUM ANTIQUO USU
LIBRI TRES.

Editio altera, figuris auctior



AMSTELÆDAMI,
Apud HENR. WETSTENIUM,

MDCCLXXXIX.





EMINENTISSIMO PRINCIPI
CARDINALI
SIGISMUNDO
C. H. I. G. I.

CASPARVS BARTHOLINVS
Felicitatem.

IN Antiquitate inda-
ganda haudquaquam
par labori gloria Scri-
ptorem sequitur. Ete-
nim de rebus à nostra memoria
remotis, quæ fugitivo ævo se ta-
citè subdlexerunt, commentari,
diversa ab aliis artibus lege con-
stat, in quibus proprium valet
arbitrium & suo cuilibet modo

*

3

eva-

-R-

-V-

-R-

evagari licet. In Antiquitate adornanda tenor quidam observandus est, non tam libero & sibi relicto calamo, quàm multiscio & vetustati innixo. Præterea ad hunc scribendi laborem etiam rerum reperiundarum difficultas accedit, cum plerumque veluti in alta nocte lateant Antiquitatum vestigia, & si quæ nondum periêre, in mutis librorum latibulis sepulta jaceant, vel ex tritis marmorum ruderibus ad lucem novam revocanda. Ita huic laborum generi non merita contingit gloria, cum in illo nihil nostrum sit præter meram explicationem rerum, quæ jam demum in lucem tanquam novæ protrahuntur, cùm tamen ipsis, qui σεαυτοὶ *σεαυτοὶ* jactabant, Arcadibus interdum antiquiores sint. Earum rectam & veritati omnimodo con-

conformem expositionem invenire haud facile est, omnibus tamen placere longè difficilius. Nam cum sua cuilibet mens sit, ad cujus judicium cuncta examinant, si quid illorum opinioni præjudicatæ conforme affertur, laudant; contra, si ab ea recedatur, ignorantia atque errore factum existimant. Nihilofecius omni ævo Antiquitatis non fuit cura postrema. Res multis retrò seculis obsoletas à vetustatis oblivione & ignobili morte vindicare, & suos invenit cultores, & Fautores habuit atque Protectores. Inter illos me, sed omnium minimum, profiteor, qui ad Antiquitatem haud exiguo semper studio & amore ductus sum. Inter hos, nempe ejus Patronos ac Protectores, Te primo loco numerarem, *Eminentissime Princeps,*

nisi jam tum simul & reliqua quæ
sciri possunt, capaci pectore am-
plexus esses, & ad omnes scien-
tiarum terminos ex Eminentissi-
mo fastigio animum cœlestem
demisisses. Ut quicquid illæ so-
lidi habeant, id ex aureo & pur-
pureo ore Tuo hauriri possit.
Nam ut alia omittam, magnum
sanè amoris Tui in Naturale stu-
dium, & favoris in me docu-
mentum hoc interpretor, quod
in Eminentissima & florentissima
Aula Tua non semel locum mi-
hi indigno dederis, & admiseris
jam partem Anatomes demon-
strantem, jam novas circa ean-
dem aliorum & proprias obser-
vationes referentem audiveris.
Nec Antiquitatis indaginem dis-
plicere intellexi. Unde quemad-
modum Græci Veteres ad Cyno-
sargen, & Psylli partus suos ser-
penti-

pentibus dijudicandos obtulerunt, ita ego foetum hunc meum ad limbum Purpuræ Tuæ in humo statutum depono, ex veteri Romanorum ritu, visurus, veluti Aquila dubios natos ad Solem examinat, an partus hic illos Tuos Solares radios ferre possit, & humo tolli atque suspici dignus sit. Prima hæc foetus mei supra terram constitutio, non Statinæ Deæ, ut apud Gentiles olim, sed Tibi, *Eminentissime Princeps*, sacra erit, nec aliam cum Ethnicis Levanam Deam & *παιδοτεγφίαν* advoco, quæ humo tollet. Natalis dies Libri mei hodie est, Lustricus erit, ubi Tu illum susceperis & nomen ab Eminentissimo Nomine. Tuo acceperit. Ita mihi hunc ingenii mei partum tollendi, cum pauperibus olim educandis, ex *Plinio*,

una ratio erit, *Bonus Princeps*, qui
sui fiducia procreatos augeat, fo-
veat, amplectatur. Et Tibi iis-
dem verbis acclamabo, quibus
Plinius Trajano suo: *Super omnia*
est, quod talis es Trajane, ut sub
Te liberos tollere libeat, expediat.

Vale, qui inter Purpuratos
Patres emines, *Eminentissime*
Princeps, Senatus Romani non
ultimum decus, & diu, antiqua
& celeberrima stirpe tot virtuti-
bus dignissime, perenna.

Romæ Kal. Februar. M. DC. LXXVII.

CASPARUS BARTHOLINUS

THOM. FIL.

LECTORI SUO S.

SI ad genium seculi currentis calamus instruendus esset, & ea solum afferenda, quæ publico palato sapiunt; jure, fateor, vilis hic meus censebitur labor. Is enim est tempore nostro laborum delectus; ut qui paulo diligentius in Antiquitatem inquisivit, operam quasi perdidisse videatur, cum Nova magis jam placeant, experimentis novis in lucem protracta, antea ignota. Nec ex horum numero me esse diffitebor, qui antiquos ex Naturæ latebris errores novis & veris experimentis proscribere nituntur; quanquam etiam haud raro ad illorum partes transierim, qui Antiquitatis multifariam eruditionem novis studiis & laboribus illustrant. Ego sanè in hoc foro tacuissem potius, nec cum his lucubrationibus jam Romæ prodiissem, nisi ad id compulsus fuisset à Clarissimo Amico Francisco Nazario. Viro omnibus notissimo ob omnigenam eruditionem, quam etiam ejus publicæ Ephe-

merides Literatorum hic indies loquuntur, tantam librorum cujuscunque scientiæ & linguæ varietatem tamque distinctam notitiam complectentes, ut singularia eorundem quæ ipse laboriose solus perstringit, clarius & solidius ab ipsis seorsim auctoribus haberi nequeant. Illi postquam communicaveram ea, quæ de Tibiis Veterum & earum Antiquo usu, ex utriusque linguæ Auctoribus frequenti lectione opera non translaticia adnotaveram, Romano prelo non indigna judicavit, & protinus me simul atque Typographum in vota sua faciles habuit. Non enim exigua hæc antiquitatis pars est ad quam sic satis multa pertinere præsens Volumen ostendit. Feci verò ut solent peregrinantes, qui non promiscuè quæcunque oculis subjiciuntur, sed elegantiora quædam admirantes conduunt, reponuntque in memoriam. Ita ego quæ de hac materia, latè dispersis Auctorum variorum monumentis involuta habere potui, cum delectu & justo ordinis necessaria ratione congeffi. Subtilem verborum singulorum crisin, nonnullis nimis familiarem, sponte subterfugi, nec præ-

præter rem & modum in alios sedulus, eos
imitari studui, qui censoria virgula su-
perbientes suis obeliscis omnes confodiunt,
& reliquos præ se contemnunt. Mihi cer-
tè omnes applaudentes nec habiturus
sum, nec opto, acquiescam si bonorum
consensum meruerim. Hippomachus Ti-
bicen, apud Ælianum, discipulo suo
cum aberraret ab arte inter canendum,
& nihilominus plausum auditorum ase-
queretur, feriens eum baculo, dixit,
Perperam cecinisti, nam aliàs hi tibi
non applauderent. Scilicet haud diffi-
cile est, communem populi anram ca-
ptare; at non omnibus datum est ab iis
solum approbari, qui rectum judicium
ferre possunt. Ita felicius, ex monitu
Fabii, procedunt artes, si soli artifices de
ipsis judicant. Nec sanè alii in iudicium
admittendi sunt, quam qui incorruptè
judicare, vel norunt, vel velint. Rectè
Cajus Lucillius olim dixit, neque se ab
indoctissimis neque doctissimis legi velle,
quod illi nihil intelligerent, hi plus for-
tasse quam ipse. Tu Lector, qui me plus
sapis, Vale & indulge.

JHENR. WETSTENIUS
LECTORI.

Novam hanc Tractatus de Tibiis veterum editionem juxta exemplar ante biennium Romæ impressum adornavimus ; cujus sphalmatis emendatis ne nova irrepererent cavimus ; suis etiam locis inseruimus addenda in calce adjecta. Idem præstitimus in figuris , quæ non solum elegantiores , sed & numero duplo auctiores exhibentur. Si Tibi operam nostram minùs ingratham fore viderimus , eo ipso incitabimur ad edendum non tantùm plura hujus generis , sed & alia hujus Autoris , qui etiam Tractatum *de Novis Inventis Anatomicis* nostrâ curâ divulgandum promittit.

ELEN-

ELENCHUS CAPITULI.

LIBRI PRIMI.

| | |
|--|--------|
| CAP. I. De Tibia, ad quam Musices partem apud Veteres pertinebat. | Pag. 1 |
| II. Nominis Tibiæ origo & Synonyma. | 9 |
| III. De Inventoribus Tibiarum. | 14 |
| IV. De Materia Tibiarum. | 25 |
| V. Tibiarum Forma, earumque Par- tes. | 41 |
| VI. Tibiarum species & varia disci- mina. | 63 |
| VII. De Arte Tibias inflandi. | 92 |
| VIII. Tibiarum sonus. | 104 |
| IX. De Modis Numerisque Tibiarum. | 115 |
| X. A quibus ars Tibias inflandi exercita & apud quos in usu. | 127 |

LIBRI SECUNDI.

| | |
|--|-----|
| CAP. I. Tibiarum vis ad variè afficiendos ani- mos, eosque vel concitandos vel molliendos. | 139 |
| II. Tibiæ usus in Curatione Morborum. | 158 |
| III. Tibia in Regum Inauguratione. | 167 |
| IV. Tibia in Triumphis, | 169 |
| V. Ti | |

| | |
|--|-----|
| V. Tibia in Bello. | 171 |
| VI. Tibia in Hymnis & Deorum placationibus apud Paganos. | 177 |
| VII. Tibia in Sacris & Sacrificiis Gentilium. | 180 |
| VIII. Tibia in Sacris Magnæ Deum Matris. | 199 |
| IX. Tibia in Festis Publicis. | 206 |
| X. Tibia in Ludis, spectaculis, atque Comœdiis. | 211 |
| XI. Tibia in Saltatione Pantomimi, Ludii, aliorumque. | 221 |
| XII. Tibia in Nuptiis & Choreis. | 229 |
| XIII. Tibia in Conviviis. | 242 |
| XIV. Ad Tibiam factæ Conciones ad populum, Carmina recitata, atque Heroum laudes in conviviis & funeribus decantatæ. | 256 |
| XV. Tibia in Funeribus & Luctu. | 267 |
| XVI. Tibia Nautica. | 286 |
| XVII. Tibiarum vis ad commovenda Bruta Animalia. | 291 |
| XVIII. De Tibiis Mira quædam ab Antiquistradita, naturali ratione explicata. | 300 |
| XIX. De Assa Tibia, ejusque cum aliis instrumentis consonantia, Symphonia. | 307 |

LIBRI TERTII.

| | |
|------------------------------|-----|
| CAP. I. De Tibicinibus. | 313 |
| II. Marsyæ Tibicinis Fabula. | 335 |
| III. De | |

- III. De Rebus quibus usi Tibicines, Anu-
lo, Tibiarum & lingularum the-
ca, atque Capistro. 342
- IV. De Vestitu Tibicinum & Scabello. 356
- V. Tibiarum Fabri. 367
- VI. De Tibiarum à reliquis instrumentis,
quæ oris flatu animantur, differen-
tia. Et primò de Fistula atque Pan-
durio. 369
- VII. De Tuba, Concha, Buccina, Cor-
nu, Tibia utriculari & Pithaulica,
organo, & hydraule. Eorumque
omnium & Tibiæ discrimine. 388

A U-

AUTHORES

Qui in Opere citantur, nominantur & illustrantur.

Achilles Tatius A-
cron.

Paul. Aegineta.

Ælianus.

Æschylus.

Alexander ab Ale-
xandro.

Ambrosius.

Ammonius.

Car. Neap. Antipi-
xes.

Alex. Aphrodisæus.

Appianus Alexandri-
drinus.

Apollodorus.

Apollonius Carystius.

Apollonius Citiensis,
inter Veter. Chirur-
gos MS. in Biblio-
theca Medicæa.

Apulejus.

Arcadius Grammaticus.

Aringhus.

Aristanetus.

Aristophanes.

Aristoteles.

Josua Arndus.

Arnobius.

Artemidorus.

Asconius Padianus.

Athenaus.

S. Augustinus.

Avienus.

Cæl. Aurelianus.

Ausonius.

B

R. Baba Metsa.

Barthius.

Thom. Bartholinus Pa-
ter.

Basilus.

Bellonius.

Jo Petr. Bellorius.

Benjamin Tudelensis.

Beroaldus.

Biblia Sacra.

Boethius.

Boissardus.

Boxhornius.

Brodæus.

Bulen-

S Bulengerus.

C

Callimachus.

Calphurnius.

Capitolinus.

Cartesius.

Jo. Bapt. Casalius.

Casaubonus.

Cassiodorus.

Catullus.

Causinus.

Censorinus.

Charisius Grammaticus.

Valer. Chimentellus.

Petr. Chrysologus.

Chrysostomus.

Chytræus.

Ciacconius.

Cicero.

Claudianus.

Coldingus.

Columella.

Cointus Smyrnaeus.

Cornelius Nepos.

Gisb. Cuperus.

Curtius.

Cyprianus.

D

Dalecampius.

Dempsterus.

Diodorus Siculus.

Diomedes.

Donatus.

Bapt. Donius.

E

Ennius.

Epicetus.

Epigramm. Veter.

Græc.

Erhardus.

Eugraphus.

Euripides.

Eusebius.

Eustathius.

F

Felix Faber.

Petr. Faber.

Raphael Fabretus.

Octav. Falconierius.

Favonius Eulogius.

Oct. Ferrarius.

Festus.

Ful. Firmicus.

Fulgentius.

G

Fac. Gaffarellus.

Galenus.

Jo. Galvanus.

Gellius.

Gesnerus.

Glossæ veteres.

Damian. à Goes.

Goltzius.

Gonzales.

Gotho-

Gotthofredus.
Grevinus.
Gronovius.
Gruterus.
Gutherius.
Gyraldus.

H

Dionys. Halicarnassae-
us.
Heliodorus.
Heliodorus, inter Ve-
teres Chirurg. MS.
in Biblioth. Mc-
dic.

Heraclides.
Herodianus.
Herodotus.
Hesiodus.
Hesychius.
Hieronymus.
Hippocrates.
Homerus,
Horatius.
Horus Apollo.
Hyginus.

I

Jamblichus.
Iosephus.
Isidorus.
Isocrates.
Hadr. Junius.
Juvenalis.

K

Kincherus.
Kirchmannus.

L

Lactantius.
Dionys. Lambinus.
Lampridius.
Christoph. Landinus.
Langius.
Petr. Lasena.
Constant. L'Empereur.
Fortun. Licetus.
Lightfootus.
Livius.
Dionys. Longinus.
Lotichius.
Lucanus.
Lucianus.
Lucillius.
Lucretius.
Lucretius Gramin.
Lycophron.

M

Macrobius.
Hier. Magius.
Antonius Magliabe-
chius.
Manilius.
Mantuanus Poeta.
Manutius Paul. F.
Ammian. Marcellinus.
Marius Victorinus.

Mar-

Martialis.
Martianus Capella.
Maximus Tyrius.
Barthol. Mayerus.
Meibomius.
Mersennus.
Mercurialis.
Meursius.
Anton. Mizaldus.
Muretus.

N

Nannius.
Franciscus Nazarius.
Paul. Nolan.
Nonius Marcellus.
Nonnus.

O

Oppianus.
Oribasius.
Ovidius.

P

Palladius.
Palmerius.
Pancirollus.
Panvinus.
Papias.
Paschalius.
Passeratius.
Patritius.
Pausanias.
Petronius.
Philostratus.

Phædrus.
Pineda.
Pighius.
Pignorius.
Pindarus.
Plato.
Plautus.
Plinius.
Plutarchus.
Politianus.
Pollux.
Polybius.
Porphyrius.
Priscianus.
Propertius.
Prudentius.
Car. Anton. à Puteo.
Cassianus à Puteo.
Junius Philargyrus.

Q

Quintilianus.

R

Pascas. Ratbertus.
Rhodiginus.
Jo. Rhodius.
Rittershusius.
Rosinus.
Rubenius.
Rufus Ephesius.

S

Sallustius.
Salmasius.

Salvia-

Salvianus.

Alexand. Sardus.

Saxo Grammat.

Fortun. Scacchius.

Scaliger.

Schefferus.

Schegkiius.

Scholiasies Aristophanis.

Euripidis.

Horatii.

Juvenalis.

Pindari.

Gasp. Schottus.

Scultetus.

Sedulius.

Seneca.

Seneca Tragicus.

Servius.

Sextus Empiricus.

Sidonius Apollinar.

Silius Italicus.

Smetius.

Solinus.

Sophocles.

Sorani MS. in Bibliotheca Medicæa.

Ælius Spartianus.

Jac. Spon.

Statius.

Stephanus.

Stobæus.

Strabo.

Stuckius.

Suetonius.

Suidas.

Sylvius Advocatus.

T

Tacitus.

Theocritus.

Theophrastus.

Terentius.

Tertullianus.

Tibullus.

Tomasinus.

Torrentius.

Trebellius Pollio.

Turnebus.

Jo. Tzetzes.

V

Varro.

Valerius Flaccus.

Valerius Maximus.

Vegetius.

M. Velferus.

Polyd. Vergilius.

S. Aurel. Victor.

Petr. Victorius.

Vitruvius.

Virgilius.

Flav. Vopiscus.

Fulv. Ursinus.

X

Xenophon.

Xiphilinus.



CASP. BARTHOLINI
THOM. F.
DE
TIBIIS VETERUM
LIBER PRIMUS.

CAPUT I.

De Tibia ad quam Musices partem apud Veteres pertinebat.



NON alte repetam regulas omnes Veterum musicas, nec leges illas usitatas ex antiquis Musicorum Libris provocabo, id enim esset ex *Ledæ* ovo ordiri bellum Trojanum. Pauca de triplici Musicæ genere præmittam, quam

A

in

in pulsu, voce, & flatu constare putabant. Musicæ tria genera latè distinguit *Boëthius* de Music. lib. 1. c. 2. & primam quidem mundanam facit, secundam verò humanam, tertiam addit in quibusdam constitutam instrumentis, ut in citharâ vel in Tibiis, cæterisque quæ cantilenæ famulantur. Ultimam illam quam ad certa instrumenta restringit, partitur secundum diversitatem administrationis, quæ modo fit intentione, ut nervis, modo spiritu, ut Tibiis.

Mundanam illam Musicam agnovit etiam *Pythagoras*, ut testatur *Maximus Tyrius*, qui illam ex doctrina *Pythagoræ* admittit, sed diversam ab ea quam perficiunt instrumenta, nimirum quod cælum etiam circuitu suo modulationem edat, non autem pulsetur ut lyra, vel infletur, ut tibia. Secunda illa Musices species, quæ humana appellatur *Boëthio*, harmonica dicitur *Isidoro*, cujus pars est *ἁρμονική* apud *Gellium* Libr. 16. Capit. 18. quæ longitu-

gitudines & altitudines vocis metitur, & eâ Musici in fundamento artis suæ utuntur. De hac harmonica Musices parte post *Mersennum* Harmon. Instrum. lib. 2. & *Kircherum* Musurgiaæ Univers. lib. 6. p. 3. atque varios Auctores Musicos veteres, in quos erudita multa congeffit *Meibomius*, nolo latius evagari & post tot Homeros Iliada scribere, ne noctuas Athenas inferam.

Isidori tantum mentem audire libet de Musica hac triplici, quæ vel ore, vel manu, vel spiritu editur. Ita ille Orig. lib. 2. cap. 18. *Ad omnem autem sonum, qui materies cantilenarum est, triformem constat esse naturam. Prima est harmonica, quæ ex vocum cantibus constat. Secunda organica, quæ ex flatu. Tertia rhythmica, quæ impulsu digitorum numeros recipit. Nam aut voce editur sonus, sicut per fauces, aut flatu, sicut per tubam vel Tibiam; aut impulsu, sicut citharam: aut quodlibet aliud quod percutiendo sonorum est. Ab Isidoro non dissentit ipse Cicero, cum pro Ro-*

scio Comædo *cantum* nominat *vocum* & *nervorum* & *Tibiarum*; atque lib. 2. de Republ. non innuit aliud quàm triplicem hanc Musicam : *In fidibus ac Tibiis atque cantu ipso ac vocibus concentus est quidam tenendus ex diversis sonis.* Nec aliter interpretor *Ælium Spartianum* in Severo : *Deinde ex altissimi montis vertice, orbem terrarum Romamque despexit, concinentibus provinciis lyra, voce, vel Tibia.* Quæ tria etiam eleganter conjuncta video à *Philostrato* in *Aristocle* : Ἡ δὲ διὰς τῶν ὁπότες λυρῶν τε καὶ αὐλῶν καὶ ὀφωνίας εἰς πᾶσας εἰσηγάγετο ἐπὶ πᾶσι δέχεται : sic enim legendum præeunte magno *Salmasio*.

In organica tamen Musica adhuc strictior est *Cassiodorus*, qui lib. de Musica Instrumentorum musicorum genera tria proponit : *Percussionale, Tensibile, Inflatile.* Ille rhythmicam, quam statuit *Isidorus*, ita confundit cum organica, ut tria inde constituat : *Organorum*, inquit, aliud percutitur, aliud intenditur, aliud inflatur. Percutiuntur
aceta-

acetabula ænea, vel argentea, unde
κέρμα dicta. Tenduntur fides, quæ p'le-
 ctro percussæ mulcent aurium sensum.
 Instantur Tubæ, calami, organa, pan-
 duria, & cætera quæ spiritu agitata in
 sonum vocis animantur. Apud Pollu-
 cem lib. 4. cap. 1. tit 5. Αὐλοὶ καὶ σύριγγες
 inter ἰμπνεόμενα ὄργανα recensentur,
 quippe talis organorum fuit olim dif-
 ferentia, uti apud *Athenæum* Lib. 4.
 Deipnos. ὄργανα alia sunt ἐνθάπὶ, quæ
 tenduntur fidibus, alia ἰμπνέσθαι quæ
 instantur.

Aristoxenus apud *Athenæum* instru-
 menta quæ tenduntur iis præfert, quæ
 instantur, ideo quod hæc tractantur fa-
 cilis: multos enim absq; magistro fistu-
 la canere, ludereque tibia veluti pasto-
 res, unde Tibia canere quibusdam vile
 fuit, & *Arnobius* lib. 2. adv. Gent. cum
 omnia ad mundi perfectionem redire
 nec à finibus utilitatis abscedere dicat,
 nescit quid de Musicis, quid de Pantomi-
 mis, de cantoribus, tuba, tibia, calamoq;
 flatantibus dicat. Cum tamen *Lactan-*

6 CASP. BARTHOL. L. I.

tius de Fals. Sap. lib. 3. cap. 25. musicam cum Philosophia affinitatem habere contendat. Atque Ephori dictum quo musicam ad fraudem & deceptionem inter homines inductam probat, damnat *Polybius* lib. 4. & ex eo *Athenæus* lib. 14. Unde etiam inter Musicas artes alias Tibia emerfit, & apud *Corn. Nepotem* in Epaminondæ virtutibus commemorabatur, saltasse eum commodè, scienterque Tibijs cantasse. Et pretium artis inde elucet, quod *Ismenias* ille Tibicen, qui sibi suisque canere solitus erat, ut ait *Hieronymus*, vel, ut *Cicero*, sibi & Musis, Corinthi Tibias septem Talentis emerit, si credimus *Luciano*,

Aliter Romanæ Stoæ Princeps *Epist.* 90. *Sapientia*, inquit, *altius sedet, nec manus edocet, animorum magistra est. Vis scire quid illa eruerit quidve effecerit? Non indecoros corporis motus, nec varios per tubam ac Tibiam cantus, quibus exceptus spiritus aut in exitu aut in transitu formatur in vocem.*

cem. Sed hic nodus alibi vindice dignus erit. Nos properamus ad nostra *instituta* organa, quæ ab *Isidoro* recensentur lib. 2. cap. 21. *Tubæ, calami, fistulæ, organa, pandoria & iis similia instrumenta.* Maximum verò nobis argumentum præbebunt *Tibiæ Veterum*, ex quibus occasione sumpta, his affinia organa reliqua quæ flatu animantur, postea recensebimus, ut illorum & Tibiæ nostræ pareat differentia.

Tibias vero *Veterum* eò tractabimus uberius, quod *Meursius Filius*, qui per hoc argumentum brevibus lineis progressus est; minus Lectorum expectationi satisfecerit. Nam *Bulengerum* de Theatro, *Scaligerum* de Arte Poet. aliosque qui Tibias non nisi aliud agendo quasi ex occasione examinarunt, non rectè ad hanc lineam vocaveris. Eruditus quidem *Stephanus* in *Saxonis* lib. 6. in Commentario suo Tractatum de Tibiis promisit quem inter schedas certis de causis se asservare dixit, sed nimium in mora pericu-

lum dolemus, quod in medium nondum processerit. De Tibiis autem plurimos veterum scripsisse facile constat ex frequenti multorum mentione quæ passim occurrit apud *Athenæum* aliosque, quod suis locis videbitur; hic nonnullos ex *Athenæi* lib. 14. afferam, qui ubi de Magadi Tibia loquitur: *Aristarchus*, inquit, grammaticus tibiæ genus esse dicit, contra iudicium *Aristoxeni* in libris de Tibicinibus, ac in libris de Tibiis & musicis instrumentis: contra sententiam & *Archestrati* qui libros duos composuit de tibicinibus, & *Pyllidis Delii*, qui etiam de tibicinibus librum edidit, & *Euphranoris*. Et ex eodem *Athenæo* lib. 4. *Euphranor* de tibiis librum conscripsit & itidem *Archytas*.

CAPUT II.

Nominis Tibiæ origo & synonyma.

Tibia organum musicum *πρυμνὴ κινὴ*
 vel *ἑμπρυμνὴ*, à prima sua mate-
 ria denominationem traxit, si fides sit
Isidoro Origin. lib. 2. cap. 20. qui
 Tibias appellatas fuisse notat, quod
 primum de cervinis tibiis cruribusque
 hinnulorum fierent: deinde per abu-
 sum ita etiam vocatas eas, quæ non
 de cruribus ossibusque fierent. Aliam
 vocis originem ex veteribus Gloss. re-
 petit *Coldingus* in Etymolog. Lat. *Ti-
 biæ*, inquit, *proprie de instrumento mu-
 sico à Tybin, id est, Funcus, ut in-
 nuit Vetus Gloss. ex cujus generibus pri-
 mum fiebat.* Utrique denominationi
 non repugnabo, quia utramque illam
 Tibiarum materiam familiarem depre-
 hendo. Non tamen nescius sum ad
 alias res tractum Tibiarum Nomen.

Ut Tibiæ os quod pedi adaptatur apud *Macrobius* lib. 1. Somn. Scip. cap. 6. & apud *Isidorum* lib. 2. tibiæ humani corporis dicuntur quasi tubæ; sunt enim longitudine & specie similes. Sed ut illa præteream, quæ ubertim ex Anatomicorum & Medicorum monumentis hauriuntur, non me latet Tibiam pro plantæ nomine usurpari apud *Plutarchum* de Effluv. & Mont. Nominibus, si Latinæ *Turnebi* versionis fides habenda sit, ubi ita: *Nascitur in hoc fluvio [Marſya] herba Tibia nomine, quæ ad ventum agitata musicam edit harmoniam, teste Dercyllo lib. 1. Satyr.* Forsan ibi Tibia dicitur pro arundine tibiali ex qua Tibiæ compactæ sunt, de qua nos postea.

Imo Tibicen ipse, qui apud *Isidorum* dicitur quasi *Tibiarum cantor*, non ejusdem semper est significationis. In *Fragmentis Festi* Tibicines etiam hi appellantur, qui sacerdotes, viri religiosi publice sacra faciunt. Et alibi *Sextus Pomp.* aliam iis significationem tri-

C.II. DE TIBIIS VET. II

tribuit: quod *Tibicines* etiam in ædificiis dici existimentur à similitudine tibiis canentium, *qui ut canentes sustineant, ita illi ædificia.* Quo sensu commodè explico *Juvenalem* Sat. 3. v 194.

Nos urbem colimus tenui Tibicine fultam.

Sed Tibiam pro instrumento Musico exprimendo usurpant passim Auctores Latini. Id tamen noto apud Grammaticos Veteres modò mascula modò foeminina significatione nomen Tibiæ usurpatum, id quod innuit *Nonius Marcellus* de Propr. Serm. cap. 3. *Tibia gen. fem. Masc. Varro Modio: Quare meas lubidines ac Tibias bilinguos.* Non tamen semper ad unum hoc tibiæ nomen restringebantur, sed ut alia, quæ suo loco occurrunt, præteream, quia è loto arbore interdum facta est, lotos dicitur apud *Ovidium* de Tibia lib. 4. Fast.

.... Sed me sonus æris acuti

Terret, & horrendo lotos adunca sono.

Ita quæ ex buxo fuit Tibia, Buxum

nominarunt, non addita denominatione Tibiæ. Claudianus de Rapt. Proserp. v. 209.

Non buxus, non æra sonant . . .
Ovid. lib. 14. Metam.

. tinnitibus æra pulsi
Æris, & inflati complevit mur-
mure buxi.

Atque hæc appellatio Tibiæ ipsis familiaris, qui sacra Cybeles describunt. Valer. Flaccus lib. 1.

Obruit Ideam quantum Tuba mar-
tia Buxum.

Virgilius lib. 19. Æneid.

Tympana vos buxusque vocat Bere-
cynthia matris

Ideæ.

Buxus hic pro Tibia, quia aliis Berecynthia Tibia, inter quos Ovidius lib. 11. Metam.

. inflato Berecynthia Tibia
cornu.

De Buxo adhuc Statius lib. 9, Theb. v. 479.

. cum Bacchica mugit
Buxus Lu.

Lucretius in hunc locum Tibiam exponit.

Græcis αὐλὸς Tibia dicitur, cujus etymon nos optimè edocebit *Eustathius*, qui in *Iliad.* lib. 17. in hæc verba,

— Αὐλοὶ φόρμιγγες πεβολῶ ἔχον

notat, αὐλὸν dici ab αὖω, vel αῶ, id est clamo. Exinde varios artis terminos recenset *Pollux* Lib. 4. cap. 9. tit. 5. Ἀπὸ μὲν αὐλῶν, αὐλεῖν, ὑπαυλεῖν, καταυλεῖσθαι, παραυλεῖν, αὐλημα, ἑναυλον, ἑξαυλον, ἑξηυλημόνον. Aliquando Tibia ludentes à Græcis κυρίζειν dicebantur, anserum more clangere. Imo tam late in Tibiæ denominatione evagati sunt Græci, ut à *Suida* Tibæι φυσαλίδες vocentur, quod spiritu inflentur. Nam quare *Pratinas* τινυδῶνα tibiam dixit, non ignoro, & rationem dabo ubi de Nænia & usu Tibiæ in funere prolixius commentabor. Nec semper αὐλὸν de sola dici Tibia *Polluci* crediderim, apud quem lib. 5. cap. 3. etiam cuspidis pars prope hastile αὐλὸς dicitur.

Ad forum Hebræum nolo me devolvere, quippe apud quos Tibiæ nominis derivationem fulè persequitur *Struckius* de Sacrif. pag. 3. & Antiquit. Conviv. lib. 3. cap. 20.

CAPUT III.

De Inventoribus Tibiarum.

Tantus de Inventore Tibiarum & inventionis modo inter Autores dissensus, ut facilius inter horologia, quam illos conveniat. Nos aliis primam inventionem tribuemus & aliis artis perfectionem sensim cultiorem. Inventores plurimos nominat *Scaliger* de Art. Poët. lib. 1. cap. 19. & 20. Et de iis apud *Athenæum* passim Iliada reperies. Non in prima Musices incunabula diligentius inquiram, quandoquidem ex Mose notum *Genes. 4. v. 21.* illam ante diluvium fuisse, cum trinepos Adami Jubal cithara & Tibia cæcendi artem invenerit. Quod autem prius.

C. III. DE TIBIIS VET. 15

prius ore cecinerint quam organis , multis videri potest *Vossius* lib. de Nat. & Constit. Poët. & de præstantia Mufices antiquæ legi meretur *Jo. Bapt. Donius* libris tribus editis.

Quod ad Tibiarum attinet inventores , neutiquam illam laudem sibi Græciam vendicare posse contendit *Scaliger* Poët. lib. 1. cap. 19. sed frustra simul ac temere Græcam garrulitatem atque superbiam sibi inventionem arrogare , cum non solum *Σαχάρων* è Libya tibiis canendi primum autorem extitisse velit , sed etiam alios pro se adducat , qui in Phrygia primas tibia agnoscunt , uti Myſorum gentem , quæ tibiæ fuerit peritiſſima , & Alcmana Poëtam , qui tibicines barbaro nec alio nomine designarit. Caſui potius fortuito inventionem hanc adſcribit *Lucretius* lib. 5. calamos nempe à ventis agiratos prius ſibillum emiſſiſſe , ac poſtea in locis paludofis id à paſtoribus obſervatum dediſſe occaſionem inventioni ; Ita enim ille :

Ut

ferunt , ut *Plutarchus* lib. de Music. Apollinem omnis musicæ repertorem judicat , quæ tibia & fidibus constat. Nec defunt qui Ardalum Vulcani filium autorem opinantur, referente *Cæli Rhodigino* lib. 27. cap. 16. Idem *Lecl. Ant.* lib. 7. cap. 4. Euterpen inventricem judicat. Juxta *Pollucem* lib. 4. Marsyas & Olympus invenerunt Tibiam , sed Sirites expolivit. *Strabo* in inventione addit Silenum , *Geogr.* lib. 10. Σειλῶν καὶ Μαρσύαν καὶ Ὀλύμπου σωάρχῃς εἰς ἐν καὶ Ὀρητὰς αὐλῶν ἰσορῆνῃς.

Solius Marsyæ meminit *Hyginus*: *Quas tibia*, inquit, *Marsyas* *Oeagri* filius unus ex satyris invenit , quibus assidue commelando sonum suaviorem indies faciebat. De Marsya hoc discrimen addit *Suidas* , quod illum Tibias ex calamis & ære primum confecisse dicat. Sed ut de Marsya , quem autorem Tibiæ clamitant , quid rei sit aperiamus. Ille quidem Tibias reperit, sed à Minerva ante inventas & abjectas , quam solam nos veram illarum ju-

18 CASP. BARTHOL. L.I.
judicamus inventricem. Hoc sensu fa-
cile erit *Claudianum* explicare lib. 2.
in Eutrop.

*Hic cecidit Lybicus jactata paludibus
olim*

*Tibia, fœdatam cum reddidit umbra
Minervam.*

Et Propertium lib. 2. - El. 23 :

*Hic locus est in quo Tibia docta sonos:
Quæ non jure vado Mæandri jacta
natasti*

*Turpia quum faceret Palladis ora
tumor,*

Eleganter idem persequitur Ovidius
Fastor. lib. 6. de Minerva :

*Prima terebrato per rara foramina buxo
Ut daret effeci tibia longa sonos.
Vox placuit, faciem liquidis referenti-
bus undis :*

*Vidi & virgineas intumuisse genas.
Ars mihi non tanti est, valeas mea
tibia dixi,*

*Excipit abjectam cespite ripa suo.
Inventam Satyrus primum miratur
& usum*

Ne-

Nescit, & afflatam sensit habere sonum.

Nimirum excogitavit prima Pallas Tibiarum usum, sed cum oris deformitatem inflatasque in palude vidisset buccas, offensa Tibias abjecit in flumen, quas deinde Marsyas reperit. Sic enim *Fulgentius* lib. 3: Mythol. totam persequitur historiam. Id etiam voluit *Eustathius* in Iliad. 6. qui inventum quidem Palladis esse Tibiam concedit ex *Philostrato*; sed propter deformitatem oris ex inflatis tibiis, illas abieciisse Idem fecisse Alcibiadem credimus *Plutarcho* in Alcib. *Gellio* lib. 9. cap. 17. & *Hygino* Fab. 165. A Minerva tamen, non tantum ob oris deformitatem, abiectas Tibias, sed quod ad cognitionem animi & scientiæ, quæ Minervæ attributa est, nihil facerent, conjectura est *Aristotelis* lib. 8. Polit. cap. 6.

Minerva igitur passim pro inventrice prima Tibiarum habetur, & sic salutatur in Epigrammate Veteri Græco lib. 1.

lib. I. cap. II. Atque de eadem *Diodorus Siculus*: Εὐρεῖν δὲ καὶ τὴν τῶν αὐλῶν κα-
τασκευὴν καὶ τὴν διὰ τέτων συντελεσθῆναι με-
σικῶ. *Quæ & Tibias primum fabrica-
vit, & Musicam, quæ inspiratione
harum perficitur.* Nec quæ huic inven-
tioni occasio fuerit ignoro. Scilicet
quum Perseus Medusæ caput ope Pal-
ladis abscidisset, sorores ejus Steno &
Euryalis ipsam lugebant. Ex capite
lugentium, quod serpentibus erat
opertum, sibili erumpebant speciem
lugentium exprimentes, quod Pallas
animadvertens excogitavit ut eundem
sonum Tibiis redderet. Omnia fusè à
Pindaro decantantur *Pythior. Od. 12.*
ubi artem tibiam inflandi, dicit τέχνῃ

————— πάν ποτε
Παλλὰς ἰφῶρε θερσείαν Γοργόνων

Οὐλίον ἥλῳον ἀπλῆξας Ἀθάνα. i. c.

*Quam olim Minerva vibratix hastæ
excogitavit, audacium Gorgonum ge-
mitum perniciosum contexens, Et
mox:*

— — Παρθένῳ αὐ-
 λᾶν τοῦ χεν πάμφωνον μέλῳ.
 ὄφρα τῆς Εὐρυάλας
 ἐκ καρπαλιμαῖν γλῶσσων
 χειροφθέντ᾽ αὐτῇ ἐνέσι. μι-
 μήσουτ' ἐκκλάγῃ ταν γόν. i. e.

*Virgo (Pallas) tiliarum fabricata est
 omnisonum melos , ut Euryalæ ex ra-
 pacibus genis profusum luctum imitare-
 tur cum organis. Atque illuc eleganter
 alludentem reperio Nonnum Dionys.
 lib. 24.*

Μὴ δόνακας φλέξοιαις ὅθεν σέο γείτονες αὐλοὶ.
 Μὴ ποτέ σοι μέμψαιτο τέη· φιλόμογλῳ Ἄ-
 θλῶν,

Ἢ ποτε Γοργείων βλοσηθὲν μίμημα καρλίῳν ,
 Φεγχομῶν, Δίδωυ δῶρεν ὁμοζυγέων τύπον
 αὐλῶν. i. e.

*Ne calamos comburas , unde tuæ
 vicinæ Tibiæ,*

*Ne olim te reprehendat tua cantus
 amans Minerva.*

*Quæ olim Gorgonei terribile simu-
 lachrum capitis*

*Dicti, libycum inuenit conjunctarum
 figuram tiliarum. Cœ-*

Cæterum quemadmodum plurimæ erant species , quæ postea suo loco occurrent , & alius aliam reperit, ita unicuique sua inventionis laus debetur. Sic *Plinius* lib.7. capite 56. testis est *Marsyam* geminas *Tibias*, & *Midam* in *Phrygia* obliquam invenisse. Alii à *Pane* plagiaulon seu curvam tibiam repertam ajunt , à *Minerva* rectam. Apud *Athenæum* lib. 4. fistulæ , cui unicus & simplex calamus est, inventor *Mercurius* dicitur ; ejus verò, quæ multis est compacta calamis, *Silenus* : illius denique quæ cera glutinatur , *Marsyas*. Cæterum ab aliis *Pani* tribuitur calamus. *Virgil.* *Ecl.* 8.

Panaque qui primus calamos non passus inertes.

Propertius lib. 8. *Eleg.* 2.

Et Calami, Pan Tegeæe, tui.

Præterea quoniam omnibus hæc communis artibus fors, quod ex obscuris exilibusque initiis in melius quotidie crescant, non mirum est si qui rudem & indoctam hujus artis infantiam paulatim
ad

ad perfectionem majorem deduxerint, & aliquid inventis addiderint, si, inquam, illi etiam aliquid sibi deberi velint & inventores audiri. Ita elegantissime de Hyagni *Apulejus Floridor.* lib. 1. *Hyagnis fuit, ut fando accepimus, Marsyæ tibicinis pater & magister, rudibus adhuc Musicæ seculis, solus ante alios cantus canere nondum quidem tam flexanimo sono nec tam pluriformi modo, nec tam multiforati tibia; quippe adhuc ars ista repertu nova commodum oriebatur. Prorsus igitur ante Hyagnim nihil aliud plerique callebant, quam Virgilianus opilio seu bubsequa*

Stridenti miserum stipula disperdere carmen.

Quod si quis videbatur paulo largius in arte promovisse, ei quoque tamen mos fuit una tibia velut una tuba personare. Primus Hyagnis in canendo manus discipulinarum: primus duas tibias uno spiritu animavit: primus lævis & dextris foraminibus, acuto tinnitu, gravi

vi bombo concentum musicum miscuit.
 De Pronomo Thebano , qui primus tibiae invenit , quæ ad omnimodam modulationem versarentur , idem refert *Pausanias* in Bœoticis. Quippe ante illum cum tibicen à Phrygio transire vellet ad Lydium , aut à Lydio ad Dorium , tibiae mutare opus fuit , iis sumptis , quæ unicuique modorum accommodatæ fuere , quod pluribus monet ibidem *Pausanias* , & *Athenæus* lib. 4. De his plura vide apud *Salmasium* Plin. Exerc. p. 119. Cum Tibiis canere voce Trœzenius Dardanus instituit , referente *Plinio* lib. 7. cap. 56. Et secundum *Plutarchum* lib. de Mus. Lasus Hermioneus rhythmos transferens ad dithyrambicam institutionem , & varios adjungens Tibiarum sonos , magnam in Musica induxit mutationem.

CAPUT IV.

De Materia Tibiarum.

Hodieque nonnulli illud instrumentum ad usum revocant, sed ex ligno tantum. At jam olim ex auro, aurichalco, cervorum, asinorumque cruribus parabatur, ut legitur apud *Philostratum* lib. 5. de Vit. Apoll. quærente Apollonio à Tibicine, an à materia ex qua Tibia compacta est, sonum habeat: *An igitur præterea cani efficit hæc tibia, quod ex auro, aurichalco, aut cervorum, aut asinorum cruribus compacta sit?* Plures ad tibiam materias addit *Ful. Pollux* lib. 4. cap. 9. tit. 6. Ἡ δὲ ὕλη τῶν αὐλῶν, καὶ λαμβάνεται, ἢ χαλκός, ἢ λωτός, ἢ πύξος, ἢ κέρας, ἢ ὄστρον, ἢ ἰλάφης, ἢ δάφνης, ἢ χαμαιζήλης κλάδος, πλεονεκτήριον ἀφρημερής. Primo loco nominat καλαμὸν velut antiquissimam Tibiarum materiam, quod etiam faciles concedimus ex plurimis veterum edo-

cti, apud quos hanc materiam frequentem observamus. In Orchumenii lacus harundinetis calamus nascitur tibiis utilissimus auleticus ideo dictus referente *Plinio Natural. Hist. lib. 16. cap. 36. Calamus alius totus concavus, quem syringiam vocant, utilissimus fistulis, quoniam nihil est ei cartilaginis aut carnis. Orchumenius est continuo foramine pervius, quem auleticum vocant: hic tibiis utilior, fistulis ille. Ante Plinium Theophrastus postquam de calami hujus Tibialis generatione tradidit, formam ejus describit, in universum differre ab aliis harundinibus asserens* Τῇ ἀτεροφίᾳ τῆς φύσεως, ἀπλῆστερον γὰρ εἶναι καὶ ἀσαρκύτερον. Hujus calami duo genera, ζευγίτης, & βομβυκίας. Ex ejus uno internodio binæ Tibiæ, dextræ & sinistræ formabantur, unum quippe internodium in duas partes æqualiter cæsum duas Tibias subministravit æquales, de quibus vide *Theophrastum*. Calamus autem ille ζευγίτης ex quo hæc Tibiarum paria facta, ut aptus esse pos-

posset ~~et~~ *ζυγισίας* crassior esse debuit inundatione lacus per biennium manente, quemadmodum ex *Plinio* ad *Solinum* notat *Salmasius*. Sin autem aqua minoris temporis spatio mansisset, calamus inde minus grandescibat, minusque propterea idoneus existeret paribus faciendis. Ex eo calamo igitur factitari solitæ bombyces tibiæ, longissimæ, ad inflandum difficiles. *Plinius* lib. 16. cap. 36. de lacus Orchomenii aquaticis calamis: *Tertia harundo est tibialis calami, quem auleticon dicebant: nono hic anno nascebatur. Cum igitur anno permansit inundatio, proficiunt in aucupatoriam quoque amplitudinem, vocabantur Zeugitæ: contra Bombyciæ maturius reciproco, graciles: fæminarum latiore folio atque candidiore; modica lanugine, aut omnino nulla, spadonum nomine insignibus: hinc erant armamenta ad inclusos cantus: nam silendo & reliquo curæ miraculo, ut venia sit, argento jam potius cani.* De eodem Orchomenio

lacu calamum Tibiis administrante
Strabo lib. 9. hic per interpretem :
Ferunt etiam apud Orchomenium ter-
ram biatu diductam recepisse Mela-
nem fluvium , qui per agrum Haliar-
cium fluens , paludem ibi facit , quæ
calamum tibiis aptum ibi producit. Et
alibi : Sita fuit in arcto loco , inter
montem imminensem & Copaidem pa-
ludem , prope Permessum , Olmium
& Cacum , qui tibiis aptum calamum
edit. In Cephesidis fluvii luco prope
Orchomenium calamos pro tibiis cre-
scere innuit Pindarus Pythiorum O-
de 12. ubi de sono Tibiæ :

λεπτὴ Δανισόρμον
 χαλκῇ δ' ἄμφω καὶ δοιάκων,
 τοὶ παρὰ καλλιχόρῳ,
 πᾶσι πόλιν χαίρων,
 Κεφησίδ' ἐν πεδίῳ.

Tenue transeuntem per æs , pariter &
calamos , qui exstant apud urbem Cha-
ritum , pulchro in loco fundatam Ce-
pbesidis in luco. Huc alludit Apuleius,
cum arundinem , quæ Psychen allo-
 qui-

quitur, Musicæ nutriculam appellat, Metam. lib. 6. *Sed inde de fluvio Musicæ suavis nutricula, leni crepitu dulcis auræ divinitus inspirata, sic vaticinatur arundo viridis.* Quippe ex arundine factam tibiam ostendit *Eustathius* Iliad. lib. 7. *παλαιὸν δ' ὁ αὐλὸς καὶ πολυειδὴς, καὶ ὡς ἐπὶ πολὺ χαλαμίνης· παρὰ γὰρ Ἀλεξάνδρου ἐστὶν ἡ μόνουλα καλαμῶ, ὅς τις δὲ φασὶν ἔρρημα.* *Olim tibia multiformis, & ut plurimum arundinea.* Apud Alexandrinos erat calamus monaulos, Osiridis inventum. Ubi videmus illum hanc Tibiis materiam communissimam assignare. Unde passim apud Græcos calamus pro Tibia usurpatur. *Pindarus, σὺν χαλάμοιο δ' βοῶ δέχονται, cum tibiæ cantu excipiuntur.* *Coint. Smyrnæus Derelict. lib. 6.*

Ἄυλοί τε, λιγυραῖσιν ἀρηγάμφοι χαλάμοισιν.

Tibiæque stridulis compactæ calamis.

Theocritus Idyll. 6.

— τὸ γάρ ποτε ἐκτίσω σύειχα

ἐκ ἀρχαῖ πει χαλάμας αὐλὸν πομπῶσδε ἔχοντα.

... *An unquam fistulam possedisti?*

Non satis est tibi culmo, quæ tua tibia est, sibilare.

Græci aliquid interesse volunt inter δόνακας & κλάμους, ut λεπτότατος, id est tenuissimus sit ὁ δόναξ, ὁ δὲ ὁ κλάμος ὁ κάλαμος, calamus verò confertus & densus. δόναξ μὲν συνειληφὲς χρήσιμος, κάλαμος ὁ ἀνληταῖς, ait *Eustathius* Iliados 6 Ad rem nostram eleganter *Theocritus* Idyl. 20.

—— καὶν σύειχι μελίῳδω,

Καὶν ἀνλῶ λελέω, καὶν δόνακι, καὶν πλαχιάλῃ.

... *Et si fistula canam*

Aut tibia, aut calamo, aut tibia curva.

Ubi aliquid inter hæc omnia admittit discriminis.

Apud Latinos nihil vulgatius, quam sola calami denominatione tibiam significare. *Calphurnius* Eclog. 8.

Incipe si quid habes gracili sub arundine carmen

Compositum. Nam te calamos inflare labello

Pan docuit

Pro-

Propert. lib. 2. Ecl. 25.

*Tu canis umbrosi subter pineta Galeſi
Thyrſin & attritis Daphnini arun-
dinibus.*

Denique ipſe Maro Eclog. 6.

*... Hos tibi dant calamos, en accipe,
Mufæ,*

*Aſcræo quos ante ſeni, quibus ille
ſolebat*

*Cantando rigidos deducere montibus
ornos.*

Calamus, definiente *Iſidoro*, proprium nomen eſt arboris, *Orig. lib. 2. cap. 20. Calamus, nomen eſt arboris proprium, à calendo id eſt fundenda voces vocatum.* Apud *Plinium* arundinibus tribuitur, de quibus etiam ex eodem *Natur. hiſt. lib. 16. cap. 36.* notandum tempus quo cædi ſolebant, quæ tibiis deſtinabantur, nimirum tempeſtivè ſub *Arcturo*, uſque ad *Antigenidem Tibicinem*, cum adhuc ſimplici muſica uterentur. Atque ſic præparatæ aliquot poſt annos utiles eſſe incipiebant, tunc quoque multa

B 4. doman-

domandæ exercitatione, ut ait *Plinius*,
 & *canere ipsæ tibiæ docendæ*, *compri-*
mentibus se lingulis, quod erat illis
theatrorum moribus utilius. Postquam
 verò *varietas accessit* & *cantus quoque*
luxuria, cædi ante solstitia cœptæ.
 Addit ibidem *Plinius*, olim ex sua
 quanque tantum harundine congruere
 persuasum fuisse: & eam quæ radi-
 cem antecesserat, lævi tibiæ conveni-
 re: quæ cacumen dextræ. Apud Do-
 res Italicos καλάμιν & αὐλὸς tibia ex
 calamis, πύειν & tityrinus dicebatur,
 si credimus *Athenæo* lib. 4.

Et sane posteriori tempore, floren-
 te luxu Musicæ & Tibia ex auro, ar-
 gento, ebore &c. apud alios vigente,
 calamos pastoribus relictos credibile
 est, qui ad illos carminibus passim
 certavere. *Calphurnius* Eclog. 8.

Viximus & versus calamis canta-
vimus olim.

Virgilius Eclog. 5.

.... *Boni quoniam convenimus am-*
bo,

C. 4. DE TIBIIS VET. 33
*Tu calamos inflare leves , ego dicere
versus.*

Et Eclog. 6.

*Agrestem tenui meditabor arundine
musam.*

At rudi adhuc musicæ seculo non mi-
rum est si Pastores etiam è culmo &
stipula sibi Tibias paraverint Unde
de Virgiliano opilione,

*Stridenti miserum , stipula disperdere
carmen.*

Calphurnius Eclog. 1.

*... Teretique sonum modulemur
avena.*

Et Eclog. 3.

*Vox & carmen inops , & acerbæ
stridor avenæ.*

Catullus lib. 3. Eclog. 4.

Sed perlucenti cantus meditabor avena.

Tibullus lib. 3. Ecl. 1.

*Et satur arenti primum est modula-
tus avena*

Carmen.

Denique Maro ipse Eclog. 10.

*Carmina Pastoris Siculi modulabor
avena.*

Avena autem, inquit Servius, Culmo, stipula : unde rustici cantare consueverunt,

Alii cicutam elegerunt, de qua Virgilius Ecl. 5.

Hac nos te fragili donabimus ante cicutâ.

Præter has tibiæ materias alias frequentes apud Antiquos reperio. Ex auro & orichalco meminit *Philostratus* lib. 1. de Vit. Apollon. *Αὐλὸς τὸ φιλόπλου ἐνθείοτερον ἐργάζεται, ὃ δὲ χρυσῷ καὶ ὀρεικέλλῳ συγκείσθαι.* *Tibia eum qui libenter sacris operatur facit divinior, non quod ex auro aut orichalco fiat.*

Ex argento Tibias apud *Plinium* reperio lib. 16. c. 36. Quod ex ære fuerint patebit ex sacris Berecynthiæ, ubi de illis dicemus. Eburna Tibia apud *Propertium* lib. 4. Ecl. 6.

Spargite me lymphis carmenque recitibus oris

Tibia Mygdoniis libet eburna Cadis.

Ab *Eustathio* Phoenicibus tribuuntur.

tur ἰλεφάνηνοι αὐλοὶ, eburneæ tibiæ, & illas primum à Phœnicibus pertusas fuisse, testem etiam habeo *Athenæum* lib. 4. De eburneis *Magius* lib. 1. Miscell. cap. 13. quo sensu etiam interpretor illud *Virgilii* Georg. 2.

*Inflavit cum pinguis ebur Tyrrhenus
ad aras.*

Pro tibicine qui in sacrificiis eburnam Tibiam inflavit. Aliàs sacrificas Tuscorum tibiae è buxo tradit *Plinius*. Et hoc tibiæ genus apud alios etiam aucthores frequens observo. *Statius* Thebaid. lib. 8. vers. 221.

... *Gemina æra sonant, Idæaque
terga,*

*Et moderata sonum vario spiramine
buxus.*

Et lib. 4. v. 94.

... *Cum sacra vocant, Idæaque suadet
Buxus*

Scilicet Buxum pro tibia dicunt, quæ in sacris sonabat.

Valer. Flaccus Argonaut. lib. 2.

... *Sacris hinc ignibus Ida*

B. 6.

Vibrat

36. CASP. BARTHOL. I. I.

*Vibrat , & horrifonæ respondent
Gargara buxo.*

Sidon. Apollin. Carm. 19. v. 202.

*Non hic Dindyma , nec crepante buxo
Curetas Berecynthiam sonantes.*

Statius lib. 2. Theb. v. 663.

*.... Celænea committere prælia
buxo*

Idem Achilleid. lib. 2.

..... Ismenia buxus

Signa dedit.

De tibia hæc omnia intelligi debere,
persuadet Seneca qui in Agamemn.

Multifora buxo Tibia.

Et ipse *Virgilius* in Matris Deum sacris
buxum pro tibia agnoscit, *Æn.*
lib. 9.

*Tympana vos Buxusque vocat Bere-
cynthia Matris*

Idææ

Atque idem *Athenæus* libro 4. Etiam
in sacris Bacchi buxum receptam lo-
quitur *Statius* , & *Lucretius* exponit
Tibiam ad versum 480. libro 9.
Thebaid.

Ex

c. 4. DE TIBIIS VET. 37

Ex ramo *δρόφνης χαμαισίνης*, *lauri humi serpentis*, cui medulla exempta, tibiaam factam memorat *Pollux* lib. 4. Et ea *Afros Nomades* cecinisse in *Equorum pascuis*, autor est *Scaliger Poët.* lib. 1. cap. 4.

Ex loto ludicras Tibias recenset *Plinius* lib. 16. cap. 36. Et idem confirmat lib. 13. cap. 17. ubi de loto arbore: *Ligno colos niger*, ad *Tibiarum cantum* expetitur. Eandem Tibiarum materiam agnoscit *Festus*: *Lotos*, arboris genus, ex cuius materia frequenter tibiæ fiebant. Et dictæ ille Tibiæ *φώλεις* & *φώλινια*, si credimus *Eustathio*, qui eas ab *Alexandrinis* factas memorat è ligno *Libyco*, cui loto nomen.

De Tibia ex *Sambuca* ligno differentem habeo *Isidorum* lib. 2. cap. 20. *Sambuca in musicis species est symphoniarum.* Est enim genus ligni fragilis, unde & tibiæ componuntur.

Denique ex cornu Tibias fuisse, confirmant *Ceraulæ*, qui dicebantur *Tibicines*, ita enim apud *Apuleium* lib. 1.

lib. 1. Flor. legendum : *monumentarii
ceraulæ*. Et apud Orosium lib. 6. de
Nerone : *ceraulas, citharistas, tragæ-
dos, & aurigas sæpe sibi superasse visus
est*. Cornua pro tiliarum materia ha-
bentur à Nonno Dionys. lib. 3.

— θυσώπες ἔβρεμον αὐτοὶ.

Ἄζυγες, ἃς κρογίη κεραυζόσθ' ὄρατο τέχνη

... *Tbyasum olentes fremebant Ti-
biae*

*Non iuvetæ, quas antiqua cornua
expoliens invenit ars.*

In aliis tamen cornu non totam ti-
biam constituebat, sed tantum par-
tem, de qua capite sequenti.

Agmen claudent ossæ Tibiæ, quam
materiam familiarem observo. Et qui-
dem ossa illa varia. E tibiis gruum fue-
re, autore *Plinio* lib. 16. cap. 37.
Ex cervinis ossibus factam tibia re-
fert *Barthius* Adv. lib. 33. cap. 21. Et
sic etiam *Aristophanes* citatus à *Suida*.
in voce ὀσίν. *Eustathio* teste Thebani
Ægyptii ex hinnulorum ossibus tibia
fecerunt, qui etiam reliquos Græcos
do-

c. 4. DE TIBIIS VET. 39
docuerunt perhibente *Athenæo* lib. 14.
In Græcis Epigramm. lib. 4. cap. 26.
num. 13.

Νεβρείων ὅποσον σάλπιγξ ὑπερέκειν
ἀνλῶν.

Osseas quantum Tuba superat Tibias.

Et huc alluisse credo *Aristophanem* in
Acharnens.

Τοῖς ὅσιν οἱς φυσᾷτε τὸν ἀέχθιν κυνός.

Osseis tibiis inspire podicem canis.

Ad rem admodum *Callimachus* perforari ossa hinnulorum dicit in Hymno
Dianæ :

Οὐ γὰρ πω νέβρεια δι' ὅστ' αὖ περ ῥιόνθ,

Ἐρῶνι Ἀθλῶαίαις ἐλάφῃ κακόν. i. e.

*Nondum hinnulorum ossa perforata
erant*

*Opus Minervæ ex quo Cervis per-
nities.*

Ubi Minervæ hoc opus tribuit, cui
etiam tibiæ inventio debetur, ut alibi
docuimus. Miror autem quod su-
perstitioni forsan affine, quod non
omnia hinnulorum ossa tibiis convenire
pu-

putaverint, nam eorum, qui cacto spina confixi erant, ossa tibiis inutilia judicata sunt. Quod ex *Hesychio* capio: κακτὸς ἄκανθα, ὑφ' ἧς ἐὰν πλήρη νεβρός, ἄχρεια ἔχῃ τὰ ὅσα εἰς αὐλὴς. i. e.

Caetus spina, qua hinnulus confixus, ejus ossa utilia tibiis non sunt. Et Philetas:

Καρύσαις δὲ νεβροῖς ἀπὸ ψυχρῶ ὀλέσασα

Ὀρείης κἀκτῆς, τύμμε φὺλαξάμενα. i. e.

Hinnulus mortuus qui acuta cacto confixus non fuerit, sonitum in tibia edat.

Nonnunquam tamen cervinis his Tibiis praelatæ illæ quæ ex Asininis ossibus factæ sunt, quales ludicras fuisse asserit *Plinius* lib. 16. cap. 36. Probatas has magis quam cervinas inquit *Plutarchus* in Symposio: αἰετῶμοι τὰ νέβρεια, χρώμοι τῆς ὀνείας. i. e. *abjectis hinnulorum tibiis, usi sunt asininis.* Causam ipse addit, quia scilicet οἷον λεπτότατον, καὶ μουσικώτατον ὅσῃον παρέχειται, *asinus tenuissimum & maxime sonorum os præbet.* Et hoc est, quod ipse ibidem miratur, asinum animal stolidissimum & à Musica alienissimum.

c. 4. DE TIBIIS VET. 41
mum, ossa tenuissima & maxime sonora suppeditare.

C A P U T V.

*Tibiarum Forma, earumque
Partes.*

Fortunatus Schaccius Myrothec. 3.
cap 57. Tibiam describit quæ
Italicè *pifiro* dicitur, hispanicè *meestril*, & phrygiam tibiam apud Græcos fuisse suspicatur ex vi ipsius vocabuli Hebraici. Nam Hebraicè instrumentum hoc à pluralitate foraminum appellatur: quia præter foramina septena, quæ digitis ad vocem elevandam, gravandam, aut acuendam aperiuntur vel clauduntur, medium illius singulari quodam cortice, vel ligneo, vel ex aliqua alia materia minutissimis foraminibus perforato circumdatur: ut vox gravior, ex foramine quodam majori sub illo cortice clauso

42 CASP. BARTHOL. l. i.
clauso resonet ; dum tactu cujusdam
ligulæ metallicæ extendentis se usque
ad manus illius, qui tibia canit, ape-
riatur : Et quò manus pulsantis pertin-
gere nequit, ligula accedat, ac rece-
dat : aperiatur vel claudat foramen, &
vox gravetur, vel eleuetur, ut vide-
re licet in hac figura quam adumbra-
vit *Schacchius* ; Ad alias Tibiarum
formas nos digrediemur. *Plagiaulos*
fuit diversa à Tibia Phrygia, quæ ta-
men & ipsa curva seu obliqua. Græ-
cè *ἑλὺμ* dicebatur, ut *Pollux*, qui
refert tam *plagiaulo* quam *elymo* ad-
ditum *κέρας ἀγανθῶν*. Inde est, quod
cornu appellant Poëtæ cum de Phry-
gia Tibia loquuntur. *Ovidius* *Metam.*
lib. 3.

— Pentheus ait: *Ærane tantum*
Ære repulsa valent, & adunco
Tibia cornu.

Idem Pont. lib. i. Ep. i.

Ante Deum Matrem cornu Tibi-
cen adunco.

Cum canit.

Ideo-



44 CASP. BARTHOL. l. i.
Ideoque expresse *Tibullus* Tibiæ cur-
væ phrygium sonum adaptat lib. 3.
El. 1.

... *Sed turba jocosæ*
Obstrepiet & Phrygio tibia curva sono.
Et apud *Virgilium* *Æn.* 11. curva illa
tibia occurrit :

Aut ubi curva choros induxit Tibia
Bacchi.

Phrygium cornum hanc tibiam vocat
Varro apud *Nonium* hoc versu :

Phrygius per ossa cornus liquida ca-
nit anima.

Pro *Phrygium cornu*, sic *Lucano*: cor-
nus sinister. Tibiæ hoc cornu inflexum
dicitur *Ovidio* *Fast.* lib. 4.

Protinus inflexo Berecynthia tibia
cornu

Flabit; & Idææ festa parentis erunt.
In quem *Car. Neapolis* *Antipyxes* dex-
træ & sinistræ tibiæ tale schema exhi-
bet,

Quia in *Phrygia* *codon* solùm è cor-
nu annexum, reliquum buxeum aut
osseum erat teste *Polluce* : idque in
har-



harmonia *Phrygia* tantum erat in sinistra tibia, non in dextra, quæ recta erat, referente *Hesychio*. Ad hoc eleganter alludit *Nonnus* *Dionys.* lib. 8.

Καὶ νόμιον κερῶν τ' ἀμειβομένη κλύπον
αὐλᾷ.

Et pastoralis cornutæ respondens Tibiæ.

Nonnunquam Vituli hoc cornu fuisse, quod in fine adiectum est Tibiæ, observo in *Græcis Epigrammat.* lib. 6. cap. 5. num. 1.

———— βαρυφθόγων τ' ἀλαλητὸν

Αὐλᾷ, ἧς μέγχε λοξὸν ἔκαμψε κέρας.


.. *Graviter sonantium strepitum*

Tibiarum, quas vituli curvum incurvavit cornu.

Certe *Tibia Phrygia* *Tubæ Tyrrenicæ* quantum ad formam similis apud *Eustathium*, τὸν κῶδωνα κεκλασμένον ἔχουσα. Et de hoc cornu quod *Tibiarum* pars est videatur *Parens* meus venerandus in *Observationibus de Unicornu*. De hoc ipso accipio *Athenæum* lib. 15. ubi de *Phrygio* rhythmō:

τὸ

Τὸ κέρας αὐτῆς περιστρέφεται, διάλογον τῆ τῶν
σαλπίγγων κώδωνι. Κώδων propriè esse
volunt cymbalum, vel parvam potius
ex ære nolan. Hinc & Tubarum orifi-
cia, qua spiritus emittitur, quod eam
referant formam, sensimque sese in
exitu dilatantia repandis per ambitum
labris aperiuntur, κώδωνες etiam appel-
lati. κεκλωσμένον κώδωνα vocat *Eusta-
thius*, quod labra in ambitu repanda,
& replicata haberet: Et hujusmodi
κώδωνες ex cornu facti tibiis Phry-
giis addebantur. Hoc apparet in Ti-
biis illis implexis quas in antiquis
monumentis videmus, ubi sacra Deum
Matris insculpta habentur. Ita apud
Gruterum Inscript. p. 27. citatur ara
marmorea, quæ exstat Romæ in
atrio domus Cardinalis Cæsii, & in
cujus latere sinistro eleganter insculptæ
visuntur tibiæ implexæ, de quibus
modo diximus una cum fistula; quas ex
Boissardo sequenti paginâ exhibeo,
Ad hoc alludit Epigramma vetus lib. 3.
De Cybele



Ἡ λώτῳ κερμένῃ φερυμῆι.

Quæ ferebatur ad lotum, id est tibiā cornu instructā.

Sed cornua illa, quæ tibiis adaptata memoravimus ad sonus gravitatem faciebant, si credimus *Athenæo*; de Phrygio rhythmo. Judice *Aristotele* de iis quæ sub auditum cadunt, cornua ad clariorem sonum faciunt: *Nam ut æramenta & cornua resonando instrumentorum sonos reddunt clariores.*

Tyrrhenæ tibiæ formam describit *Pollux* quam inversæ syringi similem dicit lib. 4. cap. 9. tit. 5. ibidemque ait *Platonem* etiam tibiā multis chordis præditam nominare αὐλὸν πολυχρῆδον. Et simile apud *Juvenalem* Sat. 3. vers. 63.

Fam pridem Syrus in Tiberim de-
fluxit Orontes,

Et linguam & mores & cum tibi-
cine chordas

Obliquas, nec non gentilia tympana
secum

Vexit.....

Vetus *Scholiastes* chordas obliquas interpretatur, rusticos tibicines, qui in obliquum tangent. Alii significari putant, non solum tibiae sed etiam citharas à Barbaris introductas. Controversiam de tibia cum chordis dirimet Magadis tibia, de qua proximo agemus Capite.

De geminis Tibiis quas simul inflabant nihil dicam quia de iis postea. Illud hic adducam me in antiquis monumentis observasse peculiare genus Tibiæ ex duabus compositum, sed cujus unica tantum parserat quæ ori admovebatur, in medio in duas alias fissa binos voci exitus dedit, ut expressè talis sit quæ apud Poëtam

— *Biforem dat tibia cantum.*

Illam eandem intelligit Statius Thebaid. lib. 4. de Orgiis Bacchi:

*Aeraque, tympanaque & biforem
reticere tumultum*

Imperat.

Apte

C. 5. DE TIBIIS VET. 51
Apte hanc adumbrat Nonnus, sed in sacris Idææ Matris, quippe qui Dionys. lib. 13.

Καὶ δίδυμοι Βερέκυνθες ὁμόζυγες ἑκλάχθη
αὐλοί.

*Et geminae Berecynthæ conjunctæ
clangebant tibiæ.*

Apud Boissardum in Antiquitatibus Romanis exstat Priapi sacrificium, Romæ positum, quod à fœminis celebrabatur, ex quo hic dabo solam Tibiam.



Nec absimilem Tibicina cornicen inflare videtur, in Sacris Idææ Matris, quæ ex ædibus Mazarinis edidit Petr. Bellorius, ex quibus illam solam figuram hic adjiciemus. Et hanc



C. 5. DE TIBIIS V'ET. 53
Tibiam expressit Nonnus Dionys.
lib. 10.

Τρεπὸν ἐπιβλίβων διδυμέων αὐλὸν Ἀ-
θώης.

*Perforatam premens duplicem soni-
tum edentem tibiam Minervæ.*

Et lib. 8. κλύπῳ διδύγῳ αὐλῷ, sonitus
bijugæ tibiæ. Eandem lib. 15. διθερεῖν
αὐλὸν dicit, & lib. 3. δικλύπῳ αὐλὸς
ἔμιλλε. Bino sonitu Tibia canebat. De-
nique lib. 18. ἔθερερον αὐλοὶ συμπλεκίεις,
fremebant tibiæ conjunctæ.

Ad Partes Tibiarum jam transeo
quas recenset Pollux lib. 4. cap. 9. tit. 5.
Τῶν δ' ἄλλων αὐλῶν πέμερν, γλωττία, τρυ-
πήματ' αὖ βόμβυκες, ὅλμοι καὶ ὑφόλμια;
*Aliarum tibiarum partes sunt, lingula,
foramina, bombyces, ὅλμοι, ὑφόλμια.* In
Initio cum adhuc in cunis vagiret Ar-
tis musicæ infantia, pauca admodum
tibiis fuere foramina, nec ultra tria
vel quatuor, ut Acron in artem Poëtic.
Horat. Plura postea addita forami-
na. Si credimus Polluci lib. 4. cap. 10.
tit. 3. quatuor primum foramina ti-
bia

54 CASP. BARTHOL. l. i.
 bia habuit, donec Diodorus Theba-
 nus multis perforaret, πλαγίας ἀνοίξας
 τῆς πρὸς ἡμᾶς πρὸς ἰδίαν. Obliquos spiri-
 tui meatus aperiens. A foraminibus &
 flatu definit tibiā Papias in ono-
 mastico : Tibia est instrumentum musi-
 cæ cum diversis foraminibus, quæ ore
 inflatur.

Foramina Tibiarum cavernas vocat
 Favonius Eulogius, Rhetor Carthagi-
 niensis, de sonitu coelestium orbium :
 Si tibiā, inquit, cujuslibet longitu-
 dinis sumens octava ejus portione de-
 ducta cavernam imprimas, tonus au-
 ditur : si sextamdecimam ex reliqua
 metiaris, bemitonium consequitur. Ita-
 que cavernis harmoniæ lege dispositis
 edentur symphoniæ, quas docui per
 numerorum intervalla congruere. Ex
 quo loco patet plurimum referre quo-
 modo perforata sit tibia, unde bene
 perforata tibia laudata Nonno Dionys.
 lib. 42.

— ἀγέρτε μέλῳ ἀυλῷ.

Bene perforatæ cantilena tibiæ.

Fe-

C. 5. DE TIBIIS VET. 55
Foramina Tibiarum πύργι, vel canales
dicuntur eidem Nonno Dionys. lib. 45.
Fissam tibiā Statius dicit pro perfora-
tam, Sylvar. lib. 5.

— Nec fissa gavisam Pallada
buxo.

De Tibiarum foraminibus Aristoxenus
librum scripsit, quem citat Textor
in Theatro Philosophico lib. 1. cap. 2.
Et Tibiarum perforator Polluci lib. 7.
cap. 33. & lib. 4. cap. 9. αὐλοτρυπίης
nominatur, diversus ab illo, qui Ti-
bias conficit, quem αὐλοποιὸν nominat,
quemadmodum lingularum opificem
γλωττοποιόν.

Rara olim Tibiarum fuisse forami-
na, Ovidius ait lib. 6. Fastor.

Prima terebrato per rara foramina
buxo,

Ut daret, effeci, tibia longa sonos.

Et primis temporibus pauca foramina
Tibiæ tribuuntur ab Horatio lib. 1. de
Art. Poët.

Tibia non ut nunc orichalco vincta
tubæque

*Æmula , et tenuis , simplexque ,
foramine paucò.*

Inter Commentatores sunt, qui, quod *Horatius* tibiam orichalco vinctam dixerit, significare hoc putant tibiæ magnitudinem tantam, ut ex duobus lignis fieri necesse fuerit, ac in medio orichalco vinciri. Alii, ceu bracteam auream, tibiis ornamenti, non necessitatis causa adjectum volunt. *Septiforis* Tibia dicitur *Sidonio* lib. i. Epistolarum. Plura illi tribuit *Avienus*:

*Quodque foraminibus Tibia mille
sonat.*

Multiforam tibiam reperio apud *Senecam* in *Agamemnone*:

*Tibi multifora Tibia Buxo
Solenne canit.*

Et Multiforatilem vocat *Sidonius* lib. 9. Epist. 8. Atque *Apulejus* Florid. i. hoc enim quàm multiforabilis mavult *Petr. Coluius*.

Ipsè *Ovidius* de multifora Tibia loquitur *Metamorph.* lib. 12.

Non

*Non illos citharæ, non illos carmina
vocum*

*Longaque multifori delectat Tibia
Buxi.*

Sic etiam Græci ad rem nostram. Non-
nus Dionys. lib. 15.

πολυτρήτιο βοῇ δέδωκε δὲ αὖτις.


Multiforaminis sonitu agitata tibiæ.

Hac foraminum multitudine efficie-
batur, ut quoties mutanda esset mo-
dulationis forma, aliis obturatis, aliis
apertis foraminibus, id facile proce-
deret, quod in antiquis tibiis fieri
non licuit, quæ non plura habuere
foramina, quam quibus apertis opus
esset, ad unum aliquem ex tribus mo-
dis efficiendum.

His foraminibus nonnulli κίερα
quædam adaptabant, ut, cum vellent,
aperirent atque clauderent, quod ex
Arcadio Grammatico, apud *Salma-
sium*, in *Plinianis exercitationibus*
percipio, qui hæc κίερα quorum
usum in claudendis, & aperiendis
tibiæ foraminibus modò diximus,


comparat: notis illis quibus aspiratio-
 nes in vocibus designantur. De illis
 nuper Octav. Falconierius in Dissertat.
 de Pyramide C. Cestii, Italico idio-
 mate: *Nelle Tibie, le quali tiene nelle
 mani la terza figura, si veggono alcu-
 ni piccoli pivoli, i quali servivano, se-
 cundo me, ad uso di tasti, come nelle Sor-
 delline, ed i fori onde si formava il suo-
 no, assai distanti l'uno dall' altro. Vi-
 dentur esse Paxilli cornei, etiam ex
 mente Cl. Salmasii, quibus immixtis fo-
 ramina Tibiarum obturabantur, iis-
 demque exemptis aperiebantur: Nam,
 ut Quintilianus, Tibiæ eodem spiritu ac-
 cepto, alium clausis, alium apertis forami-
 nibus, alium satis purgatæ sonitum red-
 dunt. Et sine his paxillis apertas tibiae
 dictas arbitror, ut idem Quintilianus:
 illa verò jam penè apertis, ut ajunt,
 Tibiis. Quippe acutius sonabant quæ
 apertis, gravius, quæ clausis forami-
 nibus inflabantur. Paxillos autem cor-
 neos, de quibus nuper dixi, videor
 mihi videre tum passimalibi tum in
 ti-*

C. 5. DE TIBIIS VET. 59
 tibiis apud *Gruterum* p. 27. in aræ cu-
 jusdam latere dextro, ex ædícula S. Mi-
 chaelis Romæ in Vaticano, hac forma



Et similes in aræ cujusdam latere sin-
 istro, ad porticum Palatii Cardinalis
 Trivultii, quæ apud *Gruterum* exstant,
Inscriptionum antiq. pag. 27. Nec
 multum abludunt binæ Tibiæ quæ in
 manu ærea conspiciuntur inter alia an-
 tiquitatis monumenta, quæ ad Magnæ
 Matris & Attidis sacra spectant, Tor-
 naci Nerviorum eruta, & à *Pignorio*
commentario illustrata, quarum ico-
 nem hic damus.

Sed ad Tibiarum foramina revertar,



per quæ vicina ori sonus acutus edebatur, de longinquis & remotioribus gravior. *Servius* ex *Varrone* observat dextram Tibiam unum foramen habuisse, sinistram duo. Ideoque *Apulejus* Florid. lib. i. *Levis & dextris foraminibus*, acuto tinnitu, gravi bombo concentum musicum miscuit.

Foramen tibiæ pro ipsa Tibia dixit *Ovidius* lib. i. de Pont. Ep. i.

En ego pro sistro Phrygiique foramine buxi

Gentis Iuleæ nomina sancta fero.

Idem lib. 4. Metam.

Concavaque æra sonant, longoque foramine buxus.

Inter

Inter Tibiarum partes recenset *Pollux*, γλώττια. Erant autem γλώττιδες secundum *Hesychium*, lingulae in ore Tibiae, quae flatu canentis agitabantur. Hanc in Tibiis lingulam optime nobis explicat *Festus*: *Lingula per diminutionem linguae dicta, aliàs à similitudine linguae exertae ut in calceis: aliàs insertae, idest infra dente coërcitae, ut in Tibiis.* Apud *Gellium* lib. 10. cap. 25. lingula dicitur pro gladio oblongo in speciem linguae facto. Lingula autem illa in Tibiis erat summè necessaria, utpote sine qua inutilem Tibiam judicat *Chrysostomus* Homil. 43. *Quaquam si à tibia lingulas abstuleris inutile deinceps jacet instrumentum.* Ideoque *Scholiastes Pindari* pro miraculo de quodam Tibicine refert, eum in agone, cum excidissent tibiales lingulae, solis arundinibus cantum peregissee. Apud *Pollucem* lib. 4. cap. 9. Vilis tibia describitur, ἀγλατή, ἀφρονή, ἀραιός, ἀλέγειν, ἑξαυλός lingulae expers, insonora, tenuis, madida, inepta. *Euripides* lingulam

gulam) Tibiarum Ἀηδὼνα metaphoricè dixit teste *Hesychio*: Ἀηδὼνα, γλωσσίδα μετὰ φθογῶς, Ευελπίδης οἰδί ποσι, καὶ τὸς αὐλῶς, λαλῶντας ἀηδῶντας περ ἔφη. Ad sonos flectendos multum has lingulas fecisse judico ex *Plinio* lib. 36. *Arundo apertioribus lingulis ad flectendos sonos*. Nonnulli volunt *Pollucem* prodidisse aliarum tibiaram partes esse lingulas & foramina, bombycis verò Tibiæ ὀλμῆς, & ὑπόλμια. Quasi in bombyce præterea fuerint ὀλμοί, & ὑπόλμια. Alii hic βόμβυκες sumunt pro arundinis foeminæ specie, ex qua fiebant tibiaram lingulæ. Cæterum ὀλμοί in Bombyce tibia, videtur esse τὸ στόμα. Unde *Polluci* laudatur Ὀστρομύς αὐλὸς lib. 2. cap. 4. tit. 23, Εὐστόμους ἵππος, καὶ αὐλὸς, καὶ ἄσμος καὶ ἄστρομους ἵππος, αὐλὸς, ὁ ἀγλωτῆς, *Pulchrum os habens equus, & tibia, & cantilena*. Indecoro ore præditus equus, sic & tibia, quæ aliàs elinguis dicitur. Hæc pars etiam κατὰ στόμιν *Hesychio* dicitur: κατὰ στόμιν μέγας π. τ. αὐλὸς τὸ ἐν ὀλμῇ, *Pars tibiæ quæ ad os admoveatur*. ὑπόλμια pars

c. 6. DE TIBIIS VET. 65
 pars erat Tibiæ sub lingulis, imo ipsæ
 lingulæ teste *Hesychio*: ὑφ' ὧν μίτρος
 π. τ. αὐλῶν αὐτὸς τῶν τόμων, ἢ αἱ γλωττίδες.
 Primam verò Tibiæ partem unde
 lingulæ pendent, elytrum vocat *He-*
sychius: ἑλυτροί τὰ πρῶτα τῶν αὐλῶν ἀφ'
 ὧν ἡ γλωττίς. Quod pro ipsa tibia
 Phrygia apud *Pollucem* est, atque *A-*
thenæum.

C A P U T VI.

Tibiarum Species & Variorum Discrimina.

TAm diversa Tibiarum genera
 apud Veteres occurrunt, ut ea-
 rum discrimina paucis indicari non
 possint. Si enim diligentius Antiquo-
 rum monumenta inspiciamus, tot ea-
 rum differentias reperiemus quot vel
 inventores diversi inferre possint, vel
 regiones ubi vigeat usus, vel so-
 nus, vel materia, numerus, figu-
 ra & usus varii postulabant. De differ-
 rentiis

rentiis ab Inventoribus diversis desumendis edocemur abunde à *Ful. Polluce*, ut alios taceam ex quibus mox varias Tibiarum species proferemus. Apud illum lib. 4. cap. 10. tit. 1. Tibiarum species occurrunt, *πλάγιος*, *λώπινος*, *obliqua*, *lotinea*, Libycorum inventum, qui hanc *πλαγίανλον* nominant. *Ἐλυμνος*, cujus materia è buxo, & inventores Phryges. *Ἰπποφόρος*, quam Libyæ tuguria habitantes invenerunt. Hac enim, eodẽ teste, apud equorum pascua utuntur, ejusque materia decorticata laurus est, atque acutissimum dat sonum, & equorum acrimoniæ convenientem. *Μόναυλος*, Ægyptiorum inventum, qua maximè nuptiale carmen canitur. *Θρηνητικόν* enim seu lugubrem tibia Phryges invenerunt, qua ab ipsis accepta Carres usi sunt, apud quos tibiæ cantus lugubris erat. Præterea apud eundem *Pollucem* *Θήριος ἑυλὸς*, *ferina tibia*, quam Thebani ex hinnuli membriis compegerunt, & hujus exterior pars

ære

c. 6. DE TIBIIS VET. 65
ære inducta erat, Γίγγης, lugubrem &
flebilem vocem fundens tibia, quoad
inventionem Phoenicea. Nam Phœ-
nicum lingua Adonin Gingram vo-
cant, unde tibia nomen desumpsit.
Σύριγγς ἐκ καλάμων, *Arundinea sy-
rinx* Gallis maxime competebat &
Oceani insulani, sed apud Ægyptios,
ut pergit *Pollux*, πολύφθογγος αὐλός,
multifonans tibia, Osiridis inventum
est. De hac *Claudianus* de 4. Honor.
Consul.

— *Variosque modos Ægyptia ducit
Tibia.*

Ἀθλῶα, Athenæ tibix genus, quo Ni-
copheles Thebanus ad Minervæ hy-
mnium in primis usus. Cornu Tyrrheni
canebant. Scythæ autem & inter hos
maximè Anthropophagi, Melanchlæ-
ni & Arimaspi, aquilarum vulturum-
que ossa Tibiæ in morem inflabant.
Has ex gentibus species varias recen-
set *Pollux*, sed illas fusius post eum per-
sequitur eruditissimus *Scaliger* de Arte
Poetica lib. 1. cap. 10. quo Lectorem
re-

66 CASP. BARTHOL. l. 1.
remitterimus, modo nominatas & alias
insuper Tibiarum differentias ibi in-
venturum.

Apud *Athenæum* non minorem nu-
merum reperies à gentibus variis de-
sumptum. Gingras tibiae, quibus ex
Xenophonte Phœnices usos refert, de-
scribit lib. 4. Deipnos. palmum longas,
stridulum sonum & lugubrem edentes,
quibus etiam Cares mortuos lugere
cum *Polluce* consentit, sed anne Ca-
ria Phœnice vocata sit, dubitat ex
authoritate *Corinnae* & *Bacchylides*.
Adonin autem Phœnices Gingren
nuncupasse ex *Aristophane*, *Menandro*
& aliis evincit; Atque *ῥιψαυτε* lu-
ctuosa carmina & grande aliquod ma-
lum significasse ex *Axionico*. De origine
& usu harum tibiæ paria tradit
Eustathius qui in lib. 17. Iliad. ex
Xenophonte ait *ῥιψαυτε* αὐτὰς παρθε-
μαίς εἶναι, palmi seu dodrantis longi-
tudine esse apud Phœnices, acutum &
luctuosum sonantes, quibus Cares ute-
bantur. Usus autem earum à luctu
Ado-

Adonidis fluxisse, quem *Gingrin* Phœnices vocant. In Vet. autem Glossis
 ἰνσερὶ φωνὴ κλώος *gingron* vox anseris.
 Et apud *Festum*: *Gingriunt* anseres.
 Itaque ex soni forsan similitudine etiam
 dici ita posset tibia hæc, quæ parvula
 & tyronibus artis accommodata de-
 scribitur ab *Hesychio*: Γινγρία αὐλοὶ μι-
 κροί, ἐν οἷς παρῶτον μαυθάνουσιν. Inde apud *Ve-*
teres Tibicen *gingriator* dictus. Affini
 voce apud Ægyptios *Ginglarus* habi-
 ta est, pusilla tibiola sono acuto, ad
 monodias, teste *Scaligero* & ante eum
Polluce. Eorundem Ægyptiorum in-
 ventum fuisse *μόναυλον* ex *Polluce* vidi-
 mus, & quidem *Osiridi* ejus inven-
 tionem adscribit *Athenæus* lib. 4. ubi
 etiam *Hymenæum* monaulo accini
 dicitur, & suavissimi concentus sum-
 missa voce monaulo meditari & can-
 tillari. Unde *Apulejus* de puero *Cri-*
tia monaulo:

*Quod si aulum inspiras dona & jam
 carmina nostra*

Cedant. victa tuo dulciloquo calame.

In conviviiis autem frequentem fuisse ex *Athenæo* liquet lib. 15. quibus *pho-tingia* & *monaulia* comessationis instrumenta, non belli addiderant. Et hoc sensu *Martialis* lib. 14.

*Ebria nos madidis rumpit tibicina
buccis,*

*Sæpe duas pariter, sæpe monaulon
habet.*

Erat autem *μόναυλον* tibia singularis ad differentiam *τῆ ζεύς* cum binæ simul inflarentur. Alio nomine *monaulon* Tityrinen appellari innuit ibidem *Athenæus*, & *Dores* Italicos ita vocitasse tibiam è calamis factam refert ex *Artemidoro* & *Aristophanio*. *Hesychius* *πτύργι* calomum esse vult. Et alibi: *περίκυλοι* dicuntur *αὐλοὶ καλάμιναι*. Ubi lege potius *πτυεινοί*: Ita enim *Eustathius*: *μόναυλον καλάμινον καλέρου πτυεινὸς τοῖς ἐν ἰταλίᾳ δωδεκάσι, ἢ τ' ἐν σατυρινὸς· ὃ δ' ἢ μόναυλον, καὶ καλαμάουλης φαπὶ, καὶ ραπάουλης ἐλέγετο*. Quod de arundinea tibia ille prodit confirmatur ab *Athenæo*, apud quem *Deipnos*. lib. 4.

καλαμαύλω monaulon quondam fuisse patet ex Hedylo in Egigramm. aperte ita differente, sed apud nos hic per Interpretem:

Hoc Thenon monaulos sub tumulo festivus situs est

Tibicen, mimorum etiam in pulpitis ipsa gratia,

Et mox: — *At Theoni*

Calamaulitæ jam dicite, Vale Theon.

Et quemadmodum, illos qui calamo cecinere καλαμαύλωι vocarunt, sic

& σαπυλλῶι illos qui stipulam inflarunt, ut ex Glossis Veterib. colligit

Athenæus lib. 4. σαπάλη enim calami species apud Hesychium, & qui illo

canebant σαπαυλοί. Calami primum videntur fuisse quales ab *Aristotele*

describuntur lib. de Respir. cap. 9. *Cicadæ attritu, qui fit ad pelliculam*

bombum edunt, qualem pueri per calamos perforatos, cum tenuem pelliculam imposuerint.

Affinis denominatio illius Tibiæ fuisse videtur, quæ δρέκω-
λῶ dicta apud Lacones, qua Draconem

70 CASP. BARTHOL. l. i.
Minerva cantu delinivit apud *Hesychium*.

Quas obliquas & lotinas tibiae dicit *Pollux* à Libycis inventas, *Athenæus* lib. 4. Osiridi Ægyptio tribuit, & *Φώπυα πλαγίαυλον* vocat, innuit enim alibi Lotinas tibiae Alexandrinis Photinges nominatas, & è loti ligno, quod in Africa nascitur, confectas. Unde *λαπίς* pro tibia Græcis Latinisque Poëtis. *Hesych.* Λίβυς ὁ λαπίς, ὁ δὲ τῆς Λιβύης αὐλός. *Servius*, quam Græci *πλαγίαυλον* vocant, Latinis esse vascam tibiam observat in locum *Virgil. Æneid. 11.*

*Aut ubi curva choros indixit Tibia
Bacchi,*

*banc tibiam Græci vocant πλαγίαυλον
Latini vascam tibiam.* De hac autem vasca tibia accipiendus est *Solinus* cap. 11. *Sive vascas quæ foraminum numero præcentoriarum antecedunt.* Nisi plus largiamur lectioni *Scheg Kii*, qui *Præmiss. Epist. 11.* ita: *Non tamen dissimulo scripturam nostri libri: Aftas, quæ si proba, intelligit affas
tibiae,*

tibias, quæ siue voce, siue, ut Servius alicubi ait, quibus canitur sine chori voce. Affa autem & Asta eadem, ut affare & astare. Ennius apud Varronem: Subulo finitimas propter astabat aquas. Vascæ Tibiæ præcentorias foraminum numero antecedeabant, si credimus Plinio lib. 8. cap. 55. Ex quo sine dubio Solinus. In veterib. Gloss. vasca μελετή καὶ αὐλὸς i. e. tibia qua tyrocinia artis tibicine periclitantur. Quibusdam esse videntur phonscæ vel phonscicæ, quibus phonsci modos vocis regebant. Tonarium vocat. Fabius lib. 1. capit. 10. Πλαγία αὐλὸς à figura autem & obliquitate nomen accepit, quia apud *Ælianum* πλαγίῳ αὐλὸς distinctis & separatis verbis dicitur lib. 6. de Animal. cap. 19. Ἡ κίττα ὃ ἐν καὶ τῶν ἄλλων φωνημάτων μιμηλότατόν ἐστι, & ὃ ἀνθρωπικῶς πλέον. καὶ ὁ μὲν αὐτὸς ὑπελήθηται χρεμίσματος ἵππου. τὴν σάλπιγγα δὲ ἡ ὁμόνυμος, καὶ τὸ πλαγίον ἡ ἰσχυρὴ αὐλός, i. e. Pica autem cum alias voces tum maximè humanam imitatur. Florus Equi hinnitum:

binnitum : *Salpinx Tubæ sonitum* & *Torquilla obliquam tibiam repræsentat.*

Ab hac diversa erat Phrygia Tibia quæ tamen ipsa curva & obliqua erat. Græcè *Ἐλυμός*, dicebatur, ut apud Pollucem *Athenæus* e' iam *Ἐλύμης* interpretatur *φρυγίης αὐλῆς*, lib. 4. At *Elymos*, quorum memini *Sophocles* in *Niobe* & *Tympanistis*, non alias esse remur tibia, quàm Phrygias, quarum usum *Alexandri* quoque non ignorant, velut & *δύπιν* & *τὸ μέσικον*, & earum quas *ὑποζεύκτης* nominant. *Elymorum* meminit *Callias* in *Vinctis*. *Juba* tradit à *Phrygibus* repertas fuisse, vocarique etiam *Scytalias* ob earum crassitiem parem *scytalis* *Laconicis*. Illos in usu quoque *Cypriis* esse *Cratinus junior* in *Iberamene* scribit. Dicta etiam eadem est *Berecynthia Tibia*, quia *Berecynthus* nomen erat montis & oppidi in *Phrygia*. De *Phrygiis Tibiis* *Nonius Marcellus* de *Propr. Serm.* cap. 2. *Cymbalissare*, *cymbala quaterere*. *Cassius Hemina* lib. 3. *Mulier cantabat*

bat Tibiis Phrygiis & altera cymbaliffabat. Teste Polluce tam plagiaulo quam Elymo additum est κέρως ἀναγύον, cornu adnutans, de quo nos cap. 5. pluribus. Unde etiam Græci κέρως tibiā Phrygiam appellarunt, & κερῶλαι tibicines, qui ea canerent. Hesychius: Ἐκκεραυλήσαι, τὸ αὐτὸ πρὸς κεραυλῶν γὰρ τὸ κέρως τὰς αὐλὰς ἡδὸν ὅθεν καὶ ἔκκεραυλῆς.

Ad Phrygiam harmoniam erat adaptata tibia Mygdonia, de qua *Theocrit. Eidyll. 19. Et Nonnus Dionys. lib. 15.*

*Καὶ τίς ἀπειρήτας ἐνὶ χεῖλεσι λωτὸν ἐρείσας
Δίηροον ἀρμονίῳ ἐμυλίζετο Μύγδον αὐλῇ.*

*Et quispiam immensis in labiis lotum
firmiter tenens*

Duplicem harmoniam cantabat Mygdonis tibiæ.

Illius videtur meminisse Catullus:

Tibia Mygdoniis libet eburna cadis.

A vario Tibiarum usu & sono varias earundem species recenset *Solinus Polyhistor. cap. 5: Thermitarum locis infula est harundinum ferax, quæ*

74 CASP. BARTHOL. l. i.
accommodatissimæ sunt in omnem sonum *tibiarum*, seu *præcentorias* facias, quarum locus est ad pulvinaria præcinendi, seu *Vasas*, quæ foraminum numeris *præcentorias* antecedunt: seu *puellatorias*, quibus à sono clariore vocamen datur: sine *gingrinas*, quæ breviores licet, subtilioribus tamen modis insonant, aut *milvinas*, quæ in accentus exeunt acutissimos: aut *Lydias*, quas & *thurarias* dicunt: vel *Corinthias*, vel *Ægyptias*, aliasve à Musicis per diversas officiorum ac nominum species separatas. De milvinis consentit *Festus*: *Milvina*, genus tibiæ acutissimi soni. De Præcentoriis & thurariis hanc animadvertit differentiam *Turnebus* *Advers.* lib. 17. cap. 20. *Præcentoriæ*, inquit, dicebantur *Tibiæ*, quibus ad pulvinaria præcinebatur, & *thurariæ*, quæ eadem *Lydiæ*, quibus cum thus in aram indebant nec immolabant hostias, utebantur. Plurima alia *Tibia*rum genera secundum plurimos earundem usus occurrunt apud *Ful. Pollucem*
in

c.6. DE TIBIIS VET. 75
in Onomast. lib. 4. cap 10. tit. 3: *Ad
hymnos autem idoneæ erant Spondiacæ,
ad Pæanes Pythicæ, quas & perfectas
nominabant canebant autem ineptum il-
lud carmen Pythicum. Choricæ verò Di-
thyrambis conveniunt. Et ad parthenias
Tibias saltabant virgines. Puerilibus
verò pueri accinebant. Tibiæ autem per-
fectissimæ Virorum choris compete-
bant. Quæ autem Citharistriæ dicuntur citha-
ræ accinunt. Paratretæ, παρὰ τρεῖς τοί,
luctui conveniebant acutè & lentè in-
flatae. Et mox: Nonnulli etiam ἐμὲα-
τηρίας ὠλὸς, Tibias gradarias, voca-
runt eas quibus in itineribus utuntur, &
daCTylicas, δακτυλικὰς, quæ ad saltatio-
nes spectant. Alii verò hæc non tiliarum,
sed modulationum & carminum species
esse ajunt. Tibias verò subtheatricas,
ὑποθεατρίας, ad modos Tibicinum retu-
lerunt. Sed Syrii asperum quiddam &
forte flare videntur. Ginglarus au-
tem (γίγγλαρ) parva quædam Egy-
ptia Tibia est, simplici melodice conve-
niens. Et scytalia parvarum tiliarum*

76 CASP. BARTHOL. I. I.
nomina sunt. Hactenus Pollux. De
Virginalibus, puerilibus, & virilibus
consentit Athenæus lib. 4. ubi de A-
lexandrinis loquitur: verum etiam in
tibiarum lusu, quem præcipuè callent,
non earum solum quas Virginales &
Pueriles nuncupant, sed illarum etiam
quas Viriles nominant, & cithariste-
rias & Dactylicas: Viriles autem
Perfectas alias vocant, alias plusquam
perfectas. De Citharisteriis Athenæus
lib. 4. Haud me latet esse quoque
alia genera tibiarum, nempe Tragi-
cas, Lysiodas, citharisterias, quarum
meminit Euphorus libro de Inventis,
& Euphranor Pythagoricus de tibiis
libro. Citharisteriam Magadin vo-
cat Hesychius, μαγάδες αὐλοὶ κιθαριστήεοι.
Magades autem & Palæomagades Ti-
biæ erant, quæ acutum & gravem
sonum efficiebant. Unde apud A-
thenæum lib. 14. Vetus verbum:
μαγάδες λαλήσει μικρὸν ἄμα σοι καὶ μέγα,
loquar, ut Magadis, acuta & gravi
voce. De hac verò apud eundem dubi-
tatur.

c. 6. DE TIBIIS VET. 77
tatur cithara ne fuerit an Tibia, cum
Anacreon alicubi dixerit.

Ψάλλω δὲ εἴησι χορδαῖσι μάγαν ἔχων
*Magadin habens viginti fidibus
cano.*

Ion verò Chius in Omphale quasi de
Tibia sic ait :

Λυδὲς τε μάγαν αὐλὸς ἡγείσθω βοῆς.

Lydia Magadis Tibia voci præeat.

Cæterum ea de re lege uberrimè disse-
rentem *Athenæum* libro citato, & *Eus-
tathium* in lib. 17. Iliad.

Ex hoc tiliarum genere apparet,
quod quædam fuerint quæ modo acu-
tum modo gravem sonum ediderint,
prout vel variè inflatæ vel in inflatis so-
nus variè moderatus est. Et hos qui
flexibili Tibiarum cantu utuntur *Cam-
ptaulas* interpretatur *Rhodiginus* lib. 12.
cap. 5. at *Donatus* in *Vopiscum* expo-
nit, qui obliquis seu flexis concinunt,
siquidem αὐλὸς Tibia, & κερπύς
flexibile. Cæterum alii κερπύς αὐλὸν vo-
lunt esse tibicinem inflexæ modula-
tionis artificem : nam κερπύς *Hesychius*
D. 3. chius

78 CASP. BARTHOL. I. I.
chius interpretatur *κῆρυς ἐν τῇ δια-*
πειῇ. Ut enim assa vox in cantu cum
 flectitur, varietatem facit modulatio-
 nis (quod qui faciunt eos *Aristopha-*
nes in *Nubib.* Act. I. Sc. I. *ἄσμετο κῆρυ-*
πῆς, *cantus flexores*, vocat, & apud
Tibullum: Voces inflectere cantu) ita in
 tiliarum cantu spiritus artificis ver-
 titur, ut varios edat sonos. Ad quam
 rem apprimè *Plautus Mercator.* Act. I.
 Sc. 2.

Perii, animam nequeo vertere, nimis
nibili tibicen siem.

Anima, spiritus est quo calamus infla-
 tur. *Varro: Phrygio per ossa cornu liqui-*
da canit anima. Alii hic, *Phrygius cor-*
nus, legunt. Inde *πολυκῆρης αὐλὸς*
 de qua *Apulejus* in *Floridis* dicit, ve-
 terem tiliarum musicam non tam *flex-*
animo sono cani solitam. Nonnulli
 hic legunt: *Nondum quidem tam in-*
fessa animæ sono, nec tam pluriformi
modo, nec tam multiformi Tibia.
 Ad hos in Tibiis varios modos flecten-
 dos non solum numerus foraminum
 mul-

multum contulit, sed etiam lingulae apertiores, ut ex *Theophrasto* liquet, de harundinum ad tibiae sectione, & *Plinio*: *apertioribus earum lingulis ad flectendos sonos*. Tales igitur *Camptaulæ* dicti sunt, quos centum habuisse *Carinum Imperatorem Flavium Vopiscus* prodit, in quem consule *Salmasium*. Nescio autem quo jure *Turnebus* *Advers.* lib. 11. cap. 25. *Camptaulæ* vocem planè Græcam à Græcis ipsis non agnosci dixerit, & ideò tanquam irreptitiam non accipit, sed ejus loco, *Ascaulæ*, ponit, ut sint qui instrumentum musicum utriculum imitarentur.

Erant etiam aliæ Tibiarum breves, aliæ longiores, aliæ mediæ. De ultimis *Hesychius*: μεσόνχοι αὐλοὶ οἱ ὑποδείσσοι τῷ πλείων, μέσοι, *Tibiæ mediæ breviores perfectis & longis*. Breves erant puellatoriae & pueriles, quæ etiam κίμιοι dicuntur *Athenæo* lib. 4. Erant autem *semiplenæ* hæ Tibiæ minores *plenis* & *perfectis*.

Hesychius : ἡμίολοι αὐλοὶ οἱ μὴ πέλειοι ὑπο-
πιπλῖμδροι τοῖς πελέοις *Callimachus* illas
graciles vocat in *Diana*.

Longæ Tibiæ erant turariæ & præ-
centoriæ. De iis proverbium illud apud
Xiphilinum in *Othone* : *quid opus erāt*
me longis tibiis canere, ubi quis ali-
quid parum ad rem facit. Βόμβυκες au-
tem erat longissimæ genus Tibiæ, ut
ex *Aristotele* colligo, lib. de *Audit.*
omnes enim difficile implent Bombycas,
idque cum magna intensiōe ob longitu-
dinem. Earum meminit *Pollux* lib. 4.
cap. 10.

Tibiæ longæ apud *Marium Victo-*
rinum sunt, quibus supplicantes ute-
bantur in templis, ita enim ille de
spondæo: *Dictus à tractu cantus ejus*
qui per longas Tibias in templis à sup-
plicantibus editur. Unde spondaulæ ap-
pellantur, qui hujusmodi Tibias infla-
re assueverunt. Spondiales nominat *Isi-*
dorus Orig. lib. 1. cap. 16. unde *Ci-*
ceroni lib. 2. de *Orator.* Spondialia
carmīna. Et σπονδαῦλοι, & σπονδαῖκοι
αὐλοὶ

αἰολοὶ *Polluci* ; Latiniis autem *Spondaulæ*.

Ut à spondiacis tibiis *Spondaulæ*, ita qui cum choro tibiis cecinerunt *Choraulæ* dicti. Olim quippe in comœdiis quando chorus canebat, chorici tibiis artifex concinebat, atque is choraules dicebatur, ut refert *Diomedes* lib. 3. postea *choraulæ* à comœdia sese segregarunt, & res suas partesque seorsim in scena agere cœperunt, ut chorum etiam suum habuerint, quem septem cantoribus constituisse liquet ex *Hygino*: *Pythaules* qui *Pythia* cantaverat, septem habuit palliatos, qui voce cantaverunt, unde postea appellatus est *choraules*. Apud *Flavium Vopiscum* memoratur *Carinus* Imperator exhibuisse centum salpistas uno crepitu concinentes & centum *camptaulas*, *choraulas* centum. *Choraulas* autem magna in æstimatione fuisse constat ex illo, qui à *Galba* eximium præmium reportavit, cum illum in scena delectasset, quod me edocet *Suetonius*.



in Galba cap. 12. *Cano Choraulæ mirè placenti denarios quinque donavit prolata manu sua è peculiaribus oculis suis.* Ismeniam celebrem Tibiarum cantorem Choraulem vocat *Plinius* lib. 37. cap. 1.

Marmor in via Appia repertum, & Choraulæ cum Inscriptione Græca dictum, è regione exhibeo, quod in Libro Fulvii Ursini manu exarato, qui in Bibliotheca Vaticana asservatur, ita delineatum inveni. Infra inscriptionem corona cernitur, quæ ipsum in certaminibus Victorem fuisse denotat à latere duplices Tibiæ. Ex eodem Ful. Ursini Libro, elegantem Choraulæ statuam sequenti paginâ dabo, in Via Appia itidem repertam cum hac Epigrapha:

Θ. Κ.

ΜΥΡΙΠΝΩ. ΝΑΝΩ.

ΧΟΡΑΥΛΗ.

De Choraule non prætereunda est, quæ apud *Gruterum* legitur, Inscriptio Antiqua, Pag. 1035. quam parum diversam & magis emendatam mihi



c. 6. De TIBIIS VET. 85
Romam Lugduno in Galliis transmisit
Cl. *Jacobus Spon*, in his rebus versa-
tissimus;

HERIÆ THISBE
MONODIARIÆ
T. CLAUDI GLAPHYRI
CHORAUΛÆ
ACTIONICÆ
ET SEBASTIONICÆ
TERRENUM SACRUM
LONGUM P. X. LAT. P. X.
IN QUO CONDITA EST
FODERE NOLINE

SACRILEGIUM COMMITTAS.

Ita etiam hanc inscriptionem ex au-
tographo Romæ in vinea Burghesii
emendavit *Raphaël Fabrettus*, nisi quod
pro SACRUM, legat, SACRATUM.

Dicti vero primò erant quod in cho-
ro Tibia canerent, at interdum video
ad alia etiam vocatos esse. In conviviiis
cecinisse, autor mihi erit *Martialis* qui
lib. 9. cap. 79. convivium laudat quod
sine choraule fit, forsan propter sonum
obstreperentem auribus infestum:

Quod

Quod optimum sit quæritis convivium?

In quod Choraules non venit.

In sacra Barbarorum choraulas inducere videtur *Apulejus* de Deo Socraris: *Uti Ægyptia Numina fermè plangoribus, Græca plerumque choreis, Barbaræ autem strepitu cymbalistarum, tympanistarum, & choraularum.* Ubi tamen *Salmasius* mavult, *Ceraulæ*, cum, ut supra etiam notavimus, *Choraulæ* ad choros & choreas pertinerent, quæ Græcorum sacris convenerunt, non Barbarorum; at *ceraulæ* cum cymbalistis & tympanistis sacris Phrygiis & Barbaris rectiùs inferantur. Cæterum ad his in sacris non abstinuit alibi *Apulejus* *Metam.* lib. 8. *Erat quidam juvenis satis oorpulentus, Choraula doctissimus, collatitia stipe de mensa paratus: Qui foris quidem circumgestantibus Deam cornu canens adambulabat.* Ubi videmus *choraulam* expressè nominari, qui tamen cornu canens inducitur, quasi idem esset, *choraula* & *ceraula*, nisi & huic loco usitata

Autori.

c. 6. DE TIBIIS VET. 87
Autori vocula restituenda sit, nempe
ceraula, ex Florid. lib. 1.

Sed ut ad varias Tibiarum species
revertamur, Tibias longas, quibus
in sacris usi sunt, jam vidimus; de
symphoniacis tibiis nos alibi, quas
minimas vocat *Petronius* in Satyrico:
*Quum ergo adferretur, ad caput ejus
cum minimis symphoniacis tibiis acces-
sit, & tanquam in aurem aliquid di-
ceret, toto itinere cantavit.*

Alias ab acuto & stridente sono La-
tini *Serranas* Tibias appellavêre ab
acuto ferræ stridore aut ferrante sono,
ut opinatur *Turnebus* advers. lib. 28.
cap. 34. Quamvis alii malint *Sarra-
nas* à gente ita dictas, ut à Phrygibus
phrygias, nimirum à Sarro, eo enim
nomine Tyros olim vocabatur. Unde
Pœnos Sarra oriundos *Ennius* dixit, si
Probo credimus. Hæ pares erant &
æqualia obtinebant foramina, alias
autem Tibias impares numero fora-
minum discernit *Festus*. Quæ autem
pares aut impares Tibiæ fuerint inter
eruditos.

eruditos non convenit. Alii existimant ab æquidistantibus aut inæqualibus foraminibus, vel intervallis dictas esse. Alii, inter quos *Scaliger*, pares Tibias dictas volunt, cum duæ ejusdem magnitudinis & toni inflarentur: impares cum unica tantum caneret.

Erant etiam aliæ Tibiæ dextræ, aliæ sinistræ, sive à manu, qua tenebantur, diversæ, sive à sono, quem alii sinistræ acutum & dextræ gravem, alii autem sinistræ graviolem & dextræ acutiolem tribuunt. De illis *Brodus* Misc. lib. 1. c. 2. *Varro* de R. R. lib. 1. c. 1. *incentivam* & *succentivam* vocat: *Certe inquit Fudanius, aliud pastio & aliud agricultura, sed affinis. Et ut dextera Tibia alia quàm sinistra, ita ut tamen sit quodammodo conjuncta, quod est altera ejusdem carminis modorum incentivum, altera succentivum.* Judice Petr. Victorio Var. Lect. lib. 38. cap. 22. vocabantur Tibiæ dextræ quæ dextra parte oris manique dextra tenebantur, eodemque pacto sinistræ, quæ contraria parte oris &

oris & manus: dextris verò sinistrisque dicebatur is uti tibicen, qui simul ambas inflaret. Ex *Aldo Manutio Pauli F.* lib. 3. de Quæsit. per Epist. 4. dextræ Tibiæ erant, quæ dextra histriones spectabant, sinistra scilicet spectatores. Sinistræ contra quæ sinistra histriones, dextra spectatores. De utrisque eundem differentem huc advocabo: Opinor, inquit, *sinistras gravem sonum reddidisse, dextras acutum.* Sinistræ enim ex ea arundinis parte fiebant, quæ proxima terræ nascitur, quæ cum crassior sit & foramen latius habeat, quam quæ longinquior à radice est, graviozem sonum reddat necesse est: dextræ autem ex superiore arundinis parte fiebant. Testis Plin. lib. 16, c. 36. Hinc legas, *Acta est tibiis dextris & sinistris, id est sono acuto & gravi, tibiis utrinque constitutis.* Ubi autem legitur, *Paribus dextris & sinistris*, *Sarranas* significat dextrorsum sinistrorsumque positas, quæ pares vocabantur, quod foraminis caverna, ut ait Servius, par erat;

erat; ideoque sonum parem reddebant, ut Phrygiæ impares, quod cavernam imparē habebant, ex quo sonum reddebant imparē: acutum scilicet partim, & partim gravem. Ex quo Servius interpretans illud Virgilii lib. 9. biforem dat Tibia cantum, explanat biformem, dissonum, imparē, & dissimilem, juxta Phrygiarum tibiatarum naturam, quæ hoc à Sarranis distabant, quod, ut ait Servius, cavernam foraminis imparē habebant, ut Phrygiæ distabant, quod dextræ unicū foramen habebant, ut sonitu uniformi sonarent: sinistræ verò duo, quorum unum gravem alterum acutum sonum reddebant. Pergit postea idem Manutius: Si Sarranæ pares sunt & Phrygiæ impares ob foraminis æqualitatem, inæqualitatemque, quod ait Servius, manifesto patet Sarranas tam dextras quam sinistras esse posse: quales in Andria Terentii fuisse existimo, ideoque in inscriptione legitur, Tibiis paribus dextris & sinistris id est, Sarranis. Et in Adelphis, ubi legitur, Tibiis Sarranis, easdem opinor fuisse

C. 7. DE TIBIIS VET. 91
fuisse cum paribus dextris & sinistris. Et in Phormione, Tibiis imparibus, explano, Tibiis Phrygiis dextris, & sinistris. Hanc opinionem meam id confirmat, quod nunquam reperi Phrygias & Sarranas nominatas, una cum paribus aut imparibus, quod indicio est paribus ad indicandas Sarranas, & imparibus ad Phrygias satis fuisse.

Alias Tibias non nisi nomine tenus recensuere autores, de quibus præter nomen nihil proditum reperire licuit, tales ἰδὲ τοὶ, quæ etiam inter Tibiarum species recensentur à Polluce lib. 4. cap. 10.

Sed nos paulò fusius per Tibiarum genera varia evagati sumus, alia adhuc addituri, nisi ea ex Gyrardo Poët. Dialog. 6. Bullingero lib. de Theatro, Scaligero in Poët. Aristotele Polit. lib. 8. Alexandro ab Alexand. Gen. Dier. lib. 4. cap. 17. Polluce, Athenæo & passim aliis abundè peti possent.

CAPUT VII.

De Arte Tibias inflandi.

Tibicinum officium in flando existit : unde *Festo : Flator , Tibicen.* Et apud *Arnobium* lib. 2. Adv. Gent. *Tibia calamoque flatantes*, pro tibicinibus. Sic Tibias inflare dixêre Latini, ubi usus Tibiarum exprimendus fuit. *Tertullianus* advers. Marcionem lib. 2. *Nec tu enim si in Tibiam flaveris , hominem Tibiam feceris , quanquam de anima tua flaveris , sicut & Deus de spiritu suo.* Non abîmili loquendi modo *Apulejus* lib. 6. *Ut Musæ quidem chorum canerent , Tibias inflaret Satyrus , & Paniscus ad fistulam diceret.* *Arnobius* lib. 2. *ut inflandis bucculas distenderent Tibiis.* Atque eleganter *Claudianus* Panegy. de Consul. Manl. Theod.

Qui nutu manibusque loquax , cui Tibia flatu ,

Cui plectro pulsanda chelys.

Ita

Ita etiam Græci. Euripides Phoeniss.

Δωρὸν καὶ πνέουσι μέλπη.

Tibiæ per flatum suaviter canis.

Interdum tamen pro inflare, ad Tibias dicere Latini usurpant, ita Lampridius in Heliogabalo: Ipse saltavit, cantavit, ad Tibias dixit, tuba cecinit, pandurizavit, organo modulatus est. Sic Apulejus: ad fistulam dicere. Eidem Tibia jugere dicitur lib. 5. Metam. Jubeat citharam loqui, psallitur: Tibias jugere, sonatur: choros canere, cantatur. Quæ nullo præsentem cunctos dulcissimis modulis animos audientium remulcebant. Interdum etiam canere dicitur is qui Tibias inflat. Cic. lib. 2. de Orat. Quemadmodum Tibicen sine Tibiis canere, sic orator sine multitudine audiente eloquens esse non potest. Gellius lib. 5. cap. 1. Tum scias & qui dicit & qui audit frustra esse, neque ibi Philosophum dicere, sed Tibicinem canere. Et cantus Tibiarum, Solino cap. 24. aliisque. Unde tibicines τῶν αὐλῶν ἄδον, dicuntur apud Plutar. lib. de Aud.

Et

Et idem ex *Corn. Nepote* liquet in *Præf. scienterque tibiis cantasse*. Atque hinc etiam colligo artem fuisse Tibiarum cantum, quam quidam scienter, quidam verò indoctè callebant. Non obscure illud innuere videtur *Lucianus* *Dialog. Adv. Indoct.* ubi quærit, si quis Tibia canendi artis prorsus ignarus forte nactus sit *Timothei Tibias*, aut quas *Ismenias* septem talentis *Corinthe* emit, anne arte inflabit? vel nullus usus huic rei erit, quia scitè uti nequit. Ita etiam *Calphurnius*:

— *Docili calamorum Nyctilus arte.*
 Quam in sententiam eleganter differentem audiamus *Max. Tyrium* *Disfert.* 16. sed hic per interpretem: *Scientiæ namque successionem disciplina efficit: ipse verò artis usus non est ut ab arte ars fiat, sed ut amphora à figulo, Tibiæ cantus à Tibicine, ab imperatore efficiatur victoria.* Ideoque Tibicines ab *Ovidio* artifices dicuntur *Fastor.* lib. 6.

Adde

*Adde quod Ædilis, pompa qui fun-
neris irent ,*

Artifices solos jufferat esse decem.

Græcis *πχιται* commune nomen mu-
sicis , thymelicis, & histrionibus. Ita
apud *Gellium* lib. 20. cap. 4. Comœ-
di, Tragœdi, Tibicines & id genus
artifices appellantur Græcè, *οἱ αἰ Διόνυ-
σος πχιται*. Præclarè Timotheus, ti-
bicen ille nobilissimûs, duplicem ab
iis mercedem exigere solitus erat, quos
antea ab illius artis magistris institutos
recepisset, ac simplicem ab iis qui ru-
des ei traderentur. Nam ut hi docen-
di, sic illi prius dedocendi quam eru-
diendi videbantur.

Explèrunt autem Artis hujus munus
omne Tibicines, spiritu inflato &
apto digitorum regimine, quo spiri-
tus variè moderatus est in apertis vel
clausis Tibiarum foraminibus. Et non
unam modò Tibiam, sed & duas eo-
dem flatu inspirarunt, cujus rei indi-
cium dat *Augustin.* tract. 19. in Joan. *Si
unus flatus inflat duas Tibias, non potest
unus*

*unus spiritus implere duo corda, si uno flatu Tibiæ duæ consonant. Ful. Pol-
lux lib. 4. cap. 9. Ἐπὶ δὲ σὺν ἑστέῃ εἰ ποιεῖ
αὐτὸν, παραγίνει ἐκ αὐτῶν τὸ πνεῦμα Ἀλλὰ τὸ
πνεῦμα, καὶ παραφέρει, καὶ ἀφαιρεί τὸ
πνεῦμα, De syringe autem dices, deducere
in eam ab ore spiritum, deferre, di-
spargere anhelitum. Auram Tibialem
hunc tibicinum spiritum nominat ele-
ganter Sidonius lib. 19. Epist. 13.*

*Date rayulos Choraulas
Quibus antra per palati
Crepulis reflanda buccis
Gemit aura Tibialis.*

*Et quia ex flatu sonitum emittit, fla-
men Tibiæ dicit Horatius lib. 3. Od. 19.*

*.... Cur Berecynthiæ
Cessant flamina Tibiæ.*

*Susurrus Tibiarum Claudiano in Fe-
scenn. v. 53.*

*Calamisque flexuosus
Leve Mœnium susurret.*

*Spiramen Tibiæ tribuit Statius The-
baid. lib. 8.*

— Gemina æra sonant, idæaque terga

Et

*Et moderata sonum vario spiramine
buxus.*

Totam in inflandis Tibiis actionem
tibicinum aptè adumbrat *Ful. Pollux*
Onom. lib. 4. cap. 9. lib. 5. cujus
verba ita interpretes reddidit : De Tibiis
verò inspirare & inflare dices ; aut de-
flare & spiritum in Tibiam transmit-
tere. Impletis maxillis ; tumidis ; inflatis
elevatis , patulis , adhærentibus , spiritu
repletis , aut ocioso vultu , improbo , igno-
ranti descensum spiritus. Ex illis recen-
fitis nonnulla etiam inter canendum
Tibiis occurrentia habet Heliodorus
lib. 2. Æthiop. Ea de causa quod illi
intumescere genas inter canendum Tibiis
(ἐν τοῖς αὐλίσμασι) videbat , & ve-
hementer inflando præter decorum ad
nares exurgere , oculis incensis ac sua
sede excedentibus. Quippe , quia ma-
gno nisu spiritus inflari debuit , buccæ ,
& genæ intumuerunt. Ita apud Ari-
stenetum lib. 2. Epist. 6. ὡς αὐλητρίδῃ ὅς
ἔξαιρει τοὺς γνάθος , Velunt tibicinæ fi-
lius inflas buccas. Ideoque in Vete-

E
rum

98 CASP. BARTHOL. l. i.
rum sacrificiis, & aliis passim marmo-
ribus tibicines semper observantur in-
flatis buccis. Quæ quia deformitatem
nonnunquam inferebant, à Minerva
abjectæ Tibiæ memorantur. *Plautus*
Sticho Act. 4. Sc. 6.

*Age Tibicen quando bibisti, refer ad
labias Tibias,*

*Suffla celeriter tibi buccas quasi pro-
serpens bestia.*

In laudem Tibicinis apud *Pollucem* lib.
5. cap. 9. tit. 6. dicitur ἔμπνευς, ἔνπνευς, μέ-
γα φουσών, μέγα πνέων, *benè spirans, inflatus,
magnum spirans, valde inflans, solidum
spirans.* Quemadmodum vilis Tibicen
ἀπνευς, ἀσθενής, *spiritu carens, infirmus.*

Non autem satis erat magno nisu in-
flasse, nisi sonus debita proportionem spi-
ritus temperaretur. Quemadmodum a-
pud *Athenæum* lib. 14. non ineptè Ca-
phesias tibicen, cuidam ex discipulis suis
altissimo sono Tibiam inflare conanti
dixit manu feriens, in ea soni magnitu-
dine sitam non esse artis bonitatem, sed
ut rectè sonus in magnitudinem attolla-
tur.

c.7. DE TIBIIS VET. 99
tur. Ideoque *Pollux* Tibicinem laudat
pleno utentem spiritu in magnitudine,
sono, & robore, non immediatè contur-
bantem vultum. Spiritus etiam altera-
tio varia varios sonos effecit, si credimus
Aristoteli, qui lib. 5. de Generat. Anim.
putat spiritum calidum crassitudine sua
gravitatem vocis efficere, frigidum ve-
rò pro sua tenuitate contrarium facere,
illudque maximè in Tibiis patere, qui
enim calido utuntur spiritu, illi talem
emittunt, qualem *Siticines* & lamentan-
tes graviolem sonum inspirant Tibiis,
ex ejusdem sententia.

Spiritus, quo inflata est Tibia, juva-
tur sæpe lingua atque labro. Ideoque
Lucretius lib. 4.

*Unco sæpe labro calamos percurrit
hiantes.*

Et eodem sensu *Virgil.* Eclog. 2.

*Nec te pœniteat calamo trivisse la-
bellum.*

Sic etiam apud *Theocrit.* 24. Eidyll.
χείλα δλίξειν. *Pollux*: Plura etiam ho-
rum communia ad tibicinem perti-

nent, hic enim non modo *ἀπνεύς*, *benè spirans*, sed & *ὀγλωτῖς*, *ἀτομός*, *πυκνός*, *συνεχής*, *lingua facilis*, *ore probatus*, *densus*, *continuus*.

Maximè autem agili manuum ministerio spiritus moderabatur unde in Tibiæ inflatione & oris & manuum artificium conjungit Ovidius Fast. 6. de Tibia à Minerva abjecta :

*Inventam Satyrus primum miratur,
& usum*

*Nescit, & afflatam sensit habere
sonum.*

*Et modo dimittit digitos, modo
concepit auras,*

*Famque inter Nymphas arte super-
bus erat.*

*Ammian. Marcellinus lib. 30. Cum-
que apponerentur exquisitæ cupediæ, &
ædes pulsu nervorum, articulado flatili-
que sonitu resonarent. Totam hanc ar-
tem Cyprianus mirè expressit in lib. de
Spectac. si aliàs hic liber ipsi jure adscri-
bendus sit, ubi de Choraula in hanc
loquitur sententiam : Alter cum choro
& cum*

& cum hominis canora voce contendens spiritu suo, quem de visceribus suis superioribus nitens hauserat, Tibiarum foramina modulans, nunc effuso, & nunc intus recluso, ac represso, nunc certis foraminibus emisso, atque in aërem profuso. Item in articulos sonum frangens loqui digitis laborat, ingratus artifice, qui linguam dedit. Non elegantius manuum in Tibiis pulsandis ministerium exprimi potuit, & inde non difficile erit concipere quid per loquaces manus intelligit Petronius in *Fragm.*

Tinctus colore noctis

Manu puer loquaci.

Ægyptium nempe tibicinem de quo *Juvenal. Sat. 15.*

— *Inde Virorum*

Saltatus nigro Tibicine.

Nec aliam ob causam digiti saltare dicuntur apud *Nonnum Dionysiac. lib. 3.*

Ἐκ δὲ πολυτέτιο πόρε σκιετήματι χερῶν

Σωήροον ἐκρέσαντο μέλ' & μυκήπερ αὐλᾷ]

Δάκτυλοι ὀρχηστῆρες ἐπιθλίβοντες ἀοιδόν. i. e.

*Ex multum perforato transitu verò,
saltatione manuum,*

*Concordem pulsabant cantum mugien-
tis Tibiæ.*

*Digiti saltantes, stringentes cantile-
nam.*

*Jul. Pollux lib. 4. Ἀπόδεξις καὶ τὴν
αὐλητῆς δὲ χεῖρα, καὶ τὴν ταχυχειρίαν, καὶ
τὴν δὲ χειρίαν : Nota etiam Tibicinis
manuum agilitatem, & celeritatem,
& facilitatem. Totum artificium con-
stitit in facili digitorum contractione
& porrectione, juxta effatum Cice-
ronis de Nat. Deor. lib. 2. Digitorum
contractio facilis, facilisque porrectio,
propter molles commissuras & artus,
nullo in motu laborat : itaque ad pin-
gendum, ad figendum, ad sculpendum,
ad nervorum eliciendos sonos ac Tibia-
rum, apta manus est admotione digito-
rum. Unde Tibiis lyrisque tractatis si-
bi obtritas manus conqueritur ille apud
Aristophanem in Convivatoribus, te-
ste Athenæo. Et hoc idem est quod ar-
gutiae digitorum significant, & ad nu-
merum*

c. 7. DE TIBIIS V. ET. 103
*merum articulus cadens apud Ciceronem
in Oratore. Non aptius illa omnia de-
scribi possunt, quam à S. Paul. Nolan.
qui, Bulengero citatus, in nat. 9. quem
in honorem S. Fœlicis cecinit, de ad-
ventu Nicetæ cujusdam Episcopi, de-
que modulationibus ita:*

— *Vel qui perflantia textis*

*Labra terit calamis, licet unum car-
men ab uno*

*Ore fluat, non una sonat, variosque
magistra*

*Temperat arte sonos, arguta forami-
na flatu*

*Mobilibusque regit digitis, claudit-
que aperitque.*

*Ut rapida vice dulcis eat, redeatque
cavernis*

*Currens Æolios modulabilis aura
meatus*

Explicet

*Aristophanes in Veneris prosopiâ apud
Athenæum lib. 14. qua lege capien-
dum sit poculum ostendens; ἀληπεῶν
tibicinum modo, curvandos esse digitos*

104. CASP. BARTHOL. l. i.
dicit. Et quia condylus dictus articu-
lus, nodus, junctura vel incurvatura
qua digitus flectitur, ut ex *Martiano*
Capella lib. i. *Cæl. Rhodigino* lib. 4.
cap. 3. aliisque patet, ideo sunt qui
ita interpretantur illud *Martialis* lib. 5.
Ep. 80.

Parvi Tibia condyli sonabit, quasi
condylus diceretur in Musicis digito-
rum curvatura usque ad dimidium or-
bem. Alii in arte musica peritiores,
inter canendum Tibiis, manus certum
in modum direxerunt, quod *discape-
dinare* dixere, ut ex *Apulejo* percipio
Florid. lib. i. *Primus Hyagnis manus*
in canendo discapedinavit.

CAPUT VIII.

Tibiarum Sonus.

EX *Cicerone* lib. 2. de Nat. Deor.
aurium est admirabile quoddam
artificiosumque judicium, quo judi-
catur & in vocis & in Tibiarum ner-
vorum-

vorumque cantibus varietas sonorum, intervalla, distinctio, & vocis genera permulta, canorum, fuscum : læve, asperum : grave, acutum : flexibile, durum; quæ hominum solum auribus judicantur. Itaque cum aurium voluptati ut plurimum dicatæ fuerint Tibiæ, sonus gratia, quem redderent diversum, inflatæ sunt, sine hoc inutiles & abjiciendæ, quemadmodum Cicero in Bruto : *Ita se res habet, ut si Tibiæ inflatæ non referant sonum, abjiciendas eas sibi tibicen putet.* Quomodo autem ex inflatis Tibiis sonus eliceretur, leges certas præscripsisse Olympum Marsyæ discipulum Plato testatur, ex relatione *Alexand. Sardi de Rer. Invent. lib. 1.*

Spiritus verò quem inflatum & acceptum reddiderunt, *sonus* vel *sonitus* dicebatur, interdum etiam *vox*, licet frequentius *vox* propriè hominum sit seu brutorum, ut monet *Isidorus lib. 2. cap. 19.* & in aliis abusive, non propriè, *sonitus vox vocatur: Ut, vox tubæ infremuit,*

muīt, fractasque ad littora voces. Nam proprium est, ut littore resonent scopuli : & , at tuba terribilem sonitum procul ære canoro. Ideo sonatores pro tibicinibus & id genus artificibus Senecæ in Claudii funere. Et Apulejus lib. 5. Met. Jubet Tibias jugere, sonatur. Per similitudinem etiam Tibiis concessam esse vocem, consentit Aristoteles de Anima lib. 2. cap. 8. Vox autem est sonus quidam animati, nullum enim inanimatum vocem emittit : sed per similitudinem dicitur vocem edere, ut Tibia & lyra. Murmur sonum Tibiæ vocat Ovidius, Metam. lib. 14. vers. 537.

—— *Et inflati complevit murmure buxi.*

Dicitur etiam mugitus, strepitus, modulamen, flatus, &c. scilicet secundum diversitatem modorum Tibiæ quos eleganter persequitur Prudentius lib. Apotheos.

Adde & distinctum quem musica Tibia flatum

Con-

Concipit, aut ille est presso modulamine parcus,

Aut tumidum largo sublimat flamine bombum,

Aut raucos frangit modulos, aut lene susurrat,

Aut exile trahens sonitus producit acutos,

Aut murmur tenerum sublidit voce minuta.

Fuit itaque varius earundem sonus, prout variis modorum differentiis adhibitæ sunt, quas plurimas apud plurimos usurpatos prolixius recensebimus capite sequenti. Hic tantum sonorum illorum varietatem necessariam ad varios usus, quibus Tibiæ olim destinatæ sunt, asseremus ex Divino Paulo Epist. 1. ad Corinth. cap. 14. vers. 7.

Atqui animæ expertia quæ sonum edunt, & Tibia, & cithara, nisi distinctionem sonis dederint, quomodo cognoscetur quod Tibia canitur aut cithara? Etenim si incertum sonum tuba dederit quis apparabitur ad bellum.

Et eam præcipuè ob causam Pollucitales laudantur Tibiæ; *πλούφθογος αὐλός, πολύορμος, πολυορμής, πολύφωνος, πολυμελής, πολυμελής, multifonans Tibia, jactabunda, flexilis*, scilicet in cantu ad sonum variandum, *variè sonans, canora, varios concentus habens.*

Pulchrè apud Ciceronem lib. 3. de Oratore, omnis motus animi suum quendam à natura habet vultum & sonum & gestum: totumque corpus hominis, & omnes ejus vultus, omnesque voces, ut nervi in fidibus ita sonant ut à motu animæ sunt pulsæ. Nam voces, inquit Tullius, *ut chordæ sunt intentæ, quæ ad quemque tactum respondeant, acuta, gravis, cita, tarda, magna, parva; quas tamen inter omnes est suo quæque in genere mediocris. Atque etiam illa sunt ab his delapsa plura genera, lene, asperum; contractum, diffusum; continenti spiritu, intermisso; fractum, scissum flexo sono; attenuatum, inflatum. Nullum enim est horum similium generum quod non arte & moderatione*

tra-



109
 uid.
 ero
 ac-
 lu-
 re-
 riis
 im
 int
 ov,
 ov,
 lu-
 op-
 v,
 ri..
 n-
 s,
 y-
 a-
 u-
 a-
 a-
 m
 n-
 n.

101

Et

les

λὸς.

πολ

jae

for

1201

Oi

qu

nu

m.

vc

à i

in

qi

ai

pe

q.

ih

lei

ci

sc

ti

ge

tractetur: hi sunt actori, ut pictori, expositi ad variandos colores. Quicquid de humanæ vocis varietate refert Cicero id omne ferè Tibiarum cantibus accommodat, & adaptat Pollux, qui plurimos & diversos sonos Tibiarum recenset, ex rebus petitos, quibus variis earum cantus competeabant. Hæ enim Onomast. lib. 4. c. 9. tit. 6. ipsi sunt cantus differentiæ: ἀλημεῖ ὄρδιον, σείριον, πολήρες, ἐμμελές, μονόκλονον, μονόκωλον, πολύτροπον, αἰθσαγωγόν, δύνκαμπές, πολύκαμπτον, θρηνηπικόν, γῶδες, ὄξυ, λιγυρόν, πορπικόν, αἰθαξωπικόν, εὐόπλιον, πυρρίχπικόν, σποιδεῖον, τροχαῖον, γαιήλιον, παρσίον, Tibiæ cantus rectus, firmus, plenus, concinnus, simplex, unimembris, varius, illecebrosus, mollis, flexilis, lacrymabilis, lugubris, acutus, stridulus, fastuosus, irritatorius, militaris, tripudiatorius, spondiacus, trochæus, nuptialis, inter pocula sonans.

Interdum enim Tibiæ sonum gratissimum fuisse auribus & suavissimum observo, interdum stridulum & inconditum.

110 CASP. BARTHOL. l. i.
ditum. Prius manifestum est ex illo Phi-
lippi lib. i. Florileg. Epigr. num. i.

Ἰμερὸν αὐλήσαντι πολυτῆτων ἀπὸ λώτων.

Suaviter canenti per foraminatas lotos.

& Virgilio :

*Dulciloquis calamos Euterpe flatibus
urget.*

Quibus accinit Tibullus lib. i. Ecl. 8.

Et Tyriæ vestes, & dulcis Tibia cantu.
Unde facta comparatione cum summa
dulcedine, Tibiarum sono utitur Au-
gustinus, Serm. 246. de tempore:
Nullus, inquit, quamlibet chordarum
& Tibiarum sonus, nulli amplexus, pul-
chritudini, inspirationi, dulcedini &
amplexibus sapientiæ conferuntur. Ideo-
que non immerito apud Ovidium
Metamor. 12.

*Longave multifori delectat Tibia
buxi.*

Imo ipse funebris Tibiæ cantus tristis
& querulus dulce quiddam & delecta-
bile habuit quod ex Apulejo constat Flo-
rid. 3. *Tibia*, inquit, *questu delecta-
bilior*, & *fistula susurru jucundior*,
& buc-

c.8. DE TIBIIS VET. III
& buccina significatu longinquior. Et
idem per dulces querelas indicat *Lucre-*
tius lib. 4.

Tibia quas fundit digitis pulsata ca-
nentum.

Horat. lib. 3. Od. 7.

Sub cantum querulæ despice Tibiæ.

Et quia conquerendo rauescimus,
nonnulli *Raucam Tibiam* dictam vo-
lunt *Propertio* lib. 3. Ec. 10.

E contrario interdum horridum & stri-
dulum quid sonabat, cujus rei indi-
cium dat *Catullus* Epigr. 65.

Barbaraque horribili stridebat Tibia
cantu

Nec diversum sentit *Valer. Flaccus* Ar-
gonaut. lib. 2.

— *Sacris hinc ignibus Ida*

Vibrat & horrifonæ respondent Gar-
gara Buxo.

Talem Tibiam, βαρύβροχον αὐλὴν vocat
Euripides in *Helena*. *Apulejus* lib. 10.

Ac ponè tergum tibicen orthium ca-
nebat bellicosum : & permiscens bom-
bis gravibus tinnitus acutos. Unde
Ti-

Tibiæ modos inconditos vocat *Maximus Tyrius* Dissert. 27. αὐληγεῖ ἀσμεν. Et perstrepere ut Tibia dicitur cor eorum, qui valde trepidant, quemadmodum sancta oracula explicari debent *Ferem. 48. Propterea cor meum ad Moab quasi Tibia resonabit: Et cor meum ad viros muri fictilis dabit sonitum Tibiarum: quia plus fecit quam potuit, idcirco perierunt.* Ad rem nostram *Homero* Hymn. in Matr. Deor. πέμψε αὐλῶν tremor Tibiarum, dicitur. Hunc tamen Tibiarum strepitum, amabilem idem prædicat in Hymn. Mercur.

Tanta sonorum varietas orta est à varietate Tibiarum de qua nos suo loco, unde παρθένιοι αὐλοὶ erant clarissimi & acutissimi soni, ex *Aristotele* lib. 8. cap. 1. Hunc autem acutum sonum in Tibiis fieri idem probl. 39. sect. 19. putat, quia exiguus aër citò feratur Tibia inclusus.

Diversitas etiam foraminum in iisdem Tibiis varios sonos effecit. Ita de Tibiarum foraminibus vicinis ori inflantis

flantis sonus acutus emittebatur: de longinquis autem & termino proximis gravior. Item acutior per patentiora foramina, gravior per angusta, si credimus *Macrobio* lib. 2. in *Somn. Scipion.* cap. 4. qui utriusque causæ rationem unam addit, quia spiritus ubi incipit fortior est, remissior ubi desinit. Et quia majorem impetum per majus foramen impellit, contra autem in angustis contingit & eminus positus. *Galenus* autem, quia gravem sonum sine latitudine, acutum sine angustia fieri posse negat, dicit lib. 3. De symptom. Caus. viæ, qua spiritus intrat, latitudinem, sonum efficere graviolem, in Tibiis quas *Siticines* inflabant, quæ etiam ob materiam, ex qua constabant, purum sonum edere non potuerunt, ex mente ejusdem.

U Ipsa quoque eadem foramina modò aperta modò clausa diversum sonum ediderunt, quod *Quintiliano* asserenti crediderim, qui lib. 2. cap. 3. ita: *Tibiæ eodem spiritu accepto alium clausis*

114 CASP. BARTHOL. l. i.
sis, alium apertis foraminibus, alium
satis purgatæ, alium quassæ sonum
edunt. Ideoque apertas Tibias alibi
vocat, quæ apertis omnibus forami-
nibus sonant clarius, etenim Tibias,
præclusis, quibus clarescunt, forami-
nibus, recto exitu graviores spiritum
reddere monet idem *Fabius* lib. i. Inst.
Orat. cap. 11.

Lingularum conformatio non pa-
rum contulit ad soni varietatem, quod
ex *Aristotele* probabo, cujus verba ex
lib. de iis quæ sub auditum cadunt,
hic latine afferam: *Quod & perspicitur in Tibiis, nam quæ secundarum lingulas habent obliquas, molliorem quidem illæ vocem edunt, verum minus tamen claram, labens enim aër protinus in spaciosam laxitatem incidit, neque ulla contentione rapitur, neque collectus fertur, sed dispersus. In lingulis autem duriusculis, vox & durior & clarior excitatur, si quis eas magis labris premat, quod violentiore impetu spiritus feratur.*

Ex eodem *Aristotele* cornua in Tibiis
plus

c. 9. DE TIBIIS VET. 115
plus vel minus affata, spiritus inflatus
violentior vel mollior, & erumpens
creber atque contentus sonum variare
plurimum possunt.

Ex tot distinctis sonis in Tibiis erat
concentus quidam tenendus, ut *Tul-*
lius loquitur lib. 2. de Republ. sym-
phonia dicta, quam definit *Isidorus*.
lib. 2. cap. 19. moderationis tempe-
rumentum ex gravi & acuto concor-
dantibus sonis, sive in voce, sive in
flatu, sive in pulsu. De quibus nos
alibi, hic enim properamus ad mo-
dos Tibiarum ex diversis sonis ortos
explicandos.

C A P U T IX.

De Modis Numerisque Tibiarum.

Tibicines non modo varios percus-
sionum modos habent, ut loquitur
Cicero lib. 1. De Orat. sed etiam va-
rios cantus, nec pauciores nomos.
Frequentamenta numeris, modisque
addit

116 CASP. BARTHOL. l. i.
addit Gellius lib. 1. cap. 2. *si numeros
& modos & frequentamenta quædam
Tibicen incineret.* Nos de singulis bre-
viter pauca dicturi sumus. *Tibinos à
Tibiis modos dixerunt*, ut Varro apud
Non. Marcellum de Propriet. Serm.
c. 1. Eosque varios reperio ex discrimi-
ne Tibiarum & diversitate cantus,
ut non immeritò Propertius lib. 2.
El. 22.

*Sive aliquis molli deducit candida
gestu*

*Brachia, seu varios incinit ore
modos.*

Modos enim incinere verbum est pro-
prium tibicinum, quod pluribus cum
possem ostendere, ex solo Gellio pro-
babo, qui lib. 4. cap. 13. *Si modulis
levibus Tibicen incinat*, & ibidem: *In-
centiones Tibiarum.* Unde *incentivæ
Tibiæ Varroni*, & Apulejus lib. 10. *in
varios modulos lasciva concinente Tibia.*

Tantum differunt atque distant inter
se harmoniarum naturæ, ut qui audiunt
aliter atque aliter afficiantur, neque
eodem

eodem modo ad unamquamque earum moveantur , quod de Republ. lib. 8. c. 5. monet *Aristoteles*. Idque satis inferius patebit ubi Tibiarum ad commovendos animos usus tradetur. Interim exinde facile intelligo quo sensu dixerit *Cicero* lib. 2. de Leg. *Cervices & oculos torquere ad modos Tibicinis*. Isti modi pro seria vel jocosa Comœdia ita attemperabantur , ut argumentum fabulæ ostenderent. Illud patet ex inscriptionibus omnium Comœdiarum *Terentii*, ut in *Andria* : *Modos fecit Flaccus Claudii F. Tibiis paribus dextris & sinistris*. Sed hoc passim apud Autores deprehendo interdum hos cum illis confundi. Utrosque tanquam diversos recitat *Horatius* de Art. Poët.

Accessit numerisque modisque licentia major.

Sed evidentiore differentiam constituit *Cicero* in Orat. *Quicquid*, inquit, *sub aurium mensuram cadit id numerus dicitur, etiamsi absit à versu. Modus æstimatur sono & intervallo vocum & con-*

& concentu. Ab aliis autem modos numerosque non pro diversis haberi passim occurrit. Ita harmonia vel concentus Phrygius modò per modos modò per numeros exprimitur. De numeris Phrygiis *Lucretius* lib. 2.

Et Phrygio stimulat numero cava Tibia mentes.

Sic huic accinens *Propertius* lib. 2. El. 22.

Et Phrygis insanos cæditur ad numeros.

Qui *Tibullo* modi dicuntur lib. 1. El. 4.

Et secet ad Phrygios vilia membra modos.

Uti & *Ovidio* Fast. lib. 4.

Tibia dat Phrygios, ut dedit ante, modos.

Græcis ῥόμοι dicti sunt, quos *Suidas* ita interpretatur : μουσικὴ τῶ ποί καὶ ὕμνας ἔδωκεν, *modi musici secundum quos canimus.* Erat autem certa quædam modulatio legibus devincta, ita ut de alia in aliam transire nefas esset, quod *Plato* docet lib. 3. de Leg. Mus. Ex *Plu-*

Plutarcho lib. de Music. nomi dicti sunt, quod sicuti leges infringere ac violare, ita & legitimam modulationum formam in quoque genere transire nefas sit. Altius vocis originem repetit *Aristoteles*, qui *Probl. sect. 19. q. 28.* quærens cur nomi vocentur, ὡς ἄδουσι, quos canunt, quia, inquit, antequam leges scirent, leges cantabant, ne eas oblivioni traderent. Quod de Creten- sium pueris testatur *Ælianus* Var. Hist. lib. 2. c. 39. qui jubebantur cum quodam concentu & melodia τὰς νόμους perdiscere, ut ex Musica voluptatem caperent, & facilius eas leges memoria complecterentur.

Modi, ut & numeri, & qui Græcis νόμοι vocabantur, diversi à diversis recensentur. A *Suida* ad septem referuntur à *Terpandro* repertos, qui erant, orthius, tetradius, acutus, Dorius, Ionius, Phrygius, Lydius. Primis temporibus tria tantum fuere ἀληγεῖται genera, referente *Pausania* pag. 291. Lydium, Phrygium, Dorium, Tibiis
fin-

singularibus. Pronomus autem primus Tibias, quæ commodè ad omnem harmoniam se haberent, invenit, cum prius aliis Tibiis ad Lydium, aliis ad Dorium, aliis ad Phrygiùm uterentur. Nos omnium modorum, quorum apud Authores indicia reperimus, diversitatem commodè considerabimus, vel quatenus à variis autoribus aut regionibus ubi reperti sunt, vel à variis usibus & effectibus quos præstiterunt, ortam. De modorum diversitate à diversis provinciis, sic *Cassiodorus* lib. 2. Epist. 40: *Hoc totum inter homines quinque tonis agitur; qui singuli provinciarum ubi reperti sunt nominibus vocitantur. Dorius pudicitiae largitor & castitatis effector est. Phrygius pugnas excitat & votum furoris inflamat. Æolius animi tempestates tranquillat, sonumque jam placidis attribuit. Jasius intellectum obtusis acuit, & terreno desiderio gravatis cælestium appetentiam bonorum operatur, indulget. Lydius contra nimias curas animæque tædia repertus,*
remis-

remissione reparat, & oblectatione corroborat. De his vide *Vossium* de 4. Artib. Popul, cap. 4. Eleganter eorundem varietatem omnem paucis adumbrat *Apulejus* Florid. lib. 1. de Antigenida tibi-
cine: seu tu velles, inquit, *Æo-
lium simplex*, seu *Asium varium*, seu
Lydium querulum, seu *Phrygium reli-
giosum*, seu *Dorium bellicosum*. Ab his
diversus est *Heraclides Ponticus* apud
Athenæum lib. 14. qui negat Phrygiam
vel Lydiam vocari posse harmoniam,
cum illas tantum tres dicat, quemad-
modum etiam tres Græcorum natio-
nes, Doras, Æonas, Ionas. Do-
rius modus, qui gravissimus erat, dua-
bus dextris Tibiis incinebatur; Ly-
dius, qui acutissimus, duabus fini-
stris; Phrygius qui Dorio acutior,
Lydio gravior, gravitate simul & a-
cumine temperatus, dextra & sinistra
Tibia modulabatur, quod à *Salmasio*
in *Plinianis Exercitationibus* anno-
tatum. De cantu Phrygiæ Tibiæ,
qui ad insaniam concitabat, videri

potest *Fabius* lib. 1. cap. 17. Atque præter *Aristotelem* qui lib. 8. Polit. & *Platonem*, qui de Republ. lib. 3. hoc expresse confirmant, huc etiam respexit *Apulejus* cum ita lib. 8. Metam. *Incitantes Tibiæ cantu lymphaticum tripudium*. De Damone Milesio narratur, quod, cum Tibicinam accersisset, quæ Phrygiis modis adolēcentes quosdam temulentos ad furorem usque incenderat, jusserit ad Doricas legestonum demittere; quo illi demulsi quieverē. Unde utrique modi, alter altero frequenter temperabatur, quod non obscurè apud *Horatium* deprehenditur Epod. Od. 9.

*Sonante mistum Tibiis carmen lyra,
Hac Dorium, illis barbarum.*

Quippe Barbarum idem quod Phrygium est. Lydiorum modorum suavitatem ex *Apulejo* deprehendimus lib. 10.

Fam Tibiæ multiforates cantus Lydios dulciter consonant, quibus spectatorum pectora suave mulcentibus, &c.
Phrygios & Lydios modos Olympi

& Marfyæ fuisse memorat *Pollux*, qui etiam *Lydiæ* harmoniæ inventionem *Antippon* tribuit lib. 4. cap. 10. tit. 2. ubi inter harmonias *Tibicinum* hæ recensentur; *Dorica*, *Phrygia*, *Lydia*, *Ionica*, & οὐρανία, quod interpret reddidit, *continua*.

Atque hi modi ab inventionis loco denominationem traxêre. Alios reperio, qui usui, cui adhibiti sunt, & effectui quem præstiterunt, nominis originem debent. Eorum nonnullos brevibus comprehendit *Maximus Tyrius* Orat. 7. *Nec enim in musicis unus est modus aut unum tempus. Pulchrum in bello id quod orthium (ὀρθιον) nominant: pulchrum in convivio id quod prænion (παιγνιον) vocatur. Ac Lacedæmoniis pulchrum quod ἐμβαλῆειον appellatur. Atheniensibus verò quod κύκλιον dicunt. Pulchrum insequenti hosti quod ἐγκελευσικόν, pulchrum fugienti quod ἀνακλητικόν nuncupatur. Modum & ὀρθία μελωδίας invenisse Terpandrum Methymnæum docet *Plutarchus* lib. de Mu-*

fic. Ille autem modus tibicinum apud *Scholiasten Aristophanis* ita dictus est, quia erat *ὀρθός*, & sonum sublatum effecit, quod confirmat *Gellius* lib. 16. cap. 19. *Stansque*, inquit, *in summæ puppis foro carmen quod orthium dicitur, voce sublatissima cantavit.* Unde ille modus ad prælium excitandum aptior erat & *εἰς πόλεμον ἐεισιπύς* dicitur *Eustathio* in lib. 2. *Iliad.* Et de eodem *Suidas* tradit, *Timotheum* Tibicinem *Minervæ orthium* modum canentem, in tantum affecisse *Alexandrum* modulatione, ut is audiens ad arma exsilierit. Dictus quippe orthius *Minervæ* nomus est, quod ut ex aliis, tum ex *Pindaro* constat *Pyth.* ult. Plures alii fuere Tibicinum modi, quos latè recensent *Pollux* lib. 4. c. 10. tit. 2. *Eustathius*, *Hesychius*, & *Athenæus* lib. 14. atque in eum eruditissimus *Casaubonus*. Ex quibus plurima congesta videri possunt apud *Scaligerum* de *Arte Poëtic.* lib. 1. cap. 1. & 20. & *Bullingerum* de *Theatro* lib.

c. 9. DE TIBIIS VET. 125
lib. 2. c. 17. De Tibiarum cantu se-
lectissima habet *P. Faber in Agonist.*
lib. 1. cap. 4.

Propter hanc modorum diversitatem
non immerito *Pindarus* Pyth. od. ult.
cantum Tibiæ vocat κεφαλᾶν πολλῶν
νόμων, quia multiplex & quasi diver-
forum corporum Tibiis est sonus. Eo-
dem jure pro Tibiarum cantu *Plinius*
lib. 8. c. 42. Symphonix cantum sub-
stituit. *Polluci* variæ sunt symphonix
seu cantus Tibiarum species, lib. 4.
cap. 16. tit. 4. Porro, inquit, modi Ti-
biarum cantus sunt κρέμαξ, σείγμαξ,
περίσμοι, περίσμοξ, ινγλάροι, pulsatio-
nes, sibilationes, fremitus, niglari. Pri-
ma verò Tibicinum μαθήμαξ, exerci-
tamenta, πείρα, καὶ γρήθων, experimen-
tum, rudimentum. Athenis verò σιναυ-
λία quædam erat, συμφωνία, concentus,
Tibicinum in Panathenæis concinen-
tium. Nonnulli verò σιναυλίαν θεωσαυλή-
σεως speciem esse putant, sicut & Ti-
biæ cantum.

In Tibiarum modis θεωύλιον, seu præ-

126 CASP BARTHOL. l. i.
centio quædam fuit, quæ in Tibia-
rum cantu idem erat ac in Poësi pro-
logus & procœmium quod est initium
sermonis, quemadmodum *Aristoteles*
lib. 3. *Rhetor.* Et illud idem indicat
Plato Cratylo, ὅτι οὐκ ἔστι τῆς ἀθλωαίας νό-
μος παρθαύλιον συμπευλῆσαι, ut canere præ-
centrationem nomi *Minervæ*. Sed cum
exeundum esset è Theatro, funere
aut sacrificio, ἐξόδοι νόμοι caneantur.
Hesych. ἐξόδοι νόμοι δὲ ὧν πάντες ἐξελεύ-
σονται.

In illis nomis imprimis cautum est,
ne dissonum quid aut colonomus fieret,
cujus meminit *Ausonius* Epist. 11. ad
Paulum: Denique dissonum, inquit,
quem colonomum existimo propriè à Phi-
losophis appellatum, adcrevi. καλὸν νό-
μον, id est mutilus, ut *Scaliger* in *Au-
sonium*.

CAPUT X.

A quibus ars Tibias inflandi exercita, & apud quos in usu.

OLim in Græcia Tibiis canendi artem non discebant ingenui, tanquam sordidam, sed hanc sola mancipia erercebant, quæ plerumque ex Arabia perducebantur, teste *Suida*. Deinde ingenuis usque adeo placere coepit, ut indoctus haberetur quisquis hujus rudis: Donec Alcibiades Tibias abjiceret oris deformitate conspecta ad speculum.

Constat itaque inter summas olim virtutes numeratum, Tibia canere, quod non alibi clarius quam apud *Cornel. Nepotem* exstat in Præfatione: Cum relatum legent quis *Musica* docuerit *Epaminondam*, aut in ejus virtutibus commemorari saltaſſe eum commode scienterque Tibiis cantasse. Que

ille idem in Epaminond. monet ad Romanam consuetudinem levia fuisse & potius contemnenda ; at in Græcia magnæ utique laudi. Ideoque Corinthi Ismeniam Tibias septem talentis emisse constat ex *Luciano* Dialog. adv. Indoctos. Nihilominus tamen apud Romanos hæc ars ab ipsis Regibus atque Principibus interdum exercita est, uti de Heliogabalo & Severo *Lampridius*, & de Nerone *Suetonius*, de Galieno *Trebell. Pollio*, quippe quam etiam Diis Gentilium attributam legimus, quod Deos induxerint alios fabros, alios medicos, alios lanarios, nautas, citharistas, aulædos, venatores, pastores, rusticos, quemadmodum horum numinum contumeliam Paganis objicit *Arnobius* adv. Gent. lib. 3.

Ab aliis autem ars Tibicinum parvi pendebatur, qui vel Philosophiam vel alias artes prætulerunt, quemadmodum Philiscus Milesius, qui primo Tibicen fuit, deinde Rhetor, quem *Isocrates*

crates ideo αὐλοῦχος vocat. De Saty-
 ro Tibicine perhibet *Ælianus* Var.
 Hist. lib. 3. cap. 33. quod, cum per-
 sæpe Aristonis Philosophi disputatio-
 nibus interfuisset, his quæ doceban-
 tur mire affectus, dixerit: Cur ergo
 non igni trado hoc nihil utile telum?
 Inlinuans Tibiam & quodammodo
 suam artem ad Philosophiæ studium ex-
 tenuans, & nihili æstimans. Marcus
 Octavius Herennius prima adolescentia
 Tibicen, postquam arti suæ diffusus est,
 instituit mercaturam & bene re gesta,
 decimam Herculi profanavit, quam hi-
 storiam ex Mascurio Albino prose-
 quitur *Macrobius* lib. 3. Saturn. cap.
 6. Nimirum eleganter *Apulejus* de
 Deo Socratis rationem bene vivendi
 omnibus æque necessariam dicit, non
 autem rationem pingendi & psallen-
 di; quam quivis bonus vir sine tur-
 pitudine, sine labe contempserit.
 Ideoque meritò subjungit: *Nescio,*
ut Ismenias Tibiis canere, sed non
pudet me Tibicinem non esse: nescio ut

Apelles coloribus pingere, ut Lysippus fingere, sed non pudet me non esse significem.

Viguit hic Tibiarum usus apud omnes gentes, quarum nonnullas hic potius indicare quam omnes recensere placet, quia passim in textu reliquo operis earum plenior fit mentio. Romanos taceo apud quos non infrequens earum usus passim lib. 2. docetur. Apud Græcos Tibicinum ars multum commendabatur, quod pluribus astringit *Athenæus* lib. 4. Ac primum ex Chamaeleonte Heracleota refert Lacedæmonios ac Thebanos omnes, Tibiæ cantui operam navasse: item Heracleotas Pontiaccolas, Atheniensium quoque Clarissimos, ut Calliam Hipponici filium, & Critiam Callæschri. Etiam Pythagorici idem fecere, ut Euphranor, qui de Tibiis Librum reliquit, & clarissimus ille Archytas Tarentinus, nec non Philolaus. Thebanos cæteras Græciæ urbes Tibiæ cantu superasse Dio Chrysost. testatur in Cyneg. Ideoque
Incer-

Incertus quidam in Florileg. Epigr.
lib. 3. cap. 8.

Ἐλλὰς μὲν θήβας προτέρως πρέκεινεν ἐν ἀν-
λοῖς.

Θῆβα δὲ πρόνομον, παῖδα τ' Οἰνιάδου, i. e.
Græcia quidem Thebas priores judica-
vit in Tibiis.

Thebæ verò Pronomum, filium Oe-
niadæ.

Max. Tyrius Dissert. 19. ὁ θεῶν ἐρᾷ
ἀνλῶν, ὁ ἰων χερῶν, *Thebanus Tibiis affici-*
tur, Ionicus choris. Sed idem *Dissert.*
7. non solum Thebanos Tibiarum
cantu delectari, at illum Bœotis quasi
vernaculum asserit. Etiam *Dardanis*
hujus artis gloria debetur, cum ex
Dardania Tibicinas commendari vi-
deam apud Aristophanis Scholiastem, in
hæc verba, ἀνλῆεις δαρδανὶς ἐκ τ' δαρ-
δανίας ἀνλῆεῖδες ἀδικιῶσιν. i. e. *Tibi-*
cina Dardanis, quia è Dardania Ti-
bicinae commendantur. Et hanc Mu-
sices partem à *Dardanis* excultam, au-
thor est *Strabo* lib. 7.

Apud Syros & Arabas non negle-
ctam

Etiam artem Tibicinum probat Capitolinus in Vero : *Adduxerat secum, inquit, & fidicines, & Tibicines, histriones, scurrasque, mimarios & præstigiatores, & omnia mancipiorum genera, quorum Syria & Alexandria pascitur voluptate.* Et hac mente non difficulter intelligitur *Juvenalis Sat. 3. vers. 63.*

Jampridem Syrus in Tiberim defluxit Orontes,

Et linguam & mores & cum Tibicine chordas

Obliquas, nec non gentilia tympana secum

Vexit.

Syrios Tibicines intelligit ex Syria, ubi Orontes fluvius est, Romam pervenientes ad Tiberim sitam, *Papias* in Onomastico : *Ambubajæ, mulieres Syriacæ.* De quibus nos alibi. In Arabia autem non infrequentem Tibiarum usum indicat illud apud *Suidam* Proverbium : ἀρχεῖς & ἀυληνῆς, de iis qui aliquid desinere nequeunt.

Unde

Unde & illud, *Ut Tibia canat drachma una ei datur, ut desinat autem quatuor numerari oportet.*

Apud Carmanos, qui Indis contermini sunt, tiliarum usum testatur *Damianus à Goës*. Eques Lusitanus de Diensis urbis Carmanix oppugnatione; & ipsis Turcis familiarem esse ex *Bellonio* colligo, qui etiam singul. lib. 3. cap. 48. Turcas uti Tibiis dicit, iis ferè similibus, quæ apud Germanos sunt, & sex foramina ex ordine posita habentibus, sed duos cubitos longitudine superantibus. Cum difficultate tiam inflari posse, nam os habent ab omni Tibiarum Europæarum genere diversum; supremum enim foramen ipsam fistulam penetrare refert, atque inflari per amplum extimumque foramen, sed exigua admodum harmonia. Nolo pluribus ea hic extendere quæ in toto Opere ubique ferè patent, dummodo constet plerisque, si non omnibus, gentibus jam inde ab antiquis

tem

134 CASP. BARTHOL. l. i.
temporibus usitatas Tibias. Illud hic
solum adiungam quo tempore apud
Græcos earum usus coeperit, quo maxi-
mè viguerit, quoque desierit.

Tibiarum consuetudo coepisse vide-
tur post Medicas victorias, cum Græci
jam de se magnificè sentirent, quod à
Cæli Rhodigino annotatum Lect. An-
tiq. lib. 9. cap. 4. sed ante eum pluribus
ab *Aristotele* confirmatum reperio, cu-
jus verba ex lib. 8. de Republ. cap. 6.
hic latina afferam, ne Græca aliis fa-
stidium pariant nimia prolixitate. Ita
autem ille : *Quocirca rectè veteres ejus
usum in pueris ac liberis hominibus im-
probarunt cum antea eo usi essent: ocium
enim uberius ex omnium rerum copia
nacti, majoresque animos ad virtutem
consequuti, tum superioribus temporibus
& post bellum Persicum ex rebus feli-
citer & præclare gestis ferociiores & ela-
tiores effecti, omne disciplinæ genus
attigerunt, nullum delectum adhiben-
tes, sed aliam atque aliam insuper
indagantes. Quapropter etiam artem*
Tibia

Tibia canendi ad disciplinarum numerum aggregarunt. Etenim Lacedæmone quidam, qui ludorum sumptus supeditabat (κερυς Græcis) ipse choro Tibiam inflavit; Et Athenis ita increbuit ut fere plerique liberi & ingenui homines Tibia canerent.

Desiit verò Athenis disciplina illa, Alcibiade authore, cum percrebuiſſet ab ipſo abjectas infractasque Tibias, ut ita poſt ejus tempora res habita ſit ſordida & illiberalis. Nimirum Alcibiades quum apud avunculum Periclen puer artibus & diſciplinis liberalibus erudiretur; & accerſi Pericles Antigenidam Tibicinem juſſiſſet, ut eum canere Tibiis, quod honeſtiſſimum tum viſum eſt, doceret: traditas ſibi Tibias quum ori inſertas inſlaſſet, deformitate oris tali pudore affectus dicitur, ut infractas illas abjecerit. Ea res cum percrebuiſſet, omnium tum Athenienſium conſenſu diſciplina Tibiis canendi deſita eſt, quemadmodum ex Commentario Pamphilæ nono & viceſimo

136 CASP. BARTHOL. l. i.
fimo totam historiam refert Gellius
lib. 15. cap. 17. Et hanc ob causam Al-
cibiadem Socrates apud Platonem sic
alloquitur, *Quantum enim memini, di-
dicisti legere, scribereque, & cithara
canere: nam Tibia canere noluisti.*

Apud omnes autem gentes in variis
actionibus adhibitus est Tibiarum usus.
Cujus causam indagare non difficile est
ubi ad varias affectiones & passiones
attendimus, quas varii Tibiarum mo-
di, prout variè usurpati sunt, pro-
duxere, de quibus pulchrè Cicero
lib. 2. de Legibus: *Assentior enim Pla-
toni nihil tam facile in animos teneros
ac molles influere, quam varios canen-
di modos, quorum dici vix potest, quan-
ta sit vis in utramque partem: & in-
citat languentes, & languefacit exci-
tatos, & tum remittit animos, tum
contrahit.* Unde diversus emerſit ea-
rundem apud Veteres usus; In bello ad
animos excitandos, vel moderatiores
reddendos; In sacris, ne quid infausti
exaudiretur; In ludis publicis & Di-
vum

vûm honore, ut luxus & lætitiæ sensu imbuerent animos suaves modulationes; Inde etiam Convivales Tibiæ. Nec sine iisdem comœdiæ actæ, nec spectacula. In concionibus etiam Tibiæ concionatoriæ variis modis tum animum demulcerent, tum actionem loquentis intenderent. In funeribus signum luctus Tibia daret, & funereos modos cantu lachrymante ferrent tibicines. Sed Zygia Tibia lætos Hymenæi modos conderet, quemadmodum alia nocturnis dicata choreis. Ad Tibicinum cantum Ludii & histriones motum congruentem moderarentur. Fuit & Tibicen nauticus, qui in tremibus animos remigum mulceret, ad tolerandos facilius labores. Quare etiam Tyrreni ad Tibiam servos flagellis cædunt, ad excitandam tolerantiam. Agmen claudunt bruta Animalia, quæ olim Tibiarum varietate & dulcedine delectata non ignoro, sed his omnibus Tibiarum usibus explicandis sequentem hujus Tractatus Librum impendo.

138 CASP. BARTH. DE TIB. VET. I. I.
impendo. Ubi evidenter patebit, non
immeritò decantatas esse *Maximo Ty-*
rio tot Musices vires; apud quem Dis-
sert. 21. talis est *Musica*, quæ facillimè
luctum levat, facillimè iram cohibet,
optime cupiditates temperat, dolores mi-
tigat, amores solatur, adversam suble-
vat fortunam. Optima hæc in sacri-
ficiis comes, in epulis convivrix, impera-
trix in bello. Hæc est quæ maximè in fe-
stis reficit, Bacchanalibus saltat, in my-
steriis afflat homines. Hujus præcipuum
quoque opus est modulatione sua rempu-
blicam temperare. Ita planè omnis ha-
bitus animæ cantibus gubernatur, fa-
tente *Macrobio*, ut & ad bellum pro-
gressui & item receptui canatur cantu,
& excitante & rursus sedante virtutem;
Dat somnos, adimitque: nec non curas
& immittit & retrahit: Iram suggerit,
clementiam suadet: corporum quoque
morbis medetur.



LIBER SECUNDUS.

CAPUT .I.

*Tibiæ Vis ad variè afficiendos
animos, eosque vel concitan-
dos vel molliendos.*

DE Platone testatur Cicero lib. 3. de Leg. quod musico-
rum cantibus mutatis, mu-
tari mores civitatis dixerit.
Nec sane immeritò, cum Pythagoram
confessum esse, plus posse Tibicines ad
corrigen- dos mores, quam Philosophos,
constet ex *Sexto Empirico* adv. Ma-
them. lib. 6. Pythagoræi ferociam animi
Tibiis ac fidibus mollientes, docuerunt
cum corporibus adhærere nexum foe-
dus

dus animarum, quod de illis testimonium perhibet *Martian. Capella* lib. 9. Et hanc ob causam multi persuasi sunt ideo in hac vita omnem animam musicis sonis capi, quia in corpus defert memoriam musicæ, cujus in coelo fuit conscia: & ita delinimentis canticis occupari, ut nullum sit tam immite, tam asperum pectus, quod non oblectamentorum talium teneatur affectu. Hinc *Macrobius* lib. 2. in Somn. Scip. cap. 3. existimat & Orphei & Amphionis fabulam sumplisse principium: quorum alter animalia ratione carentia, alter laxa quoque trahere cantibus ferebatur; quia fortè gentes, vel sine rationis cultu barbaras, vel saxi instar nullo affectu mobiles, primi illi ad sensum voluptatis canendo traxerunt. Videmus enim Tibiam, quæ ex testimonio *Plutarchi* Symp. 7. cap. 8. in aures se insinuat infundens vocem jucundam usque ad animam, modo mores asperos lenire animosque demulcere, modò eosdem lymphatico cantu incitare
 atque

atque furorem afficere.

De posteriori effectu Tibiarum, tot apud autores sunt indicia, ut, qui omnia congereret, prius temporis atque chartæ, quam materiæ defectum haberet. Tibiam hoc habere institutioni ac doctrinæ adversarium, quod ejus cantus prohibet ratione uti, effatum est *Aristotelis* de Republ. lib. 8. c. 6. Quocirca, quemadmodum Veteres rectè ejus usum in pueris ac liberis hominibus improbarunt, ita neque Tibiam in puerorum institutionem introducendam judicat, quippe quam organum dicit non ad mores mitiores ingenerandos aptum, sed potius ad animos furore Bacchico stimulandos accommodatum. Quare talibus temporibus eo utendum suadet, quibus ejus usus valet ad animos expiandos potius ac lustrandos seu purgandos, quàm ad erudiendos. Apud *Plutarchum* lib. 2. de Fort. Alexandr. Antigenide Tibiis canente, usque adeo, velut lymphatico impe-

impetu , exarsisse dicitur Alexander Magnus, ut concussis armis proripiens è mediis epulis, manus in astantes intenderet, illectus sono bellico. Similia de Erico Rege Daniæ referenti credo Saxoni Grammatico, patriæ nostræ Historiæ conditori optimo , qui lib. 12. Hist. Dan. ita : *Sed tristioris fortunæ quod sequitur. Reversus namque Ericus, cum more Regio domi in propatulo cœnaret, inter alios quendam Musicæ rationis Professore[m] adesse contigit. Qui cum multa super artis suæ laudibus disputasset, inter cætera quoque sonorum modis homines in amentiam furoremque pertrahi posse affirmabat. Quin etiam tantas fidibus vires dicebat, ut perceptis earum modulationibus astantes mente constaturos negaret. Ille ubi tum precibus Regiis, tum minis effectum præsentare compellitur, ita animorum eorum habitus qui audierant, modorum varietas inflectebat, ut Rex, colluctantium robore victo, arreptoque ense, quatuor militum, continendi ejus gra-*
tia

tia propius accedentium, cædem per-
 egerit. Hanc ad concitandos animos
 vim Tibiarum non ignoravit Theon
 Pictor, de quo *Ælianus* Var. Hist.
 lib. 2. cap. 44. quippe qui imaginem
 quandam populo videndam exhibitu-
 rus, non prius eam congregatis ad spe-
 ctandum proposuit, quem Tibicinem
 juxtà collocasset, quam jussit carmen
 incitativum canere, penetrans ac cla-
 mosum quam fieri posset maximè &
 quod ad prælium animaret. Simulac
 igitur auditum est carmen asperum &
 horrendum, & tuba quasi armatorum
 eruptionem sonante, picturam ostendit,
 & miles conspectus est, erat enim mi-
 les, quem pinxerat in armis, jam jam
 quasi erupturus. Ergo non immeritò à
 Philosopho Tibia *ὀγκυστική* salutatur
 seu *concitatrix*, & ad rem nostram Ci-
 cero de Divin. lib. 1. *Multisque rebus,*
inquit, inflammantur tales animi, qui
corporibus non inhaerent, ut ii qui sono
quodam vocum, & Phrygiis cantibus
incitantur. Per Phrygios cantus Tibia-
 rum

rum modulationes intelligendæ sunt, quæ in Matris Deûm sacrificiis in Phrygia adhibitæ, quemadmodum *Apulejus* *Metam.* lib. 8. virum quendam *Cantus Phrygii mulcentibus modulis excitum* dicit, & paulo ante illum cantum Tibiarum esse declarat: *Quidam tunicas albas in modum lanciolarum quoque-versum fluente purpura depictas cingulo subligati, pedes luteis induti calceis, Deamque serico contectam amiculo mihi gerendam imponant: Brachiisque suis humero tenus renudatis attollentes immanes gladios ac secures ovantes exsiliunt, incinente Tibiæ cantu lymphaticum tripudium.* Ex quo *Apuleji* loco non parum lucis mutuor pro explicando *Valer. Flacco* lib. 3.

— *At barbara Buxus*

Si vocet, & motis ululantia Dindyma sacris,

Tunc ensis placeatque furor.

Sed de his nos plura proferemus alibi, ubi de Tibia in sacris Deûm Matris sermo erit, hic tantum tractandus erit furor

ror ille & nefarius spiritus, quem in audientibus concitavit, eleganter expressus à Seneca Epist. 108. *Quidam ad magnificas voces excitantur, & trans-eunt in affectum dicentium, alacres vultu ac animo: nec aliter concitantur, quam solent Phrygii Tibicinis sono semiviri, & ex imperio furentes.* Semiviros Sacerdotes Phrygios vocat, quos ideo Firmicus de Err. profan. Relig. dicit, cum se alienos à viris fecerint, adimpletos Tibiarum cantu vocare Deam suam, ut nefario repleti spiritu vanis hominibus quasi futura prædicent. Idem de Corybantibus ab aliis dictum, quo sensu Max. Tyrius Dissert. 22. *Sicut vulgo eos ajunt, quos corybantiare dicimus, si Tibiam audiant, è priori mentis statu devolvi, divinoque subito furore corripì.* Erant autem Corybantes iidem cum Curetibus de quibus prolixè Strabo lib. 10. Nimirum qui Cretenses res tradunt Phrygiasque, ii quibusdam sacris ministeriis implicant Curetes, cum arcanis, tum aliàs

Jovis in Creta educationi puerili, & Matris Deûm sacrificiis in Phrygia, ac locis circa Idam Trojæ montem. Ingentem istarum narrationum diversitatem *Strabo* monet. Dum alii eosdem cum Curetibus ponunt Corybantas, Cabiros, Idæos, Dactylos, Telchines: Alii cognatos inter se & exilibus distinctos differentiis. Illi ab omnibus furore quodam Divino correpti & bacchantes describuntur, qui armata saltatione cum tumultu & strepitu, tintinnabulis, tympanis, armis, Tibia & clamore in sacrificiis perterreant homines sub administrorum specie. Horum rituum originem ordine exponit *Ful. Firmicus*, inde ortum, quod Cretenses, ut Jovis furentis propter filii Bacchi cædem, sævitiam mitigarent, festos funeris dies statuentes, & annum sacrum trieterica consecratione componentes, omnia per ordinem facere vellent quæ puer moriens aut fecit aut passus est: Ideoque, ut memorat *Firmicus*, vivum laniant dentibus taurum, crudeles epulas

an-

annuis commemorationibus excitantes, & per secreta sylvarum clamoribus dissonis ejulantes fingunt animi furentis insaniam. Præfertur cista in qua soror cor latenter absconderat, *Tibiarum cantu*, & cymbalorum tinnitu crepundia quibus puer deceptus fuit mentiuntur.

Aliam, sed contrariam prorsus, vim Tibiarum reperio, qua excitati furores compositi sunt atque animus molliter affectus. Eoque consilio apud *Stobæum* de Repub. Serm. 41. illis qui ebrietate & crapula inducti aliquid mali perpetrabant, Tibias & accentum accommodârunt, ut ingenia his modis irrigata honestiores maturescendo mores acquirerent. Hunc effectum Tibiarum à priori planè diversum mirari licet, cum Pythagoras ebrium Adolescentem Taurominitanum, sub Phrygii modi sono incitatum, Tibicine spondæum succinente reddiderit mitiorem & sui compotem, cujus rei testes sunt *Fabius* lib. 1. cap. 10. *Patritius* de Republ.

lib. 2. tit. 2. *Boëthius* *Musices* lib. 1. cap. 1. Nimirum cum scortum in rivalis domo esset clausum, atque Adolescens ille furens domum vellet comburere, cumque Pythagoras stellarum cursus, ut illi mos erat, inspiceret, ubi intellexit sono Phrygii modi incitatum, multis amicorum admonitionibus à facinore noluisse desistere, mutari modum præcepit, atque ita furentis animum ad statum mentis pacatissimum reduxit. Idem de Pythagora tradit *Basilius* de Legendis Græcorum sive Gentilium Libris, uti & *Ammonius* in *Porphyrri* *Isagogen*, qui inde comprobatur, Musicen animi affectiones sopire, dirigereque ad virtutes. Præceptoris ductum sequutus est *Clinias* apud *Ælianum* *Var. Hist.* lib. 15. c. 23. Is sapientiæ studio Pythagoræus, quando ad iracundiam se præcipitem ferri sensisset, confestim priusquam prorsus invaderetur ab ira & elucesceret in ipso mentis affectus, chordis adaptatis citharam pulsavit. Et eundem hujus facti causam rogatum.

gatum, *Athenæus* lib. 14. refert respon-
diffe : Περὶ τῆς μουσικῆς, *mitesco*. Atque ideo
Pythagoræ & Seſtatoribus ejus rece-
ptus mos fuit, ut lyræ cantu animum
tum ad laborem accenderent, tum ad
tranquillitatem reducerent, ut testan-
tur *Plutarchus* lib. de Iſid. & Oſir. *Por-*
phyrius in vita Pythagoræ, *Jamblichus*
in ejusdem vita cap. 25. & 32. Ex qui-
bus varia apud *Vossium* vide de 4. Art.
Popul. cap. 4. Quibus hic ſolum *Tul-*
lium addam qui *Tuſcul. Quæſt.* lib. 4.
Vestigia autem, ait, *Pythagoræorum*
quanquam multa colligi poſſunt, paucis
tamen utemur : quoniam non id agitur
hoc tempore : nam cum carminibus ſoliti
illi eſſe dicantur, & præcepta quædam
occultius tradere, & mentes ſuas à co-
gitationum intenſione cantu fidibusque
ad tranquillitatem reducere.

Sanè eandem ob cauſam iisdem Py-
thagoræis moris fuit, quemadmodum
de iis teſtatur *Quintilianus* *Inſtit. Or.*
lib. 9. cap. 4. cum evigilaſſent, animos
ad lyram excitare, quo eſſent ad agen-
dum

150 CASP. BARTHOL. l. 2.
dum erectiores: & cum somnum pe-
terent, ad eandem prius lenire men-
tes, ut si quid fuisset turbidiorum co-
gitationum, componerent. Huic affi-
nis mos fuit Indorum, qui Tibiarum
cantibus Regem admonuere, quoties
dormitum pergebat, ut bonis utere-
tur somniis, atque benignus erga sub-
ditos, & illis bene consulens surgeret,
quemadmodum referenti *Philostrato*
credimus, de vita Apollon. lib. 2. Ad
conciliandum somnum adhibitam sym-
phoniam monet *Seneca* lib. de Provid.
cap. 3. ubi Mæcenatem tradit in diu-
turna ægritudine in somniorum variis ex
rebus remedia quæsisisse; *Feliciorem*,
inquit, ergo tu Mæcenatem putas, cui
amoribus anxio, & morosæ uxoris quo-
tidiana repudia deflenti somnus per sym-
phoniarum cantum, ex longinquo lene
sonantium, quæritur. Tales Tibiarum
præcentiones Gentiles Diis suis obtu-
lisse, eosdemque matutinis etiam ho-
ris Tibiarum cantibus Deos suos
salutare solitos testis est *Arnobius*,
quam-

quamvis non approbet hujusmodi Deorum fictitiorum cultum, Adv. Gent. lib. 7. *Quid sibi volunt excitationes illæ, quas canitis matutini, collatis ad Tibiam vocibus? Condormiscunt enim superi, remeare ad vigilias ut debeant? quid dormitiones illæ, quibus bene ut valeant auspiciabili salutatione mandatis. Somni enim quiete solvuntur, occupatique ut possint lenes audiendæ sunt nœniæ.*

Ad Tibiam expergefactus esse alios videtur ex Seneca colligi posse Epist. 15. *Quidni malit, inquit, quisquis vir est, somnum suum classico quam symphonia rumpi.* Ex fonte medico remedia hæc tangit Paulus Aegineta lib. 1. cap. 98. ubi de sanorum vigilia agit, *si quidem igitur, ait, aut ex mœrore, aut ob curam, aut animi affectum quempiam vigiliis torqueantur: primum quidem id quod mœrorem facit, si fieri queat, præscindemus.* Deinde etiam jucundiorum sonorum auditu, cogitationem ab illis abducemus. Lacedæmonii lite-

rarum omnino rudes erant, sed si aliquando doctrinarum auxilio & ope, vel delirantes vel ægrotantes, aut alioqui publica calamitate affecti, indigerent, accersebant homines peregrinos, ut medicos, aut vaticinium Apollinis. Accersiverunt autem Terpandrum, Thaletem, Tyrtæum, Cydoniatam, Nymphæum, & Alcmanem, qui Tibicen erat, sicuti prodidit *Ælianus* Var. Hist. lib. 12. cap. 50. Ex *Plutarcho* lib. de Music. & *Suida* Proverbio : μετ' ἀέσβιον ἦδ' ὧν, constat eosdem Lacedæmonios, cum seditione laborarent, jussisse cantorem Lesbium accersere : cumque Terpandrum in σπουδαίοις canentem audiissent ex discordia in gratiam rediisse. Ideoque Pythagoras, ut sæpius audimus, perturbationes animi lyra composuit, quis enim ignorat lituos & tubas concitamenta esse, sicut quosdam cantus blandimenta quibus mens resolvatur? Confusis oculis prosunt virentia, & quibusdam coloribus infirma acies acquiescit, quorundam splendore perstrin-

gitur:

gitur : sic mentes ægras studia læta permulcent, quemadmodum pulchre loquitur Romanæ Stoæ Princeps lib. 3. de ira cap. 9. *Aristoteles* in utriusque Tibiarum usus, tam excitandi quam sopiendi animos, causam inquit *Prob. Sect. 19.* Cur tam in laborando quam in fruendo solatio Tibiam adhibere solemus? An ut laborantes minus angamur, fruenter magis oblectemur.

Nec aliam ob causam, credo, nonnullæ gentes Tibiarum cantum adhibuerunt cum fontes flagris cæderent, quam ut aliquam poenæ partem fontibus minuerent, qui supplicia, his cantibus deliniti, æquiori animo ferrent, quanquam hoc Tuscorum propensione ad voluptatem tribuat *Alcinous*, qui illis hunc Tibiarum usum familiarem tradit apud *Athenæum* lib. 12. Viguit sanè apud nonnullos hic mos, quemadmodum suo ævo flagellari servos ad Tibiam tolere *Aristoteles* tradit, quod apud *Plutarchum* legimus lib. de Cohib. Ira, Tyrrhenis hunc ritum ex eodem *A-*

Aristotele tribuit Pollux lib. 4. cap. 8. Τυρ-
 ρῆνοι δὲ πρὸ Ἀριστοτέλους λόγῳ ἔπικλύουσιν ὑπὸ
 αὐτῶν μῦθοι, ἀλλὰ καὶ μασιγῶσι καὶ ὀψοποιῶσι.
Tyrrheni verò, ut Aristoteles tradit,
non solum pugnant ad Tibiam, sed
etiam flagellis cædunt, & coquunt.

Affinem originis causam habuit,
 quod non pauci olim in Triremibus
 Tibiarum cantu animum remigum de-
 mulcerent ad tolerandos facilius labores,
 de quibus nos postea singulari capite,
 nimirum cum ita certus Tibiarum can-
 tus animos emolliret, ut non imme-
 ritò *Ovidius* de Remedio Amoris, hoc
 de eo testimonium perhibuerit,

Enervant animos citharæ, lotosque,
lyræque.

Sic Polycratem Samiis mitiorem red-
 didit Anacreon apud *Max. Tyrium* Dis-
 fert. 21. cum ejus Tyrannidi Smerdiæ
 amorem, Cleoboli comam, *Tibiasque*
Bathylli, & Ionicos cantus immisceret.
 Unde hoc quasi mirum affertur à *Sa-*
xone Grammatico lib. 6. de Ingello Re-
 ge Daniæ, cum Regina tibicinem de
 indu-

industria modulari jussisset, quò indignationis Regis perseverantia flecteretur, & artificialis soni ministerium naturales inclementiæ nervos elideret, quod *Tibiæ & chordarum lenocinium parum efficax in hebetanda Regis pertinacia* fuisset. Getarum Legati, si pacis vel induciarum causa mitterentur, ubi pacato opus esset animo citharam pullantes adveniebant, quod ex Theopompi historia refert *Athenæus*, & hinc alibi colligit Musicen, & mores componere, & iratos mentisque parum compotes lenire ac demulcere. Quid enim Tibia ad corrigendos mores valuerit ex *Maximo Tyrio* constat, qui agrestes Boëtorum mores Tibiæ studium, Tibiæque aptatum Pindari carmen mitigasse tradit, Dissert. 21. Ut adeo non immeritò per Musicam nos certò quodam modo moratos fieri voluerit *Aristoteles Polit. lib. 58.* cui hujusmodi cantica, quibus animi à motibus purgarentur, dicuntur, μέλη καθαρεύουσα. Sed de his

156 CASP. BARTHOL. l. 2.
consule *Saresberiensem* lib. 1. Polycrat.
cap. 6.

A Prophetis olim adhibita instrumen-
ta musica Rabbini volunt, animos suos
recreandi exhilarandique gratia, quod
Spiritus Domini requirat animum læ-
tum ac hilarem: mœstum autem & tri-
stem fugiat. Apud Prophetam fide-
lium gaudium, quo sunt afficiendi pro-
pter Assyriorum cladem, Tibiarum
cantui simile habetur, sic *Esaïæ* cap. 31.
vers. 29. *Illud canticum futurum est vo-
bis ut noctis qua sanctificatur festum: &
læticia animi, qualis est euntis cum Ti-
bia.* Ita de Babylone, quia in deliciis
diu vixerat, *Apocalyps.* 18. vers. 21.
*Cum impetu projicietur Babylon urbs illa
magna: nec amplius invenietur. Et
vox citharædorum & musicorum & Ti-
bia atque tuba canentium non audietur in
te amplius.* Scilicet magnam hujus Mu-
sices suavitatem fuisse oportet, cum
plurimi hac usi sint ad vitæ austeri-
tatem modulorum dulcedine temperan-
dam, quapropter ab aliis propter sua-
vitatem

vitatem soni commendata est Tibia. Imo *Max. Tyrius* Dissert. 15. in Homeri Hesiodique carminibus non magis narrationes, numerorum suavitatem, & harmoniæ elegantiam quàm in Tibia aliqua aut cithara miratur, atque Dissert. 12. quodammodo cum Tibiæ suavitatem, & cantu Sirenum comparationem instituere videtur. Sed Dissert. 33. clariùs indicat quantam ad animos penetrandos atque afficiendos vim habeat: *Nox enim corpori diffido quin ab igne caleere, nec oculis quin à sole illustrari, nec auribus quin Tibiæ modis affici possint.* Ubi elegantissimè eandem vim Tibiis ad aures demulcendas concedit, quæ corpori afficiendo ab igne, & oculis, radiorum luce perstringendis, à Sole emanat.

Ego ejusmodi plura apud Authores varios reperiens vestigia, non possum quin fatear cum *Tullio* lib. 3. de Oratore, *Nihil est tam cognatum mentibus nostris, quam numeri ac voces: quibus & excitamur & incendimur,*

158 CASP. BARTHOL. l. 2.
*dimur, & lenimur, & languescimus,
& ad hilaritatem & ad tristitiam sæpe
deducimur.*

C A P U T II.

*Tibiæ usus in curatione Mor-
borum.*

PEculiarem apud veteres morbos cu-
randi rationem aggredior, haud
ignarus antiquis abhinc temporibus,
medicamentis aliis non infimum locum
datum. Asseverant hoc varia tum à sa-
xis vetustis, tum literarum monumen-
tis petita testimonia, quibus Medicis
suus non denegatur honos,

*Aras Pæoniam meruit Medicina
per artem.*

Apud Romanos sanè haud infimum di-
gnitatis locum obtinuerunt Medici.
Uti apud *Tacitum* lib. 4. *Annal.* Eu-
demus amicus ac Medicus *Liviæ* dici-
tur, & de *Charicle* idem lib. 6. *Annal.*

Erat,

Erat, inquit, *Medicus arte insignis nomine Charicles, omnes quidem valetudines regere Principis solitus, consilii tamen copiam præbere.* Statuas habebant publicas qualis apud *Ursinum P. Pupii*; idque non immerito, cum eleganter *Seneca* de Benef. adversariis respondet, quædam pluris esse quam emuntur: *Emis à Medico rem inæstimabilem, vitam & valetudinem.* Missas facio hic aliorum controversias de Medicis apud Romanos vel servis vel civitate prohibitis, cum distinctione tamen admittendas, quas ad alium forum relegabo, Volumini Antiquitatum Medicarum eas reservaturus. Non enim hic loquor vel de iis, qui olim certis quibusdam corporis partibus addicti artem ignobilem exercere, vel de *Pharmacopolis*, qui olim *Circumforanei*, ex mente *Ciceronis* in Orat. pro Cluent. & *Horatii* Serm. lib. 1. Sat. 2. Quibus suum addit calculum ætate posterior *Gellius*, lib. 1. cap. 15. apud quem ita *Cato*: *Itaque auditis, non auscultatis, tanquam Pharmacopolam,*

lam, nam ejus verba audiuntur: verum ei se nemo committit si æger est. Hæc & talia pluribus prosequi præter instituti rationem est.

Novi Tibiarum cantum, quem hic propono, non in morbis omnibus curandis utramque paginam fecisse, sed alia advocata medicamenta non diffiteri possum, eaque diversa. Nonnulla à se inventa Prometheus apud *Æschylum* in *Prometh. Vinc.* gloriatur, quod primus monstraverit *mistas lenium medicamentorum*, quibus omnes profligarent morbos. Sunt tamen hujus ætatis quidam, qui, molestè nimis seduli, *mistas medicamentorum*, quæ jam apud Practicos non infimi subsellii felici & laudabili usu passim increbuere, irrisui habent; forsan propter nominis simplicitatem, à qua nihilominus non abstinit, Romanæ linguæ non ultimum decus, *Quintilianus*, qui 1. Orat. 10. Medicamenta quæ morbis & vulneribus medentur, ex multis atque interim contrariis inter se effectibus componi videmus,

mus,

C. 2. DE TIBIIS VET. 161
mus, quorum ex diversis fit illa mistura una, quæ nulli earum similis est, quibus constat, sed proprias vires ex omnibus sumit. Præter illa usitata, & communia medicamentorum genera, veteribus etiam fuere quædam quæ minus vel vulgata vel ad communem medendi methodum accommodata. Illud de Antonio Musa testatur *Suetonius* in Octav. cap. 59. qui statuam meruit juxta signum *Æsculapii*, observatum lactuca Augustum, quod pluribus ex *Plinio*, & *Suetonio* illustrat *Ant. Mizaldus* de Secret. Hort. lib. 2. in Præfat. De Radicula quæ sola *Ptolemæum* in prælio telo venenato ictum sanavit, *Cicero* lib. 2. de Natur. Deor. Hic ex multis unam peculiarem veteribus medendi methodum demonstrabimus, quæ in solo Tibiarum cantu consistit.

Novimus varios Musices modos variè animum afficere, ideoque non immerito à veteribus Musicam mentibus nostris cognatam dictam. Nimirum quem-

quemadmodum ad affectiones animi Tibias adhibuere, ita easdem ad morbos corporis profligandos introducere. Refert Democritus apud *Gellium*, libro qui inscribitur de pestibus, aut rationalium regula, *plurimis hominum morbis medicinam fuisse intentiones Tibiarum*. Tanta prorsus est affinitas corporibus hominum mentibusque, & propterea quoque vitiis aut medelis animorum & corporum. Quod morbis medeatur Musica vide *Langiam* Epist. Medic. lib. 3. cap. 6. *Brodæum* Miscell. lib. 4. cap. 31. *Stuckium* Antiquit. Conviv. lib. 3. cap. 20. Sed & ante hos non pauci idem memoriæ prodidere. Apud *Jamblichum* in Vit. Pythag. cap. 28. Musica creditur multum conferre ad sanitatem, si quis ea, quomodo convenit, utatur. Ergo jure Musicen ita loquentem introducit *Martianus Capella* lib. 9. *Quid? Afflictionibus corporum nonne assidua meditatione succurri? Febrem curabant vulneraque veteres cantione. Asclepiades etiam tuba surdissimis*

surdiſſimis medebatur: Iſchiadas quis neſciat expelli aulica αὐλικῇ, ſeu Tibiali) ſuaſitate? Xenocrates organicis modulis lymphaticos liberabat. De dolore Iſchiadico conſentiunt alii. Athenæus lib. 14. Morbis auxiliari Muſicen, Theophrastus Libro de Enthufiaſmo ſcripſit, & qui vexantur coxendice, eo cruciatus liberari, ſi quis, dum dolor urget, Tibiis Phrygiam modorum harmoniam canat. Paria ex Eodem refert Apollonius Caryſtius in hiftoriis mirabilibus, Muſicen multis animi corporiſque affectibus mederi: ut animi defectui, metui, diuturnis mentis alienationibus. Sanare etiam cantum Tibiæ iſchiadem & morbum comitiale. Subjungit deinde ſua ætate multos ac potiffimum Thebanos Tibiæ cantu mederi morbis conſueviſſe. Ad prius confirmandum concurrat evidens Gellii teſtimonium, qui lib. 4. cap. 13. Creditum, inquit, hoc à plerisque eſt, & memoriæ mandatum: Iſchiaci cum maximè doleant, tum ſi modulis lenibus Tibicen incinat, minui dolores.

*dolores. Ego nuperrimè in libro Theophrasti scriptum inveni: viperarum mor-
sibus Tibicinem scitè modulateque adhi-
bitum mederi. Hunc Gellii locum cor-
rigit Muretus Var. Lect. lib. 14. cap.
6. qui Theophrastum scripsisse putat, non
lenibus modulis Tibiarum Ischiacos le-
vari, sed harmonia Phrygia, quæ o-
mnium vehementissima est & aptissima
ad animos divino quodam furore inci-
tandos: Cui animadversioni planè favet
Athenæus, qui, loco à nobis supra
adducto, expressè in hoc casu Phry-
giam modorum harmoniam, Tibiis
cantatam, ex *Theophrasto* laudat. Dein-
de quod de morfu viperarum, tibici-
ne canente curato, superius subjicit
Gellius, pro fabuloso habet *Hier. Mer-
curialis* de Morb. Venen. lib. 2. cap. 3.
Aptiùs tamen *Muretus* arbitratur *Theo-
phrastum* non de Viperis scripsisse, sed
de iis Phalangiis qui Tarantulæ vo-
cantur, quarum morsus Romæ ple-
rumque innoxius, in Apulia, si ne-
gligatur, lethalis. Quippe ibi earum
morsus*



marius

morsus saltationem inducit, quæ convulsionis quædam est species & Musicæ tono Phrygio aut hyperdorio, à *Kirchero* in Arte Magnet. descripto, curatur, sudore nempe per saltum excitato, quo humor noxius expellitur, ita explicante *Parente* meo in Quæst. Nupt. 7. Cæterum Tarantulæ moribus Tibicines subvenire experimento infallibili se comperisse testatur *Alexander ab Alexandro* Genial. Dier. lib. 2. cap. 17. ubi totam hanc rem late describit, quomodo à tarantula, id est Phalangio, percussi, quos vulgo *Tarantatos* dicunt, non aliter ex ancipiti morbo convalescunt, quam si Tibicen vel citharista juxta eos diversos modulos incinat. Veritatem eventus oculari testimonio confirmat, cum enim per loca illa diutino situ squallida & ardore solis ferventia cum aliquot comitibus iter intenderet, undique oppida, & vicos, alia tympanis, nonnulla fistulis, pleraque Tibicine consonantia audivit: Cujus rei causam quæ-

166 CASP. BARTHOL. l. 2.
quærentibus relatum est, Tarantulæ
morbo affectos undique per oppida
curari.

Plutarchus ex Pratina commemorat,
Thaletem Cretensem forte quadam à
Pythio edita adiisse Lacedæmonios, &
utentem ope Musica eos à Pestilentia li-
berasse. Cujus facti meminit etiam
Martianus Capella lib. 9. Sed *Mercurialis*
de Pestilent. cap. 22. nihil aliud
fuisse existimat musicam illam Thale-
tæ, & eorum militum qui apud *Home-
rum* cantu pestem fugarunt, nisi spem,
gaudium, & lætitiā: quibus fit ut a-
nimi & corpora valentiùs pugnent ad-
versus morbum pestiferum. Equos
lymphatos desperata rabie correptos, so-
lo Tibiarum cantu mitescere, proditum
est ab *Aristotele*. Easdem Tibiarum
modulationes conferre hominibus fu-
rore & mania correptis tradit *Cæl. Au-
relianus* Chronic. lib. 1. cap. 5.

Ex illo Tibiarum in medicina mor-
borum usu ortum crediderim, quod
olim remedia ægris præstantes, præci-
nere

C. 3. DE TIBIIS VET. 167
nere dicerentur, ex *Macrobio* lib. 2. in
Somn. Scip. cap. 3. Nam alii ægro-
rum venas rhythmorum collatione
pensabant, ut de Herophilo testatur
Martianus Capella. Non ineptè, loca
dolentia decantare: *Cælius* dixit, quod
à fistulatore quodam factum legimus,
id quod *Galenus*, καὶ αὐλεῖν τὸ πρὸς dixit,
super loco affecto Tibia canere.

C A P U T III.

Tibia in Regum Inauguratione.

QUod tubis, buccinis, & Tibiis
apud Israëlitas Regi jam inaugu-
rato, cum à populo esset acclamandus,
& ab inaugurationis loco deducendus,
præcineretur, suspicatur *Fortun. Scac-*
chius Myroth. 3. cap. 57. Atque hanc
præcentionem comprobari credit 1.
Reg. 1. ubi de prima Salomonis inaugu-
ratione agitur. Postquam enim sacer
textus adorationis ad sonum buccinæ
meminisset, de Præcentione, quæ tunc
per-

168 CASP. BARTHOL. l. 2.
personabat, cum Rex ad thronum deducebatur, his loquitur verbis: *Et ascendit universa multitudo post eum, & populus canentium Tibiis, & lætantium gaudio magno, & insonuit terra à clamore eorum.* Apud Boxbornium in Historia universali hunc morem de Judæis qui Bagdadin incolebant refert *Benjamin Tudelensis*, natione Hispanus, religione Judæus, cujus exstat Itinerarium, secunda editione à Constantino L'Empereur illustratum. Is autem de Judæorum horum Capitis Exulum, ut vocant, tanquam Regis, inauguratione ita: *Cæterum quo tempore Exulum Caput creare solent, ingentem pecuniæ vim cum Regi tum Principibus, & magistratibus erogant: idque eo die quo ipsi Rex manuum impositione potestatem confert. Tum in curru Regis secundario collocatum, ab aula Regis magni domum propriam cum tympanis, & fistulis deducunt, ubi deinde Academicis manum imponit.*

CAPUT IV.

Tibia in Triumphis.

CUM Tibicine, priscis temporibus, triumphum actum esse, testimonium *Censorini* probat de die Natal. cap. 12. Ejusque rei exemplum habet *Appian. Alexandrinus*, apud quem in Scipionis triumpho, Imperatorem lictores præibant, purpureis amicti vestibus; tum citharædorum & tibicinum turba ad Hetruscæ similitudinem pompæ: Hi succincti, coronisque aureis redimiti suo quisque ordine canentes, psallentesque prodibant. De quibus consule *Panvinium* lib. de Triumphis. Hinc C. Duillius, qui primus navalem Triumphum ex Pœnis retulit, quotiescunque epulaturus erat, ad funalem cereum præeunte Tibicine, à cœna domum reverti solitus est, insignem bellicæ rei successum nocturna celebratione testando, ut *Valer. Maximus*

H

lib.

170 CASP. BARTHOL. l. 2.
lib. 3. cap. 6. Factum id ut triumphi
quondam acti commemorationem cot-
tidie repræsentaret, si credimus L. Flo-
ro lib. 2. cap. 2. *Victor ergo apud Li-
paras, mersa & fugata hostium classe,
primum illum maritimum egit trium-
phum. Cujus quod gaudium fuit? Cum
Duillius Imperator, non contentus unius
diei triumpho, per vitam omnem, ubi à
cæna rediret, præluere funalia, præci-
nere sibi Tibias iussit, quasi quotidie
triumpharet. De Duillio idem testatur
S. Aurelius Victor de Vir. Illustrib. Et
de eodem Silius Italicus lib. 6.*

*Cui nocturnus honos, funalia clara,
sacerque*

Post epulas Tibicen adest.

Hunc autem honorem soli sibi con-
cessum toto vitæ tempore conservavit.
Cicero de senectute: C. Duillium, M.
filium, qui Pœnos primus classe device-
rat, redeuntem è cæna senem sæpe vide-
bam puer. Delectabatur cereo funali &
tibicine: quæ sibi nullo exemplo privatus
sumpserat. Bulengerus de Triumph.
cap.

c. 5. DE TIBIIS VET. 171
cap. 28. usum hunc Tibiæ ita dispescit,
ut illam in ovatione, tubam in trium-
pho adhibitam velit, quod confirmat
ex *Plutarcho* de ovatione Marcelli.

C A P U T V.

Tibia in Bello.

AD milites congregandos, & exēci-
tum, instructa acie, excitandum
transiit Tibiarum apud veteres usus,
quem intento digito monstrat *Nonnus*
Dionys. lib. 28.

———— ἀολλίζων ὁ μαχητὰς
Βάρβαρος ἐσμαρύνουσιν ἀγίστραν αὐλὸς
Εὐρύς.

— *Congregans verò milites*
Barbara resonabat exercitum excitans
Tibia Bellonæ.

Idemque non uno in loco apud eum re-
perio, *Dionys.* lib. 14. & 20. atque 39.
Præcipuè verò fortissimi Lacedæmonii
cum Tibia sub signis erant, ex *Athe-
næo* lib. 14. Cui inter alios adstipulatur

172 CASP. BARTHOL. l. 2.
*Stobæus Serm. 42. Mittuntur autem
una cum Rege vates, medici & tibicines.
Tibiis enim ad pugnas pro tubis semper
utuntur. De Lacedæmoniis hoc refert
expeditionem in externam regionem
parantibus, quippe illi pro tubis, qua-
rum usus apud alios in bello viguit, Ti-
bias elegerunt, non sine ratione, si credi-
mus Polybio lib. 4. Neque existiman-
dum, veteres Cretenses & Lacedæmo-
nics, loco tubæ Tibiam & rhythmum
[αὐλὸν καὶ ῥυθμὸν] ad bellum sine causa
usurpasse. Paulo aliter de Cretensibus
Martianus Capella lib. 9. Cretenses di-
micabant ad citharam, Lacedæmonii
ad Tibias. Idem de his confirmat Gel-
lius, & autorem Thucydidem laudat lib.
1. cap. 11. Auctor historiæ græcæ gra-
vissimus Thucydides Lacedæmonios sum-
mos bellatores, non cornuum tubarumque
signis, sed Tibiarum modulis in præliis
usos esse refert. Et mox: Cum procin-
ctæ igitur classes erant & instructæ acies,
cæptumque in hostem progredi, tibicines
inter exercitum positi, canere inceptabant.*

Ea ibi præcentione tranquilla & venerabili ad quandam quasi militaris musicæ disciplinam, vis & impetus militum, ne sparsi dissalatique prouerent, cohibebant. Solonis hoc admonitionibus factum est, ut ad Tibiam aciem instruerent, si verus est *Sextus Empiricus* Adv. Math. lib. 6. Sed *Max. Tyrius* Dissert. 21. perhibet apud Spartiatas suos hoc excogitasse *Lycurgum*, qui Tibiam pro Duce militari juventuti in præliis præire voluit. Illi postea sequebantur & tripudiantes hostem invadebant. In bello contra *Messenios*, ut annotat *Patricius* de Republ. lib. 2. tit. 2. cum jam penè succumberent in acie *Lacedæmonii*, hoc animadvertens *Tyræus* tibicen peregregius mutatis Tibiæ modulis adeo militum animos in pugnam concitavit, acrioresque reddidit, ut *Messenios* jam penè victores *Lacedæmoniis* subjecerit. Quippe morem illum ingrediendi ad Tibicinum modulos in prælio institutum à *Lacedæmoniis*, refert ex *Aristotele* *Gellius*,

quò manifestior fieret exploratioque militum securitas & alacritas. *Nam diffidentiae*, ut ait, & timori cum ingressione hujusmodi minimè convenit, & mæsti atque formidantes ab hac tam intrepida ac tam decora incedendi modulatione alieni sunt. Unde Agesilaus quaerenti cuiquam, quare ad Tibias dimicaret Spartiatæ? Respondit: Ut cum ad modos incedunt, ignavi & fortes elucescant, ex *Plutarch.* in Apoph. Contrarium autem existimat *Thucydides* apud *Gellium* loco supra allato, Tibiis in re militari progressui atque recessui signum datum, non prorsus ex aliquo ritu religionum, neque rei divinæ gratia, neque etiam ut excitarentur atque vibrarentur animi, quod cornua & litui moliuntur, sed contra, ut moderatiores fierent, quod tibicinis numeris temperatur. Nihil enim in adeo in aggrediendis hostibus, atque in principiis præliorum ad salutem virtutemque aptius esse, quam si permulcti sonis mitioribus, non immodicè ferocirent. Hinc *Plutarchus*

C. 5. DE TIBIIS VET. 175
tarchus lib. de Cohib. Iracund. Lacedæ-
moniis pugnaturis concentu Tibiarum
iram ademptam testatur. Ideoque ex
barbaris multi Legatos ad hostes cum
Tibiis & cithara miserunt, ut eorum
infestas mentes emollirent, quemad-
modum *Athenæus* lib. 14. ubi etiam ex
Herodoto refert Lydos in exercitu con-
cinentes habuisse fistulatores & fidicines
atque foeminas Tibicinas, id quod ex
eodem apud *Gellium* legitur lib. 1. cap.
2. Tyrrenos ad Tibiam pugnare, ex
Aristotele tradit *Pollux* lib. 4. cap. 7.
De Thebanis *Statius* Thebaid. lib. 8.

*Thebanique urunt sonitus, & amara
laceffit*

Tibia.....

Ad Tibiam Amazones arma tracta-
runt, ut ex *Martiano Capella* probō
qui lib. 9. Quid Amazones? Nonne ad
calamos arma tractabant? Quarum una,
quæ concipiendi studio venerat, cum *Ale-*
xandrum salutaret, donata Tibicine, ut
magno munere, gratulata decessit. In
castris quoque Romanis Tibiarum usus

H 4. fuit,

fuit, vel cum ad concionem vocarent, vel cum silentium dicerent, quod notat *Scaliger* de Art. Poët. lib. 1. cap. 20. Imo quot in Romanorum exercitu fuerint Tibicines, inde elucet, quod *Servius Tullius* apud *Livium* lib. 1. Tibicines Cornicinesque in tres centurias distribuerit: *Quinta classis auēta, centuriæ triginta factæ: fundas, lapidesque missiles hi secum gerebant. In his accensi, cornicines, tibicinesque in tres centurias distributi. Undecim millibus hæc classis censebatur.* Ita etiam *Martian. Capella* lib. 9. *In Italia Sibaritas tibicines ad prælia præire quis nescit?* Turcæ etiam Tibiarum concentum cum tympani sonitu conjungunt, edocti ab Arabibus, si fides erit *Bellonio*, ita referenti lib. 3, singul. c. 18.

CAPUT VI.

Tibia in Hymnis , & Deorum placationibus apud Paganos.

AD Hymnos & Deorum venerationes usitata est Tibia , nec male cum Diis suis actum putarunt gentiles, si tantum in hymnis , eorum honori dicatis , hoc voluptatis genus ad eos demulcendos adderent. Non infrequenter hunc morem fuisse plurimi testantur. *Isidorus* lib. 2. cap. 15. *Ut enim , inquit , in veneratione Divina Hymni , ita in Nuptiis Hymenæi , in funeribus threni & lamenta ad Tibias canebantur.* Cybeles hymnos , quos *Matroa* vocarunt , primus Tibia cecinit *Sirites* , ut ex *Athenæi* lib. 14. constat , cum quo in eandem conspirat sententiam *Pollux* lib. 4. c. 10. *σειείτης κατήυλησε τὰ ματρῶα πρῶτον.* *Dalecampius* ματρῶα vertit *Cereales hymnos.* Apud *Apulejum* de Deo

Socrat. numina Barbara strepitu cymbalistarum , & tympanistarum , & *choraularum* gaudent , contra Ægyptia numina plangoribus , Græca choreis. In Minervæ hymnis usum Tibiarum probat *Cæ. Rhodiginus* Lect. Antiq. lib. 9. cap. 7. Eundemque ad hymnos Apollinis in ludis Pythicis accommodatum , ante *Natal. Comitem* Mythol. lib. 5. cap. 2. testantur abunde *Euripides* in Troadibus , & *Sophocles* Trachin. Nemo autem clariùs *Statio* has ad Tibiam placationes in Hymnis Deorum refert , qui Thebaid. lib. 8.

——— *Gemina æra sonant , Idæaque terga*

*Et moderata sonum vario spiramine
buxus.*

*Tunc dulces superos atque omne ex
ordine alumnum*

*Numen , ubique sacri resonant Pæ-
anes , ubique*

Serta , coronatumque merum.

Introducitur autem in hymnis est hic Tibiarum usus propter miseram su-
per-

perstitutionem, qua occæcati crediderunt Pagani, hoc Deos suos iratos mitescere & ad tranquillitatem ferventes animos componi, quod eleganter prosequitur *Arnobius*, quem ita lib. 7. locutum accepimus: *Etiamne Dii æris tinnitibus, & quassationibus cymbalorum* (afficiuntur?) *Etiamne symphonis? Quid efficiunt crepitus Scabillorum? ut cum eos audierint Numina honorificè secum existiment actum, & ferventes animos irarum oblivione deponant. An numquid ut parvuli pusiones ab ineptis vagitibus crepitaculis exterrentur auditis, eadem ratione omnipotentia Numina Tibiarum stridore mulcentur? Detestanda hæc Gentilium conditio fuit, qui non judicarunt indignum eas Diis tribui voluptates, quibus corpora terrena delectantur & quas expetunt aures, enervati pectoris dissolutione molliatæ, quem ipsorum errorem, non minus eleganter quam piè ipsis iterum objectum ex *Arnobio* referam, qui *Advers. Gent. lib. 7. Vos, inquit, æris tinni-**

tibus & Tibiarum sonis, vos equorum
 curriculis & theatralibus ludis, persua-
 sum habetis Deos & delectari, & affici,
 irasque aliquando conceptas eorum sa-
 tisfactione molliri: nos inconueniens du-
 cimus, quinimo incredibile judicamus,
 eos qui gradibus mille genus omne vir-
 tutum perfectionis transferint summita-
 te, in voluptatibus habere atque in de-
 liciis esse res eas, quas homo sapiens
 rideat, & quæ non aliis videantur con-
 tinere aliquid gratiæ, quam infantibus
 parvulis & trivialiter & populariter
 institutis.

CAPUT VII.

*Tibia in Sacris & Sacrificiis
 Gentilium.*

IN sacris etiam, quæ Diis suis solve-
 bant Gentiles, Tibia introducta est,
 ut ideo *Sacrifica Tibia*, Senecæ, in Aga-
 memn. Et Ovidius Fast. lib. 6.

Can-

Cantabat fanis, cantabat Tibia ludis.
Eadem mente aris assignat carmen, ad
Tibiam cantatum, *Propertius* lib. 4.
El. 6.

Spargite me lymphis, carmenque re-
centibus aris

Tibia Mygdoniis libet eburna
cadis.

Quam hic intelligat Tibiam alibi dispu-
tamus, nunc propositi ratio exigit tan-
tū singula considerare quæ usum Ti-
biarum spectant in sacris & sacrificiis
Veterum.

A funeribus ad sacrificia Tibiarum
usus transiit, quod ex *Isidoro* confirmo,
qui *Orig.* lib. 2. cap. 20. *Tibias*, inquit,
excogitatas in Phrygia ferunt: has qui-
dem diu funeribus adhibitas, mox & sa-
cris Gentilium. Primus hunc usum ad
sacrificia transtulisse creditur *Midas*
cum Matrem suam inter Deos repone-
ret, perhibente *Eustathio* lib. 17. *Iliad.*
Nec in omnibus sacrificiis adhibitas esse
constat ex *Plutarcho*, qui *ἑστίαις* interdum
esse ἀχρεὺς καὶ ἀναύλους ostendit. Abi-
di

di Osiris colebatur sed in ejus templo, teste *Strabone* lib. 17. non licebat, nec Tibicini, nec citharædo sacrificium auspicari, quemadmodum mos erat aliis Diis. Apud Tenedios lex fuit, si credimus *Diodoro Siculo* lib. 5. ne Tibicinum quisquam templum ingrederetur, propterea quod novercæ calumniis tibicen quidam falso testimonio adstipulatus fuisset. De Nerone etiam perhibet *Suetonius*, quod, quo primum die post excessum Augusti curiam intravit, quasi pietati simul & religioni satisfacturus, thure quidem ac vino, verum sine Tibicine supplicaret, Minois exemplo, qui paria in morte filii olim fecerat. Frequentior tamen mos viguit non sine Tibicine sacrificia peragere, quem receptum plerisque memorat *Macrobius* lib. 2. in Somn. Scipion. cap. 3. Ideo canere cælum etiam Theologi comprobantes, sonos musicos sacrificiis adhibuerunt, qui apud alios lyra vel cithara, apud nonnullos Tibiis, aliisve musicis instrumentis fieri solebant.

De Tibicinibus Romanis qui sacris publicis præsto erant, illustrem planè *Gruterus* suggerit Inscriptionem Pag. 269. Cujus partem hic adducam, quæ ad rem nostram facit:

TIBICINES. ROMANI

QVI. SACRIS

PUBLIC. PRAEST. SVNT.

Ex hac Inscriptione aliam commodè explico, quam affert *Gruterus* Inscript. Pag. 175. quæ in hunc modum se habet:

COLLEGIO TIBICINVM.

ET. FIDICINVM ROMANORVM

QVI. S.P.P.S.

TI. IVLIVS. TYRANNVS.

MVNIS. PERPETVVS. ET

VLIVS. TYRANNVS. F.

H.C.D.D.

DEDICATVM. K. MART.

RSO. SERVIANO. II. L. FABIO.

IVSTO. COS.

Ubi S.P.P.S. ex inscriptione superiùs prolata interpretor: Qui *Sacris Publicis Præsto Sunt.*

Idco.

Ideoque *Templorum Tibicines* dicuntur apud *Ful. Firmicum* lib. 4. cap. 7. Et *Tibicines sacrorum* apud *Gellium* lib. 1. cap. 12. Inter ministros Sacerdotum numerantur à *Rosino* *Antiq. Rom.* lib. 3. cap. 31. Imò ipsos Sacerdotes pro Tibicinibus sumptos non obscurè elici posse videtur ex eleganti apud *Gruterum* *Inscriptione*, pag. 30. ubi *Sacerdotis Tibicinis Albii Verini* mentio fit.

Cum Tibicines ab uno sacrificante ad alium, qui etiam rem divinam faceret, transirent, proverbium ortum est: *Transire Tibicinis Latini modo*, quo *Cicero* utitur pro *Muræna*. Nam Romani in suis sacrificiis Latinis plerumque Tibicinibus usi sunt. Græci tamen meminit *Varro* lib. 3. de R. R. *Sed non in Italia quos tibi sacrificanti ad tibicinem Græcum gregatim venisse dicebas ad extremum litus.*

Prisca religione observatum jus fuit Tibicinum in æde vescendi, eorum nempe, qui sacris inservierunt. De qua re insignis apud *Livium* historia legitur

C. 7. DE TIBIIS VET. 185
tur lib. 9. quod Tibicines prohibiti in
æde Jovis velci, hoc jus, antiquitus
traditum, sibi ereptum ægre ferentes,
Tibur uno agmine abierint, adeo ut
nemo in urbe esset, qui sacrificiis præ-
cineret. Ejus rei religio tenuit Sena-
tum legatosque Tibur misit, qui darent
operam ut hi homines Romanis resti-
tuerentur. Tiburtini benigne polliciti,
totam rem ita referente *Livio*, primum
accitos in curiam hortati sunt, ut re-
verterentur Romam: Postquam per-
pelli nequibant, consilio haud abhor-
rente ingeniis hominum eos aggrediun-
tur. Die festo alii alios, per speciem,
celebrandarum cantu epularum causa
invitant, & vino oneratos sopiunt: at-
que ita in plaustra somno victos conji-
ciunt ac Romam deportant. Nec prius
sensere, quàm plaustris in foro relictis
plenos crapulæ eos lux oppressit. Tunc
concurfus populi factus, impetratoque
ut manerent, datum, ut triduum quo-
tannis ornati cum cantu per urbem va-
garentur: restitutumque in æde vescendi
jus

jusiis, qui sacris præcinerent. Hoc eorum jus in Capitolio publice vescendi confirmat *Censorinus* de Die Nat. cap. 12. Et hinc Tibicines pingues passim ab Autoribus appellantur. Quo sensu explicandus est *Virgilius* lib. 2. Georg.

*Inflavit cum pinguis ebur Tyrrhenus
ad aras.*

Pro tibicine qui in sacrificiis eburneis Tibiis præcinuit, & *Servius* pinguem notat, scilicet victimarum carnibus. A quo vix diversus est *Plautus* Aulul. Act. 2. Sc. 5.

*At nunc tibi dabitur pinguior Tibi-
cina,*

Quippe cum Tibicinæ etiam frequenter conviviis interessent, ut non potuerint non hoc nomine jure signari. Unde Tibicinis vitam vivere, erat lautè quidem, sed alieno sumptu, de quo *Cassaubonus* ad *Athenæum* lib. 1. cap. 8. Ita *Plautus* Mostellar. Act. 3, Scen. 2.

*Musice hercle agitis ætatem, ita ut
vos decet:*

*Vino, & victu, piscatu probo & electili
Vitam*

Vitam colitis,

Cur autem in sacrificiis suis Tibiarum intentiones tam necessarias crediderunt Pagani, non obscurum est meliores Autores pervolventi, miserasque illorum superstitiones perlustranti, qui hanc aurium voluptatem Diis suis gratam putarunt. Unus ex variis hoc illustrat *Censorinus* de die Natal. cap. 12. ubi de Musica sermo est: *Nam nisi grata esset, inquit, immortalibus Diis, qui constant ex anima Divina, profecto ludi Scenici placandorum Deorum causa instituti non essent: Nec Tibicen omnibus supplicationibus in sacris ædibus adhiberetur: nec cum Tibicine triumphus ageretur, non Apollini cithara, non Musis Tibiæ, cæteraque id genus essent attributa. Non Tibicinibus, per quos Numina placantur, esset permisum aut ludos publicè facere, aut vesci in Capitolio. Præterea Tibicinem canere oportuit in sacrificiis ne quid infausti exaudiretur, quod à *Rosino* annotatum lib. 3. Antiq. cap. 39. sed ante eum ex *Plinio* idem*
mihi

mihi constat lib. 28. cap. 2. Cujus moris origo forsan ex eo deduci poterit, quod ex *Plutarcho* de superstitione refert *Caussin* Symbol. Ægypt. Sapient. lib. 2. Hierogl. 74. Nimirum Carthaginenses Saturno filios immolabant, & qui nullos habebant, à pauperibus miserabiles victimas emere cogebantur. Adstabat autem in ipso sacrificio Mater rigida, & absque gemitu: Si enim ingemuisset jacturam faciebat & honoris & filii. Interim ante statuam omnia Tibiarum cantu, & tympanorum pulsu personabant, ne quis clamor exaudiretur.

Non solum in ipsis sacrificiis, opere suo fungente Sacerdote cum aliis sacrificii ministris, Tibiæ præcinuerunt, sed eædem ad sacra convocarunt Ethnicos, & à Tibicinibus sacrificium auspicatum quod apud *Strabonem* observo lib. 17. Et clara ejusdem ritus vestigia deprehendo apud *Heliodorum* Æthiop. lib. 3. quem ita interpretes reddidit: *Subsequebatur hos aliarum victimarum*
di-

diversa multitudo. Cujuslibet autem animantis genus, seorsim & ordine ducebatur, cum Tibia & fistula initiatorium quandam & denuntiaticem sacrificii partem inciperet. Sic Statius Thebaid. lib. 5. vers. 94.

— Cum sacra vocant, Idæaque
suadet

Buxus.....

Et has, quibus præviis victimas obtulerunt, eas fuisse credo, quas *Præcentorias tibias* vocarunt, quemadmodum *Thurarias*, quibus usi sunt cum thus in aram inderent nec immolarent hostias. Quippe non solum Thus apud Romanos, sed etiam hostiæ ad præconem & tibicinem immolari solitæ. De his elegans occurrit Ciceronis locus in Oratione contra Rullum: *Erant hostiæ majores in foro constitutæ, quæ illis prætoribus de tribunali, sicut à nobis Consulibus de consilii sententia probare ad præconem & Tibicinem immolabantur. Nec aliter intelligendus est Catullus lib. 4. El. 1.*

Par-

*Parva saginati lustrabant compita
porci,*

*Pastor & ad calamos exta litabat
ovis.*

Ex marmoribus & saxis, ubi sacrificia veterum conspiciuntur expressa, hæc non parum lucis mutuuntur. Apud *Gruterum* pag. 1007. saxum exstat delineatum quod sacrificii actum exhibet, sacerdoti adstante Tibicine, qui geminas Tibias ori insertas inflat; adest etiam victima quæ ultimam necem expectat, quemadmodum ex *Grutero* ejus icon demonstrat.

Sylvani etiam sacrificium non sine Tibiarum præcentione peractum evincit Tabula marmorea à *Grutero* descripta, cujus delineatio graphica à *Tomasino* exhibetur lib. de Donar. qui eam *Jo. Bapt. Casalio* debuit. Ipsam illam Tabulam Marmoream, hic adjectam, nuper Romæ contemplatus sum in Musæo Amicissimi *Jo. Petri Bellorii*, qui Antiquitatis Vestigia æterna cum fama ab oblivione vindicat.







NOTO 2480112



SACRVM. SANC




car. Stat ibi Sylvanus inter quercum & palmam, altera manu falcem habens, altera ramum, à sinistris duo adstant, quorum alter porcum, Sylvano sacrum, litandum tenet. A dextris inter duos rusticos adest agrestis puer, qui pone quadratam aram distentis buccis geminam Tibiam inflat. Quippe, quod notandum, nullibi sacrificium expressum videre est, quin ibidem aliquis duplicem Tibiam inflans conspiciatur. Is sensus est *Virgilii* lib. 9. *Æneid.*

— *Ire per alta*

*Dindyma, ubi assuetis biforem dat
Tibia cantum.*

Quod idem manifestissime deprehenditur in nummis æreis Domitiani, ubi in ludis sæcularibus sacrificium exprimitur, quales duos hic referendos censui,


In Columna Trajana secundum explicationem *Ciacconii* num. 187. Trajanus cum Dacis congressurus, Deos sacrificio prius placandos censet. Sacrificat autem ibi Trajanus velato capite, ut mos est Sacerdotibus, vinum vel fan-



sanguinem mactatæ victimæ patera super aram igne flammantem infundens. Adstant signa, sacerdotes, & Tibicines lauro coronati. *Fortunius Licetus* in Gemm. Annular. Antiq. Schemat. 32. Gemmæ imaginem exhibet sacrificium suis repræsentantis adstante Tibicine, & simul alius gemmæ figuram ex Musæo *Jo. Galvani* Patavii, quæ duas Tibias rectas inflantem hominem ad altare sacrificii exprimit; Nos ambarum apographum versa paginâ lectori curioso damus.

Totus ordo solemnis sacrificii elegantissimè quoad omnes partes adumbratur in figura marmoris antiquissimi *Bapt. Casilio* transmissa ab Illustr. *Cassiano à Puteo*, quam de Splend. Urb. Rom. partis 3. capiti 1. inseruit. In hoc sacrificio primò tres deferunt Canistrum ad sacrificii necessaria. Sequuntur *quatuor Tibicines coronati, longas Tibias inflantes*, atque alii quinque juvenes cum galeis & scutis. Præterea sex alii juvenes, seu





Camilli, sacrificio ministrantes ferunt duo magna candelabra ad suffumigandum odora menta sacrificii. Subsequuntur alii duo, quorum alter senior plectrum sonat, *alter junior distentis buccis geminam Tibiam inflat*. His proximi conspiciuntur tres, qui longum aliquod lignum portant, & alii duo senes cum fascibus & securibus: tres autem adstant Popæ, quorum unus cum acerra defert ollam magnam ad coquendas carnes sacrificii, & alii duo tenent bovem mactandum; ex his unus fert supra caput cistam repletam culttris ad sacrificium necessariis: Demum exstat sacerdos capite cooperto supra flexilem tripodem sacrificans, *cum tibicine*, qui Tibiam inflat, qua *in aurem sacerdotis cani solebat*, ut loquitur Servius in Georg. lib. 2.

Ex toto sacrificii ordine solos Tibicines Tibias longas inflantes hic adducam, unde commodè intelligimus longis Tibiis usos sacrificantes, quod & proverbium indicat de iis qui inutilia fa-





faciunt , ut apud *Xiphilinum* in Othone : *Itaque cœpit eum subito facti pœnitere , dixitque : Quid me oportebat longis Tibiis canere* (*μακροῖς αὐλοῖς ἀυλᾶν*) Quod proverbium familiare ipsi fuisse tradit *Suetonius* in Othon. In eos enim dicitur qui aliquid parum ad rem faciunt , nimirum , quia parvas Tibias (cum aliquis commodè tractare possit , longas sumit ad quas minus est idoneus , de quo adi *Turnebum* Adv. lib. 5. cap. 1. Qui has longas Tibias , quibus supplicantes utebantur , inflarunt Spondaulæ dicti sunt ex mente *M. Victorini* de Spondæo : *Dictus à tractu cantus , qui per longas Tibias in templis à supplicantibus editur : unde Spondaulæ dicebantur , qui hujusmodi Tibias inflare consueverunt.* Parum diversè Spondiales vocantur *Isidoro* Orig. lib. 1. cap. 16. *Spondæus tractus quidam dicitur circa aures sacrificantium , unde qui Tibiis caneant in sacris gentilium spondiales dicebantur.*

Nonnunquam Tubas in sacrificiis ad-

hibitas observo, uti inde probo, quod apud *Festum*, *Armilustrum* dicatur *festum* quo armati res divinas faciebant & dum, sacrificabant, Tubis canebant. Apud *Varronem* *Tubilustrum* dicitur, quod eo die sacrorum *Tubæ* lustrantur.

Præterea in consecratione præsentem Tibicinem testatur *Cicero* in Orat. pro domo sua: *An consecratio*, inquit, *nullam habet ius, dedicatio est religiosa? Quid ergo illa tua tum obtestatio Tibicinis? quid focus? quid preces? quid prisca verba voluerunt?* Sic *Xiphilinus* in *Augusto*, de consecratione post mortem *Augusti*, thus adhibitum in sacrificio refert, Tibicinem autem adesse prohibitum.

Phryges in *Dindymenes* sacris choreas ad *Tibiam* agebant atque ad *Phrygium* modum saltabant, teste *Seneca* in *Troad*.

*Non inter aras mobili velox pede
Revocante flexo concitos cornu modos
Barbarica prisco templa saltatu coles.*
Hujus moris vestigia non obscura de-
pre-

C. 8. DE TIBIIS VET. 199
prehendes in *Euripide* in *Troad.* *Hæro-*
diano Hist. sui Temp. lib. 5. atque *Helio-*
doro *Æthiop.* l. 7. Nos autem hinc trans-
ibimus ad sacra Magnæ Deûm Matris
explicanda, in quibus Tibiarum præ-
centionem frequentissimam demon-
strabimus.

C A P U T V I I I.

*Tibia in sacris Magnæ Deûm
Matris.*

ALmo fluviuſ erat Urbi Romæ vi-
cinus, apud quem Romani ſacra
olim Cybeles faciebant eodem ritu, quo
Galli ſacerdotes in Phrygia, ſimula-
chrum Deæ, cultuſque victimarios fa-
cientes, adhibitis Tibiarum cantibus.
Totam rem *Ovidiuſ* illuſtrat lib. 4.
Faſtor.

*Eſt locus, in Tiberim qua lubricuſ in-
fluit Almo,*

*Et nomen magno perdit ab amne
minor.*

Illic purpurea canus cum veste Sacer-
dos

Almonis Dominam sacraque lauit
aquis.

Exululant comites furiosaque Tibia
flatur.

Quod pariter in Phrygia cum Tibia-
rum intentione culta sit Deum Mater,
ex multis id probantibus unum afferam
(*claudianum* de Rapt. Proserp. v. 266.

Mater id, seu te Phrygiis in valli-
bus Idæ

Mygdonio Buxus circumsonat hor-
rida cantu,

Seu tu sanguineis ululantia Dindyma
Gallis

Incolis, & strictos Curetum respicis
enses.

Dicebantur enim ejus sacerdotes Cure-
tes, unde *Sidon. Apollinaris Carm. 9.*
vers. 202.

Non hic Dindyma, nec crepante
Buxo

Curetas Berecynthiam sonantes.

Iidem aliis Corybantes sunt, de quibus
nos

c. 8. DE TIBIIS VET. 201
nos lib. 2. cap. 1. De utrisque hic ele-
gantem Claudiani locum afferam, qui
lib. 2. in Eutrop. vers. 279.

*Interea gelidæ secretis rupibus Idæ
Dum sedet, & thyasos spectat de more
Cybelle,*

*Curetumque alacres ad Tympana su-
scitat enses;*

*Aurea sanctarum decus immortale
comarum*

*Defluxit capiti turris, summoque vo-
lutus*

*Vertice crinalis violatur pulvere mu-
rus.*

*Obstupere truces omen Corybantes &
uno*

*Fixa metu tacitos presserunt orgia
Buxos.*

Ubi commodè omnem Cybeles in sa-
cris his apparatus indicat, quem fusius
hic explicare instituti ratio non exigit.
De eo fusius egerunt, Pignorius, Rosi-
nus, & Sylvius Comment. ad Leg. 12.
Tab. c. 17. quos consulat cui volupe.
Sufficit mihi ex condicto demonstrasse,

ut in aliis Veterum sacris Tibiarum u-
sum adhibitum, ita & in Cybeles sacris
eundem non omnino neglectum. Lu-
culentior cunctis mihi testis est Catul-
lus Carm. 64.

— *Cybelles Phrygia ad nemora Deæ
Ubi cymbalum sonat vox, ubi tympa-
na reboant,*

*Tibicen ubi canit Phryx curvo grave
calamo.*

*Ubi capita Mænades vi jaciunt bede-
rigeræ,*

*Ubi sacra sancta acutis ululatibus
agitant.*

De ululatibus illis in sacris Deûm Ma-
tris hic non multis agam, nec Attinis
luctum fusiùs explicabo, ex quo hunc
ululatum ortum constat ex Seneca in
Agamemn. vers. 686

*Non si molles imitata viros
Tristis laceret brachia tecum,
Quæ turritæ turba Parenti
Pectora rauco concita bûxo*

Ferit, ut Phrygium lugeat Attyn.

Ideoque Ovidius Art. Amat. lib. 1.

Ista

*Ista jube faciant, quorum Cybeleia Mater
Concinitur Phrygiis exululata modis.*

Quippe hanc Phrygii modi, qui Tibiis canebatur, proprietatem libri hujus cap. I. docui, ut mentes audientium ad furorem & insaniam exagitaret, & hinc omnes ad Phrygia Cybeles sacra, ubi Phrygio numero Tibia mentes stimulat, admissi, quasi furore correpti describuntur. *Virgilius* in *Ceiri* vers. 166.

*Sæpe velut gelidis Ciconum Bistonis in
oris,*

*Ictave barbarica Cybeles antistita buxo:
Infælix virgo tota bacchatur in Urbe.*

Nimirum talem insaniam & furorem ratio sacrorum exigebat, ut Attinis planctus imitarentur, & alia quæ hic prosequi animus non est.

Propterea quod tam necessarium in cultu Cybeles Tibiæ locum habuere, ideo illam cum Tibiis semper finxerunt, ex *Arnobio* lib. 6. Adv. Gent. non repugnantibus antiquis marmoribus. De choraula, qui Matrem Idæam circumgestantibus cornu canens adam-

I 6 bulabat,

bulabat, *Apulejus* *Metam.* lib. 8. & paulo post hunc cum Tibiis Matris Idææ cultum evidentissime confirmat, ubi inquit: *Inibi Vir principalis, & aliàs religiosus, & eximiè Deum reverens, tinnitu cymbalorum & sonitu tympanorum, cantusque Phrygii mulcentibus modulis* (ita Tibiarum cantum exprimit) *excitus, percurrit obviam, Deamque (Idæam Matrem) votivo suscipiens hospitio, nos omnes intra conspectum domus amplissimæ constituit: numenque summa veneratione atque hostiis optimis placare constituit.*

Sacerdotibus, sacris Phrygiæ Deæ initiatis, etiam stipem ad Tibiam colligere concessum fuit, quod apud *Ovidium* animadverto, qui lib. 1. de Pont. El. 1.

*Ante Deum Matrem cornu Tibicen
adunco*

*Cum canit, exiguae quis stipis æra
neget?*

Et talis *Dionysius* ille fuit apud *Ælianum* Var. Hist. lib. 9. cap. 8. qui Corinthi multas variasque vitæ vicissitudi-
nes

nes expertus, ob extremam paupertatem tandem stipem ab hominibus cogendo tympanaque pulsando, & Tibiis modulando vitam transegit. Prohibitum autem erat, ut apud *Ciceronem* lib. 2. de Leg. ne, præter Idææ Matris famulos, eosque justis diebus, quis stipem cogeret. Illis autem hæc licentia stipem poscendi concessa est Lege à Metello lata, cujus causam *Ovidius* aperit loco supra citato :

.. *Dic, inquam, cur hic stipe quærat opes?*

Contulit æs populus, de quo delubra Metellus

Fecit, ait, dandæ mos stipis inde manet.

Hanc stipem respexit *Seneca* de Benef. lib. 7. cap. 4. *Omnia*. inquit, *Deorum sunt, tamen Diis posuimus donum & stipem jecimus.*

CAPUT IX.

Tibia in Festis publicis :

QUinquatrus minuscule appellabatur Idus Junie, qui dies festus erat Tibicinum, cum feriati per urbem vagarentur, & convenirent in ædem Minervæ. Hujus verò festi ulteriorem explicationem reservabimus aptiori loco, ubi singula de Tibicinum ritibus olim notanda ubertim tractamus. Alias solemnitates cum Tibiarum cantu celebratas nemo diffiteri potest, nisi qui Veterum monumentis omnem fidem debitam derogare velit. Non temere *Seneca* in *Agamemnone* :

Tibi multifora Tibia Buxo

Solemne canit.

Inter diei festi requisita cantum numerat *Ovidius* *Amor. lib. 3. Ecl. 10.*

Festa dies, Veneremque vocat, cantusque merumque.

Hunc autem festi diei cantum varia componebant instrumenta musica, inter

c. 9. DE TIBIIS VET. 207
ter quæ non ultimus locus Tibiæ nostræ
fuit. *Prudentius* Apotheos. Hymn. 2.

*Hæc ait & varios jubet obmutescere
cantus.*

*Organa, sambucas, citharas, cala-
mosque, tubasque.*

*Stulta superstitio tacuit, vox festa
quievit,*

*Quæ malè conspicuæ celebrabat ima-
ginis aurum.*

In Junonis festo solemnem Tibiæ
cantum introducit *Ovidius* Amor. lib.

3. El. 13.

*Casti sacerdotes Junoni festa para-
bant,*

*Per celebres ludos, indigenamque
bovem.*

Et mox:

*Accipit ara preces votivæque thura
piorum,*

*Ara per antiquas facta sine arte
manus.*

Hic ubi personuit solenni Tibia cantu

It per velatas annua pompa vias.

*Pridie Nonas Aprilis, dies erant lu-
dorum*

porum Magnæ Deûm Matris, qui Megalesia dicebantur, sive ludi Megalenses. Nec illa festa sine Tibiarum præcentione celebrata, quemadmodum luculento Ovidii testimonio confirmo, qui lib. 4. Fast.

*Protinus inflexo Bercynthia Tibia
cornu*

*Flabit, & Idææ festa parentis e-
runt.*

*Ibunt semimares & inania tympana
tudent,*

*Æraque, tinnitus ære repulsa da-
bunt.*

Minervæ geminum apud Athenienses festum erat; παναθήναια dicebantur, erant enim minora & majora; illa quotannis, ista quinto solùm anno agitata. In minoribus triplex certamen fuit, equestre, gymnicum, & musicum. Musicum certamen cum Tibiis interdum agi solitum atque à Pericle institutum memorat *Plutarchus* in ejus vita. Tibicinum in his festis præcinentium concentus, Συναυλία appellatur *Polluci* lib. 4. cap. 10. Por-

Porro in Festis Bacchi notabilem Tibiarum usum deprehendo. Hunc arguit Ovidius Metam. lib. 3. vers. 528.

Liber adest. Festisque fremunt ululatus agri.

*Turbantur. Mistæque viris Matresque nurusque,
Vulgusque, proceresque, ignota ad
sacra feruntur.*

Quis furor, anguigenæ, proles Mavortia, vestras

Attonuit mentes? Pentheus ait; Ærane tantum

Ære repulsa valent? Et adunco Tibia cornu?

Non aliter Ovidius lib. 4. Metam. hæc Bacchi festa cum Tibiis describit:

— Et adhuc Minyæ proles

Urget opus, spernitque Deum, festumque profanat:

*Tympana cum subito non apparentia
raucis*

*Obstrepuere sonis, & adunco Tibia
cornu,*

Tinnulaque æra sonant.

Fu-

Juvenalis Sat. 6. vers. 313.

*Nota Bonæ secreta Deæ cum Tibia
lumbos*

*Incitat, & cornu pariter vinoque
feruntur*

*Attonitæ, crinemque rotant ululant-
que Priapi*

Mænades

Mænas est furiosus Bacchi Sacerdos.

Huc respexit Persius Sat. 1. vers. 99.

Hinc Euripides in Bacchis inter triplex

Bacchi officium recenset vers. 378.

μετ' αὐλῆ γελάσσει. Apud Max. Tyrium

Dissert. 33. in sacris Bacchi, nocturni

discursus, choreæ, Tibiæque, & can-

tus nihil aliud sunt quam diversæ vo-

luptates Bacchicæ, quæ repræsentan-

tur in mysteriis. De festis Bacchi A-

ristophanes in Nubibus Act. 1. Sc. 4.

quæ tertio quoque anno celebrabantur.

Trieterica dicuntur Ovidio Metam.

lib. 6. & Statio Thebaid. lib. 2. Aliàs

Orgia nuncupantur, quæ obscura vo-

cantur Catullo, quia occulta erant &

mystica. Quorum omnem apparatus

& or-

C. 10. DE TIBIIS VET. 211
& ordinem eleganter atque exactè
adumbrat *Catullus* El. 65. ubi reliquis
etiam adiungit horribilem *stridentis*
barbaræ Tibiæ cantum. Huc respexit
Herodianus, qui *Hist. sui Temp. lib. 5.*
de Antonino: *Procedens identidem ad*
Tibias & tympana, velut orgia numinis
celebraret.

C A P U T X.

*Tibia in Ludis, Spectaculis,
atque Comædiis.*

PUeros suos jam inde à teneris ludos
exercere ad Tibiam nonnulli vo-
luerunt. Hoc de Cretenſium pueris tra-
dit *Heracides* in *Polit.* quod, cum inter
ſe pugnarent, aſſent artifices qui Ti-
bias accinerent. Quomodo Arcades
pueros ad Tibiam ludicra ſua agitare
aſſuefecerint, refert *Polybius* *Megal.*
Hist. lib. 4. Et ex eo *Athenæus* *lib. 14.*
in theatro etiam ſcenicisque aduſtorum
ludis

212 CASP. BARTHOL. l. 2.
ludis olim usus Tibiarum permagnus
fuit, qui in omni fere ludorum genere
concessus apud Ciceronem lib. 2. de Le-
gibus: *Fam ludi publici cum sint cavea
circoque divisi; sint corporum certationes,
cursu & pugillatione, luctatione, cur-
riculisque equorum usque ad certam vi-
etoriam circo constitutis: cavea, cantu,
voce, ac fidibus & Tibiis. Dummodo
ea moderata sint uti lege præscribitur.*
Ab antiquis jam inde temporibus hunc
Tibiarum in spectaculis usum repetit
Horatius de Art. Poëtic.

*Tibia non ut nunc orichalco vineta,
Tubæque
Æmula, sed tenuis simplexque fo-
ramine pauco,
Aspirare & adesse choris erat utilis,
atque
Nondum spissa nimis complere sedilia
flatu.*

Coss. enim M. Metello & M. Scauro,
Censores artem ludicram ex urbe re-
moverunt, præter Latinum Tibici-
nem cum cantore, & ludum talorum,
ita

C. 10. DE TIBIIS VET. 213
ita perhibente *Aurel. Cassiodoro* in
Chronico. Illustrem de Tibicinis inlu-
dis publicis officio locum suggerit *Phæ-*
drus lib. 5.

Princeps Tibicen notior paulo fuit ,
Operam Bathyllo solitus in scena dare.
Is forte ludis , non satis memini qui-
bus

Dum pecunia rapitur , concidit casu
gravi ,

Nec opinans sinistram fregit Tibiam ,
Duas cum dextras maluisset perdere.

Inter alias res atque ritus in ludis pu-
blicis olim servatos & sine quibus vix
ritè peragebantur , Tibiam adjungit
Cicero de Haruspic. Respons. *An si lu-*
dus , inquit , constitit aut tibicen repen-
te conticuit , aut puer ille patrimus &
matrimus si terram non tenuit , aut ten-
sam aut lorum omisit , aut si ædilis ver-
bo aut simpulo aberravit , ludi sunt non
rite facti , eaque errata expiantur , &
mentes Deorum immortalium ludorum
instauratione placantur. Eadem ferè ver-
ba refert *Arnobius* Adv. Gent. lib. 4.
iterum

214. CASP. BARTHOL. l. 2.
iterum lib. 7. repetita.

In certaminibus etiam Pythicis in honorem Apollinis celebratis qui Pytho-
nem serpentem occiderat, præcinuit
Tibicen. Cujus rei admonemur ab *Ho-
ratio*, qui de Arte Poët.

— *Qui Pythia cantat*

*Tibicen didicit prius extimuitque Ma-
gistrum.*

Pythius dictus est ille tibicen apud *Pro-
pertium* lib. 2. El. 8. Huc alludit *Pin-
darus*, qui Pythior. Od. 12. Tibiæ
hoc encomium tribuit:

Ὀλέα λαοσόνων μναστῆς ἀγώνων.

*Illustrem admonitricem certaminum
populum cientium.*

Ubi refert etiam Midam in Pythiis
pro Tibiæ cantu coronam ex Pythone
reportasse. Secundis tamen Pythicis, si
credimus *Pausaniæ*, Tibiarum cantum
respuerunt, quasi non esset auditu fau-
stus, & auspicatus.

In Ludis Circensibus Tibicines ad-
hibitos fuisse notissimum est ex *Dionys.
Halicarn.* lib. 7. qui in pompa Circen-
sium

sium ludorum post saltatores, armatos satyros ponit, qui Græco habitu Silenos repræsentantes incedebant, deinde agmen citharistarum, & Tibicinum, eos autem sequi, qui acerras aureas argenteasque gestantes suffitum faciebant. De loco Tibicinum in Circensibus consule *Bulengerum* atque *Panvinium*, apud quos & eum graphicè depictum reperies.

In orchestra theatri, in qua chorus fuit, Tibiis canebant, ad tribunal sive aram, quæ *θυέλη* *Polluci*, à quo loco Theatri *Thymelici* dicti, de quibus *Salvianus* 6. de Gubernatione Dei: *Quis locus majores Christianorum copias habeat, cavea-ne ludi publici, an atrium Dei? Et Templum omnes magis sectentur an Theatrum? Dicta Evangelicorum magis diligant an Thymelicorum?* Ideoque in Græcis Epigramm. pag. 521. exstat Theonis Tibicinis Epitaphium, qui mimo & Orchestræ voluptati inservierat. Hanc autem theatri partem pulpitum nominat *Isidorus* lib. 18. c. 44.

Cum

Cum quo consentit *Seneca*, qui expulso in theatris olim omne Tibiarum genus organorumque consonuisse dicit Epist. 84. ubi eleganter etiam chorum, cui interponebantur Tibiæ, describit: *Non vides, inquit, quam multorum vocibus chorus constet? Unus tamen ex omnibus sonus redditur; aliqua gravis, aliqua media. Accedunt viri, fœminæ: interponuntur Tibiæ: singulorum illic latent voces, omnium apparent.*

In spectaculis igitur scenicis valdè familiaris erat Tibia, quod velex solo *Apulejo* deprehendi potest, qui lib. 10. omnem spectaculi scenici ordinem adumbrat. Itaque post primitias spectaculi, ludicris scenicorum choreis dedicatas, & deinde aulæo subducto & complicitis sipariis Paridis scenam dispositam, insuper inducit singulas Deas, Paridi oblatas, saltantes & cum Tibiis introeûntes. Adhihitam in Comoediis Tibiarum præcentrationem non aliud clarius demonstrat, quam inscriptiones omnes Comoediarum *Terentii*. Ut
in

C. IO. CASP. BARTHOL. 217
 in Inscriptione Andriæ : *Acta ludic
 Megalensibus, M. Fulvio & M. Gla-
 brione ædilibus curulibus. Egerunt L.
 Ambivius Timpio, L. Atilius Præne-
 stinus. Modos fecit Flaccus, Claudii F.
 Tibius paribus dextris & sinistris. Et est
 tota Græca. Edita M. Marcello C.
 Sulpitio Coss. Et idem ex reliquis col-
 ligitur. Ita in Eunuchō, modulavit
 Flavius Claudii Tibius duabus dextra &
 sinistra. In Heautontim. Modos fecit
 Flaccus Claudii, & acta primum Ti-
 bii imparibus, deinde duabus dextris:
 In Adelpho, modos fecit Flaccus Clau-
 dii Tibius Serranis: In Phormione, Ti-
 bii imparibus: In Hecyra, Tibius pa-
 ribus. Unde patet antiquum musicæ
 hujus morem in theatris usitatum, &
 carmina canticorum in veteribus Co-
 mœdiis ad Tibiam facta, modos au-
 tem attemperatos ab aliquo artis Mu-
 sicæ perito. Sed quænam ratio & dif-
 ferentia Tibiarum apud Veteres in
 fabulis fuerit, consule Aldum Manu-
 tium de Quæsit. per Epist. lib. 3. Epist. 4.*

Ab antiquis jam inde temporibus hanc consuetudinem repetit *Diomedes* lib. 3. *Primis autem temporibus*, inquit, *ut asserit Tranquillus*, omnia quæ in scena versantur in comædia agebantur. Nam *Pantomimus & Pithaulæ & Choraules in comædia canebant*. Ubi duplicem Tibiam in comoedia agnoscit, dum non choraulem solum sed & pithaulæm introducit, & utriusque usum subjungit, aiens: *Cujus rei indicia produnt nobis antiquæ Comædiæ . in quibus invenimus, acta Tibiis paribus, aut imparibus, aut ferranis*. Quando enim chorus canebat, chorici Tibiis, id est choraulicis, artifex concinebat, in canticis autem pithaulicis responsabat. Sed quod paribus Tibiis aut imparibus invenimus scriptum, hoc significat, quod si quando monodio agebat, unam Tibiam inflabat, si quando synodio, utramque. Non minus in Tragœdiis quàm Comoediis hoc genus musices, quod Tibiarum intentione constabat, usitatum esse, præter *Philostratum* lib. 6. de Vit. Apollon. arguit

CIO. DE TIBIIS VET. LII
 gunt *Maximus Tyrus* *Liber*. 38.
Plane quemadmodum Tibias (αὐλὴ) *ac citbaras, aut si quæ præterea Dionysius in Tragædiis & Comædiis adhibentur instrumenta, omnes laudant, nemo imitatur.* Hanc tamen constituit differentiam *Eugraphius* in *Andr. Terent.* quod *Lydiæ Tibiæ Comædiis adhibita, Ioniæ Tragædiis.* *Nannius* *Miscellan.* lib. 5. cap. 6. tres olim partes Comœdiæ facit, *Canticum*, quod duabus Tibiis, una persona & ad summum altera constabat; *Chorum*, qui incerto numero personarum, sed omnium vocibus in unum sonum confusis utebatur, *Diverbium*, quod colloquio trium aut ad summum quatuor personarum confertum erat. Chori indusi sunt post singulos actus, ac tum adhibitum esse Tibiarum cantum dubitari non potest. Non solum autem moduli variati sunt, cum comœdia in scenam reduceretur, sed aliquando per singulas scenas pro ejus loci conditione Tibiæ mutatae sunt. Illi modi Tibiarum ad

fabulæ ingenium temperabantur, usque adeo ut auditis Tibiis populus sciret quæ fabula danda esset. Ita apud *Ciceronem* *Academ. Quæst. 6. Qui primo inflatu Tibicinis Antiopam esse ajunt.* Postea choro sublato explebat officium Tibicen, qui in fine cujusque actus dari solitus est. Id quod satis constat ex *Pseudelo Plauti*:

Concedere aliquantis per hinc me intro libet,

Tibicen hic interea vos oblectaverit.

Ubi sic tacentibus omnibus intus concinebat Tibicen, *Diaulion* dicebatur, quod annotatum à *Rhodigino Lect. Antiq. lib. 9. c. 7.*

Moris etiam erat ut in viis Tibicen personis choricis præiret, quod ex veteri Scholiaste animadvertit *Bulengerus*, & quemadmodum inducebatur chorus à tibicine, ita & revocabatur & emittebatur, unde modi Tibicinum, quibus receptui canitur, dicuntur ἐξόδοι νόμοι *Hesychio*, δὲ ὧν πάντες ἐξελεύσονται, de quibus *Aristophanes* in *Vespis*.

Usum





Usum hunc Tibiarum illustrat antiquum & elegans Comœdiæ schema, quod ex *Fulvii Ursini* libro manu exarato, qui in Bibliotheca Vaticana asservatur, mecum communicavit Illustrissimus Eques *Car. Antonius à Puteo*, quale hic exhibeo.

C A P U T X I.

Tibia in Saltatione Pantomimi, Ludii, aliorumque.

Pantomimis, jocularibus & saltatoribus Tibiis præcinere olim moris fuit. Primis autem temporibus histriones hi atque mimi, & cantabant ipsi & saltabant, postea taciti saltabant & ad Tibias ab aliis inflatas gestus moderabantur. *Pylades Cilix Pantomimus*, ex *Hieronymo* in Chronico, quum Veteres ipsi canerent & saltarent, primus Romæ chorum sibi & fistulas præcinere fecit, animadvertente Cl. *Salmasio*. Ideoque, quia ferebatur mutasse rudis

illius saltationis ritum, qui apud majores viguit & venustam induxisse novitatem, ut *Macrob.* lib. 2. Saturn cap. 7. interrogatus a Augusto quid saltationi contulisset, respondit:

Ἀυλῶν συνείχοντο ἐνοπλῶ, ὁμοῦ δὲ τ' ἀνθρώπων.

Ita etiam de Livio Poëta *Valerius Maximus* lib. 2. cap. 4. *Ique sui operis aëtor, cum sæpius à populo revocatus vocem obtudisset, adhibito pueri & Tibicinis concentu gesticulationem tacitus peregit.* Apud *Ciceronem* de Orat. lib. 1. *Rolcius Comædus, histrio & Saltator dicere solebat, se quò plus sibi ætatis accederet, eò tardiores Tibicinis modos & cantus remissiores esse facturum.* Cui addit *Tullius*: *Quod si ille astrictus certa quadam numerorum moderatione ac pedum, tamen aliquid ad requiem senectutis excogitat: quanto facilius nos non laxare modos, sed totos mutare possumus.* Sic *Ammian. Marcellinus* lib. 34. *Tibiæque, & histriónici gestus instrumenta non levia.*

Non

Non solum autem saltantibus Pantomimis canebant, sed etiam ad incentivum pede pulpitem percutiebant, & quo clarior sonus esset & ab omnibus melius intelligeretur, ligneas soles sub pedibus habebant, ad hunc usum factas, interdum etiam ferreas, quo majorem strepitum crepitumque ederent, ut *Lucianus* describit Pantomimum, qui in *Ajace Furente* prodierat. Hujusmodi lignea sandalia Græci *ξεπέσια*, Latini videntur appellasse scabella, de quibus nos lib. 3. prolixè. Huc respexit sine dubio *Arnobius*, qui de Pantomimis aliisque hujus fori locutus lib. 2. adversus Gentes solita sua elegantia quærit, *anne Rex mundi, Deus, animas huc miserit, ut res, nempe animæ humanæ, sancti & augustissimi nominis symphoniacas hic agerent & fistulatores artes, ut inflandis bucculas distenderent Tibiis, cantionibus ut præirent obscænis, numerosos iterarent scabillorum crepitationibus sonores, quibus animarum alia lasciviens multitudo in-*

compositos corporum dissolveretur in motus, saltitaret, & cantaret & ad ultimum clunibus & coxendicibus sublevatis lumborum crispitudine fluctuaret.

Interdum Tibicines ipsi inter canendum gesticulati sunt, ut more pantomimorum res quasque imitarentur, quod ex *Aristotele* patet Probl. 9. cap. 48. & ex *Xenophonte* in Symposio de Tibicina.

In conviviiis Saltatrices mulierculæ pro convivis delectandis ad Tibiam saltabant, quemadmodum cuivis *Xenophontis* Symposium pervolventi abunde constat.

Fuere etiam Ludii, à Lydis perfecti & appellati, ut vult *Herodotus* lib. 1. qui in numerum ad Tibicinis modos saltarunt. Id quod optimè illustrat *Livius* lib 8. de Ludorum sceni-
corum institutione agens, quorum initio parva, ut ferme omnia, principia refert. Quippe, ex ipsius confessione, sine carmine ullo, sine imitandorum carminum actu, Ludiones ex Etruria ac-

citi ad Tibicinis modos saltantes haud indecoros motus, more Tusco, dabant. Imitari deinde eos juventus, simul inconditis inter se jocularia fundentes versibus, cœpere; Nec absœni à voce motus erant. Accepta itaque res sæpiusque usitando excitata, vernaculis artificibus, quia hister Tusco verbo Ludio vocabatur, qui non sicut ante, Fescennino versu similem incompotum temerè ac rudem alternis jaciebant, sed impletas modis satyras, descripto jam ad Tibicinem cantu motuque congruenti, peragebant. De rudi horum saltatione primis temporibus, ad Tibiæ cantum Ovidius lib. 1. Art. Amand. describens raptum virginum Sabinarum & spectaculum quod Romulus paraverat:

*Nunc neque marmoreo pendebant
vela theatro,*

*Nec fuerant liquido pulpita rubra
croco.*

Et mox :

*Dumque rudem præbente modum ti-
bicine Tusco*

Ludius æquatam ter pede pulsatum humum.

Planipedes etiam, qui dicti quod in plano agerent & pedibus nudis, saltus suos ad decantatos Tibiarum modos accommodarunt, quemadmodum facile credo Gellio asserenti lib. 1. cap. 11. *Quod enim foret ista re ineptius, si ut Planipedi saltanti, ita Graccho concionanti, numeros & modos & frequentamenta quædam varia tibicen incineret.*

His affines erant *Fabulones*, qui obscœna dixerunt atque impudica verba, ut *Macrobius* lib. 2. Sat. cap. 1. *Vicem Planipedis & Fabulonis impudica & prætexta verba jacentis.* Quod etiam ad Tibiam factum est, quemadmodum apud *Xenophontem* in *Symposio* *Nicostratus* histrio τετραμέτρα πρὸς τὸν αὐλὸν κατέλεγεν, *ad Tibiam tetrametra recitabat.*

Non possum hîc non mentionem facere *lepidæ* illius *lucernæ* quam adducit *Licetus* lib. 6. de *lucern. ant. rec. c. 85.* his verbis: *Gerit ea in arca superiori nudum homunculum, gibbum, infantem geminas tibias, elato crure dextro,*



LCAECSAE

dextro, medias inter coxas turpiter exerentem obscœnum graviditate fascinum cum coleis. In fundo descriptum legitur intra circulare lineam L CAECSAË, quod ego legerem interpunctum L. CAECSAË: quam non ineptè quispiam meretricem opinetur, ex inverecundi ludionis imagine, sculpta in sua sepulchrali lucerna. Cæterum nec eruditione caret illa Tibicinis imago gibba cum extento mutino: siquidem ex arte tibias inflantes, nimium contento spiritu, genitalia vehementer implentur, ut quandoque disrumpantur; eadem anhelitus contentione simul & inclinatione ad tibias inflandas, quodammodo gibbi fiunt. Sed ad sanitatem, ne disrupto peritoneo descendat omentum cum intestinis in scrotum, apte fasciæ sibi ligant inum ventrem arctè tibicines; quo vinculo carens iste tibiam biforem inflans in lucerna delineatus (quam & hic damus) non abs re fingitur & gibbus, & inflato veretro coleisque tumidis. Et paulò post: Morio gibbus iste efformatus est nudus, ut deformitas ipsius conspectior esset; mira que fabricæ ingenii libidine confictus. Cujus generis plura dititibus in pretio frequenti numero vendebantur antiquitus; unde illud

Stultitiam patiuntur opes.

CAPUT XII.

Tibia in Nuptiis & Choreis.

PRæter alia instrumenta musica, Tibia olim maximè nuptiale erat. Adeo ut omnis sanctimonia nuptiarum uno signo Tibiarum intelligeretur, ut ait Auctor ad Herren. lib. 4. Integram nuptiarum solemnitatem suo ordine describit *Heliodorus* Æthiop. lib. 10. cum Tibiarum & fistularum concentu, & vix ullum apud veteres de nuptiis sermonem institutum reperiēs, quin Tibias adjunctas deprehendas. *Claudianus* de Nupt. Honor. & Mar. v. 195.

Tibia pro lituis & pro clangorē tubarum

Molle lyræ faustamque canant.

Et mox :

Tu festas, Hymenæe, faces; tu, Gratia, flores.

Elige

Idem

Idem in Fescennin. vers. 128.

*Ducant pervigiles carmina Tibiæ,
Permissisque jocis turba licentior
Exsultet tetricis libera legibus.*

Paulo post :

*Hæc vox per populos , per mare trans-
eat ,*

Formosus Mariam ducit Honorius.
Inter Nuptiarum apparatus *Tibiarum*
clangor apud *Achil. Tatium* de Clitoph.
& *Leucip. Amor. lib. 1.* atque easdem
ad nuptias celebrandas laudat *Euripides*
in *Hercule*. Unde in *thalamis Nicip-
pidis dulce resonabat Tibia* , quemad-
modum in *Veter. Epigramm. lib. 3.*
cap. 12. Epigr. 6. Et sane nihil hoc *Ti-
biarum* usu frequentius occurrit. Ita
Nonnus Dionysiac. lib. 7.

Οἶδ' αὖ μὲν ὡς ἐρόεις πέλεται γάμος , ἢ καὶ λι-
γαίνῃ

Πανιάδ' οὐραϊστὸν ὁμόηρον αὐλὸς Ἀθλίως,
*Scio quidem quod amabiles sint nu-
ptiæ , ubi stridet*

*Panicæ fistulæ consonans Tibia Mi-
nervæ.*

Facta

c. 12. DE TIBIIS VET. 231
Facta hæc Tibiarum incentio in nuptiis ad summam festi diei lætitiæ repræsentandam, & ingens illud gaudium manifestandum, quo sensu Ovidius Metamorph. lib. 4.

— *Tædas Hymenæus Amorque
Præcutiunt : largis satiantur odoribus ignes :*

*Sertaque dependunt tectis, lotique, lyraeque,
Tibiaque, & cantus, animi felicia læti*


Argumenta sonant.....

An sine Musica Nuptiarum solennia ritè celebrentur vide differentem venerandum Parentem meum Quæst. Nupt. 3. De nuptiis Mercurii & Philologiæ Martianus Capella lib. 2. Ecce autem, inquit, ante fores quidam dulcis sonus multifidis suavitatibus suscitatur, quem Musarum convenientium chorus impendens nuptialibus sacramentis modulationis doctæ tinnitibus concinebat, nam nec Tibiarum mela, nec ex fidibus sonus, nec hydraularum harmonica deerat plenitudo.

232 CASP. BARTHOL. l. 2.
nitudo. Unde Nuptialis hæc Tibia antiquitus dicta est. Et *Suidæ*, λωτοὶ ἐπι-
γαλάμιοι, idest *Tibiæ nuptiales*. Quippe
cantus nuptialis duabus Tibiis caneba-
tur, quarum altera major erat, si credi-
mus *Polluci* lib. 4. cap. 10. tit. 3. Alii
nuptiales Tibias *monaulos* fuisse scri-
bunt, ad quas canerent hymenæos:
Alii binas ajunt, junctas & impares.
Posteriorum omen, conjugii specie, pla-
cet *Scaligero* de Art. Poët. lib. 1. cap. 20.
Ideoque *Apulejo* nuptiales Tibiæ, *Zy-
giæ* dicuntur, *Metam.* lib. 4. Hæc Ti-
bia apud *Nonnum* *Dionys.* lib. 24.
βιοσὸς αὐλὸς ἐρώτων, nominatur, *vitam
servans Tibia amorem*. Et tales etiam
videntur in Antiquis marmoribus ubi
Nuptiarum solennia exprimuntur. Ro-
mæ in Templo D. Laurentii extra mu-
ros in Marmore mihi viso, cujus figu-
ram in Admirandis Romanarum Anti-
quitatum Vestigiis edidit Jac. de Ru-
beis, cernitur totus Nuptiarum appa-
ratus, quem, secundem brevem, sed
cruditam, *Bellorii* explicationem, si-
mul

2.
4.
2.
e
.
ll





C. 12. DE TIBIIS VET. 233
mul cum illustri planè ipsius Marmoris
figura hic afferam :

1. Sponsus ac Sponsa invicem dex-
teras jungunt. Hæc palla seu flammeo
velata, ille capite detecto. 2. Juno Pro-
nuba utrumque amplexa conjugio jun-
git stabili. 3. Hymenæus adest, seu
puer genialem præferens facem. 4. Ca-
millus ad aram cum acerra, & 5. Ti-
bicen molle festumque canens. 6. Vir
velato capite sacrificans è canistro pro-
mit flores & poma quæ in Nuptiis
spargebantur. Inde 7. Mulier Turtu-
rem præfert maritalis fidei auspiciū.
8. Ad pedes ovis. Sequitur 9. Mulier
cum serto quo postes ornabantur.
10. Nuntius laureatus manu tenet vo-
lumen Nuptialis carminis. 11. Ultima
est Concordia cum Copiæ Cornu, seu
Cybeles Mater cujus vim Generationi
inesse credebant. In eodem Antiquitat.
Volumine exhibetur Epithalamium,
ubi sedent hinc sponsus, inde sponsa,
& ad utrumque ex choro conversæ vir-
gines laudes canunt, faustum felixque
omi-

234 CASP. BARTHOL. l. 2.
ominantur. Adfunt *Tibicina* & *Lyristes* & alia, quæ Poëtria carmina describit, & modulata cedro notat, ut suspicatur *Bellorius*.

Simul itaque ac Nuptiarum solennia indicta sunt, Tibicines quærebantur, sine quibus hæc festa vix unquam peragebantur. *Plautus Aul. Act. 2. Sc. 6.*

— *STA. Quid vis? STR. Hos ut accipias cocos,*

Tibicinamque obsoniumque in nuptias.
Patet hoc etiam ex *Solino* qui cap. 9. ubi *Amyntæ* filium *Philippum* captum esse oculo dextro apud *Mothonam* dixit, hujus debilitatis omen præcessisse refert: *nam cum nuptias ageret, acciti Tibicines carmen Cyclopium quasi de conludio concinuisse dicuntur.* Nuptialibus enim gaudiis Tibiæ interponebantur, ut ad illas *Hymenæi* canerentur in Nuptiis, quemadmodum hymni in Divina veneratione, & threni atque lamenta in funeribus, teste *Isidoro Orig. lib. 2. cap. 15.* De carmine hoc nuptiali
Non-

C. 12. DE TIBIIS VET. 235
Nonnus Dionys. lib. 7. Et aptè hoc ad
Tibiam cantatum indicat Terentius :

— *Verum hoc mihi moræ est ,
Tibicina & hymenæum qui cantent.*

Et paulo post :

— *Missa hæc face
Hymenæum , turbas , lampadas , Ti-
bicinas.*

Carmina hæc socialia nuncupat , & per
Tibiam effundi dicit Ovidius Ep. Med.

*At subito nostras ut hymen cantatus
ad aures*

*Venit , & accenso lampades igne
micant.*

*Tibiaque effundit socialia carmina
vobis ,*

At mihi funesta flebiliora tuba.

Cur ἐσπέριος λατοί , vespertini loti , hæ
Tibiæ dictæ sint Suidæ , edocebimur
à Scaligero , qui in Propertii locum lib. 2.
El. 6.

*Aut mea quum tales caneret tibi
Cynthia somnos*

Tibia , funesta tristior illa tuba.

Tibiam intelligi nuptialem arbitratur ,
qua

qua novam nuptam mariti domum deducebant, cum jam concubia nox esset. Huc forsan trahi posset *Plautus Casina* Act. 4. Sc. 4.

*Age Tibicen, dum illam educunt hac
novam nuptam foras,
Suavi cantu concelebra hanc plateam
hymenæo.*

Cæterum locum illum *Propertii* non de Tibia nuptiali exponit *Paſſeratiuſ*, sed de Tibia amatorum, qua sub noctem tranſeunt ante amicarum domos, ſuas miſerias deſlebant. Quod carmen à ſpectu ad januam, *παραλαβὴν θυγῆ* vocat *Plutarchuſ*, qui de animantium moribus variis diſſerens, hunc etiam innuit de carmine flebili ad januam adamatæ mulieris & de Tibicina canente per vicum tranſeunte. Nec aliud voluit *Horatius* lib. 3. Od. 7. ad *Aſterien*:

*Prima nocte domum claude: neque in
vias*

Sub cantum querulæ deſpice Tibiæ:

Et te ſæpe vocanti

Duram diſſicilis mane.

Ideo-

Ideoque minus circumspēctē *Dempsterus* in *Rosin.* lib. 3. cap. 31. illud putat à *Palmerio* solo annotatum esse, amantes ante dominarum suarum fores noctu Tibiis canere consuevisse. De hac amatoria cantilena *Ovidius* *Fast.* lib. 5.

Primus amans carmen vigilatum nocte negata

Dicitur ad clausas concinuisse fores.

Et ibidem:

Ebrius ad durum formosæ limen amicæ

Cantat.....

Hunc communem Adolescentum & Amatorum morem accedendi ad meretrices vel amicas suas media nocte cum Tibiis, declarat *Ælianus* *Var. Hist.* lib. 13. cap. 1. de Adolescentulis duobus qui audaces amatores & insigniter lascivientes, media nocte ad *Athalan* tam meretricem advenerant: *Utebantur autem in suo amatorio discursu non Tibi inibus, neque iis, quibus adolescentes in civitate uti consueverant, sed tædis,*

dis, quibus incensis & flagrantibus ad primum ignis conspectum universus populus, nedum una puella exhorruisset. Verum nos ad Tibiam nuptialem revertamur, ad quam, choreis etiam destinata, in nuptiis saltabant, ut ex Euripide patet in Aulide.

Quomodo in festivitate nuptiali singula ad Tibiam acta, ad quam alii commessabantur, alii ridentes & ludentes saltabant, vide pluribus explicantem *Hesiodum* in Scuto Herculis v. 272. & seqq. Tibiarum hunc usum priscis Græcis vernaculum indicat *Homerus*, cum alibi sæpè, tum in coelatura clypei, Achilli à Vulcano donati. Fingens enim in eo duas civitates, alteram pace florentem, alteram bello vexatam, feliciorum illam describit festos dies agentem, vacantemque nuptiis & hilaritatibus, de quibus carmen Interpretis sic habet:

*In gyrum saltat pubes, quos flatilis
inter*

*Tibia cum cithara modulamina dulcia
fundunt. Stant*

*Stant in vestibulis nuptæ spectant-
que choreas.*

Cæterum non ad solas choreas nuptiales restringebatur Tibia, ad alias etiam transiit quacunque occasione natas. Ut ille apud *Aristophanem* in *Vespis*, ubi Tibiam audiverat, saltare tota nocte non desit. Ita *Juvenalis* Sat. 15.

— *Inde virorum*

Saltatus nigro Tibicine.

Ut adeo non inconvenienter de Tibicinibus *Phædrus* lib. 5.

— *Lepidum genus*

*Desiderari cæpit, cujus flatibus
Solebat excitari saltantis vigor.*

Et *Plautus* Stich. Act. 4. Sc. 7.

*Siquidem mihi saltandum est tum vos
date, bibat, Tibicini.*

Quoniam choreas in conviviiis receptas excitavit Tibia, quod satis notum ex *Xenophonte* in *Symposio*. Manifestè rem declarat *Propertius* lib. 3. El. 10.

*Sit mensæ ratio, noxque inter pocula
currat*

Et

*Et crocino nares myrrheus unguat
Onyx.*

Tibia nocturnis succumbat rauca choreis,

*Et sint nequitiae libera verba tuæ :
Dulciaque ingratos adimant convivium
somnos,*

*Publica vicinæ perstrepat aura
viæ.*

Ejusdem consuetudinis non obscura prodit vestigia *Heliodorus* *Æthiop.* lib. 5. *Audis enim ut mulieres moræ causa & remissionis à potatione, choream instituerint. Nobis verò tuus error egregiè si volueris convivium traduxerit, suavior omni chorea & Tibia futurus.* Idem lib. 3. narrans illa quæ in convivio fuerunt, choreas virginum, Tibicinas, armatam & pyrrhichiam saltationem Epheborum, & alia cum quibus lautos & opiparos cibos *Theogenes* temperaverat, familiare & magis aptum computationi convivium efficiens. In quacunque enim computatione Tibicina etiam præcinuit modos, qui saltationis vigo-

C. 12. DE TIBIIS VET. 241
vigorem excitarent. Sic *Horatius* lib. 1.
Epist. 14. ad Villicum suum:

*Nec vicina subest, vinum præbere,
taberna,*

*Quæ possit tibi: nec meretrix Tibi-
cina, cujus*

Ad strepitum salias terræ gravis.

μυγγίνοι hæ Tibiæ appellantur *Polluci*,
quæ parvæ erant utræque, & æqua-
les, computationibus enim convenit
æqualitas. Inter potandum *Lusitani* ad
Tibiam saltarunt, referente *Strabone*
lib. 3. Et *Thraces* ad Tibiam armatos
saltare memorat *Xenophon* in convivio
Seuthæ. Omnia quæ in hac armata
saltatione observabantur ordine recen-
set *Athenæus* lib. 1. & quomodo in
illa corporis motum Tibiæ modis ad-
aptabant, vide *Maximum Tyrium* Dis-
sert. 12. *Dores*, qui Siciliam incole-
bant, ad *Ionicas Tibias* saltare, idem
testatur *Dissert.* 21. Et *Cares* non mi-
nus in choreis quam funere Tibiam
adhibuisse liquet ex *Aristophane* in *Ra-
nis* Act. 5. sc. 2.

Καρχαῖν αὐλημάτων Θρήνων, χορείων,

Caricæ Tibiæ modos in funere, & choreis.

Erat etiam γῆγος ad Tibiam saltatio idem cum Tibiæ modulatione nomen habens, ex *Polluce* lib. 4.

C A P U T X I I I.

Tibia in Conviviis.

VEterum Romanorum epulis fides ac Tibias adhibere mos erat, si credimus *Quintiliano* Instit. Orat. lib. 1. cap. 14. Ideoque epularum solennium fides ac Tibiæ majoribus usitatæ, decantantur *Ciceroni* L. III. de Oratore. Viguit autem ille mos frequens, cujus indicia plurimi suppeditant autores. *Plautus* Mostellar. Act. 4. sc. 2.

Hic quidem neque convivarum sonitus, itidem ut antehac fuit,

Neque Tibicinam cantantem, neque alium quemquam audio.


Tibias cum Citharis conviviis destinat
Coint.

Coint. Smyrnæus Derelictor. lib. 5. De convivialibus his Tibiis evolve *Athenæum* lib. 15. *Plauti Stichum*, *Theophrasti* Characteres morum, aliosque. Consule quoque *Ælianum* Var. hist. lib. 7. cap. 2. & *Paschaliū* de Coron. qui lib. 2. cap. 2. tibicines coronatos in convivium induci solitos perhibet. *Petronius* inter Trimalcionis delicias, neque has præteriisse videtur, si nonnullis interpretum ejus fides sit: *Circumferebat*, inquit, *Ægyptius puer* *clibano argenteo panem*, atque ipse etiam *teterrima voce de Laſerpiciario mimo canticum extorquet*. Nos ut tristiores ad tam viles accessimus cibos, suadeo, inquit, *Trimalcio, cœnemus*, hoc est *jus cœnæ*. Quidam Commentatorum *teterrima in tenerrima* mutarunt & pro *minio* etiam *mimo* substituere: Cui amplius *Gonzales* ex *mimo*, *mimico* fecit, nimirum ut de *Tibia* è *Laſerpitii* caule perforato confecta, quam puer inflaret, locum interpretaretur. Ita *Lotichius* & *Gonzales*,

244 CASP. BARTHOL. 12.
les, repugnante *Petro Lasena*, qui in
Cleombroto ab his diversus est. Quip-
pe si *Ægyptiacus* puer circumferebat
argenteum clibanum, quo pacto Ti-
biam *Laserpitiariam* inflare potiserat?
ut adeo canticum, quod hic extor-
quebat, non Tibiæ sonus, sed vocalis
musica esset, id quod & ex præceden-
tibus, de hisce pueris, verbis demon-
strat. Non igitur aliquid mutandum
putat ex veteri lectione, *de laserpitio*
& *minio*, vel si quid mutandum sit,
pro *laserpituario*, quod nihil est, re-
cipit & legit, *de laserpitiato minio*, ut
sit sensus, *de argutulo ac fucato labio*
canticum extorquet. Cæterum utut sit,
conviviis Tibiarum cantum interpo-
nebant, ut animos exhilararent, &
ad voluptatem atque lætitiā vino de-
bitam accenderent. *Xenophon* in Sym-
posio: *Ἐπεὶ δὲ αὐτοῖς ἡ αὐλητὴς μὲν ἤυλησε, ὁ*
δὲ παῖς ἐκινάεισε καὶ ἑδόκεν ἰμεῖλαν ἀμφοτέρω
ἱκανῶς ἀφράγειν, *Posteaquam Tibicina,*
& *puer cecinissent, illa Tibia, hic ci-*
thara, viderenturque satis homines ex-
hila-

C. 13. DE TIBIIS VET. 245
hilarasse. Scytharum Rex Ismeniam
tibicinem bello captum canere jussit
inter pocula. Omnibus autem admi-
rantibus & præ voluptate plaudenti-
bus, jurejurando affirmavit, suavius
se interdum equum hinnientem audi-
visse, ex *Plutarc.* de fortun. Alexandr.
Suidæ $\tau\acute{\alpha}\mu\epsilon\upsilon$ est Tibia, inter ebrios
vino diutius durante irritans libidi-
nem & inhonestum faciens convivi-
um.

Moris hujus cum Tibia epulandi
vestigia etiam suggerunt Vetera mar-
mora, quale est perantiquus ille la-
pis apud *Casaliū* in Splendor. Urb.
Rom. c. 18. pag. 320. etiam ex vinea
quondam Card. de Montealto adducit
Schach. Myroth. 1. c. 33. pag. 308. Et
ejus icon etiam videri potest apud O-
Etav. *Ferrarium* de Re Vestiar. par. 1.
pag. 92. quem ex *Ursino* ad *Ciaconii* Tri-
clinium subjicit, in quo antiquus Tibia-
rum in conviviis usus videtur eluce-
scere. Paginâ sequenti eandem nos
quoque damus.



Notandum est ad convivium olim Tibicines in foro conductos ubi obsonia emebantur. Quod non obscure ex *Theophrasto* elicio, qui in *Notation. Morum*: *Cumque sibi obsonia emerit, & Tibicinas* (αὐλῆιδας) *conduxerit, ut cuique obvius fuerit factus, obsonia illi ostendere & ad ea invitare.* Conducti autem illi sive Tibicines, sive Tibicinæ, in foro unâ cum coquis, cujus rei testimonium ex *Plauto* dabo, *Aulular. Act. 2. Sc. 4.*

Postquam obsonavit herus, & con-
duxit coquos,

Tibicinasque hasce ad forum, edi-
xit mihi.

Ut dispartirem obsonium hic bifa-
riam.

Ideoque nonnulli ad Tibiam coquebant, quod de *Tyrrhenis Pollux* lib. 4. cap. 7. ἐπ' αὐλῆς ἐψοποιεῖσι. Et Tibicines ad focos memorantur apud *Aristophanem* in *Acharnens. Act. 3. Sc. 3.*

Nec aliam ob causam à *Plauto* plerumque coqui & Tibicinæ conjunguntur. Ut *Aulular. Act. 3. Sc. 3.*

Ite sane nunc jam intro omnes, & coqui, & Tibicinæ.

Etiam huc introduce, si vis, vel gregem venalium.

Coquite, facite, festinate nunc jam quantum libet.

Quippe observabis, coquos olim epulas quoque ad Tibiæ sonum apparasse, quod à *Stuckio* relatum *Antiq. Conv. lib. 3. cap. 20.* Unde *Eubulus* apud *Athenæum* lib. 9. ait moris fuisse, ut si quid peccasset coquus, Tibicen vapularet. Ita etiam preciosiores dapes mensis inferentes, solenni quadam pompa Tibicinibus utebantur, quod annotatum à *Pancirolo* de *Deperd. Tit. 51.* & evidenter confirmat elegans antiqui lapidis schema apud *O. Etav. Ferrarium* de *Re Vestiar. par. 1. p. 186.* quod ex *Ursini* Apendice in *Circoni* Triclinium exhibet, quale expressum vidimus Romæ in Voluminibus Illustrissimi Equitis *Caroli Antonii à Puteo*, & è regione conspiciendum exhibemus.

Ubi



Ubi expressè in conviviiis fercula præcedente Tibicine à ministris inferri videntur. Nec desunt ex veteribus Autores, apud quos nonnullos cibos præeunte & canente Tibicine inferri ac mensis imponi solitos fuisse legimus. Sic de Accipensere apud Romanos *Macrobius*, ut cum inter alios cibos lautos, & preciosos ille piscis apponendus esset, non nisi à coronatis ministris, cum Tibicinis cantu inferretur. Ita autem *Macrobius* Saturn. lib. 3. cap. 16. de Accipensere: *Apud Antiquos in pretio fuisse, ego testimoniis palam faciam: vel eo magis quod gratiam ejus video ad epulas quasi postliminio rediisse. Quippe dignatione vestra cum intersum convivio sacro, animadverto hunc piscem à coronatis ministris cum Tibicine inferri. Factumque id Severo Imperatore cœnante, ad quod auctoritatem ejusdem Macro-
bii repetam, qui paulò post subjungit: Hæc Sammonicus, qui turpitudinem convivii Principis sui (Severi) laudando notat: prodens venerationem, qua piscis*
ba-

C. 13. DE TIBIIS VET. 251
habebatur, ut à coronatis ministris in-
ferretur cum Tibicinis cantu, quasi qua-
dam non deliciarum sed numinis pompa.

Non prætereundum est Tibiam o-
lim & in principio & in medio & in fine
convivii esse adhibitam. Convivii si-
gnum illa dari solitum *Virgilius* videtur
indicare *Æneid.* 11.

At non in Venerem segnes, nocturna-
que bella,

Aut ubi curva choros indixit Tibia
Bacchi,

Expectare dapes & plenæ pocula
mensæ,

Hic amor, hoc studium.

Et *Aristophanes* in *Vespis.*

Ἀλλήλους ἐνεφύσησεν. οἱ δὲ συμπόσαι

Εἰπὺν ———

Tibicina inflat, ecce convivæ tibi

Adsunt

Nec aliud idem innuit in *Ranis Act.* 2.
Sc. 2.

Tuba militibus signum in conviviiis
datum est quando accumberent & sur-
gerent, secundum *Ælium Var. hist.*

252 CASP. BARTHOL. l. 2.
lib. 8. de conviviiis, quæ Alexander militibus post victum Darium exhibuit.

In fine convivii Tibicinæ atque saltatrici, & reliquis spectaculis non parum temporis datum esse concludo ex *Xenophonte*, in cujus Symposio, mens ablatiis ac libationibus Pæaneque absolutis, *Suracusanus* quidam ad commensationem accedit, qui secum & Tibicinam egregiam & saltatricem ex earum numero habebat, quæ mira quædam efficiunt, itemque formosum admodum puerum bellè canentem cithara & saltantem. Atque hæc ille miraculi loco exhibendo, pecuniam accipiebat. Isti pueri qui in cœna sic cantabant, symphoniaci appellati. *Macrobius* lib. 2. Saturn. cap. 4. *Delectatus inter cœnam erat pueris Symphoniaciis.*

Nonnulli Tibiam in conviviiis admittere noluere, quemadmodum *Athenæus* lib. 15. de Platone, apud quem Socrates in Protagora abjectorum hoc esse dicit hominum, imperitorum atque circumforaneorum. Hi enim cum
eam

eam vim atque facultatem non habeant, ut urbana aliqua & eleganti collo-
 catione tempus illud epularis accubatio-
 nis traducere, & mutuis sermonibus
 animos suos hilarare possint: ejus rei
 remedium à mimis, & ab histrionibus
 & à vocum fidiumque cantibus petunt,
 magnis sumptibus conductis. At quas
 ad epulas boni atque eruditi convivæ
 convenerint, in eis neque Tibicinam
 neque psaltriam audiri, neque salta-
 tricem spectari ullam: eos verò ablega-
 tis ejusmodi nugis atque ineptiis mo-
 destè inter se & hilariter colloqui, neque
 unquam deesse ipsis, de quo sermones
 jucundissimos conferant, etiamsi mul-
 tam in noctem convivium producat. Ita-
 que ex nobili illo apud Agathonem
 convivio ejici Tibicinam, & aut sibi
 aut mulieribus juberi canere. Vide *Mu-
 retum* Var. Lect. lib. 6. cap. 15. &
Dionys. Lambinum in Corn. Nepot. in
 Epaminond. *Plutarchus* verò, qui Sym-
 pos. lib. 6. Problem. 6. Philosophos, Ti-
 bicinas, & comoedias in conviviis ad-
 hibuisse

hibuisse refert, contra Platonis testimonium superius allatum, Xenophon-
tis auctoritatem adducit lib. 7. Probl. 7.
& Homericanarum epularum exem-
plum, nec non alias rationes, quibus
probat hujusmodi elegantiam, & oble-
ctationem minimè esse convivio ex-
turbendam. *Xenophon* enim qui Pla-
tonis æmulus fuit, in id convivium,
in quo & Socrates esset, & Antisthe-
nes & alii doctrina sapientiaque præ-
stantes viri, non modo Philippum
excitandi risus artificem induxit, ve-
rum etiam sublatis epulis Syracusanum
illum commessatorem cum Tibicina,
& saltatrice, & formoso puero, qui
& ipse cùm saltando, tùm fidibus ca-
nendo, summa eos, qui aderant, vo-
luptate perfunderet. Notandumque
pro *Plutarcho* contra Platonem, non
à solis imperitis & circumforaneis Ti-
bicines adhibitos, cum idem *Xenophon*
lib. 7. Exped. Cyri, Tibiam memo-
ret in eo convivio, in quo & Seuthes
& præstantissima dignitate Thraces, &
multi

c.13. DE TIBIIS VET. 255
multi Græcorum Duces & Præfecti
cum Legatis aderant. Præterea con-
cludit *Plutarchus* Symp. 7. Probl. 8.
nulla ratione licere, etiam si quis vellet,
Tibiam à mensa arcere: nam libatio-
nes eam flagitare unà cum corona, &
ubi pæani accinens divinum cultum
absolvit, suavi cantu per aures trans-
ire, easque jucunda voce perfundere,
quæ res tranquillitatem animi efficit,
ita ut si quid tristitiæ & curarum me-
ro non sit discussum, id cantilenæ
concinnitate suavitateque sopiatur. Ca-
veri verò debere, ne Tibia modum
excedat, nimiosque animo motus ad-
ferat, illumque sonorum modulorum-
que multitudine mollium, in trans-
versum rapiat.

CAPUT XIV.

Ad Tibiam factæ Conciones ad populum, carmina recitata, atque Heroum laudes in conviviiis & funeribus decantatæ.

DE Cajo Graccho memoratur, quod, cum impetu orationis sæpe raperetur extra se, & voce uteretur asperiori, usus sit famulo quodam qui Phonaſcico instrumento, ita Tibiam illam vocabant, vocem ejus moderaretur. Itaque quoties apud populum concionatus est, servum post se musicæ artis peritum habuit, qui occultè eburnea fistula pronunciationis ejus modos formabat; aut nimis remissos excitando, aut plus justo concitatos revocando: Quia ipsum calor & impetus orationis attentum hujusce temperamenti æsti-

æstimatorem esse non patiebatur, ut de ipso memorat *Valer. Maximus* lib. 8. cap. 10. Cæterum si audiamus *Gellium* lib. 1. cap. 11. nequaquam sic est ut à vulgo dicitur, canere Tibia solitum, qui pone eum loquentem staret, variisque modis tum demulcere animum actionemque ejus, tum intendere; *Quid enim*, ait, *foret ista re ineptius: si ut Planipedi saltanti, ita Graccho concionanti numeros & modos, & frequentamenta quædam varia tibicen incineret.* Sed qui hoc compertius memoriæ tradiderunt, ita referente *Gellio*, stetisse in circumstantibus dicunt occultius, qui fistula brevi sensim graviusculum sonum inspiraret ad depressum sedandumque impetum vocis ejus. Refervescente namque impulsu, & instinctu extraneo, naturalem illam Gracchi vehementiam non indiguisset opinatur, contra autoritatem *Ciceronis*, qui fistulatorem istum utrique rei adhibitum esse à Graccho putat, ut sonis, tum placidis, tum citatis,

tatis, aut demissam jacentemque orationem ejus erigeret: aut ferocientem sævientemque cohiberet. Ita enim Cicero de Orator. lib. 3. *Idem Gracchus, quod potes audire, Catule, ex Licinio cliente tuo, literato homine, quem servum sibi ille habuit ad manum, cum eburneola solitus est habere fistula, qui staret post ipsum occultè cum concionaretur, peritum hominem, qui inflaret celeriter eum sonum, quo illum aut remissum excitaret, aut à contentione revocaret. Nimirum, quoniam in omni voce, fatente Tullio, est quiddam medium; sed suum cuique voci: hinc gradatim ascendere vocem utile & suave est. Nam à principio clamare agreste quiddam est: & illud idem ad firmandum est vocem salutare. Deinde est quiddam contentionis extremum, quod tamen inferius est quam acutissimus clamor, eò concionatorem fistula progredi non sinebat, & tamen ab ipsa contentione revocabat. Est item contra quiddam in remissione gravissimum, quòque tanquam sonorum gradibus descenditur.*

At-

Atque hæc varietas, & hic per omnes sonos vocis cursus, ad Tibiam attemperatus, & se tuebatur, & actioni afferebat suavitatem: Sed fistulatorem domi relinquendum, sensum autem huius consuetudinis ad forum deferendum suadet apud Tullium Crassus, qui huius fistulæ Gracchi rationem omnem nondum planè intelligenti Julio exponit. Illi usui adhibitam Tibiam, concionatoriam nuncupat Gellius lib. 1. cap. 11. Ecce autem pro tibicina Laconica, Tibiæ quoque illius concionatoricæ in mentem venit, quam C. Graccho cum populo agente præiisse ac præmonstrasse modulos ferunt. Tonarion dicit Quintilianus lib. 1. cap. 10. Ut uno interim contenti simus exemplo C. Gracchi, præcipui suorum temporum oratoris, cui concionanti post eum consistens musicus, fistula, quam tonarion dicunt, modos quibus deberet intendi, ministrabat. Ideoque hanc talem memorat Plutarchus lib. de Cohib. Ira, ad quam musici vocem per tonos varios formare solent: Cajo quidem Graccho,

cho, qui & moribus erat austerioribus & in dicendo vehementior, fistula fuit concinnata, quali musici [ἀρμονίῳ] vocem paulatim in utramque partem per tonos deducunt, hanc eo orante servus tenens à tergo astabat, tonumque lenem suggererat. Hinc fortasse Syntonator in Inscriptione quæ Genuæ extat apud Canonicum Ferro:

C.....TVSTACTVS

SVNTONATOR

REGIS THOLOMEI

L. VANN. L.

Hanc mihi Romam Lugduno in Galliis transmisit D. Jacobus Spon, Vir in perscrutandis Antiquitatis ruderibus singulari genio præditus. Phonaſcicum instrumentum, φωνασικὸν ὄργανον, Tibiam concionatoriam appellat Plutarch. in Gracch. Unde quos ἀρμονίῳ supra adducto loco dicit, qui vocem ad cantum hujus flecterent & formarent, Phonaſci Latinis sunt, ut Suetonio, & Sidonio Apollinari lib. 10. non sub phonaſco vocalium meditatum acroama intonat.

C. 14. DE TIBIIS VET. 261
tonat. Cujus mentio in Inscriptione
Antiq. apud Gruterum pag. 89.

TI. CLAUDIVS

QVI. MACEDO

PHONASCVS

Tertulliano, musicus monitor, aliis dicitur musicus præceptor, magister cantus & vocis modulator, quippe ejus erat, præparare ab imis sonis vocem ad summas, momente Quintiliano.

Non solum concionem habenti ad populum modos certos dedit Tibia, sed & ad eandem Poëtarum carmina recitata, quæ cantu remoto soluta esse videbantur oratio, maximeque id in quoquo Poëtarum, qui *λυριοι* Græcis nominantur, quorum carmina, nisi Tibicen accessit, orationi sunt solutæ simillima, quemadmodum de iis judicat *Tullius* in Orator. Meminit & hujus rei *Cratinas Comicus*, *ἔταν' Ἀδμήτη μέλ' αὐλῆς*. Ubi ad Tibiam cecinerit *Admeti carmen*. Unde ad hunc *Horatii* locum lib. I. Od. I.

— si neque Tibias

Eu-

*Euterpe cobibet, nec Polyhymnia
 Lesboum refugit tendere barbiton,*
 notat Christophorus Landinus : Si mu-
 sæ, quas per Euterpen, unam ex iis, de-
 signat, non prohibent me à Tibia, id est
 à versibus, qui Tibia canuntur. Fami-
 liare id Lyricis fuit, inter quos Horatius
 lib. 3. Carm. Od. 4.

Descende cælo & dic age Tibia.

Regina longum Calliope melos.

Ad alia etiam carmina transit Tibiæ
 usus, ea nempe quæ Heroas in convi-
 viis, & alios simul demortuos in funere,
 laudandi gratia canebantur : Quippe
 non Deorum solùm, sed Heroum e-
 tiam laudes aliorumque, qui magni-
 quicquam meruerant, Romani veteres
 Tibiarum cantu prosequiebantur, vel
 etiam carminibus ad Tibiam accom-
 modatis laudabant. Prius confirmat
 Horatius lib. 1. Od. 12. antequam ad
 alios Heroas perveniat :

*Quem virum, aut Heroa, lyra, vel
 acri*

Tibia sumis celebrare Clio?

Quem

*Quem Deum? cuius resonat jocosâ
Nomen imago.*

Præter Deos atque Heroas de Melibæo
Virgiliano idem perhibet Calphurnius
Eclog. 8.

*Quare age; si qua tibi Melibæi gra-
tia vivit,*

*Dicat honoratos prædulcis Tibia ma-
nes.*

*Et parere decet jussis & grata juben-
tur,*

*Nempe fuit dignus senior quem car-
mine Phæbus,*

*Pan calamis, fidibusque Linus, mo-
dulatibus Orpheus*

*Concinerent: atque acta viri laudes-
que sonarent.*

Factum hoc præcipuè in conviviiis, ut
pueri modestè cantillarent carmina an-
tiqua in quibus laudes erant Majorum,
& assa voce & cum Tibicine, quemad-
modum Varro inquit lib. 2. de Vir. P.
R. apud Nonium. Ab ipsis convivis at-
que accumbentibus eundem morem
observatum, mihi testis est Cicero
lib.

264 CASP. BARTHOL. l. 2.
lib. 1. Tuscul. Quæst. *solitos esse*, in-
quit, *in epulis convivias canere ad Tibi-*
cinem de clarorum hominum virtutibus.
Idemque lib. 4. Tuscul. confirmat ex
Catone: *Gravissimus author in Origini-*
bus dixit Cato, morem apud majores
hunc epularem fuisse, ut deinceps qui ac-
cumberent, canerent ad Tibias, claro-
rum virorum laudes atque virtutes.
Quæ eadem à Tullio repetuntur in
Bruto.

Cæterum cur ad Tibias majores na-
tu Romanorum in conviviiis egregia
superiorum opera carmine compre-
hensa pangerent, causam addit *Val.*
Maximus lib. 2. quò nempe ad ea
imitanda juventutem alacriorem red-
derent. Et hoc significat evidentiùs
convivium in honorem Herculis ce-
lebratum, in quod Tibias introdu-
cit *Heliodorus* Æthiop. lib. 4. Idque
non minus festis quam profestis die-
bus factum est, quemadmodum ex
Horatio discere est, qui lib. 4. Carm.
Od. 15.

Nos-

*Nosque & profestis lucibus, & sacris,
Inter jocosæ munera Liberi,*

Cum prole matronisque nostris,

Rite Deos prius adprecanti,

Virtute functos, more patrum, Duces

Lydis remisto carmine Tibiis,

Trojamque, & Anchisen & Almæ

Progeniem Veneris canemus.

De Divum honore cum Tibiarum cantu atque lætitia populari juncto, quod tamen sine curriculo & certatione corporum fieret, loquitur Cicero lib. 2. de Leg.

Nec solum in conviviiis honoratorum virorum laudes carminibus comprehendebant ad Tibiam cantatis, sed etiam ubi iusta funeribus eorum solverent, Tibiarum usus frequentissimus, uti suo loco uberius exponimus. Hic saltem antiquum illum morem, quod nœnia ad laudandos mortuos in funeribus ad Tibiam caneretur, confirmare placet ex Cicerone de Leg. qui lib. 2. *Honoratorum Virorum laudes*, inquit, *in concione memoranto, easque ad can-*

266 CASP. BARTHOL. l. 2.
tus ad Tibicinem prosequuntor: Cui no-
men Næniæ: quo vocabulo etiam Græci
cantus lugubres nominant. Hæc carmi-
na in funere non Heroum solùm, sed
& omnis generis & ætatis hominum,
mortuos laudandi gratia, cantata esse
certum est ex Festo: Nænia est carmen,
quod in funere laudandi gratia cantatur
ad Tibiam. Canebatur autem Nænia
hæc ad Tibiam à muliere in hunc fi-
nem conducta, quæ præfica dicebatur,
de qua pluribus postea commentabi-
mur. Hic tantùm institutum nostrum
erat monuisse laudes Majorum atque
mortuorum ad Tibias cantatas non in
conviviis solùm, in eorum honorem
institutis, sed & in exsequiis eorum ce-
lebrandis. Itaque si ad carmina hæc, à
Præfica in laudem mortuorum ad Ti-
biam cantata, attendamus, non diffi-
cilis erit intellectu Plauti locus Trucul.
Act. 2. Sc. 6.

Sine virtute argutum civem habeam
pro præfica,
Quæ alios collaudare absentes, sese ve-
rò non potest. Næ-

C. 15. DE TIBIIS VET. 267
Nænia etiam de relæta accipi videtur,
ut de carminibus quæ ludis Troicis canebantur apud *Varronem* lib. 4. de vita Pop. Rom. Ibi à muliere quæ optima voce esset, *Pergama* laudari: deinde *Nænam* cantari solitam ad *Tibias*, & fides eorum, qui ludis Troicis cursitas-
sent. Nisi forte hic laudabantur ii, qui ad Trojam occubuissent.

C A P U T X V.

Tibia in Funeribus, & Luctu.

MOrtuos ad sepulturam prosequi cum cantu oportere, plurimarum gentium & regionum instituta sanxerunt: Persuasione hac, si audiamus *Macrobius* lib. 2. in Somn. Scip. cap. 3. qua post corpus animæ ad originem dulcedinis Musicæ, id est, ad coelum, redire credantur. Ita etiam *Tibia* nostra, ut flebiles modos funderet, ad Funera & luctum apud *Veteres* advocata est:

Cantabat mæstis Tibia funeribus,
 ut confitetur *Ovidius* Fast. lib. 6. Ideo
 αὐλὰς πένθημι Polluci, & ad *Tibicines*
mitti dicuntur apud *Petronium*, ex
 lectione *Tornæsii* & *Erhardi*, ii qui
 desperata valetudine morti sunt proxi-
 mi. Erat omnium formosissimum *Clau-*
dii funus, apud *Senecam*, ubi *Tibi-*
cium, *cornicinum*, omnisque generis
sonatorum tanta turba, tantus con-
 ventus, ut etiam *Claudius* audire pos-
 set. Inde tracta similitudine *Corvum*
 quemdam, præcedente *Tibicine*, *Æ-*
thiopum humeris elatum, tradit *Plinius*
 lib. 10. cap. 43. In funeribus enim &
 luctu *Tibiarum* usus permagnus fuit,
 quem optimè exprimit *Nonnus* *Dio-*
nyf. lib. 49. de *Tibicinibus Phrygiis*,
 qui circa mortuos luctuoso ore ceci-
 nerunt:

Καὶ Κλεόχῃ βερέκυνθες ὑπὲρ στόμα διζυγες αὐ-
 λῶν

Φεγκτὸν ἰμυκήσουτο λίβω γόν. i. e.

Et Cleochi Berecynthæ sub ore gemi-
næ Tibiæ,

Hor-

C. 15. DE TIBIIS VET. 269
Horribilem mugiebant Libycum lu-
ctum.

De his consule *Alexand. Aphrodis.* lib. 1.
Probl. 76. *Stuckium* Ant. Conv. lib. 3.
cap. 20. *Alexandr. ab Alexandro* lib. 3.
cap. 7. *Pinedam* in cap. 3. in *Job.* vers. 8.
& *Aringhum* Rom. Subterr. Tom. 1.
lib. 1. cap. 18. aliosque.

Adhibebantur autem Tibiæ in fu-
neribus atque luctu, ut hominum,
mortuos lugentium, animi languentes
ejusmodi sono excitati, minus dolo-
rem sentirent, qui iis oblectamentis
facile distrahi soleant, quemadmodum
suspiciatur *Polyd. Vergilius* de Rer. In-
vent. lib. 4. cap. 11. Et *Sextus Empiri-*
cus Adv. Mathem. lib. 6. Unde etiam,
inquit, *lugentibus modos canunt Tibiæ,*
quæ iis luctum levant. Contra verò
apud *Euripidem* in *Alcest.* Tibia in lu-
ctu, tanquam lætitiæ instrumentum,
omnino prohibetur:

Ἀυλῶν ᾗ μὴ κατ' ἄστυ, μὴ λύρα κλύπῃ

Ἔστι, σελήνας δώδεκ' ἐκπληροφύας

Οὐ γάρ πιν' ἄλλοι φιλπεργὶ θάψα νεκρῶν. i. e.

*Tibiarum verò ne per urbem neque
lyræ strepitus*

Sit duodecim integris mensibus,

*Non enim ullum aliud charius ca-
daver sepeliām.*

Familiarior tamen mos viguit, cum
Tibiis lugubre carmen ad vigilias &
cantilenas personare mortuorum, ut
corda torpentium excitarentur ad la-
menta, ex mente Paschasii Ratberti
in Matth. 9. vers. 23. Unde funereos
modos dabant Tibicines. Sedulius lib. 3.

*Funereosque modos cantu lacrymante
ferebant*

*Tibicines, plangorque frequens con-
fuderat ædes.*

Et funebres illæ Tibiæ carmen ferale
decantabant, de quo Claudianus de
Rapt. Proserpin.

*Si buxos inflare velim, ferale ge-
miscunt.*

Cyprianus, vel quicumque alius au-
ctor libri de Spectaculis: *Alter lugu-
bres sonos spiritu Tibiam inflante mo-
deratur.* Quippe threni & lamenta ad

Ti-

Tibiam in funeribus canebantur, quemadmodum in veneratione Divina Hymni, in nuptiis Hymenæi, teste *Isidoro* lib. 2. c. 15. Ita etiam apud *Pollucem*, οἱ πρὸς τὸν αὐλὸν ἀδούμφοι ἥρωες. *Didymus*, Elegiam, ait, esse luctuosum carmen ad Tibias decantari solitum. In exequiis *Pertinacis*, ut *Xiphilinus* refert, multi cecinere flebile carmen ad Tibias. Et hoc funebre carmen antiqui *Nænia* propriè vocabant, ut *Quintilianus* lib. 8. cap. 2. Et quamvis *Nænia* pro Dea sumatur apud *Arnobium* Adv. Gent. lib. 4. in cujus tutela erant, quibus extrema tempora imminabant, frequentius tamen apud Romanos id carmen, quod cum lamentatione extremum atque ultimum mortuo adcanebatur, *Nænia* dicebatur, ex *Diomede Grammatico*. Illud conducta precio mulier, quæ in funere adebat & *Præfica* dicebatur, iis quibus propinqui non essent, mortuis exhibebat, referente *Nonio*. Unde *Lucilius* Sat. 22.

— *Mercede quæ**Conductæ flent alieno in funere Præ-
fica.*Id quod expressit Statius in Epicedio
Patris:*Ut Pharios aliæ ficta pietate dolores
Mygdoniosque colunt & non sua fu-
nera plorant.*Atque idem confirmat vetus Lapis
Dempstero in Rosin. lib. 5. cap. 39. lau-
datus:

P. ACTILIO. RVFFO. ET. ACTILIAE. BERONI
CAE. VX. VIXERAT. ANN. XXIV. SED. PVBLI
MENS. X. ANTE. NATVS. EST. ET. EADEM
HORA. FVNGOR. ESV. AMBO. MORTVI
SVNT. ILLE. ACV. ISTA. LANIFICIO. VI
TAM. AGEBANT. NEC. EX. EORVM. BO-
NIS. PLVS. INVENTVM. EST. QVAM
QVOD. SVFFICERET. AD. EMENDAM
PYRAM. ET. PICEM. QVIBVS. CORPORA
CREMARENTVR. ET. PRAEFICA. CON-
DVCTA. ET. VRNA. EMPTA. ATQVE
INDVLGENTIA. PONTIFICVM. LOCVS
DATVS. EST.

Illæ

Illæ Præficæ, quæ sic ad lamentandum mortuum conductæ erant, dederunt cæteris plangendi modum, quod innuit *Festus*, atque in funere næniam laudandi gratia cecinerunt ad Tibiam. Cujus vocis originem ut repetat idem *Festus*, esse dicit qui eo verbo finem significari putant: quosdam velle Næniam inde dictam, quod voci similior sit querimonix flentium: quosdam autem næniæ dictum nomen ab extremi intestini vocabulo; Græci enim *ἐξον* extremum dicunt. Sive quod chordarum ultima *ἐξον* dicitur, extremam cantionis vocem næniam appellarunt. Græci virum qui munere Præficarum functus est, *πρæφικος* vocarunt, cujus mentio apud *Euripidem* in *Phœniss.* vers. 1499. quam vocem optimè interpretatur *Scholias*; nempe ordinate planctus, ut idem sit qui apud *Festum* dat cæteris plangendi modum. Non solum funebre carmen cantatum est ad Tibiam ubi exequias celebrabant & iuxta funeri solvebant, sed etiam, ut scri-

bit *Lucianus* lib. de Luct. ipsæ in luctu iterari solitæ pectoris tunctiones, attemperatæ sunt ad modos Tibiæ.

Apud Euangelist. *Matthæum* c. 9. vers. 23. *οὐκ ἔστιν αὐτῷ* adfuisse filiæ Principis illius demortuæ leguntur, ubi per *ὁχλον ἰερῶν ῥαββῶν*, ipsæ Præficæ intelligendæ. Quem locum ex Talmudicis illustrat *Lightfootus* Hor. Hebraic. in Matth. Quippe solenne id fuit Judæis, Tibicines adhibere ad luctum mortuorum. A gentilibus Tibicines in funerum curatione mutuatos fuisse Judæos, *Ambrosius* lib. 8. in Lucam scripsit, & probat *Bartholomæus Mayerus*. *Cytræus* verò & alii hanc consuetudinem à Judæis ad Ethnicos descendisse sentiunt. Quicquid sit, morem hunc antiquissimum fuisse constat; & eò magis, si apophthegma illud sacrum: *Cantavimus vobis Tibiis, & non saltastis: lamentavimus, & non plorastis*, huc pertinet, quod *Sculteto* placet lib. 2. Exercit. Euang. cap. 55. Ideo *Baba Metsia* cap. 6. in *Misna*, Tibiam
vel

vel pro sponſo vel pro mortuo eſſe dicit, ejuſque uſum ad nuptias & funus reſtringit. Conſule de eare *Joſuam Arundum* Miſcell. Sacr. c. 27. Pauperrimus etiam inter Iſraëlitas, uxore mortua, præbere ei non minus quam duas Tibias & unam lamentatricem tenebatur; Sed ſi Idololatra Tibias afferret Sabbatho ad domum ubi aliquis erat mortuus, ad Tibias iſtas non debuit lugere Iſraëlitæ, ut ex Talmudicis pluribus probat *Lightfootus*. Ieroſolymis, cum Joppe capta, Joſephus occiſus diceretur, ſcribit ipſe *Joſephus* lib. 3. cap. 15. captæ Judææ: πολλοὶς μισθοῖς τὰς αὐλητὰς, οἱ ἱπλύνωντες ἡγόρευον αὐτῶν multos conductos fuiſſe Tibicines, qui luctum inciperent. Nec minus apud Græcos defunctis αοιδῶν ἱπλύνων ἐξάρχουσ præſto fuiſſe conſtat, quod *Homerus* de Hectoris cadavere allato, aliiſque. *Appianus* lib. 1. Bell. Civ. Tibicinum magnam copiam ad fuiſſe funeri Scyllæ teſtatur. Eam ob cauſam apud Romanos cum à nimio Tibicinum numero funera gravarentur, non

276 CASP. BARTHOL. l. 2.
plures in funere Tibicines esse quam
decem, voluere Decemviri. Unde in
Fragm. 12. Tabul. inter leges Decem-
virales etiam hæ sunt, quas Cicero
lib. 2. de Leg. recenset: *Sumptum mi-
nuito, tria si volet reicinia, & vincula
purpuræ, & decem Tibicines adhibeto,
hoc plus ne facito.* Quorum doctam ex-
plicationem qui desiderat, adeat *Rit-
tershusium* in Dodecal. Class. 1. cap. 4.
& seq. Hoc idem tangit *Ovidius* lib. 6.
Fastor. de Tibicinibus:

*Adde quod Ædilis, pompa qui fu-
neris irent,*

Artifices solos jusserat esse decem.

Adde quod Ædilis, *Gothofredus* corre-
xit, *Edictis*, & mox, pro *jusserat*,
reponit: *Fus erat.* At priorem lectio-
nem retinet *Sylvius* Comment. in Legg.
12. Tabb. quia Ædilium curæ incum-
bebat, ut caverent ne quo alio more
quam patrio & legitimo Dii coleren-
tur, teste *Livio* pluribus in locis: at
hoc patrium erat in religione ma-
nium.

Hu-

Hujusmodi Tibias funebres priscis temporibus Flamini Diali audire non licuisse, *Festus* author est: *Funebres Tibiæ dicuntur cum quibus in funere canitur, quas audire Flamini Diali putabant illicitum.* Qui tales funebres Tibias inflarunt, *Siticines* appellantur Latinis, quod apud sitos canerent, hoc est vita functos & sepultos, iidem *Sicinnistæ* *Gellio* lib. 20. cap. 3. Græcis *τυμβαδλαι* nominantur, quemadmodum *Eumenes* apud *Ælianum* Var. Hist. 1. 12. c. 43. qui patre inope & *Tymbaulo* fuisse creditur. *Chrysostomus* Orat. 49. refert, *Ismeniam* ob hoc maxime indignari, quod *siticines* (*τυμβαδλαι*) appellarentur *Tibicines*; at nequaquam suo iudicio rem esse indignatione dignam: nihil enim demortuis afferre detrimenti *Siticines*, nec illis esse molestos. Hanc discordiam inter *Tibicines* & *Siticines*, quos *monumentarios ceraulas* vocat, indicat etiam *Apulejus*, cum apud eum *Antigenides* insignis *Tibicen* indignissimè tulerit hosce in

Ti-

Tibicinum numero cenferi, Florid. lib. 1. *Is igitur cum esset in Tibicinio apprimè nobilis, nihil se æquè laborare & animo angi & mente dicebat, quam quod monumentarii ceraulæ Tibicines dicebantur.* Notandum autem Tibias quas Siticines illi inflabant, à reliquis nonnihil diversas fuisse. Gellius lib. 20. cap. 2. *Nos autem, inquit, in Attei Capitonis conjectaneis invenimus, siticines appellatos, qui apud sitos canere soliti essent, hoc est, vita functos & sepultos, eos habuisse proprium genus Tubæ à cæterorum differens.* Illam differentiam notat Galenus lib. 3. de Sympt. Caus. nimirum quod latissimæ fuerint, quæ ob materiam, ex qua constabant, purum sonum reddere non potuere, atque viæ, qua spiritus transiit, latitudo sonum efficiebat gravio-rem: Porro alii sunt bombosi, bombis latissimarum Tibiarum non absimiles, quales habere solent ii, qui *τρυβαδλαί*, i. e. Siticines, appellantur. Ideo Aristoteles lib. 4. Hist. Anim. tradit eos qui ca-
lido

c. 15. DE TIBIIS VET. 279
lido utuntur spiritu talem emittere
vocem, qualem siticines & lamenta-
trices graviolem sonum inspirant Ti-
biis. Et hoc idem satis confirmat Sta-
tius :

— Cornu grave mugit adunco
Tibia, cui teneros suetum deducere
manes.

Kirchmannus de Fun. Rom. lib. 2. c. 5.
Tibias illas cæteris latiores ac longio-
res fuisse memorat, quales in antiquo-
rum sepulchris exsculptæ videntur,
idque probat ex Ovidio lib. 2. Amor.
El. 6.

Horrida pro mæstis lanietur pluma
capillis

Pro longa resonent carmina vestra
tuba.

Erat tamen aliud genus Tibiarum,
κρηλαὶ αὐλοὶ, palmi longitudine, &
stridulum atque acutum, sed luctuo-
sum, sonantes, quibus Cares in luctu
utebantur. Querulus Lydii modus fe-
rali Tibia cantatus funeri conveniebat,
ex Apulejo lib. 4. Miles. & sonus Zy-
gia

280 CASP. BARTHOL. l. 2.
*giæ Tibiæ, mutatur in querulum Lydii
modum.* Ita ex Aristoxeno tradit *Plu-
tarchus* lib. de Music. primum Olym-
pum funebre Tibia carmen in funere
Pythonis Lydio ritu cecinisse. Unde
ἀυλεῖν πυθιγῆς αὐλοῖς πένθῃ σημεῖον apud
Artemidorum lib. 1. Tibiarum autem
funebrium inventores *Stattius Phrygas*
videtur assignare lib. 6. *Thebaid.* cui
adstipulatur *Pollux* lib. 3. ubi addit e-
tiam usum illum Tibiarum fune-
brium à Phrygibus Cares accepisse,
unde illæ mulieres quæ Caricum illud
melos ad Tibiam canebant, καὶ εἶνα
ἡρωιδὲ μουσικαί, dicuntur *Hesychio.*

Cæterum an generalis hic fuerit in
omnibus omnino funeribus Tibiarum
usus, adhuc sub iudice lis est. Sunt
qui Tibias ad puerorum solum exe-
quias restringunt. Ita *Servius* in lib. 5.
Æneid. Sciendum majoris ætatis funera
ad tubam solere proferri, minores verò
ad Tibias. Nec aliter *Lactantius Gram-
maticus* in *Stadium*: Fubet religio, ut
majoribus mortuis tuba, minoribus Tibia
caneretur.

C. 15. DE TIBIIS VET. 281
caneretur. Quia hoc de minoribus um-
bris & teneris manibus afferuisse quo-
dammmodo videtur ipse Statius, The-
baid. lib. 6.

Cum signum luctus cornu grave mu-
git adunco

Tibia, cui teneros suetum deducere
manes

Lege Phrygum mæsta. Pelopen mon-
strasse ferebant

Exequiale sacrum carmenque minori-
bus umbris

Utile

Atque hæc causa fuit, quod parum
circumspectè nuper admodum Octa-
vius Falconierius in Dissert. de Pyrami-
de C. Cestii, evincere conatus sit, fi-
guram, quæ ibi cernitur Tibias longas
in manibus habere, ad *Instaurationem*
funeris significandam non pertinere,
quemadmodum cum summa verifi-
mitudine ex aliis ibidem existentibus
figuris suspicatus erat alius Vir eximius
mihique amicus. Contra quem, sed
frustra, prætendit Falconierius, Tibias
non

non habuisse locum in sepulcro C. Cestii, quia illarum solum usus erat in exequiis juvenum. Verba ejus in Dissertatione, Italico idiomate scripta, ita habent: *Anzi quando volesse averfi riguardo strettamente all'uso proprio delle Tibie in tale occasione, potrebbe opporsi non aver'esse avuto luogo verisimilmente nel mortario di Cajo Cestio, imperò che esse s'adopararono solamente in quelli de' giouani, argumentandosi ciò da quel verso di Stazio.*

Verum enim verò, quemadmodum illis assentiri non possum, qui nimis angustos rei ubique usitatissimæ limites adscribunt, quippe Statius cum dixit eam teneros deducere manes, ne utique usum ejus in adulterum funere exclusit, cujus innumera exempla videmus; Ita neque in illorum sententiam transeo, qui solis plebeiorum funeribus tibiam concedunt, inter quos idem Lactantius Grammaticus, ideoque Ovidium ita cecinisse lib. 5: Trist. El. 1.

Tibia funeribus convenit ista meis.

Tubam verò in funeribus potentiorum admittunt, ex *Propertio* lib. 2. El. 4.

Nec tuba sit fati vana quærela mei.

Et lib. 4. El. ult.

Sic mæstæ cecinere tubæ cum subdita nostrum

Detraheret lecto fax inimica caput.

Eapropter in nobilium funeribus nullas Nænias cantatas esse, vult *Sylvius* Comment. in Legg. 12. Tabb. quia exaudiri non possent, Tuba voces obtundente. At huic objectioni mox satisfiet. Certum est in funere nonnunquam Tubam locum habuisse, de cujus forma vide *Magium* in Miscell. lib. 2. c. 12. cæterum non ideò excludenda Tibia, cujus frequentior apud autores mentio occurrit, quàm tubæ, & ad quam in omnibus funeribus nænia cantata, non in plebejorum solis, cum illam in Jul. Cæsaris funere agnoscat *Suetonius* cap. 84. ubi Tibicines & scenici artifices vestem, quam ex instrumento triumphorum induerant, detractam sibi atque

atque descissam injecere flammæ. Facile esset hoc latius pluribus ostendere, nisi ex ante dictis satis pateret. Quapropter Tibias funeribus quibuscunque, nempe puerorum, senum, divitum, pauperulorum, plebejorum, & nobilium adhibitas censeo cum *Kirchmanno*, qui de Fun. Rom. lib. 2. cap. 5. hanc sententiam eodem quo *Magius* Miscell. lib. 1. cap. 13. probat argumento, quod næniæ ad Tibiam cantatæ sint, communes autem omnibus funeribus nænias putat. Sanè vero simile est næniam in omnibus funeribus fuisse, unde *Cicero* de Clodii funere in Miloniana: *sine cantu, sine Tibia*. Certè ubi defuit Tibia, nullam fuisse næniam observo ex *Ovidio*; qui lib. 4. Fastor. de Tibicinibus qui Romam reliquerant:

Exilio mutant Urbem, Tiburque recedunt.

(*Exilium quòdam tempore Tibur erat.*)

Quæritur in scena cava Tibia, quæritur aris:

Du-

*Dacit supremos nœnia nulla cho-
ros.*

Ad solos itaque Tibias nœnia cantata est, quas omnibus ferme funeribus assignatas, supra satis ostensum est. Sed eos, qui Tubas etiam ad nœnias pertinere existimant, refutat *Gutherius* de Jure Manium lib. 1. cap. 23. Nec Viri docti sententiam sequitur, qui ad Leg. 12. scribit Tubas nœniæ convenire si funus publicum esset, in quo quidem Tubæ admittæ ad dignitatem non ad nœniam. Movetur Vir ille acutissimus *Propertii* effato lib. 4. El. ult.

Sic mœstæ cecinere tubæ,

Et *Epicteti* definitione, quid est tuba? funeris deploratio. Cæterum, ut opinionem *Gutherii* jam meam faciam, illa deploratio nihil ad Nœniam. Deploratus enim idem est ac conclamatus, & Tuba verè est funeris conclamatio, cum luctus ultimi pompa procedit, quo tempore tubarum maximè strepitus excitabatur. Ut adeò funebres Tibiæ, non tubæ, ad nœniam spectarent. Er-

286 C A S P. B A R T H O L. l. 2.
go nec Tibiæ ad certa quædam funera
restringendæ sunt, nec tuba omninò
à nonnullis excludenda.

C A P U T X V I.

Tibia Nautica.

I N navibus olim atque triremibus ad-
fuit aliquis qui nauticum carmen
cum modulatione & Tibia remigibus
cecinit. Talem refert *Duris Samius*
apud *Plutarchum*, & cum eo *Athenæus*
lib. 12. in Alcibiadis navi, ab exilio re-
deuntis, Chryfogonum fuisse, qui Py-
thicam indutus stolam, *ἤνυλε τὸ τελευταῖον*,
carmen nauticum canebat, & quidem
tanta arte remigum manus dirigebat,
ut quum illi remorum pulsum cum
Chryfogoni cantu conjungerent, ju-
cundam audientibus redderent harmo-
niam, id quod & annotavit *Cælar. Rhodiginus* lect. Antiq. lib. 9. cap. 10. De
hac Tibia luculentum est *Maximi Ty-
rii* testimonium *Dissert. 23. Quid in*
Mu.

*Musica bonum est ? harmonia. Unum aliquid est harmonia, multiplex vocum discordia. In triremi unum aliquod est vox Tibiæ [cὶ τελέρεϊ ὁ μὲν αὐλὸς, ἐν,] multiplex inobedientia. Et apud eundem Diss. 3 1. in navi illa Regia, Tibia fremitusque hominum & stridebat arundo. Inde facile rationem assequi licet cur ex Cicerone lib. 2. de Natur. Deor. ille apud Actium pastor, qui navem nunquam ante vidisset, ut procul divinum ac novum vehiculum Argonautarum è monte conspexit, primò perterritus admiratur tantam molem, quæ labitur fremebunda ex alto, ingenti sonitu præ se undas volvens; deinde dubitat quæ sit ea natura, quam cernit ignotam: Postea juvenibus visis, auditoque nautico cantu, *Sylvani melo consimilem cantum* ad aures ferri confessus est. *Aristophanes* in *Acharnens. Act. 2. Sc. 5.* inter navales tumultus, quibus plena esset Civitas Tibicines recenset, atque inter apparatus nauticum meminit etiam αὐλῶν, κελύουσῶν, νιγλάρων, συειγμῶτων,*

Tibiarum, hortationum, carminum navalium, fistularum. ἱγλαεσι, Interpres genus musicæ modulationis esse dicit, quo remiges exhortabantur. Quod idem *Pollux* inter genera cantionum *Tibiarum* retulit, lib. 4. cap. 10. Tibiam autem, quæ ad hunc usum adhibita est, singulari nomine insignitam, τεινεὶὸν αὐλον *Maximus Tyrius* appellat *Dissert.* 33. Unde *Tibicen Nauticus*, qui Tibiam illam in triremibus inflabat, τεινεὶούλης dictus apud *Pollucem* lib. 1. cap. 9. & *Athenæum* lib. 12. *Symphoniaci* Latinis dicebantur, ut *Tullio* 1. in *Verrem*: *Ab hac præfectus Antonii quidam symphoniacos servos abducebat per injuriam, quibus se in classe uti velle dicebat.* Cæterum τεινεὶούλω alium ac diversum fuisse ab Hortatore, vide multis probantem *Schefferum* de *Re Navali Veter.* ubi varia Tibiæ hujus apud veteres usum illustrantia adducit, quæ apud ipsum petenda cuivis relinquere satius duximus, quam huc alieno studio congesta transferre.

In Italia hodieque nautis in triremibus illud celeusma Tibia præcinitur in eum finem, ut æqualis & cuivis occasione pro arbitrio aptus atque respondens sit navis cursus, ne diverso ac multiplici remorum ictu impediatur. Nec diversum vel alium hujus Musices finem antiqui habuere, quam ut triremis à remigibus impelleretur ad Tibiæ modos, qui diversas manus pari remigandi studio conjungebant, nam sublata Tibia opus illorum dissolvi testatur *Max. Tyrius* Diff. 23. Ita etiam apud eundem Diff. 21. ὑπ' αὐλῆς οἱ μὲν ἤρεον, οἱ δὲ ἐμάχοντο : ἐνίκων δὲ ἅμω, ad Tibiæ modos remigabant alii, alii pugnabant; utrique vincebant. Ubi addit alium Tibiæ nauticæ usum, quem confirmat *Asconius Pædianus* in 1. Verr. Possumus intelligere ad hoc symphonicos servos capi solere, ut in classe, classificis pignantibus canant. Priorem vero usum ad remos justo ordine impellendos illustrat *Euripides* *Iphig. in Tauris*.

Καὶ σὲ μὲρ πότιν' ἀργεία

Πεντηκόντοισιν ἄξι.

Συείζω δ' ὁ κρηοδείας

Κάλαμ' ἔρειπ' πανός,

Κώπαις ἐπιπλούει. i. e.

Te vero ò inclyta Argiva

Navis quinquaginta remis acta
vehet domum,

Modulans verò cera compacta

Fistula montani Panos

Impellet sono remos.

Effecit etiam nautica hæc musica, ut animos remigum suavi modulatione captos in oblivionem laborum & majorem tolerantiam deduceret, & tantos juberet nescire labores. *Isidorus Orig. lib. 2. cap. 16. Siquidem & remiges cantus hortatur, ad tolerandos quoque labores musica animum mulcet, & singulorum operum fatigationem modulatio vocis solatur.* Ita etiam *Censorinus cap. 49. Quo facilius superent laborem, vel in navis motu à vectore symphoni adhibetur.* Atque hoc pacto nautæ cantu superabant marina disci-

cri-

C. 17. DE TIBIIS VET. 291
crimina. Excute *Petr. Chrysologum*
serm. 10. Nimirum, ut *Fabius* lib. 1.
cap. 10. Musicen natura ipsa videtur
ad tolerandos facilius labores, velut
muneri nobis dedisse.

C A P U T X V I I.

*Tibiarum vis ad commovenda
Bruta Animalia.*

ECquid mirum si inter homines tanta musicæ dominatio est, cum ipsas quoque bestias, nec non & serpentes, volucres atque Delphinos ad auditum suæ modulationis musica provocaverit, si adeamus *Isidorum* Orig. lib. 2. cap. 16. dum aves quoque, ut lusciniæ & cygni aliæque id genus, cantum veluti quadam disciplina artis exerceant: Nonnullæ verò vel aves terrenæ seu aquatiles belluæ, invitante cantu in retia sponte decurrant, & pastoralis fistula pastum progressis quietem imperat gregibus?

N 2

gibus? Nec mirum: inesse enim animæ mundanæ causas musicæ, quibus est intenta, prædixit *Macrobius* lib. 2. in Somn. Scip. cap. 3. Quid de hujusmodi exemplis dicendum, apud Auctores varios reperiundis, in quibus non fabula sed veritas gloriam procreavit? Unde enim bestię sæpe immanes cantu flectuntur? Cervi fistulis capiuntur? Pisces in stagno Alexandriæ crepitu detinentur? Cygnos hyperboreos citharæ cantus adducit? Elephantos Indicos organica permultos detineri voce comperitum? Fistulis aves allici comprobatum? Fides delphinis amicitiam hominum persuadere? Quid? Cantibus allici dirumpique serpentes, si credimus *Martian. Capell.* lib. 9. Unde enim, inquam, hæc omnia deducamus, nisi ad musices suavitatem confugiamus ejusque insignem vim in animas mundanas, quibus illam cognatam Veteres voluêre?

Tibiæ cantu usque adeo capiuntur Libycæ Equæ, sicut testem habeo

Elia-

Ælianum de Animal. lib. 12. cap 44. ut hujus blandimentis mansuescant & insultare ac lædere desinant, & quocunque eas cantiuncularum blanditiæ invitaverint, eò pastorem consequuntur: Quum ille insistit, hæ etiam gradum sistunt: Et sic cantum contentiorem ad Tibiam cantat, tanta voluptate afficiuntur, ut lachrymas tenere non possint. Præterea ex *Euripide* refert, pastores, hymenæos ad Tibiam cantantes, ad venerem equas incitare, atque etiam equos ad ineundas foeminas incendere, additque: *πελῖτα μὲν ἱππικῆς γάμοι τὸν τρόπον τῶτον, καὶ εἶοικεν ὑμῶναι ὁ αἰὲν τὸ αὐλήει.* Ad hunc modum equinæ nuptiæ initiantur, ut nuptiale carmen Tibia præcinat. Ibidemque memorat, quod equorum pastores ex *Rhododaphne* arbore pastoritiam Tibiam excavant, cujus sonoro inflatu armentum demulcent. Tibia hæc, qua pastores in Equorum utebantur pascuis, *ἱπποφορεῖος αὐλὸς* dicitur *Polluci*, ea erat è lauro delibata & emedullata, stridore peracuto

atque hinnitum maximè referente, uti *Scaliger* lib. 1. Poët. cap. 4. Sanè hoc genus animalium Tibiarum cantu insigniter excitari, multi prodidère. *Solinus* cap. 45. *Agrigentina etiam regio frequens est equorum sepulchris, quod munus supremorum meritis datum creditur. Voluptatem his inesse, Circi spectacula prodiderunt: quidam enim equorum, cantibus Tibiarum, quidam saltationibus, quidam colorum varietate, nonnulli etiam accensis facibus ad cursus provocantur. Equos saltare ad Tibiæ sonum si assuefiant, docet Plinius lib. 8. cap. 42. Equorum docilitas, inquit, tanta est, ut universus Sybaritani exercitus Equitatus ad symphonice cantum moveri videatur. Et hinc illa Sybaritarum strages, à Crotoniatis accepta, de qua Aristoteles, & Athenæus. Cum enim scirent Crotoniatæ Sybaritarum Equos audito Tibiarum sono, in posteriores pedes se erigere, pedibusque prioribus motus quosdam gestusque exhibere ad numerum salta-*

c. 17. DE TIBIIS VET. 295
torios ; Congressuri cum illis in pugna, militibus suis immiscuere Tibicines, quorum melodiam cum audivissent Sybaritarum equi, non solum exsiliverunt, verum etiam excussis sessoribus confugerunt ad Crotoniatas. Simile refert exemplum *Gasp. Schottus* *Physicæ Curios.* lib. 8.

Cervi etiam Tibiis mulcentur, si fides sit *Porphyrio* lib. 3. de non Necand. Animal. *χλῆνται ῥῶν ἑλαφοὶ ἀυλοῖς.* De iis memorabile exemplum perhibet *Ælianus* *Hist. Animal.* lib. 12. cap. 46. Nimirum apud Tyrrenos, cervos, uti & apros, cum retibus & canibus, ut venandi usus ferre solet, tunc maxime musices adjumento capi. Quod quidem ipsum quomodo fiat, porro explicat: Circumjectis retibus & cæteris instrumentis accommodatis ad faciendas bestiis insidias, collocatis, homo ad Tibiam canendi bene peritus (*ἀνὴρ ἀυλῶν τεχνίτης*) quoad fieri potest, omnem cantus contentionem remittit & relaxat, & quidlibet ad canendum suave

præclarè usurpat : Et sensim progrediente illo , in montium vertices & convalles , & densa fruteris loca , atque in omnia lustra ferarum & cubilia , Tibiæ cantus influit. Ac nimirum primò in eorum aures influentis soni insolentia ipsos terret : Deinde cum impotenti voluptate aures tenentur , tunc nullo negotio comprehenduntur , cantusque suavitatem deliniti , in eorum quæ procreaverint & domesticarum sedium oblivionem veniunt. Sic igitur Tyrrenæ bestię paulatim tanquam suadæ illecebra ducuntur : Et quasi cantu perstrictæ in laqueos sese inferunt , quibus illaqueatæ comprehenduntur.

Luporum etiam impetum Pythocarem Tibicinem vehementi & concitato Tibiæ sono cohibuisse , author est idem *Ælianus* lib. 11. Hist. Anim. cap. 44. Porro , de Elephantis idem memorat *Strabo* lib. 15. quod nos supra de equabus Libycis. Et illud ampliùs narrat *Ælianus* lib. 1. de Anim. cap. 11. saltare Elephantum ad numerum ,

c. 17. DE TIBIIS VET. 297
rum, Tibia audita demulceri, cursum
tardare ad soni tarditatem, seque re-
mittere ad remissionem Tibiæ: Rursus
cum acutè sonans impellit, festinare, &
omnia perfectè assequi discere. Mira
sunt quæ de Asino scribit *Cardanus*
lib. 10. Subtil. ex *Joanne Africano*, teste
oculato, circulatorem quendam in sub-
urbio civitatis *Chairi* Ægypti, no-
mine *Bebelloch*, singulis diebus Vene-
ris (qui festi sunt Mahumetanis) Asi-
num habuisse ita instructum, ut ad
Tibiam saltaret, & voce in aurem in-
fusurrata supinus sponte concideret,
clausis oculis, inflareturque quasi ve-
nenum bibisset, nec minis adductum,
nec verberibus, ut surgeret: blanditiis
verò & spe vehendi formosas mulieres
proposita, alacrem surrexisse, ubi ve-
rò audivisset vehendas esse aniculas, de-
missis auribus claudicasse, aliaque simi-
lia fecisse, quæ magnæ solertiæ indo-
lem ostentarunt.

Non minus voluctum genus ad se
trahunt suaves Tibiæ moduli, cujus

298 CASP. BARTHÖL. 1.2.
rei insigne præbet testimonium homo
ille apud *Max. Tyrium* Differt. 37.
qui animalia domi magno studio aluit.
Inter alia aves habuit, quæ suaviter
matutino tempore canebant, inconti-
tè tamen ut reliquæ solent. Hæ cum
quotidie audirent Tibicinem illum,
qui artis suæ faceret periculum, re-
spondere voce cœperunt, auresque
earum ita ad Tibiam paullatim for-
mavit, ut quoties inflare cœpisset,
Tibiam voce præeuntem, ut in choro
fieri consuevit, sequerentur omnes.
Maximè verò turturem Tibia & sal-
tatione capi creditum est. Ideo Æ-
gyptii hominem, saltatione Tibia-
rumque cantu gaudentem, notan-
tes, turturem pingebant, teste *Ho-
ro Apolline* in Hieroglyphicis lib. 2.
Hierog. 51.

Ad Aquatilia etiam transiit hæc
voluptas, Tibiarum suavitati debita,
quæ inter crustacea Paguros adeo al-
licit, ut facillimè hac rapiantur, re-
ferente *Gesnero Hist. Aqu. f. 121.*
& an-

& ante ipsum *Æliano* de Anim. lib. 6. cap. 31. dum enim piscatores latenter calamos inflant & Tibiis ludunt, Paguri vocem & musicæ consensum exaudientes, suavitatem deliniti assequuntur, ad littora piscatores & in terram usque descendunt. Sic etiam Pastinacam marinam mirificè Tibia delectari, & ita, dum voluptate tota mulcetur & nihil metuit, capi, ex *Oppiano* narrat *Grevinus* de Venen. lib. 1. cap. 31. Cui fidem facit *Ælianus* de Animal. lib. 17. cap. 18. Delphinatorum genus quantopere cantu & Tibiis delectetur luculentum affert testimonium *Ælianus* Hist. Anim. lib. 12. cap. 45. Mulcentur quippe musica: gaudent cantibus Tibiarum: ubicunque symphonia est, gregibus adventant, quemadmodum de illis *Solinus* cap. 12. & *Plinius* lib. 11. cap. 37. Et propter hunc musices amorem hominibus amicis animal esse probat *Sextus Empiricus* Adv. Mathemat. lib. 6. Sopiuntur quidem,

dem, inquit, infantes numerosum audientes susurrum: Et bruta demulcentur à Tibia & fistula, & Delphini, ut fertur, Tibiarum delectati modulatione, adnatant ad eos qui remigant in scaphis. Hanc ob causam Φίλαυλος Δελφίς, Tibiæ amans Delphinus, Euripidi Electr.

CAPUT XVIII.

De Tibiis Mira quædam ab Antiquis tradita, naturaliratione explicata.

AD mira referre & portentis proxima illa dicere licet, quæ credula & superstitiosa antiquitas pro veris effinxit posterisque obtrudit, quæ tamen, ita simpliciter sumpta, nulla se probabilitate commendant. Nonnulla fuere quæ ad Tibiarum occultam vim retulerunt, quæ tamen vel
pla-

C. 18. DE TIBIIS VET. 301
planè fabulosa crediderim ; vel ex
Tibiis inflatis forsan occasionem qui-
dem habuisse , verùm eo modo,
quem illi non investigarunt , ne at-
tigerunt quidem ; vel denique ex a-
liis causis , ipsis ignotis ; explicanda
esse.

Fabulosis annumero, Cometam Ti-
biarum specie visam Tibicinibus &
arti musicæ malum portendere, quem-
admodum creditum est, referente *Pli-
nio* Nat. Hist. lib. 2. cap. 25. Huic
affinis alia erat superstitio Romano-
rum, qui crediderunt Lunæ Ecli-
psin patienti, subveniri posse æris &
pelvium tinnitu, & cornuum ac Tu-
barum clangore, unde æra auxilia-
ria Lunæ, dixit *Tibullus*. Quam
rem propius tangit *Juvenalis* Sat. 6.
vers. 439.

..... *Verborum tanta cadit vis ;*
Tot pariter pelves , tot tintinnabula
dicas

Pulsari. Jam nemo Tubas , nemo
æra fatiget ;

Una

Una laboranti poterit succurrere Lunæ.
 Præterea refert *Ælianus* Var. Hist. lib. 13. cap. 21. si quis Celænis pelli Phrygis Tibia accineret Phrygiam harmoniam, pellem moveri : sin Apollinis, quietam mutamque videri esse. Cæterum hic naturalis ratio subesse poterat, si consideremus modum, quomodo sonum, qui ad auditum propagatur, fieri commodè explicari potest; de quo constat 1. fieri quodam veluti in centro fluidi divisionem ex duorum corporum collisione. 2. à centro percussione quaquaversum diffundi sensim motum, quem explicant Philosophi recentiores per motum undulationis conspicuum in aquæ superficie circa projectum in eam lapidem. Et probatur Experimentis tum chordarum, quæ ad similia similiter tensarum collisionem etiam sonum edunt, tum vitri, quod ad vocem humanam primò totum tremit, deinde dissilit, tum superficie aquæ itidem tremantis ad sonum. Unde
 hoc

hoc ultimo experimento solvitur etiam illud quod de Tibiæ cantu prodidēre, nimirum in Helesina regione fontem vocis dulcedine captum exsultare ad cantus Tibiæ. *Solinus* cap. 5. *In Helesina regione fons aliàs tranquillus & quietus si siletur, si insonant Tibiæ, exsultabundus ad cantus elevatur, & quasi miretur vocis dulcedinem, ultra margines intumescit.* Verum hoc non magis mirum, quàm quod de fonte falso in Basilica, Regni Neapolitani provincia, scribit *Fulgosus* lib. 1. cap. 6. ad quem si accedas aliquid locutus, turbatur, alioquin clarus. Nimirum cum certum sit sonum nihil esse præter propagationem motus tremuli in fluido, non inter portentosa & naturali ratione carentia referendum est, *pellem ad Phrygiam harmoniam Tibia cantatam moveri*, quippe quæ satis vehementem in medio fluido percussione[m] efficere poterat, & ita facile motum, supra explicatum, à centro percussione ad pellem

lem usque propellere ; vel , *fontem* , *aliàs quietum* , *si insonent Tibiæ* , *turbari* & *circa margines intumescere* , cum hunc vocis & soni vehementioris effectum satis sciant ii , qui in vallibus , ubi moles nivium è montibus cadentium timentur , iter facere sunt assueti. Nam ibi ne quidem loqui aut tussire audent , ne sonus vocis nives commoveat.

Inter prodigia multa facta, antequam Ægyptus in provinciæ formam à Romanis redigeretur, memorat *Dio* lib. 51. quod arma in nubibus apparuerint, & sonitus ab alia parte tympanorum, cymbalorum , & *Tibiarum ac tubarum voces*. [βοήματα αὐλῶν καὶ σαλπίζων] Verum quomodo hi sonitus & simulacra alia , quæ inter prodigia solent numerari, nubium naturæ debentur , & quomodo absque portento in cœlo apparere ac audiri possint , explicat *Cartesius* de Meteor. cap. 7. §. 17. Huc referendum aliud non à cœlo, sed .

c. 18. DE TIBIIS VET. 305
sed terra, petitum exemplum, quod
suppeditat *Felix Faber* lib. 2. de Reb.
Suev. qui refert fontes ac thermas in
Germania reperiri in montibus & sco-
pulis, quæ tanta talique sonantium
aquarum collisione & murmure cadunt,
ut qui illic valetudinem curaturi con-
veniunt, primo thermarum ingressu
certum symphonix genus & instru-
menta musica se audire sibi imagi-
nentur, tamque assiduo fragore aures
illis obtundantur, ut musica initio
suavissima, imaginatione diuturna in
fastidium & cruciatum abeat: ii verò
qui tympanum sibi aut sonorum ma-
gis instrumentum imaginati sunt, de-
mum penè insaniunt, ob molestis-
simum assidue obturbantem strepi-
tum.

Denique nonnulla Tibiarum vi ad-
scripserunt antiqui, quæ tamen illis
deberi vix crediderim, sed ab alia causa,
aliunde orta, hunc effectum fluxisse.
Tale est quod de Nympharum insulis
in Lydia dictis memoratur, quas in
me-

medium stagnum à continenti procedentes, cantu Tibiarum primò in circulum moveri, de hinc ad littora reverti, ipsius vetustatis persuasione compertum prodidit *Martian. Capella* lib. 9. Quas etiam Ludiano ritu ὀρχήσας visa esse testatur *Varro*. De iisdem *Plinius* lib. 2. cap. 95. Sunt &, inquit, in *Nymphæo parvæ* (insulæ) *saltuares* (*Cl. Salmasius* Leg. *Saliæres*) quoniam in *symphonice cantu adictum modulantium pedum moventur*. An hæc vera fuerit causa, ignorare cogor, saltem illas quasi natantes, ad hunc motum aptas, dicit *Seneca* *Nat. Quæst.* lib. 3. cap. 25. *Sunt enim multi pumicosi & leves, ex quibus quæ constant Insulæ, in Lydia natant.*

CAPUT XIX.

*De Assa Tibia, ejusque cum aliis
instrumentis consonantia,
symphonia.*

DE hoc multiplici Tibiarum apud
Veteres usu, quem jam superius
multis exposuimus, animadverten-
dum est, cum non eodem semper mo-
do adhibitum esse. Interdum sola Ti-
bia insonuit, quod *Assam Tibiam* di-
xerè, interdum eadem conjuncta fuit
vel cum cantu solo, vel cum cithara,
quod *Synaulia* erat, vel cum cantu &
pluribus aliis instrumentis, quod *Sym-
phonia*.

Melos in cantibus est bipartitum:
unum quod est assa voce, alterum or-
ganicum. *Varro de vita P. R. lib. 2.*
apud Nonium: In convivis pueri mo-
destè ut cantillarent carmina antiqua, in
quibus laudes erant majorum aut assa
voce

voce aut cum Tibicine. Assam vocem quidam volunt à Platone *μενωδία* dici lib. 6. de Leg. quippe, qui nullis admittis musicis instrumentis sola voce utebantur, assa voce canebant. Non solum autem vox mera veteribus dicebatur *assa*, quæ sine Tibiis, sed etiam *assæ Tibiæ*, quæ sine voce canebant. Festus: *Assa Tibia*, cantus est Tibiarum sine voce. Nec aliter Servius: *Assæ Tibiæ*, quibus canitur sine chori voce. Huc referendum illud Ennii laudatum Varroni lib. 6. de L. L. *Apud Ennium, Subulo finitimas propter astabat aquas: Subulo dictus, quod ita dicunt Tibicines Tusci.* Rectè prætendit Scaliger hic legi debere: *assabat*. quippe *assum*, solum, merum est, unde *assare* quoque veteres poëtæ dicebantur, cum in unum solum hominem poëma conderent. Assam Tibiam Plutarchus vocat *ψιλὸν μέρ* Sympos. 7. cap. 8. Puto autem Marsyam illum à Deo castigatum, quia capistro & Tibiis cum os sibi præclusisset, ausus est *assa Tibia* (*ψιλὸν μέρ*) certare cum

C. 19. DE TIBIIS VET. 309
cum cithara & voce. Inde etiam Græ-
cis ψιλοκιθαριστῶν dicuntur, cum tantum
κιθαρίζουσιν ut *Athenæo* lib. 12. Atque ea
ἄφωνα κρέματα nominat *Pausanias*,
quæ erant sine voce.

Conjuncta est autem non infrequen-
ter Tibia cantu solo, quem ad Tibiam
adhibitum jucundiorē multò judicat
Xenophon in *Sympos.* ἢ ᾠδὴ ἡδίων πρὸς τὸ
αὐλόν. Ita *Aristoteles* *Probl.* Sect. 19.
quærit, cur solitarias cantilenas suavius
audire solemus, si ad Tibiam, aut ly-
ram unam cantatur, non verò si ad plu-
res Tibias? Scilicet an quia evidentius
rem assequimur, cum ad unam lyram
vel Tibiam cantatur, ad plures verò
suavitas servari non possit, cum canti-
lena offuscetur, totaque penè deleatur?
Cum alio aliquo instrumento consonuit
interdum Tibia, sic apud *Horatium*
Epod. 19.

Sonante mistum Tibiis carmen lyra.

Synaulia Athenæo dicitur lib. 14. lyræ
cantus conjunctus cum Tibia: De con-
junctione autem Tibiarum cum lyra,
quia

quia sæpe nos & ipsa utriusque συναυλία
demulcet. Scilicet ex Ephippo de Tibia-
rum & lyræ cantu musico refert, cum
probè concordant, voluptatem percipi
maximam. Postea ex Semo Delio ex-
plicat *synauliam*, quod fuerit certamen
concentus Tibiarum vicissim, ac rhyth-
morum (ἁγὼν συμφωνίας ἀκριβοῦς αὐλῆς
& ῥυθμοῦ) absque illius sermone, qui vo-
ce Tibiæ modos æmularetur. Plura
etiam instrumenta musica cum *Synau-
lia* Tibiæ Iyræque conjunxerunt. Ho-
rati^{us} Carm. lib. 4. Od. 1.

Illic plurima naribus

*Duces thura, lyræque & Bere-
cynthiæ*

Delectabere Tibiæ

Mistis carminibus, non sine fistula.

Theocritus Epigramm.

Λῆς ποτὶ πάντων συμφᾶν διδύμοις αὐλοῖσιν αἰεῖσαι

Ἀδύπμοι; κ' ἡγὼν πακίσθ' αἰερέμεν

Ἀεξέσμαι π κρέκειν· ὁ δ' ἔβηκεν ἄμμιζα
θελεῖ

Δάφνης, κηροδέτω πνέσμαι μελπόμεν,

i. e.

Vif-

*Visne, per nymphas, duplicibus tibiis
cantare*

*Suave aliquid mihi? & ego pecti-
nem sumens*

*Incipiam aliquid sonare: bubulcus au-
tem simul oblectabit*

*Daphnis, cera compacto spiritu
(i. e. fistula) modulans.*

Eleganter Tibiæ pluriumque instru-
mentorum cum voce harmoniam con-
sonam describit *Maximus Tyrius Dis-
sert. 16.* Nescio an audieris unquam
multa simul instrumenta, Tibiæ sonum,
lyræ vocem, chori cantum, cumque his
tubam simul fistulamque, & si quæ
alia instrumentorum aut nomina aut ge-
nera sunt, cum humanæ vocis concentu
unà inter se misceri. Quorum singula
cum peculiari fiant arte, tamen ita tem-
perata sunt cum singulis, communem
ut efficiant Musam. Quod hic com-
munem ex dissonis Musam vocat,
alii consonantiam dixere, vel etiam
symphoniam Latini. *Macrobius lib. 2.
in Somn. Scip. cap. 1.* In quibus ita
gra-

312 CASP. BARTH. DE TIB. VET. l. 2.
*gravitati acumina consonabant, ut
utrumque ad audientis sonum stata di-
mensione remearet, & ex variis impul-
sibus unum sibi consonans nasceretur.*
Ibidem symphonias quinque recenset,
quæ ad Musicam pertinent, *quam vel
flatus humanus intendere, vel capere
potest humanus auditus.*



LIBER TERTIUS.

CAPUT I.

De Tibicinibus.

Non possum assentiri *Aldo* minori, qui inter Tubicines & Tibicines nihil differe asseruit. Quippe cum Tibia & Tuba diversa instrumenta fuerint, ita etiam suum cuique artifici nomen dedere. Cicero lib. 2. de Nat. Deor. *fides & Tibias eorum causa factas* monet, qui illis uti possunt. Itaque qui Tibiis utebatur, Græcis dicebatur *αυλητής*, & *κεράυλης*, *αυλητής*, ex Polluce lib. 4. c. 9. tit. 6. Seneca Epist. 87. *tibias, & reliqua instrumenta ad supellectilem tantum artis refert, nec ad artem ipsam pertinere, sed effectum artis, posse enim artificem esse*

O sine

314 CASP. BARTHOL. l. 3.
fine istis, dicit; Nihilominus tamen apud Latinos hujusmodi artifices non ex disciplina, sed ex ipsis potius instrumentis, cœpere vocabula. Nam citharœdus ex cithara, vel Tibicen ex Tibia cæterisque suorum instrumentorum vocabulis nuncupantur, quemadmodum inquit *Boëthius* de Music. lib. 1. cap. 34. Consentit *Charisius* Instit. Gramm. lib. 1. *Tibicen, Tibicinis, media longa ex Tibia*. Nec aliam nominis originem admittit *Isidorus* Orig. lib. 2. cap. 20. *Hinc & Tibicen, quasi Tibiarum cantor*. Et *Varro* de L. L. Lib. 5. *Tibicines à canendo dicti*. Ideoque *Ovidio* Tibicines vocantur, *Turba canora*, Fastor. lib. 4. Et Tibicinem exprimunt alii per hominem canere Tibiis doctum. Sic *Tacitus* Annal. lib. 14. *Destinatur reus cognomento Eucerus, natione Alexandrinus, canere Tibiis doctus*. Quomodo autem ex duobus aliis, nempe, *Tibia, &, canere*, hoc *Tibicinis* nomen in unum coaluerit, fusiùs explicant Grammatici Veteres. Ex *Prisiano* lib. 1. sciendum

dum est, quod pleraque nomina, quæ cum verbis sive participiis componuntur, nominativi mutant extremam syllabam in *i* correptam, ut arma armipotens, homo homicida, cornu corniger, stella stelliger &c. cornu cornicen, tuba tubicen, Tibia Tibicen, pro Tibiicen; *Tibia enim*, inquit, *a in i debuit mutare, unde pro duobus ii brevibus una longa facta est.* Sic ergo Tibia tibiicen faciebat, ex quo factum est Tibicen. Nec hoc solum: Sed etiam aliæ vocales solent ex duabus syllabis in unam longam transire, ut *Priscianus* l. 4. Inde factum, quod *Tibicen* penultimam producat, contra naturam *cornicinis*, & aliorum. Id quod monet idem *Priscianus* lib. 17. *Sed etiam duo in unum coeunt, ut Tibicen pro Tibiicen, unde & solum hoc ex similiter compositis penultimam productam habet.*

Interdum aliter hic Tibicen exprimebatur. Ita non solum *Gingeriator*, vel *Gingriator*, Tibicen *Sexto Pompejo* de verb. signif. dicitur, ab eo genere Tibiæ quod alibi exposuimus,

sed etiam eidem, *Flator, Tibicen*. Unde *Arnobius* Adv. Gent. lib. 2. *Tuba, Tibia, calamoque Flatantes*, de Tibicinibus loquens. *Subulo* etiam Tuscè tibicen dictus, si audiamus *Festum*. Cum quo idem sentit *Varro* lib. 6. de L. L. *Subulo dictus, quod ita dicunt Tibicines Tusci*. Non me latet *Tibicinis* nomen semper Tibiarum cantores non denotasse; sed nonnunquam ad alios eadem transiit denominatio. Apud *Sextum Pompejum* in Fragmentis, *Tibicines* etiam hi appellantur, qui Sacerdotes viri speciosi publicè sacra faciunt turbarum lustrandarum causa. Ex quo loco forsan explicari posset Antiqua illa, sed mutila, inscriptio, quæ *Sacerdotis Tibicinis Albii Verini* meminit, à *Grutero* è *Scaligeri* schedis allata pag. 30.

. DOMVSQ. DIVI
NAE COLON. CCP AE. CLAVD. AVG. LVGD
TAVROBOLIVM. FECIT. Q. AQUIVS
ANTONIANVS. PONTIF. PERPETVVS

.
EX. VATICINATIONE. PVSONI. IVLIANI
AR-

ARCHIGALLI. INCHOATVM. XII. KAL.

MAI. CONSVMMATVM. VIII. KAL. MAI.

L. EGGIO. MARVLLO. CN. PARINIO. AE

LIANO. COS. PRAEEVNTE. AELIO

CIL. P CNS. SACERDOTE. TIBICINE

ALBIO. VERINO.

Præterea etiam in ædificiis *Tibicines* appellantur *Festo* de Verb. signif. à similitudine Tibiis capentium, qui ut canentes sustineant, ita illi ædificia. Unde *Urbem tenui tibicine fultam*, dicit Poeta, & eodem nomine *Atlantem* nuncupat *Arnobius*, quia cœlum attingere ferebatur & fulciri, adv. Gent. lib. 2. *Quando siderum motus*, inquit, *aut ratio cœpta est genethliaca sciri? non post Teutatem Ægyptium, aut post Atlantem (ut quidam ferunt) gestatorem, bajulum, Tibicinem illum ac destinam cœli.* Eandem ob causam Tibicines etiam sunt textoria fulcra telam sustinentia *Hadr. Junio*, imo & particulæ quibus versuum hiatus replentur.

Sed ad Tibicines revertamur, qui

Tibiis canebant, & quorum omnis circa Tibias versabatur scientia, adeo ut, si ex oliva etiam modulatè canentes Tibiæ nascerentur, non dubitet *Tullius* lib. 2. de Nat. Deor. quin esset in oliva Tibicinis quædam scientia. Inter artes enim antiquitùs numeratum est Tibiarum studium, & Tibicines ipsi artifices dicti. *Cicero* lib. 3. de Nat. Deor. *Concedam non modo animantem & sapientem esse mundum, sed fidicinem etiam & Tibicinem, quoniam earum quoque artium homines ex eo procreantur.* Unde etiam publicè Collegium habuerunt Tibicines Romani, de quo *Valer. Maximus* lib. 2. cap. 5. *Tibicinum quoque Collegium solet in foro vulgi oculos in se convertere, cum inter publicas privatasque ferias, actiones, personis tecto capite, variaque veste velatis concentus edit.* Huc spectat antiqua Inscriptio, *Smetio* visa, apud *Gruterum* pag. 175.

COLLEGIO. TIBICINVM
ET. FIDICINVM. ROMANORVM

QVI. S. P. P. S.

TI. IVLIVS. TYRANNVS
MVNIS. PERPETVVS. ET
VLIVS. TYRANNVS. F.

H. C. D. D.

DEDICATVM. K. MART.

RSO. SERVIANO. II. L. FABIO. IVSTO. COS.

Tale etiam erat Collegium Æneatorum, de quo alia exstat Inscriptio:

IMP. CAESARI

L. SEP. IMIO. SE

VERO. PIO. PER

TINA. I. AVG

ARAB. ADIAB. PART

MAX. PONT. MAX.

TRIB. POT. VIII. IMP.

XI. COS. BIS. P. P.

COLLEGIVM

AENEATOR.

De Collegio Liticinum & Cornicinum, nondum edita inscriptio exstat in marmore mihi Romæ viso, cujus figuram exhibebo, ubi de Cornicine sermo erit:

M. IVLIVS VICTOR EX COLLEGIO
LITICINVM COR ICINVM.

Hoc Tibicinum Collegium credo Apulejum annotasse per *Tibicinium*, Florid. lib. 1. de Antigenide: *Is cum esset in Tibicinio apprimè nobilis*, &c. imo & Marfya: Eo (Hyagni) *genitus Marfyas, cum in artificio patrissaret Tibicini, Phryx cætera & Barbarus*. Sodales dicebantur qui ejusdem erant Collegii. Collegia illa Romæ primum instituta à Rege Numa, si credimus *Plutarcho*, qui refert eum divisisse multitudinem *secundum artificia*, ut suum peculiare corpus haberent Tibicines, suum aurifices, architecti &c. Porro unicuique generi suos peculiare conventus & religiones præscripsisse. Quibus autem ita permissum erat corpus habere, collegii vel societatis nomine, eorum proprium erat, ad exemplar Reipublicæ habere res communes, arcum communem, & actorem sine Syndicum, per quem, tanquam in Republica, quod communiter agi & fieri oporteret, id ageretur, fieret,

nin

utu

ut

nin

nin

C. I. DE TIBIIS VET. 321
fieret, &c. Quippe potuere manumit-
tere, legatum capere, & leges sibi fer-
re, dummodo ne quid ex publicis legi-
bus corrumpetur, ut ex *Scaevola* &
Paulo annotat *Dempsterus* in *Antiq. Ro-*
manis. Certè de tali Tibicinum *Procu-*
ratore adducam elegantem ex *Grute-*
ro Inscriptionem, *Panvinio* debitam,
pag. 41.

DIANA E
LVCINAE
INVICTAE
CN. POMPEIVS
CN. LIB. BAL
BVS. PROCVRAT
TIBICIN. ROM
VOTO. SVSCEPTO
L. M.

Non enim me moratur quod hic TV-
BIC. *Aldus* legat, cum non minus
suum *Procuratorem* Tibicines habuif-
se extra controversiam crediderim,
ac reliqua hujusmodi Collegia, de
quibus idem proditum exstat. Ita
PROCVRATOR FABRORUM,
O 5 apud

322 CASP. BARTHOL. 1.3.
apud eundem Gruterum Inscript. Pag.
MDXV.

Tibicines diem festum anniversarium publicè egerunt Idibus Juniis: quo die illos, qui sacris præcinebant, per urbem vagari feriatos, & ad ædem Minervæ convenire solenne fuit, ipsasque Minusculas Quinquatrus, quod diem quintum post Idus feriatum haberent, appellarunt. Varro lib. 5. de L. L. *Quinquatrus minusculæ dictæ Juniae Idus à similitudine majorum: quod Tibicines tum feriatati per urbem vagantur, & conveniunt ad ædem Minervæ.* Aqua sententia non diversus est Festus Pompejus: *Minusculæ Quinquatrus, inquit, appellabantur idus Juniae; quod is dies festus erat Tibicinum, qui Minervam colebant.* Hunc Tibicinum diem festum eodem modo describit Ovidius Fastor. lib. 6.

*Et jam Quinquatrus jubeor narrare
minores:*

*Nunc ades ò cæptis flava Minerva
meis.*

Cur

Cur vagus incedit tota Tibicen in urbe?

Quid sibi personæ, quid toga longa volunt?

Plutarchus Idibus Januarii festum Tibicinum diem assignat: Ἀπὸ τῆς ταῖς Ἰανναρείαις εἰδοῖς ἀειτέου δέδοται τοῖς ἀνληταῖς τὴν πόλιν ἐσθῆτας γυναικείας φορεῦντας.

Quem locum omnino ita emendandum censet *Carolus Neapolis* in *Ovidium*, Ἀπὸ τῆς ταῖς Ἰουναίαις εἰδοῖς. In nemine enim reperiri tale quid celebratum mense Januario. Cæterum *Hadrianus Junius* Comment. de Anno & Mensib. *Idibus Januarii* Tibicines festum diem agere multa lascivia ac licentia, muliebri habitu per urbem grassantes, scribit; sed *Idibus Junii* Tibicines feriatos per urbem vagantes ad ædem Minervæ convenire. De posteriori festo addam ego adhuc testimonium *Censorini* de die Natali c. 12. Non Tibicinibus, per quos Numina placantur, esset permissum, aut ludos publicè facere, ac vesci in Capitolio, aut Quinquatribus

minusculis, id est, *Idibus Junis*, urbem vestitu, quo vellent, personatis temulentisque pervagari. Quippe Epulandi in publico decantandique jus etiam habuerunt Tibicines, quod, ipsis ab Appio Claudio Cœco ademptum, ut *S. Aurel. Victor* de Vir. Illustr. postea occasionem dedit ut & ista licentia redderetur, & anniversarium festum atque publicæ privatæque feriæ ipsis concederentur. Rem illam omnem, ut gesta est, enarrat *Valer. Maximus* lib. 2. cap. 5. Quondam enim vetiti in æde Jovis, quod prisco more factitarunt, vesci, Tibur irati se contulerunt. Quorum ministerio Senatus deserta sacra non æquo animo ferens, per Legatos à Tiburtinis petiit, ut eos Romanis Templis restituerent. Quos illi in proposito perseverantes, interposita festæ epulationis æmulatione, mero & somno sopitos, plaustris in Urbem devehendos curaverunt: Quibus & honor pristinus restitutus, & hujusce lusus jus est datum, nempe in foro vulgi oculos in se

relat

con-

16121 1

relat rel

convertere & personis tecto capite variaque veste velatis concentus edere. Ex *Livio* lib. 9. cap. 30. eandem historiam suprâ retulimus lib. 2. cap. 7. quam etiam fusè persequitur *Ovidius* *Fastor.* lib. 7.

*Temporibus veterum Tibicinis usus
avorum*

Magnus, & in magno semper honore fuit.

*Cantabat fanis, cantabat Tibia ludis:
Cantabat mæstis Tibia funeribus.*

*Dulcis erat mercede labor; tempusque
secutum est,*

*Quod subito gratæ frangeret artis
opes.*

Adde quod Ædilis, pompa qui funeris irent,

Artifices solos jusserat esse decem.

Exilio mutant urbem, Tiburque recedunt.

(Exilium quodam tempore Tibur erat)

Quæritur in scena sava Tibia, quæritur aris:

Et

*Servus erat quidam quantolibet or-
dine dignus
Tibure ; sed longo tempore liber
erat.*

*Rure dapes parat ille suo , turbamque
canoram
Convocat : Ad festas convenit illa
dapes.*

Postea pergit Ovidius :

*Alliciunt somnos tempus , motasque ,
merumque.
Totaque se Tibur turba redire pu-
tant.*

*Famque per Esquillas Romanam in-
traverat Urbem ,
Et manè in medio plaustra fuere
foro.*

*Claudius ut posset specie numeroque
Senatum*

*Fallere , personis imperat ora tegi ;
Admiscetque alios , & ut hunc Tibi-
cina cœtum*

*Augeat , in longis vestibus ire
jubet.*

Sic

*Sic reduces bene possetegi, ne forte no-
tentur*

Contra collegæ jussaredisse sui.

*Res placuit; cultuque novo licet Idi-
bus uti,*

*Et canere ad veteres verba jocosa
modos.*

Hic variant variorum Lectiones. Qui-
dam legunt : *Callidus ut posset*. Alii;
Cautius ut posset. Sed *Pighio* assentitur
Carolus Neapolis, qui scribit : *Plautius
ut posset*. Hic enim collega fuit *Appii
Claudii* : quem magis verisimile est
operam dedisse, ut *Tibicines* in inte-
grum restituerentur, quàm *Appium
Claudium*, qui illos non semel offen-
derat, quidpiam illis indulgisse.

Zeno Citteus, apud *Plutarchum*,
adolescentes ad *Tibicinum* spectacu-
lum accivit : ut discerent qualem cor-
nua, calami, & si quæ alia propor-
tionis & concentus consortium habent,
vocem emittant. In *Græcia* autem fuere
celeberrimi hujus artis magistri, qui
magna cum gloria floruerunt. Unde
apud

328 CASP. BARTHOL. 1. 3.
apud *Athenæum* lib. 14. ex *Polybio* lib.
30. exercitus Romani Imperator Lu-
cius Anitius, debellatis Illyriis, &
Rege cum liberis capto, atque Romam
abducto, ludis victoriæ causa editis,
quovis risu digna multa fecisse ac ex-
cogitasse dicitur. Nam accersitis è Græ-
cia clarissimis artificibus, extructaque
in circo maxima scena primos induxit
Tibicines simul omnes, Theodorum
Bœotium, Theopompum, Hermip-
pum, Lyfimachum, in Græcia cele-
berrimos. Ex *Strabone* lib. 14. Ma-
gnates Viri illustres fuerunt Hegesio-
nax, Princeps styli qui Asianus dici-
tur, cum corrupisset receptam con-
suetudinem Atticam: Tum Simon
Tibicen, qui & ipse vitiata priorum
Lyricorum consuetudine, *synodiam*
introduxit. Ita etiam Pater Pindari
Lyricorum Principis erat Scopelinus
Tibicen, si credimus *Gyrardo* de Hist.
Poët. Parem enim summis in aliis ar-
tibus viris gloriam assequuti sunt Ti-
bicines, quod ex Epigrammate Incerti
Au-

Autoris constat, in Florileg. Epigr. lib. 3. cap. 8. ubi Telephanus quidam Tibicen, non minorem laudem Tibiis consequutus esse dicitur, quàm Orpheus cithara, Nestor linguæ suavis sapientia, & compositione verborum Homerus. Quippe in Græcia ars Tibicinum utique magnæ laudi fuit, adeo ut Magistratibus Atheniensium, qui Reipublicæ præfuere numero decem, quinque in Pyræo, totidemque in Urbe, cura etiam Tibicinum immi-neret, quod refert *Alexand. ab Alexandro* Gen. Dier. lib. 3. c. 16. Ideoque in Epaminondæ virtutibus commemorabatur, eum scienter Tibiis cantasse. Cæterum non omnibus eadem honesta atque turpia sunt. Nam illa ars ad Romanam consuetudinem levis erat & potius contemnenda. Sic *Corn. Tacitus* lib. 14. de Octavia Mes-salinæ filia loquens: *An quia, ait, veram progeniem penatibus Cæsarum data sit, malle Pop. R. Tibicinis Ægypti sobolem imperatorio fastigio induci?*

duci? Nempe propter Pompejum qui Tibicinis filius credebatur. Sane *Juvenalis* inter abjectissimæ plebis vilio-rem faciem hujusmodi homines reponit Sat. 3.

Quondam hi cornicines, & municipalis arenæ

Perpetui comites, notæque per oppida buccæ.

An servi fuerint apud Romanos Tibicines non determinat *Pignorius* Comment. de Serv. saltem non dubitat, quin familiares & vernaculi fuerint, cum præsertim à grege domesticorum, ut ait, *Fistulator amanuensis* Graccho orationem habenti eburneolam fistulam inflaret, ad quam ille vocem & gestum componeret. Cæterum quin ille ex Servorum ordine fuerit dubitari non potest, cum expressè *Servum* illum nominet *Cicero* lib. 3. de Orator. & οἰκῆτος, *Plutarchus* de Cohib. Ira. Servos itaque apud Romanos Tibicines fuisse, liberè pronunciare licet, cum & idem suadeat Tibicen Nauticus,

C. I. DE TIBIIS VET. 331
ticus, qui *ῥαλ* est *Demostheni* in Orat.
de Corona. Et *Cicero* in *Verrem*, *Sym-*
phoniacos servos in classe memorat. In-
ter mancipia & vilioris conditionis ho-
mines hujuscemodi numerat *Capitolinus*
in *Vero*: *Adduxerat secum & fidicines*
& Tibicines, histriones, scurrasque, mi-
marios & præstigiatores, & omnia man-
cipiorum genera, quorum Syria & Ale-
xandria patitur voluptate. De Arabico
Tibicine proverbium vetus olim incre-
buit, eum ad canendum obolo condu-
ci, sed ad tacendum tribus. Quippe
non ita lauta re fuisse videntur, ex *Mar-*
tiale lib. 5. Epigr. 57.

Artes discere vult pecuniosas?

Fac discat citbarædus aut chorau-
les.

Tibicines tamen inferiores fuisse citha-
rædis, author est *Cicero* pro *Muræna*:
Ut ajunt in Græcis artificibus eos aulæ-
dos esse, qui citbarædi fieri non potuerint.
Ab aliis, improbis moribus hoc homi-
num genus describitur. Ita apud *Plutar-*
chum in *Pericle*, *Antisthenes* audiens

Ismeriam esse Tibicinem optimum, *at nequam est*, ait, *non enim si probus esset, Tibicen esset.* Apud Gellium lib. 20. cap. 4. dives quidam Adolefcens, Tauri Philosophi discipulus, Comædos, Tragoedos, & Tibicines in deliciis & delectamentis habebat. Id genus autem artifices Græcè appellantur οἱ αἰετὶ Διονυσίου τεχνῖται. Eum Adolefcentem Taurus à sodalitatibus convictuque hominum scænicorum abducere volens, misit ei verba ex *Aristotelis* libro exscripta, qui αἰετὶ βλήματι ἐγκύκλιᾳ inscriptus est: iussitque ut ea quotidie lectitaret, quæ Latio donata ita sonant: *Cur genus id hominum, quos Dionysiacos, id est, Bacchanales artifices appellamus, improbis esse moribus magna ex parte consueverunt? An quia minime sese studio sapientiæ dedunt? eò scilicet quod in artibus necessariis magnam partem ætatis suæ consumunt, vitam plurimum traducunt incontinenter, partim etiam cum inopia, quod quidem utrumque vitia & gignit & auget.*

Nec

Nec honestiores apud Romanos Tibicinæ, quæ venales olim in conviviiis, tanquam ad hastam publicam, proponebantur: & qui majus pretium offerret, solus eis ex libidine fruebatur, quod ex *Athenæo* constat lib. 13. Et apud eundem lib. 14. *Lyfimachus* inquit: *At ego nusquam apud me egressam vidi è tragica scena meretricem, innuens τὴν ἀυλὴν εἰδὼς λαμίας, Lamiam Tibicinam.* Nonnulli *Ambubajas* Tibicinas Syriaca lingua putant dici. *Papias* in *Onomastico*: *Ambubajæ mulieres, Tibicinæ Syriacæ.* Erant *Ambubajæ* mulieres vagæ & viles, quibus nomen ab ebrietate verborum balbutientium inditum esse alii volunt. De illis *Horatius* lib. 1. Serm. Sat. 2.

Ambubajarum collegia, Pharmacopolæ,

Mendici, mimæ, balatrones, hoc genus omne

Mæstum ac sollicitum est cantoris morte Tigilli.

Suetonius in *Nerone* cap. 27. *Ambubajarumque*

334 CASP. BARTHOL. l. 3.
jarumque ministeria. Vocem hanc Hebraicam & Chaldaicam esse dicit doctissimus *Iosephus Scaliger*, Tibicinemque denotare.

De Tibicinibus alia hic tacebo, quæ in toto operis hujus contextu occurrunt. Hic solum addam, morem antiquum Tibicinibus usitatum, qui ingressi scenam oscula jactabant, ori prius manu admota, deinde protensa in eos quos adorabant, quod factum à Nerone inquit *Tacitus*, loquens de eo citharædum agente lib. 16. *Annal.* *Postremo flexus genu, cætum illum manu veneratus.* De Tibicine *Phædrus* lib. 5.

In plausus consurrectum est, jactat basia

Tibicen.....

Jactare basia alii explicant, quasi adorare populum, ex veteri Epigrammate:

*Ingressus scenam populum saltator
adorat,*

Et Juvenale, apud quem Sat. 3.

A facie jactare manus,

idem

c. 2. DE TIBIIS VET. 335
idem est quod adorare. In hujusmodi
adoratione, ad populum facta, utrum-
que conjungit *Tacitus*, nempe, &
protenfas manus, & oscula jacta, *Hi-*
stor. lib. 1. Nec deerat Otho, proten-
dens manus, adorare vulgum, jacere
oscula.

C A P U T II.

Marsyæ Tibicinis Fabula.

A Marsya nonnulli Tibiam ajunt
inventam, inter quos *Eusebius* de
præparat. Euang. lib. 2. c. 4. sed quo
jure ipsum autorem Tibiæ clamitent,
suo loco diximus. Nimirum à Minerva
abjectas Tibias reperit, quibus super-
biens & nimium fidens arti suæ ad cer-
tamen Apollinem provocavit, sed su-
peratus stultæ arrogantiae poenas dedit.
De illo ita *Ovidius* Fastor. lib. 6. ubi de
Tibia loquitur :

Inventam Satyrus primum miratur :
at usum

Nescit & inflatam sensit habere
sonum. *Et*

Et modo dimittit digitos , modo concipit auras ;

Famque inter Nymphas arte superbus erat.

Provocat & Phæbum , Phæbo superante pependit

Cæsa recesserunt à cute membra sua.

Quinam autem fuerit ille Marfyas variant inter se Autores. Quidam Hyagnidis , qui primus leges Musicas ad laudes Deorum , quibus in solemnitatibus Græci usi sunt , accommodavit , filium fuisse volunt , ut *Apulejus Florid. lib. 1.* Cum quo paria prodidit *Nonnus Dionys. lib. 10.*

Μυγδόν^ο αὐλητῆ^ρή^το^ς οἷ^ο βάκχ^ο ἀκί-
ει ,

Ὅ^ν τέ^{κε} θεῖ^ο ὕαγνις , ὅς^ε εἰς κακὸν ἤ^ελπε φοί-
βη

Τρητὸν ἐπιθλί^βων διδυμέθρο^ν αὐλὸν Ἀθ^ωνῆς
i. e.

*Bacchus putabat se audire Tibicinem
Mygdonium ,*

Quem

Quem genuit Hyagnis, qui in perniciem suam certavit cum Apolline, Foralem duplici sonitu Tibiam Minervæ inflans.

Hyagnidem alii natum Marsya contendunt. Oeagrū Marsyæ Patrem dicit *Hyginus*. Marsyam pro Olympi filio habere videtur *Strabo*, cui accedit *Apollodorus*. Cæterum Olympum discipulum Marsyæ tradit *Tzetzes* 1. Chil. 15. Quod respexit *Ovidius* de Pont. lib. 3. El. 3.

In Phryga nec Satyrum talis Olympus erat.

Nimirum quia Olympus Marsyæ discipulus ferebatur, & *Ovidius* erat præceptor amoris. Quicquid demum de hoc sit, illud constat, Marsyam quondam esse ausum

contraria Phæbo Carmina.

Quemadmodum *Statius* lib. 5. Sylv. El. 3. Scilicet provocavit Apollinem certaturum de cantibus, Mida Rege pro iudice electo, ut *Fulgent.* lib. 3. Myth. Cæterum quia sola Tibia usus

P

paria

338 CASP. BARTHOL. l. 3.
paria cum Apollinis cithara, cum voce
conjuncta, facere non potuit, inferior
certamine decessit. Id quod innuit *Sta-
tius* Thebaid. lib. 1. vers. 699.

Tu Phryga submittis citharæ.

Victum etiam Marsyam confitetur
Juvenalis Sat. 10.

*Scire velim quare toties mihi Nævole
tristis*

*Occurras fronte obducta, ceu Marsya
victus.*

Præterea *Apulejus* Florid. lib. 1. aliud
stultitiæ maximum specimen de Mar-
sya refert, qui priusquam Tibias occi-
peret inflare, prius de se & Apolline
deliramenta quædam barbarè effutivit:
laudans sese, quod esset & *coma reli-
cinus & barba squallidus & pectore hir-
sutus & arte Tibicen & fortuna egenus*,
contra Apollinem adversis virtutibus
culpabat. Ideoque prodidit *Diodorus
Siculus* lib. 3. victorem Apollinem
contentione nimium exacerbatum vivo
pellem detraxisse, & deinde citharam
Tibiasque in antrum Bacchi intulisse.

Hi-

Historiam hujus certaminis & Marfyæ superati referunt, *Philostratus* Junior in Iconibus, *Jo. Tzetzes* Histor. Chil. 1. num. 15. *Nonnus* Dionys. lib. 1. *Archius* in Florileg. Epigr. lib. 3. cap. 8. Inter alios *Ovidius* Metamorph. lib. 6.

—— Satyri reminiscitur alter,
Quem Tritoniaca Latous arundine
viclum

Affecit pœna. Quid me mihi detrahis?
inquit.

Ab piget: Ab non est clamabat Tibia
tanti!

Clamanti cutis est summos direpta per
artus.

Detracta autem pelle, è proximæ ac patulæ pini ramo excoriatus suspensus est, uti pœnam Marfyæ commemorat *Apollodorus* lib. 1. de Deor. Orig. Quò alludit *Statius* Thebaid. lib. 4. vers. 186.

—— *Quis non certamina Phæbi*
Nosset, & illustres Satyro pendente
Celænas.

E pelle autem Marfyæ utrem factum esse & in Celænarum civitate suspen-

340 CASP. BARTHOL. l. 3.
sum, scriit *Herodotus* in *Polymnia*.
Et idem indicat *Claudianus* in *Eutrop.*
lib. 2.

*Hic & Apollinea victus testudine
pastor*

*Suspensa memores illustrat pelle Ce-
lænas.*

Quippe illud certamen commissum
fuisse non procul à Celæne, Phrygiæ
urbe [quæ antiquato priori nomine in
Apamiam transiit à Seleuco Rege post-
modum constitutam] juxta lacum in
quo ad usum Tibiarum optimi calami
gignuntur, scriptum reliquit *Strabo*
lib. 12. Sic *Solinus* de Celæne, cap. 40.
Istic Marsyas ortus, istic & sepultus:
Unde qui proximat fluvius, Marsyas
dicitur: Nam sacrilegi certaminis fa-
ctum & audace in Deum Tibias testatur
non procul cum fonte vallis, quæ even-
tum gestæ rei signat & ab Apamia de-
cem millibus passuum separata, Aulocre-
ne usque adhuc dicitur. Idem ante ipsum
tradidit *Plinius* lib. 5. cap. 29. Ex eo
lacu dicuntur manare fontes *Marsyæ*
flumi-

C. 2. DE TIBIIS VET. 341
fluminis, cum Ovidius lib. 6. Metamorph. scribat Marsyam ab Apolline in fluvium mutatum nomen aquis dedisse:

• *Inde petens rapidum ripis declivibus
æquor,
Marsya nomen habet Phrygiæ liqui-
dissimus amnis.*

Non aliud denotat Nasonis dirum in Ibin votum:

*Nudaque direpta pateant tua viscera
pelle
Ut Phrygii, cujus nomina flumen
habet.*

Hic amnis haud procul à Mæandri fontibus oriens, in Mæandrum cadit, teste Livio lib. 38. fama que ita tenet, inquit, Celænis Marsyam cum Apolline Tibiarum cantu certasse. Ad rem Lucanus Pharsal. lib. 3.

*Lugent damnatæ Phæbo victore Celæ-
næ:*

*Qua celer erectis descendens Marsya
ripis*

*Errantem Mæandron adit, mistusque
refertur.*

CAPUT III.

*De Rebus quibus usi Tibicines,
Anulo, Tibiarum & lingularum
theca, atque Capistro.*

INsigne Tibicinum anulus seu gemma fuit. De Anulo nonnulli interpretantur Suetonii locum de symphoniacis Neronis: *Insignes pinguissima coma & excellentissimo cultu pueri, nec sine anulo lævis.* Quasi dicat ex consuetudine aliorum Musicorum lævas anulis habuisse ornatas. Sanè de Gemma Tibicinum Plinius lib. 37. cap. 1. *Nec deinde, inquit, alia, quæ tradatur, magnopere gemmarum claritas exstat apud Autores; Præterquam Ismeniam Choraulem, multis fulgentibusque uti solitum.* Ismeniam illum anulo usum esse non raro legimus, cujus opera callidè fucum fecit Persarum oculis, ut Artaxerxem, ad quem Legatus missus erat,

erat, specie tenus salva libertate adoraret. Cum enim Regis adeundi & colloquendi facultas aliter non daretur, quam si eum veneratur, Ismenias statim atque in conspectum Regis venit anulum sensim digito detractum, clam & nemine animadvertente ad pedes abjecit: quem mox jacentem sustulit: Eoque corporis gestu, quasi venerabundus procubuisset, visus est patrio Persarum mori institutoque paruisse: Cum tamen nihil se indignum aut præter civium morem fecisset, quemadmodum eam rem fusius prosequitur *Ælianus* lib. 1. Var. Hist. cap. 21. *Plinius* loco supra allato traditeundem Ismeniam instituisse, ut omnes musicæ artis hac quoque ostentatione censerentur, *veluti Dionysodorus*, inquit, *æqualis ejus & æmulus*, ut sic quoque par videretur. Tertius qui eodem tempore fuit inter Musicos, *Nicomachus*, multas gemmas habuisse traditur, sed nulla peritia electas: Sorte quadam his exemplis initio voluminis oblati adversus

eos, qui sibi hanc ostentationem arrogant, ut palam sit eos Tibicinum gloria tumere.

Habuerunt præterea Tibicines cistellam quandam seu vas ubi reponebant atque condebant Tibiarum lingulas, quod γλωπιοκηῖον seu *lingularum theca*, Polluci lib. 7. cap. 33. Eidem autem lib. 10. cap. 33. γλωπιοκηῖον est αὐλαῖ, θήκη, *Tibiarum theca*. Sed interdum etiam Glottocomeium de vase apud Neotericos inveniri monet. Quia autem pro Tibiarum theca inserviebat, ab earundem lingulis denominatum est, ex Polluce ibidem. Etiam σβλώλω, *sibenam*, vocari refert. Hesychio dicitur αὐλητηεῖα & σύβη αὐλοθήκη.

Inter res quibus usi sunt Tibicines, erat etiam φορβεία, seu capistrum ex pelle, quod ori circumligatum est. Hesychius, φορβεία ἢ αὐλητικὴ ἢ πομὶς, *Tibicinum est capistrum vel oris integumentum*. Suidæ non φορβεία sed φορβεῖον dicitur. Sumptum autem videtur à capistro, quo jumentorum ora includuntur, quippe quod fibula non erat, sed vinculum ex pel-

pellibus, quo labra & os constringebantur, relicta rima per quam Tibiarum lingula ori posset immitti. Unde de Marſya, ubi cum Apolline certamen iniret, *Plutarchus* Sympoſ. 7. cap. 8. φορβεῖα καὶ αὐλοῖς ἐπιτομίσας ἑαυτὸν, *capistro & Tibiis os sibi præcludens*. Sed non semper hujuscemodi capistra in usu fuisse credere cogor, cùm in variis Tibicinibus qui in sacrificiis conviviiſque Veterum & passim alibi inflatis buccis conspiciuntur, non appareant. Unde suspicari licet, illos tantùm ori circumligata hac pelle cecinisse in certaminibus musicis, quemadmodum de Marſya *Plutarch.* ubi & majori arte & nisu opus, & debita proportionē spiritus moderandus esset. Forsan & aliàs usui fuisse non inficias ivero. Saltem hanc conjecturam in certaminibus confirmat *Aristophanes* in *Vespis*:

Καὶ αὐλητὴς γὰρ δίκλιν νεκρῷ, πύτης ἡμῖν ἐπι-
χερα,

Ἐν φορβεῖα τοῖσι διχρῆαῖς ἔζοδοι ἡύλησ' ἀπὶ-
σιν, i. e.

*Tum Tibicen, si victor litis abit, gra-
tes agit ipsis*

*Judicibus, & egressis canit ori
circum pelle ligata.*

Hujus generis habenam, ambientem
genas ad canentis robur, conspici in ef-
figie statuæ æneæ pedem altæ, quæ du-
plicem Tibiam decenter perforatam in-
flat, refert *Tomasinus* lib. de Donar.
eamque è Cl. viri *Jacobi Gaffarelli* Mu-
seo sibi à *Rhodio* communicatam. Ejus
figuram exhibet *Fortunius Licetus* in
Gemm. Annular. Antiq. Schemat. 32.
quam è regione conspiciendam damus.

Talis Tibicen, qui corio hoc, quod
φορβεία seu φορβείον nominant, labiis cir-
cumposito instructus est, ἐμπεφορβιωμένος
est apud *Aristophanem* in Avib. Atque
in eum modum capistrati Marsyæ fi-
guram subjicimus, quam ex veteri si-
gillo doctos viros habuisse asserit *Sal-
masius* Exercitat. Plinian. in Solin. par-
te secunda, quemadmodum versâ pa-
ginâ sequenti videri potest.

Ab ἀνληκῇ φορβείᾳ genus etiam ἐπιδοσμεῖ

Me-






Medici *φορβείαν* dixêre, cujus duæ species, *μυνομερής* & *διμερής*. Posteriozem ita vocarunt quod non solum os, sed etiam frontem comprehendebat vinculo. Cujus formam ex Libro *Sorani* *περὶ ἐπιθέσεων* etiam subjecit *Salmasius*, qualem ego ipse non ita pridem delineatam vidi in MS. vetustissimo *Sorani*, de variis obligandi modis, cum nuper Florentiæ in illustri Bibliotheca Medicæa sedulò pervolverem admirandum illud Chirurgorum Antiquorum Opus, congestum à quodam *Niceta* Medico. In quo Volumine, eleganti & vetusto caractere conscripto, non pauca inveni, quæ curioso animo satisfecerunt, ut aliquando forsan palam faciam. Habentur autem ibi multa antiquissimorum Medicorum opuscula, & tractatus de partibus chirurgiæ, ut sunt, præter *Hippocratis*, *Galenii*, *Oribasii* & *Pauli Aeginetæ* jam notos, *Heliodori* de fracturis & ligaturis capita varia nondum edita. Sunt & alii tractatus non contemnendi, uti, præter *Rufi Ephesii* & *Palladii* opuscula

cula jam edita *Apollonii Citiensis* tract. de articulis sive juncturis, caput 36. *Soranus* de signis fracturæ, c. 23. Idem de variis obligandi modis, c. 59. cum suis figuris. Nam alia multa aliorum fragmenta prætereo. Bene precabor Viro Eruditissimo *Antonio Magliabechio*, Celeberrimo Magni Etruriæ Ducis Bibliothecario, qui gloria est non solum Hesperiae suæ, sed & totius Eruditi Orbis, quem in sui trahit stuporem, quòd mihi primus occasionem dederit accuratiùs hoc Volumen pervolvendi, nam alia taceo, quæ ex vasto Eruditionis omnigenæ penu, conatibus meis non parum profutura, largo flumine supeditavit. Cæterum ego ad rem revertar, quia de *ῥορβεία* Chirurgorum alibi agendi locus erit.

Noxii etiam & damnati inter cætera ludibria capistrati frœnatique trahabantur, ut docet *Gronovius* lib. 2. Observat. cap. 22. Unde hoc sensu quidam nummum illum interpretantur



352 CASP. BARTHOL. l. 3.
tur à *Schotto* exhibitum in notis ad Zenobianum, cujus hic Ectypum paginâ præcedenti ex *Gisberti Cuperi* Observat. lib. 1. c. 12. damus.

Cæterum nummum illum *M. Velseri* meliore jure ex eo ritu explicari posse, quo cantores labia & faciem capistris constringebant, ne tumescerent, rectè prætendit idem *Cuperus*; adeoque non reum, sed Satyrum repræsentare, quoniam reis capistrum seu funis ori inseratur, & hic pellicula suprema & infima labia ambiat, relicto parvo ad inflandum foramine. Nam quod ait *Schottus*, hunc nec cornua nec barbam habere, quæ propria Satyrorum, nihil impedit, confitente *Cupero*, se vidisse in porticu Mazarini statuam Satyri sine cornibus, capillitio modico, manu sinistra fistulam junctam tenentem, pelle ferina ornatam, quodque observandum, humanis pedibus.

Insignem capistrati figuram cum Tibiis ori insertis, ex Basi triangulari in Capitolio hic exhibeo, quemadmodum



354 CASP. BARTHOL. l. 3.
modum mihi ejus delineationem concessit Illustrissimus Eques *Car. Anton. à Puteo*, singulari erga me omnesque alios humanitate præditus, ex insigni illo Antiquitatis Thesauro, qui plurimis Voluminibus apud illum servatur. In hac figura, Leonina pellis Bacchanalia indicat, qua ornatus etiam cernitur Tibicen ille in Dionysiaca saltatione in hortis Burghesianis, & in Musæo *Jo. Petr. Bellorii* Romæ tales Duos Tibicines vidi cum Leonina pelle, in Tabella figulina quadrata unum, alterum in basi ænea tripodali, ubi varia alia cernuntur ad Bacchanalia spectantia. Usus autem hujus capistri neutiquam fuit ut foeditatem oris tegeret, & hoc tumentes buccas absconderent Tibicines, ne res oculis ingrata esset ut nonnulli autumant; sed ne labrum scinderetur; quem finem adducit *Suidas*. Et quia magno nisu Tibiæ flatu implendæ erant, tali capistro opus habuere, quod genas ambiret ad canentis robur. Præterea immodicum spiritum coërcebat,

coërcebat , & attemperabat ut moderatus exiret , suavemque Tibiæ cantum efficeret. Ita vetus *Scholiastes* Aristoph. in *Vespis* , φορβείας exponit δέρματι πὲρ τοῦ σώματος τῶν αὐλητῶν περὶ τοῦ σώματος , ὅπως ἐν σύμμετρον τὸ πνεῦμα πεμπόμενον ἡδεῖαν τῶν φωνῶν τῆ αὐλῆ ποιήσῃ. Cum hoc tamen alium illum usum conjungit *Plutarchus* de Ira , scilicet ut inæqualitatem oris absconderet , ubi de *Marsya* inquit : *Capistro quodam & integumento* (φορβείᾳ καὶ περισκεπίδι) *circa os spiritum* , *qui rapidè & violenter per-*
rumpebat , *coërcuit & vultus inæqua-*
litatem abscondit. Sed usus primus ac præcipuus fuisse videtur , ut impetum spiritus exciperet & eum justè moderaretur. Unde qui immoderatè spiritu utebantur in Tibiis inflandis , eos sine capistro flare Græci dicebant. *Sophocles* :

Φυσὴν γὰρ ἐν μικροῖσιν αὐλίσκοις ἔπ,

Ἀλλ' ἀγέλαις φύσαισι φορβείας ἄπερ. i. e.

Non jam ille modicas ore inspirat
Tibias ,

Sed

*Sed sine capistro enormibus flat folli-
bus.*

Quod *Sophoclis* dictum etiam apud *Dionys. Longinum* est cap. 2. Et idem usurpat *Cicero* lib. 2. *Attic. Epist.* 16. sed *lingulam* ibi male pro capistro vertunt nonnulli.

C A P U T IV.

De Vestitu Tibicinum, & Scabello.

IN rem vestjariam post absolutissimās *IOct. Ferrarii* lucubrationes inquirere velle, esset actum agere. Ideoque nec multis habitum Musicorum & ci-tharœdicum attingam, quem pluribus explicat in opere nunquam satis laudando *Ferrarius*. Paucis solū ea adjungam, quæ Tibicinum vestitum spectant. Ulos fuisse Tibicines veste ad talos dimissa testatur *Tibullus* lib. 2. El. 8. de Tibicine Pythio:

Pythius in longa carmina veste canit.
Quam

Quam vestem de palla interpretatur *Ferrarius*, quæ proprie erat mulierum, sed inde ad Musicos transiit. *Ovidius* Amor. lib. 1. cap. 8.

*Ipse Deus Vatum palla spectabilis
aurea*

*Tractat inauratæ consona fila ly-
ræ.*

Non abfimile ejusdem testimonium exstat lib. 2. *Metam.*

— *Calamis agrestibus insonat ille.*

Et mox :

*Verrit humum Tyrio saturata murice
palla.*

Erat autem palla ex *Isidoro* lib. 19. c. 25. quadrum pallium muliebris vestis deductum usque ad vestigia, affixis in ordinem gemmis. Et palla dicta est, διὰ τὴν κίνησιν, i. e. à mobilitate. De *Choraulæ* seu *Tibicinis* pallio luculentus est locus *Flavii Vopisci* in *Carino* Imperatore : *Inscriptum est adhuc in Choraulæ pallio Tyrianthino, quo ille velut spolio nobilitatis exultat, Messalæ nomen & uxoris. Longam togam*
Tibicini-

358 CASP. BARTHOL. l. 3.
Tibicinibus attribueretur Ovidius
lib. 6. Fastor.

*Cur vagus incedit tota Tibicen in
urbe?*

*Quid sibi personæ, quid toga longa
volunt?*

Scilicet idibus Januariis, quo die, ex
Plutarcho, ex aliis, Idibus Juniiis, per-
missum erat Tibicinibus per urbem
circumire, vestem indutis muliebrem.
Ideoque non parum ad rem nostram fa-
cit *Horatius* de Art. Poët.

*Sic priscæ motumque & luxuriam ad-
didit arti*

*Tibicen, traxitque vagus per pulpita
vestem.*

Quod plerique ita interpretantur, Ti-
bicines talarem & longam vestem ge-
stasse, ut gravitatem præ se ferrent,
quemadmodum conspiciuntur quatuor
illi Tibicines qui coronati longas Ti-
bias, ut in sacrificiis moris erat, inflant
in sacrificio solemni, quod in marmore
antiquissimo expressum est, cujus de-
lineatio, *Casatio* à Cl. Equite *Cassiano*
à Pu-



à Puteo transmissa, exstat de Splend. Urb. Rom. part. 3. c. 1. Et similis est statua parva ænea duas Tibias inflans, in Muséo Scipionis Cardinalis *Burghe-sii*, cujus delineationem Illustrissimo *Car. Anton. à Puteo* debeo, qualem paginâ antecedenti exhibeo.

Tunicam talarem exponit *Ferrarius* par. 2. de Re Vest. quasi sit palla; sed utramque distinguit, & seorsum nominat *Suetonius* in *Caligul.* cap. 54. cum palla tunicaque talarî profiluit. Talaris verò Tunica apud *Isidorum* lib. 19. cap. 22. dicitur eò quod ad talos usque descendat, & ad pedes defluat.

Antigenidem Thebanum Musicum primum fimbriatam vestem in commensationibus attulisse & calceis Milesiis usum fuisse refert *Suidas*. Tibicinum calceamenta *Pollux* κρητέζια vocat lib. 10. c. 33. Dicta sunt ἀπὸ τῆς κρητέρας, καὶ τῆς πίτας, à pedis plausu & percussione. Quippe in Theatris qui pede pulpitem percutiebant, ut ab omnibus melius crepitus ille intelligeretur,

tur, ligneas soleas sub pedibus habebant, interdum & ferreas, ut clarior esset sonus. Factum id, ut cæteris ad canendum præirent & modum signumque canendi darent. Et talis in Veterum Choris Mesochorus dicebatur. *Plinius* lib. 2. Epist. 14. *Hoc infiniti clamores commoventur cum Mesochorus signum dedit.* Sic *Sidon.* *Apollinar.* lib. 1. cap. 2. *Nullus ibi Lyrists, choraules, mesochorus, tympanistria, psalteria canit.* Unà cum Tibiarum in-
 centione hoc signum calceolo ferreo vel ligneo datum est saltantibus Pantomimis, ut gestum facilius moderarentur ad hunc strepitum compositum, uti *Lucianus* in Ajace furente de Pantomimo saltante prodit. Non rarò autem hoc à Tibicinibus ipsis factum est, qui ad chorum simul flabant & terram pede plaudebant, quemadmodum fide-
 dem facit idem *Lucianus* de Laonicis choris & hujuscemodi Tibicine:
 καὶ αὐλητῆς ἐν μέσῳ κἀθήμεναι, ἐπαυλῶν καὶ
 κλυπῶν τῷ ποδί. Hujuscemodi lignea

362 CASP. BARTHOL. l. 3.
iandalia Latinos appellasse Scabella,
quod instar scabellorum essent & ex
ligno fierent, pedibusque subjiceren-
tur ut scabella, suspicatur Cl. Salma-
sius. Certè Scabella, vel Scabilla, non
infrequenter apud Autores occurrunt.
Arnobius lib. 7. *Etiamne Symphoniiis?*
Quid efficiunt crepitus scabillorum? A-
pertè hæc Scabella non aliter concrepa-
re facit *Cicero*, quam illos qui Græ-
cis οἱ ποτὶ χλοῦρενες, vocabantur. Ita
enim ille pro *Coelio*: *Mimi ergo est*
jam exitus, non fabulæ. In quo cum clau-
sula non invenitur, fugit aliquis è ma-
nibus, deinde scabella concrepant, au-
laeum tollitur. Manifestiùs scabillorum
crepitum cum Tibiis conjungit *Sueto-*
nius in *Calig.* cap. 54. *Deinde repente*
magno Tibiarum & scabillorum crepitu,
cum palla tunicaque talari prosiluit &
desaltato cantico abiit. Nihilominus
quæ sint scabella opud prædictos
autores, quidve denotent, magna in-
ter recentiores contentio est; in eorum
explicatione propria occupatos. Ca-
rolus

c. 4. DE TIBIIS VET. 363
rolus Langius legit *Scamilla*, & credit
esse genus instrumenti musici quod
ore inflatur, cui subscribit *Torrentius*
ad *Suetonium*. Quibus forsitan aliquid
subsidiū accedet ex *Glossis Isidori*: *Sca-*
mellum symphoniaci; quæ tamen ita
exponit *Vossius* in *Etymol.* quoniam
unus symphoniaci modum dabat pulsu
scamelli. Atque hujus lectionis non
obscura indicia prodit *Inscriptio Spo-*
letina, si aliàs ad hoc forum pertinere il-
lam verum sit, apud *Gruterum* pag.
464. in qua: *Præf. Fabr. Romæ.*
Dec. 4. Scamillar. Operæ Veteres à Sce-
na &c. Ubi *Decuria quarta scamilla-*
rium, vel *scamillariorum*, corpus aut
collegium artificum signat, qui sca-
milla conficerent, ex mente *Val. Chi-*
mentellii de *Veter. Sellis* cap. 29. sed
num de scamillis Musicis, an ad seden-
dum scandendumque compositis, *In-*
scriptio hæc accipienda sit, dubitat.
Salmasius in *Fl. Vopiscum*, ut modo di-
ximus, censet revera antiquos habuisse
scabella in eum usum parata, quæ pedis

364 CASP. BARTHOL. l. 3.
pulsu lignea solea vel ferrea sonarent.
Sed illum refellit *Rubenius* ex eodem
Statii interprete quem ipse allegat in
hunc locum, & ad inspirata rotari *Bu-*
xa, qui exponit *inspirata buxa*, Tibiam
vel *scabellum*, quod in sacris pede sonare
consueverunt. Si enim vera scabella
erant, quomodo erant inspirata? In
defensionem autem *Salmasii* & inter-
pretis illius *Juvenalis*, quomodo per
scabella, quæ Tibicines in sacris pede
sonare, ut ait, consueverunt, *inspirata*
buxa exponi possint, non video; nisi
quod haud absimili loquendi modo usus
sit *Sidonius Apollinaris*, apud quem
lib. 1. cap. 2. *Mesochorus*, qui in cho-
ris apud Veteres pedum supplosione fi-
gnum canendi dedit, non minus canere
dicitur, quam *Lyristes*, *choraules*,
tympanitria, & *psaltia*.

Veram Scabillorum formam videri
putat *Rubenius* in statua marmorea,
quam de Re Vestiar. lib. 2. cap. 17. ex-
hibet, ex qua talem scabelli figuram ad-
jungo.

Ad



Adiectum horum scabellorum Tibiarum intentiones moderatæ sunt & unâ etiam alia instrumenta, ut eodem numero atque tempore omnia simul concinerent, Atque hæc mens fuit *Vopisci* in Carino : *Item & centum Salpistas uno crepitu concinentes, & centum camptaulas, choraulas centum etiam, Pitbaulas centum.* Ubi apparet tot simul Musicos ad unum crepitum æqualiter concinuisse, qui quidem perpetuum quendam & certum numerum dedit, sed in quo, sine Tibiis, nullo modo distingui potuit connexio, nimirum ubi finis vel ubi initium, cum unus & idem ubique semper tenor esset. In quam rem illustris extat apud *Augustinum* locus lib. 4. de Musica: *Quæro ex te, inquit, utrum possint copulati pedes, quos copulari oportet, perpetuum quendam numerum creare, ubi nullus finis appareat. Veluti cum Symphoniaci, Scabilla & cymbala pedibus feriantur, certis quidem numeris, & his qui sibi cum auriis voluptare*

luptate junguntur, sed tenore perpetuo :
Ita ut si Tibias non audias, nullo mo-
do ibi notare possis, quousque procurrat
connexio pedum, & unde rursum ad
caput redeatur.

C A P U T V.

Tibiarum Fabri & Confectores.

ATibicinibus diversi videntur fuisse
Tibiarum Fabri, & lingularum.
Horum meminit Pollux lib. 7. c. 33.
ubi de artibus operariis agit : ἀυλοποιὸς,
γλωττοποιὸς, ἀυλοτερέπης, Tibiarum confe-
ctor, lingularum opifex, Tibiarum per-
forator. Ex quibus totidem artes me-
morat : ἀυλοποιία, γλωττοποιία. Tibiæ
confectio, lingularum opificium. Talis
fuit Theodorus ille, Isocratis Rhetoris
pater, de quo Suidas : Isocrates Theo-
dori, Tibiarum fabri [ἀυλοποιῶ] Athe-
beniensis Orator. Accedit etiam de eo-
dem testimonium Philostrati in Vita
Isocratis : Pater ipsi Theodorus fuit,

quem vocabant Tibiarum fabrum [αὐλοποιόν.] Illum Theodorum ab hoc victum quæsiuisse opificio, & alios etiam servos Tibiarum fabros habuisse, docet *Dionys. Halicarnassæus* de Antiquis Oratorib. in Isocrate: *Patre autem fuit Theodoro, quodam mediocrium civium, servos Tibiarum fabros [θεράποντας αὐλοποιούς] possidente, & victum ab hoc habente opificio.* Artificium hoc non infimi subsellii nec pauci lucri fuit, ut ex eo constat, quod de Theodoro Tibiarum fabro fertur, illum, antea modicæ sortis, tot servos habuisse Tibiarum fabros, ut exinde factis sibi divitiarum comparaverit. *Plutarchus* in Vita Isocratis: *Isocrates Theodori quidem fuit filius Erechthiensis, mediocrium civium, servos Tibiarum fabros possidentis & divitis facti ab his, ut & choros duceret (choragus esset) & instituerit liberos.*

CAPUT VI.

*De Tibiarum à reliquis Instrumen-
tis, quæ oris flatu animantur,
differentia, & primò de Fi-
stula atque Pandurio.*

ATque ita quæcunque de Tibiis,
& rebus omnibus, quæ ad eam
pertinere visa sunt, ex Veterum
monumentis haurire licuit, apto or-
dine digesta exposui. Superest indi-
ce digito monstrare in quibus differat
Tibia hæc ab aliis reliquis instrumen-
tis, quæ oris spiritu impleta in so-
num vocis animantur, superiùs lib. I.
cap. I. inter organa ἑμπνεύσας vel ἑμ-
πνεόμενα relatis. Pauca solùm ex mul-
tis delibare placet & ad partes vo-
care, ne in nimiam molem excre-
scat hoc παράρτημα, quod ad majorem
Tibiæ illustrationem promissimus.

Initium dicendi dabit *Fistula*. In quibus apud Veteres illa à Tibia diversa fuit, plenè & eleganter simul indicat atque ob oculos ponit *Achilles Tati*us de Clitoph. & Leucipp. Amor. lib. 8. ita Latio donatus: *Porro fistula hæc si ori eam quis admoveat, eadem prorsus quæ Palladis Tibia, refert: verum hic digiti modos temperant, illic os manum imitatur: hic Tibicen foramina omnia, uno duntaxat excepto per quod spiritus exeat, obturat: illic fistulator arundines alias omnes liberas dimittens, uni tantum, quam quidem sonum edere velit, os admovet, qua deinde omissa, ad aliam atque aliam prout ad suaviorem cantum edendum fieri par est, transilit; eoque pacto circum arundines labra illius identidem feruntur.* Aptè hic differentiam inter fistulam, quam Pan invenerat, & Tibiam Minervæ exprimit, ex modo sive arte desumptam, qua ex utraque sonus elicitur. Tibia, cujus inventrix Pallas ferebatur; unica arundine constabat, sed

sed pluribus in locis perforata, ideoque opus fuit apto digitorum regimine, ut reliquis omnibus clausis, per unum aliquod, pro libitu, foramen emissus, rediret inflatus spiritus. Sed in Fistula, quam plures arundines componebant, & omnes sine ullo foramine, nisi quod ex ore spiritum exciperet, debuit idem efficere ea solum arundine inflata, quam sonum reddere postulavit ratio harmoniæ, mox alijs eodem modo oris spiritu impletis. Quod sane ingens artificium arguit, veteres eadem celeritate atque dexteritate potuisse distantia tubulorum ora labiis percurrere & spiritu implere in fistula, ac in Tibiæ foramina digitis obturata levi eorum motu aperire vel claudere. Atque hoc qua ratione fecerint, sibi haud satis constare fatetur *Scaliger* de Art. Poët. lib. 1. cap. 4. Nihilominus certum est fistulæ modulamen non alia lege constituisse, quam tali oris labiorumque per omnes arundines cursu atque recurso, quem quàm promptè

372 CASP. BARTHOL. 1.3.
exequuti sint, testatur *Claudianus* in
Epithal. Pall. & Celet. vers. 34.

— *Platano namque ille sub alta*
Fusus inæquales cera texebat ave-
nas,
Mænaliosque modos & pastoralia
labris
Murmura tentabat relegens, oris-
que recurſu
Diſſimilem tenui variabat arundine
ventum.

Cæterum ut illa omnia melius intelli-
gantur consultum duco paucis repetere
Fistulæ hujus materiam, formam, at-
que compactionis modum, & quæ alia
ad rem nostram dici merentur.

Fistulæ Latinis dictæ sunt, quia fissi
calami, vel quod vocem emittant, ut
placet *Isidoro* lib. 2. c. 20. Græci *σείρα*
nominant à sibilo, *σείρειν* enim non *fistu-*
lam solum sed & *sibulum* denotat, &
σειρίζειν seu *σειρίτειν* *fistula* canere & *sibi-*
lare. Unde *Martiano Capellæ* lib. 19.
sibilatrix enodis fistula. Et in Glossis *Isi-*
dori, *Fistulator*, *Sibilo*. Quippe *sibilus*
seu

c. 6. DE TIBIIS VET. 373.
seu *sibulum* proprie dictus est sonus ille
quem fistula inflata emittit. *Solinus*
cap. 53. *Voce tam sibila ut imitaretur*
modulos fistularum. Rem aperte declarat
Calphurnius Eclog. 10.

— *Sed nec resonare canorem*
Fistula quem fuerat, nec vult con-
texere carmen.

Sed pro carminibus mala sibila dissona
reddit.

Ovidius lib. 13. Metam.

Senferunt toti pastoria sibila montes.

Pastoria sibila, hoc est, sonos quos pa-
storitia fistula reddebat. Hinc & Cice-
ro lib. 1. ad Attic. Epist. 12. *pasto-*
ritiam fistulam pro sibilo posuit, quem-
admodum docti viri eum locum expli-
cantes notarunt. *Aristophani* fistula di-
citur, *Κύειξ καλαμίνη.* Polluci lib. 4.
Κύειξ ἐκ καλάμων. Facta enim est è cala-
mo concavo, quem *syringiam* Theo-
phrastus vocat. Et cum eo *Plinius* lib.
16. cap. 26. *Calamus vero alius, in-*
quit, totus concavus, quem syringiam vo-
cant, utilissimus fistulis, quoniam nihil est
car-

374 CASP. BARTHOL. 1.3.
*cartilaginis aut carnis. Materia igitur
maximè arundinea fuit, ut Calphurnius
Eclog.*

*Nec tibi defuerit mea fistula : quam
mibi nuper*

*Matura docilis compegit harundine
Lydon.*

Aut à cicutis petita, sic idem Calphur-
nius Eclog. 4.

— *Levibus quem sæpe cicutis
Ludere conantem vetuisti fronte pa-
terna.*

Cicutam verò Servius in Virgil. tradit
esse internodia calamorum, cui non ac-
cedit Scaliger. Sidonius Car. 2. ad hanc
fistulæ materiam alludit :

*Alta cicuticines liquerunt Mænala
Panis.*

Nec minus ad fistulam usitatus fuit
stipes avenaceus. Unde Valer. Flaccus
lib. 4.

*Cum subito Arcadio sonuit cava fi-
stula risu.*

*Imperiumque Patris celerans Cylle-
nius ales*

Ad.

*Advenit: & leni modulatur carmen
avena.*

Fistula unius calami, *Ούειγξ μενοκαλά-
μω*, *Hesychio* ἰουγξ appellatur. Etenim
ab initio singulares fuere tubuli, mox
bini cohærentes. Qui numerus postre-
mò crevit ad septenos usque, magni-
tudine omnes inter se impares, sed pro-
portione certa. In summo quâ infla-
bantur æquales erant, inæquales, sed
æqualiter, qua exit spiritus. Unde dis-
pares describit *Ovidius* *Metam.* lib. 8.

*Fistula disparibus paulatim surgit
avenis.*

Et *Metam.* lib. 2.

— *Dispar septenis fistula cannis.*

Ubi & numerum tubulorum indicat,
in quo consentit *Virgilius* *Eclog.* 2.

*Est mihi disparibus septem compacta
cicutis*

Fistula

Totum verò hujus connexionis mo-
dum, secundum æqualem excessum
dispositis calamis, & rationem con-
centus, qui ex illa proportionem seque-
batur,

376 CASP. BARTHOL. l. 3.
batur, omnibus aliis melius illustrat
insignis apud *Achillem Tatium* lib. 8.
locus, quem ideo hic adjungam prout
verba Interpretis Latini se habent:
Fistula pluribus è Tibiis compacta est:
quæ singulis ex arundinibus constant.
Atque arundines ipsæ omnes perinde ac
Tibia una sonum edunt: inter seque
ita collocatæ sunt, ut altera alteri or-
dinatim adhæreat. Facies anterior po-
steriori similis habetur. Quoniam au-
tem harundinum aliam alia excedit,
illud scire oportet, altero ex capite
quantò primam secunda superat, tantò
secundam à tertia superari, cæteras-
que deinceps proportionem eandem sequi.
Ex altero autem capite æquales illas in-
ter se omnes esse: quæ omnium media
est, ea longiore dimidio minor est. Eo
autem ordine dispositæ arundines fue-
runt, ut æqualis effici concentus pos-
set. Nam cum acutissimus sonus in
sublime admodum feratur, gratissimus
autem contra deprimatur, amboque ex-
tremas arundines, alter alteram scili-
cet,

c. 6. DE TIBIIS VET. 377
cet , sortiti sint , interjacentes alias ,
quæ vocum intervalla moderarentur ,
constitui necesse fuit. Illæ enim sonos
impares , sed tamen pro rata portione
distinctos naëtæ , acutaque cum gravi-
bus temperantes , in causa sunt ut ex-
tremæ inter se congruant sic , ut æqua-
lis demum concentus efficiatur. In fi-
stula describenda incipit ille à minimis
calamis , & procedit ad majores. Alii à
majoribus progrediuntur ad minimos ,
ut *Tibullus* lib. 2. El. 5.

*Fistula cui semper decrescit arundi-
nis ordo ,*

*Nam calamus cera jungitur usque
minor.*

In hunc modum avenas struere dicit
Ovidius lib. 1. *Metam.* vers. 676. de
pastore , qui

— *Structis cantat avenis.*

In illa fistulæ structura cohærebant bi-
ni vel plures calami juncti cera. Lium
vel setas quoque in hunc usum addit
Scaliger in *Art. Poët.* De cera non pauci
consentiunt Autores. *Virgilius* *Eclog.* 3.
Aut

— *Aut unquam tibi fistula cera
Juncta fuit.*

Apud *Æschylum* Prometh. Vincit.
κηρόπλαστο δένει fistula cerea. Quippe
in qua calamos expressè vinculo ceræ
junctos decantat *Calphurnius* Eclog. 4.

— *Calamos & odore vincula ceræ
Fungere.....*

Nec aliter Eclog. 8.

*Tu calamos aptare labris, conjun-
gere cera.*

Idem Eclog. 10.

*Nulli fas est inflare cicutas,
Quas ego Mænaliis cera conjungo sub
antris.*

Ita enim plures voces reddidit fistula
ex pluribus cannis compacta, qualis
illa alba cera juncta, apud *Theo-
critum*, novem vocum, Idyll. 8. *Κύεργς
ἐννεάφωνος*. Quippe totidem cannas e-
tiam Fistulam nonnunquam habuisse
observo, uti illa est Romæ mihi visa in
Tabula parva figulina, quam in Muséo
suo servat *Jo. Petr. Bellorius*, & hîc ex-
hibeo.


Cum



Cum undecim calamis, quorum sex inæquales & reliqui æquales, Fistula conspicitur in ædibus Farnesianis Romæ, cujus mihi indicium dedit *Franciscus Nazarius*.

Fistula septem cannis compacta visitur in aræ Cybelis latere dextro, quam ex ædicula Sancti Michaelis Romæ in Vaticano exhibet *Gruterus* Inscript. pag. 27. tali schemate, ac versâ paginâ occurrit.

Si-



Similis est fistula quæ cum crotalo & duabus Tibiis conspicitur Romæ in Cippo, Via Aurelia in suburbio, unâ cum inscriptione nondum edita, cujus indicium debeo Eruditissimo amico *Raphaeli Fabretto*. Ex inscriptione illa sequentia solum legi possunt.

DIIS. SANCTIS
MATRI. DEVM. MAG
NAE. IDI.. DEO. ATTI
MENO..... VSVC

.....

In-

Inventionem Fistulæ Mercurio tribuit *Apollodorus* de Deor. Orig. lib. 3. Alii Fauno sive Pani adscribunt. Quidam ab Idi pastore inventionis originem deducunt, si consulamus *Isidorum* Orig. lib. 2. cap. 20. *Fistulam*, inquit, quidam putant à Mercurio inventam: alii à Fauno, quem Græci vocant *Pana*. Nonnulli eam ab Idi pastore *Agrigentino ex Sicilia*. Ideo Fauno suspensa, apud *Calphurnium* Eclog. 8.

*Fam mea ruricolæ dependet fistula
Fauno.*

Atque *Tibull.* lib. 2. El. 5.

*Pendebatque vagi pastoris in arbore
votum*

*Garrula sylvestri fistula sacra
Deo.*

Ejus primus inventor Pan apud *Virgil.*
Bucol. Eclog. 2.

*Pan primus calamos cera conjungere
plures*

*Instituit: Pan curat oves oviumque
magistros.*

Unde pastoribus illa maximè fuit in
usu,

382 CASP. BARTHOL. l. 3.
usu, & *fistula nota jumentis*, apud
Sil. Ital. lib. 2. quia Pan Pastoralis
Deus. *Propertius* lib. 4. *Eclog.* 4.

*Sylvani ramosa domus ; quo dulcis
ab æstu*

Fistula poturas ire jubebat oves.
Horatius Carm. lib. 4. *od.* 12.

*Dicunt in tenero gramine pinguium
Custodes ovium carmina fistula,
Delectantque Deum, cui pecus & nigri
Colles Arcadiæ placent.*

Junius Philargyrus in *Bucolica* Vir-
gilii, per Pana naturam rerum omnium
intelligit, & per Panis, pastoralis Dei,
cornu, Solem significari & Lunam :
per fistulam, septem planetas stellas :
per pellem maculosam, coeli sydera :
per cannam, ventos &c. Cæterum ex
fabulosis Paganorum traditionibus Pani
Deo inventio fistulæ assignatur, nec,
quam inventioni huic occasionem fin-
gunt, ignoro, ab *Achille Tatius*, præter
alios, edoctus, quo teste, lib. 8. de
Clitoph. & Leucip. Amor. fuit quondam
tempus, cum *fistula hæc neque Tibia
neque*

neque arundo erat, sed virgo formosa, quæ cum sui amore captum Pana Deum fugeret, densissimam in sylvam sese recepit. Pan verò consecutus puellæ manum injecit: cumque capillis comprehensam illam tenere se arbitraretur, arundinum frondes pro coma apprehendisse comperit, quas puellæ loco è terra enatas ajunt. Has igitur, utpote quæ amicam sibi suam eripuissent, iræ impotentia devictus, succidit. Verum puella, quam sub arundinibus latere putabat, minimè inventa, facti conscientia commotus, quod amicam letho se dedisse crederet, ingemuit, dissectasque arundines, tanquam virginis membra essent, colligens atque in unum componens, manibus continere atque ori admoveere perrexit. Ita dum amatorie lamentatur, ipsisque arundinum sectionibus, quasi puellæ vulneribus, suspirans oscula infert, spiritus calamos intravit, perque angustias eorum remeans sonum edidit. Syringam Nympham illam, Ladonis fluvii filiam, vocatam,

vocatam, refert Ovidius, qui Metamorph. lib. 1. vers. 690. & seq. exponit quomodo illa, ardentem à Pane Deo amata, ne virginitatem amitteret, in arundinem fuerit commutata, additque de Pane:

Panaque, cum prensam sibi jam Syringa putaret,

Corpore pro Nymphæ calamos tenuisse palustres:

Dumque ibi suspirat, motos in arundine ventos

Effecisse sonum tenuem, similemque querenti:

Arte nova vocisque Deum dulcedine captum,

Hoc mihi consilium tecum dixisse manebit:

Atque ita disparibus calamis compagine ceræ

Inter se junctis nomen tenuisse puellæ.

Fabulam illam repræsentare suspicor figuram, quam ex Thermis Vespasiani adducit Boissardus, & ego hîc subjicio, nisi



R.



nisi quod artifex non satis aptè assidentem sculpsit, cùm loco fistulæ pluribus calamis compactæ, simplicem tubam affinxerit.

Præterea quia Pan ejus inventor ferebatur, fistulam ejusmodi, quæ plures calamos junctos & ordine decrescentes habuit, postea nonnulli *pandorium* vel *panduram* nuncuparunt, quemadmodum *Isidorus: Pandorium ab inventore vocatum, de quo Virgilius: Pan primus calamos cera conjungere plures instituit. Fuit enim apud gentiles Deus pastoralis, qui primus dispares calamos ad cantum aptavit, & studiosa arte composuit.* Cæterum *pandorium* vel *panduram* aliter veteres accepere autores, aliter recentiores, bene ita monente *Cl. Salmasio* in *Aug. Rom. Script.* Quippe veteres *trichordum* appellarunt, ut *Pollux* & *Hesychius*: Recentiores, ut *Isidorus* atque *Cassiodorus*, inter *ἡμῶν ὄργανα* organa recensuerunt. Et sic *pandorium* vel *panduram* vocare cœperunt, quæ septem discrimina vocum totidem calamis

lamis edidit, *fistulam* verò, quæ una tantum arundine constitit. Hoc discrimen probat *Salmasius* testimonio *Martiani Capellæ*: quidam agrestes canori *semidei*, quorum *Hircipodem pandura*, *Sylvanum arundinis enodis fistula sibilatrix*, *rurestris Faunum Tibia decuerunt*. Cui & addam aliud ex eodem autore petitum lib. 9. *Tibiæ per Tritonidem nostri comitem & Marsyam Lydum sonuerunt, calamos Maryandini & Aones in laudes inflavere cælestium, Panduram Ægyptios attentare permisi*. Hic *Anton. Delrio* legit, *pandorium*, ex *Isidoro*. Qui hujusmodi organo cecinit, *pandurizare* dictus est Latinis. Quod usurpat *Ælius Lampridius* in *Heliogabalo*. Græcis *πανδύριον*, *πανδύριον*, & *πανδύριον* appellatur. *πανδύριον* *Hesychius* interpretatur & *psalterium* & *λύρα*. Elauro, quæ ad mare nascitur, factum describit *Eustathius*, id quod sumpsisse videtur ab *Athenæo* lib. 3.

CAPUT VII.

De Tuba , Concha , Buccina , Cornu , Lituo , Tibia utriculari , & Pithaulica , organo , atque hydraule . Eorumque omnium & Tibiæ discrimine .

Non pauci sine ullo discrimine de Tuba , Tibia , buccina , &c. dixere , quas tamen omnes reapse distinctas apud Veteres fuisse constat . Ut diversa organa illa tractat *Apulejus lib. 3. Florid. Siquidem ; inquit , vox hominis , & tuba rudiore torvior , & Tibia questu delectabilior , & fistula susurro jucundior , & buccina significat ulonginquior . Omnis illa differentia olim inter Tibiam atque Tubam , clariùs patebit , ubi Tubarum formas & species apud Veteres observatas indicavero brevissimè . Diversa illa fuit à Tibia non solum*

solùm quàm nominis, sed etiam inventionis originem, imo & quàm formam, materiam, atque usum.

Tubæ nominis ortum à *tubo* sive canali, quem referebat, deduxit *Varro* lib. 4. Pro *tuba salpistas* nonnulli dixere, nam & *Rhodiginus* lib. 16. cap. 19. genera Tubarum Salpistica vocari docet. Atque *Turnebus* Advers. lib. 28. cap. 6. ex Lexico veteri, *Salpista, Tubicen* interpretatur. Fuerunt autem *Tubæ* in summa parte amplæ & concavæ, in infima verò arctæ. Pars illa latior *Tubæ* *κόρυς* dicta est Græcis, uti *Suidæ*. In quam formam laminæ ad *Tubas* ductæ atque effictæ sint, abunde docet *Iosephus* lib. 3. Antiquit. cap. 11. de Moyse: Reperit etiam formam buccinæ ex argento factæ: est autem talis, longitudinem quidem habet paulo minus cubitalem, crassitudine autem est *Tibiæ* paulo crassior; cujus os tantum patebat, quantum ad inflandum sufficeret: desinebat in extremitate campanulæ similis; quemadmodum *tuba*,

390 CASP. BARTHOL. l. 3.
quæ Afofra vocatur apud Hebræos. Ex
quibus Jofephi verbis Scacchius My-
roth. 3. cap. 55. ftatuit Tubam He-
bræorum ejufdem omnino formæ fuiſ-
ſe cum Tuba Romanorum , quam ex
lapidibus & nummis talem tradit , qua-
lis hic videri poteſt.

Tubæ formam rectam ab incurvo
cornu diſtinxit Ovidius :

Non Tuba directi, non æris cornua
flexi.

Pari mente Juvenalis Sat. 2. verſ. 117.

Cornicini, ſive hic recto cantaverit
ære.

Aliter tamen de eadem Lucanus lib. 1.

— Batavosque truces, quos ære
recurvo

Stridentes acuere tubæ.

Quippe Tuba plerumque ex ære fuit.
Virgilius Æn. lib. 9.

At tuba terribilem ſonitum procul ære
canoro

Increpuit

Ex offibus etiam ſimul junctis atque
conglutinatis tubam quondam forma-
tam



392 CASP. BARTHOL. l. 3.
tam esse censet *Passeratius* in *Propert.*
lib. 4. El. 3.

*Et struxit querulas rauca per ossa
tubas.*

Quem reprehendit *Fortun. Scacchius* in
Myroth. 3. quasi inter tubam & Ti-
biam non distinxerit, qui antiquitus
fieri solitas tubas ex ossibus putat. Quod
quidem de Tibia verum esse admittit
Scacchius præeunte *Plutarcho*, sed ad
tubam ossa minus accommodata fuisse.
Poëtam igitur tubam osseam dixisse,
propter osseam ligulam, quam tubæ
ait admotam ad sonum edendum, de
qua sic loquitur: *Ligulæ circa medium
partes constringuntur ac colligantur, &
à tubicine ad sonum edendum sic astrictæ
intra os recipiuntur.* Utrumque sanè
concurrere ad Tubam asserit *Artemi-
dorus* lib. 1. c. 58. *ὀγκειται γ' (ἡ σάλπιγξ)
ἐξ ὀστέων καὶ χαλκῶ.* *Composita est enim tuba
ex ossibus & ære.*

De Tuba agit *Ful. Pollux* *Onom.*
lib. 4. cap. 11. & ejusdem discrimina
varia annotat *Eustathius* in *Iliad.* 3.
cujus

c. 7. DE TIBIIS VET. 393
cujus sex genera facit: Primam, quam
Minerva invenit, quæ etiam Argivis co-
latur hoc cognomento, Σάπυξ Ἀθλῶν.
Alteram apud Ægyptios, quam Osi-
ris reperit, utunturque ad sacrificia;
Tertiam Gallicam, haud nimis ma-
gnam, quæ os habeat deformatum in
bestias, & canalem ipsum plumbeum,
in quem inspirant Tubicines: atque
eam esse acuti soni, vocari autem ab
ipsis Gallis, *Carnyx*; Quartam Paphla-
gonicam, gravi mugitu sursum inflan-
dam, cujus os effigiem habet bovis;
Quintam Medicam, è calamo Tubum
habentem, gravi sono; Sextam Tyr-
rhenicam, cujus inventores Tyrrheni,
quæ similis Tibiæ Phrygiæ, habens
orificium scissum & fractum. Illa for-
san Tuba est, cujus inventionem Pi-
seo Tyrrheno tribuit *Plinius* lib. 6.
cap. 56.

Tuba Tyrrhenum melos dicitur a-
pud *Hyginum* Fab. 274. quia Tyr-
rhenus Herculis filius eam invenit, qui
concha pertusa buccinavit. Priscos e-

394 CASP. BARTHOL. l. 3.
nim ante inventam tubam concha usos
esse extra controversiam est, quemad-
modum etiam ad *Lycophronem* notavit
Meursius. Sic *Apulejus* lib. 4 *Me-*
tam. Jam passim maria persultantes Tri-
tonum catervæ; hic concha sonaci leni-
ter buccinat. Quippe Tritoni, ut Deo
Marino & Neptuni Buccinatori, tuba
attributa est à Veteribus, ex concha,
id est, cochlea marina, quæ tortilis cre-
scit ab angusta parte, qua inflatur, tur-
binatim & in amplum desinit. Elegan-
ter hæc persequitur *Ovidius* lib. 1. *Me-*
tam. vers. 333.

Cæruleum Tritona vocat conchaque
sonaci

Inspirare jubet: fluctusque & flumi-
na signo

Jam revocare dato. Cava buccina
sumitur illi

Tortilis inlatum, quæ turbine crescit
ab imo.

Quem locum ex opinione veterum in-
terpretandum censet *Turnebus* lib. 2.
Adv. cap. 21. credentium Tritonem,
Neptu-

Neptuni Buccinatorem, canoro immanique clamore aquas increpare, & tanquam auritas vocare, quæ ejus imperio consueverint parere. Idem etiam de Misenò *Virgil. Æn. lib. 6. vers. 171.* qui cava

— *personat æquora concha.*

De hac maris concha *Nonnus Dionys. lib. 17. & Silius Italicus lib. 14.*

Nec mora terrificis sævæ stridoribus æris

Per vacuum latè cantu resonante profundum

Incubuerè tubæ, queis excitus æquore Triton,

Expavit torvæ certantia murmura conchæ.

Hinc originem fluxisse credo, cur Tritonas cum buccinis fastigio Saturniædis superposuerint, referente *Macrobiolib. 1. Saturn. cap. 8.* Et ex hac concha, quæ pro Buccina Tritoni assignata est, aptè explico quare Venus, quæ apud *Claudianum* Tritone marino Deo per altum vehi dicitur, aliis inducatur,

R 6 quasi

396 CASP. BARTHOL. l. 3.
quasi concha vecta, quemadmodum
apud *Tibullum* lib. 3. El. 3.

Et faveas concha Cypria vecta tua.

Forſan talis tuba vel buccina marina
eſt, quam exprimunt Numismata
Bruttiorum adducta à *Goltzio* in Græ-
cia magna Tab. 24. Quæ paulo aliter
videtur in Numism. Valentiaë apud
eundem Tab. 35.

Fuit ergo buccinaë talis uſus ante tu-
bam, & primus Tyrrhenus Herculis
filius, apud *Hyginum*, concha pertu-
ſa buccinavit, & pagum convocavit,
teſtatusque eſt, ita ſatente *Hygino*, ſe
mortuum ſepulturæ dare. Quod exem-
plum Romanos ſervare tradit, Fab.
324. ut cum aliquis decedit, Tubici-
nes cantent & amici convocentur, te-
ſtandi gratia eum neque veneno neque
ferro periſſe. Ideoque frequens ejus
uſus fuit

Luſtificum clangente Tuba,
apud *Val. Flaccum* lib. 3. Quæ neque
minus conſuevit

inter ſacra ſonare,

ex

C. 7. DE TIBIIS VET. 397
ex Calphurn. Ecl. 1. Unde Suidæ:
Σάλπιγξ ἱερὰ καὶ ὄργανον, *Tuba sacrum
instrumentum*, nam sacerdotes ea usi
sunt. Possem alios multos apud Vete-
res Tubæ usus recensere, si id jam a-
gerem, quorum nonnullos sibi pecu-
liares habuit, quosdam cum Tibia
communes. In Triumphis cantaba-
tur fera

— — *nil nisi pompa Tuba,*
si credimus Ovidio lib. 1. Fastor. Illa
eadem apud Virgil. Æn. 5.

Commisso medio canit aggere ludos.
Quare *terminalis tuba* Apulejo lib. 10.
quæ primitias & ludicra certaminum
finiret & terminaret, & *Floralis Tuba,*
Juvenali, qua Floralibus usi sunt. In
bello classicum tuba cantatum quis i-
gnorat? quæ bellicum quondam ceci-
nit in legionibus Romanis, ex Fabio
lib. 2. cap. 18. aliisque. Vegetius lib. 2.
cap. 22. *Quoties pugnatur & Tubicines
& Cornicines simul canunt.* Cuique
turmæ ac manipulo suos fuisse Tibi-
cines patet ex Sallustio, qui de Mario:
Cohor-

398 CASP. BARTHOL. 1.3.

*Cohortium, turmarum, Legionum Tubi-
cines simul omnes canere jubet. Illud
idem clarè satis deprehendo in Inscri-
ptione Gruteriana pag. 544.*

DIIS. MANIBVS

SACRVM

VLPIAE. PYRALLIDI

CONIVGI. ET

SIBI

HILARVS. AVG. LIB

TVBIC. LEG. V.

ALAVD. P. FEL.

VIVVS. FECIT.

Sed & alia, non minus elegans, nec à
Grutero notata, Inscriptio exstat in
hortis Quirinalibus, quam mecum com-
municavit, in Antiquitatis rudерibus
investigandis diligentissimus, *Raphaël
Fabrettus*:

D. M.

P. AELIVS. AVITVS

TRAIANOPOLI

TVBICEN. EQ. SING. AVG

TVRM. AELI. LVCANI

NATIONE. THRAX

V. A.

V. A. XXXV. MIL. A. XV.

P. AELIVS. AVRELIVS

HER. ET. IVLIVS. MAXIMVS

fic

DECVRIO. SECVS. HER. OPTIMO

AMICO. FACIEND. CVRAVER.

Buccina etiam bello signum datum
esse constat ex *Curtio* lib. 3. cap. 3. &
Virgilio *Æn.* 6.

— *Bello dat signum rauca cruentum*

Buccina

Sic etiam *Claudianus* de bello Gildoni-
co vers. 447.

*Excitet incestos turmalis buccina so-
mnos.*

Quod illustrat in Tabella marmorea
Inscriptio apud *Gruterum* pag. 559.

C. SALLIO. MATERNO. BVCCINATORI.

LEG. V ALAVDAE. C. SALLIO. ARCI-

NIO. CAESAR. N. TVBIC. C. SALLIO

SVES LA. N. PRIMIONI. CORNICVLAR.

LEG. III. AVG. C. SALLIO. CAPONIO. COR-

NIC. OLL. IIII. SALLIA. FORTVNAT

PARENT. INFELICISS. FEC.

Vide

400* CASP. BARTHOL. 1.3.
Vide *Lipsium* lib. 5. de Re Milit. Rom.
Dial. 10. *Kegetius* lib. 2. cap. 22. *Clas-*
sicum appellatur quod *Buccinatores* per
cornu canunt. Ad vigilias quoque Buc-
cina signum dedit, teste *Livia* lib. 7.
inde *Propert.* lib. 4. El. 4.

Et jam quarta canit venturam buc-
cina lucem.

Qui buccina cecinere, Græcis dicti
βουγενεῖς, ut *Dionys. Halicar.* sicut La-
tinis *Buccinatores*, quod quidem *Varro*
à vocis similitudine & cantu dictum
vult, quia *Bou Bou*, canunt. *Isidorus*
Buccinam à voce, quasi vocinam deri-
vat, quod *Pagani* ea vocabantur. Ad-
hibita quippe ad cives convocandos,
unde *Propertius* de *Romuli* temporibus
lib. 4. El. 1.

Buccina cogebat priscos ad verba Qui-
rites.

Inde transiit ad pastores, qui buccina
ex bubulo cornu usi sunt ad convoca-
dos boves. *Columella* lib. 6. cap. 23.
Id semper crepusculo fieri debet, ut ad so-
num buccinæ pecus, si quod in sylva sub-
stiterit,

C. 7. DE TIBIIS VET. 401
stiterit, septa repetere consuescat. Ita
Propertius lib. 4. El. 11.

Nunc intra muros pastoris buccina
lenti.

Cantat.....

Inter buccinam bellicam & cornu
etiam, quo in præliis usi sunt, aliquid
fuit discriminis. Valer. Flaccus lib. 6.

Prælia nunc rauco curant incendere
cornu.

Ut Tubas ita & Cornua pro inventis
Tyrrhenorum habet Athenæus lib. 4.
Ab illis Cornicen dictus, de quo Inscri-
ptio ex Gruter. pag. 1106.

Q. A T I L I V S

R V F V S

C O R N I C E N

P. Q. X.

Appellata autem sunt Cornua, juxta
Varronem, quod olim fierent ex bu-
bulo cornu, quæ postea ex ære efficta.
Sic Virgilius Ænead. lib. 6.

Æreaque assensu conspirant cornua
rauco.

Et Statius Thebaid. lib. 8.

— Cum

— Cum jam *Mavortia* contra
Cornua, jam *sævos fragor æreus*
excitat enses.

Fuere verò reflexa ex ære recurvo, in quem finem *Vegetius* lib. 2. cap. 8. *Tubicines*, inquit, *Cornicines*, *Buccinatores*: qui vel *tuba*, vel *ære recurvo*, vel *Buccina* committere prælium solent. Ubi distinctè quid inter singula hæc instrumenta fuerit differentię apparet, unde *προκύλη σάλπιγξι σάλπιγγειν*, *inflexa tuba canere*, apud *Artemidorum*; de Cornu ex ære recurvo accipiendum est, qualia non raro in veterum monumentis occurrunt hac forma, ut in *Columna Trajana* num. 56. sed illud *Tubæ* adjunctum, quod specie hastæ, spicula lata habentis, *Ciacconio* imposuit, ex animadversione *Jo. Petr. Bellorii*, alii usui inserviebat, nimirum ut facilius pondus instrumenti sustinerent, & commodius incinerent, quemadmodum in aliis locis expressius videtur, & præcipuè num. 84. Ejusdem rei non obscura vestigia deprehendo



hendo in Marmore Antiquo, mihi Romæ viso, cujus delineationem è regione habes. Exstat in horto domus quondam *Advocati Ronconi* è regione S. Isidori Hibernensium & hominem exhibet cum lituo, ad cujus pedes Cornu inflexum, tale ferè ac in Columna Trajana, cum hac inscriptione:

M. IVLIVS VICTOR

EX COLLEGIO

LITICINVM CORNICINVM.

Talia inflexa ex ære cornua expressit, me iudice, *Apulejus* lib. 11. *Metam. Ibant & Tibicines dicati magno Serapi: Tibicines qui per obliquum calamus ad aurum porrectum, dextera familiarem templi, Deique modulum frequentabant.* Licet ad aliud genus Tubæ *Scacchius Myroth.* 3. cap. 57. hæc verba *Apuleji* trahat, in quibus duo notat: alterum spectat ad formam magnitudinemque Tubæ, quam expressit in illis verbis: *obliquum calamus ad aurem porrectum.* Alterum respicit musicalem harmoniam, ad quam illius tubæ usus erat, quem

M·IVLIVS·VICTOR

E
X
C
O
L
L
E
G
I
O



ITICINVM·CORNICINVM.



quem ex iis verbis, *dextera familiarem templi Deique modulum frequentabant*, talem elicit *Scacchius*, quasi dextera extendente vel retrahente tubæ canales, musicales soni ab ea ederentur: in eaque extensione & retractione Tibicines modularentur. Cæterum quamvis ingeniosam explicationem non rejiciam, serius tamen apud me veri fidem merebitur, donec præeuntia antiquorum monumenta tali schemate viderim, quod necdum mihi ex veteribus haurire licuit, licet nostris temporibus illud Tubæ genus exstare atque in usu esse non ignorem.

Fuit aliud Buccinæ genus incurvum, *Lituus* veteribus dictum, ex *Festo*, gracilem edens vocem, quo in bello utebantur. Qui eo canebat *Liticen* dictus est. *Priscianus* lib. 1. *Liticen*, *Liticinis*, ex *Lituo*, quod est genus Tubæ minoris. Unde & soni fuit acutioris, quemadmodum apud *Statium*:

Et lituis aures circumpulsantur acutis:
Lucanus lib. 1.

— *Stridor lituum clangorque Tubarum.*

Quippe *Scholiastes* ad *Horatium* notat, Lituum equitum fuisse, ut peditum Tubam. Præterea *Lituus* etiam appellata est virga brevis, in parte, qua robustior erat, incurva, qua sacrificiorum administri usi sunt. Sed hujus litui, qui tanquam insigne auguratus fuit, primus usus à Romulo fluxisse creditur, qui eo regiones direxit tum cum urbem condidit, cujus figuram non uno loco in *Grutero* contemplamur. Ille Romuli lituus, id est incurvum & leviter à summo inflexum bacillum, ab ejus litui, quo canitur, similitudine nomen invenit, quod credimus *Ciceroni* lib. 1. de *Divinat.* Licet dubitet *Gellius* lib. 5. cap. 8. & quæri posse animadvertat, utrum lituus auguralis à Tuba, quæ lituus appellatur, an tuba à lituo augurum lituus dicta sit, *Utrumque enim*, inquit, *pari forma & pariter incurvum est.* Sed si, ut quidam putant, tuba, à sonitu, lituus ap-

408 CASP. BARTHOL. l. 3.
appellata est, necesse concludit ita
accipi, ut virga auguralis à tubæ si-
militudine lituus vocetur. Istiusque
vocabuli usum pro Tuba, ex *Virgilio*
confirmat:

*Et lituo pugnæ insignis obibat &
hasta.*

Paria atque eadem planè de hujus &
litui auguralis denominatione habet
Macrobius Saturn. lib. 6. cap. 8. Ex
adunco ære lituum describit *Seneca*, &
simul ejusdem materiam cum forma
nobis indicat, in *Oepido*:

*Sonuit reflexo classicum cornu
Lituusque adunco stridulos cantus
Elisit ære*

Transeō ad aliud genus organi, Ti-
biam nempe, quam *utricularē* vel
utriculariam ex conformationis modo
appellare licet. Illam descriptam repe-
rio in epistola ad Dardanum, quæ
Hieronimo vulgo tribuitur: *Antiquis
temporibus fuit chorus quoque simplex,
pellis cum duabus cicutis æreis, & per
primam inspiratur, secunda vocem
emit-*

C. 7. DE TIBIIS VET. 409
emittit. Ubi Salmasius ita legendum existimat antiquis temporibus dorus quoque simplex pellis. Nam αοῆς Græcis est pellis. Plures postea calami ad utrem accessere Naulia sive nablia, diminutivum à nabla, quæ organi species est apud Suidam, ad hujus Tibiæ significationem nonnulli trahunt. Scilicet volunt vocabulum Hebraicum, Nevel & Navel, quod in Esaia legitur & Amos, Græca figura naulon formare, cujus diminutivum naulion; sed repugnante Politiano Miscell. cap. 14. qui hoc vocabulum Hebraicum præ-tendit, Græcè psalterium dictum, Latine laudatorium. Nevel autem Romanus Emanuel, apud Politian. Hebraico Commentario in Psalmos, putat esse utriculariam Tibiam, videlicet etymon secutus, quod ab utre deduci vocabulum illud apud Hebræos videatur.

Hujus Tibiæ forma inde elucet, quod illi ventriculum humanum figuræ similitudine comparent Anatomici.

Usus autem talis fuit, ut quoties sonus
S elicien-

410 CASP. BARTHOL. 1.3.
eliciendus esset, deberent Utricularii
inflare utrem & retinere manu cala-
mos & pressum utrem cubito quaterere,
ita ut calami vibrarentur ex jactatione
assidua. *Virgilius* in *Copa*:

*Copa Syrisca caput Graja redimita mi-
tella,*

*Crispum sub crotalo docta movere
latus,*

Ebria formosa saltat lasciva taberna,

Ad cubitum raucos excutiens calamos.

In quem lege doctissimum *Scaligerum*.

Tempore quidem posteriori *Mantuanus* Poëta Tonium quendam utricula-
rium paganum *saccommusa* ludentem e-
leganter depingit in *Bucolicis*:

*Et cum multifori Tonius cui Tibia buxo,
Tandem post epulas & pocula multi-
colorem*

*Ventriculum sumpsit, buccasque infla-
re rubentes*

*Incipiens, oculos aperit: ciliisque levatis
Multotiesque alto flatu è pulmonibus
hausto*

*Utrem implet, cubito vocem dat Tibia
presso, Nunc*

Nunc huc nunc illuc digito saliente....
 Qui hujuscemodi organo usus est; Latini dicitur *Utricularius* quam vocem usurpat in Nerone Suetonius cap. 54. *Sub exitu quidem vitæ palam voverat, si sibi incolumis status permansisset, proditurum se partæ Victoriæ ludis etiam hydraulum & choraulam & utricularium.* Ibi patet utricularium in ludis jam tum Neronis tempore cecinisse. Græci illos artifices ἀσκαύλας appellavêre, unde etiam Latini *Ascaules*, pro utriculario. Sic *Martiali* lib. 10. ep. 3.

— *Credis hoc Prisce*

Voce ut loquatur Psittacus coturnicis?

Et concupiscat esse Canus Ascaules.

Turnebus Advers. lib. 11. cap. 25. apud *Vopiscum* in *Carino*, pro *Camptaulæ*, quam vocem minus usitatam dicit, & à Græcis oriundam ne à Græcis quidem ipsis agnosci, legit *Ascaulæ*: mihi quidem, inquit, falsa videtur & irreptitia, legendumque *Ascaulæ*, ut sunt *Utricularii*. Sed & mox in eadem vita, pergit *Turnebus*, pithaulas legimus: quorum

412 * CASP. BARTHOL. l. 3.
armamentum musicum imitatur, ut
quidam censent, dolium, ut illorum
utriculum. Ita aliorum erat rotundius
& tumidius, minus tamen: aliorum
oblongius & teretius majusque instru-
mentum. Ego verò pythaulas esse le-
gendum contenderim, ut sint tibicines
qui Pythia cantant.

Pithaulas apud veteres is fuit, qui ex
πίθος, cado ligneo, *Tibiam* inspirat, quam
Pithaulicam vocat *Diomedes* lib. 3. In-
cadis enim impares Tibiæ animatæ ho-
minis spiritu, foraminum varietate aut
regularum motu sonitum edidere. In
quam sententiam nonnulli trahunt *Sene-
cam*, ubi inquit: *Quomodo cantantis vox
per totum cum quadam discussione percur-
rit ac resonat, & tam leviter mota tamen
circuit non sine tactu ejus tumultuque quo
inclusa est.* Nec defuere qui huc respexis-
se *Propertium* putaverunt lib. 4. El. 6.

— *carmenque recentibus aris*

Tibia Mygdoniis libet eburna cadis.

Scaliger de *Pithaulis* olim interpretatus
erat hunc versum, sed postea sententiam
mu-

c. 7. DE TIBIIS VET. 413
mutavit, *Beroaldus*, *Cadis*, vino exponit, quod vinum diis libaretur, vel emendat, *Modis*. Neutrum *Passeratio* placet, qui hîc, nec ineptè, tibiam Phrygiam significari vult, quia *Mygdones*, *Lydi* & *Phryges* vicini sunt; atque *Cadi*, urbs Phrygiæ, vel, ut alii volunt, *Lydiæ*, ut *Strabo* lib. 12. Cæterum *Pithaulicæ Tibiæ* alii expressius meminere. *Varro* apud *Nonium* in *Ramices*: *Priusquam in Orchestra Pithaules inflet Tibias, domi suæ ramices rumpit*. Quippe iis locus etiam in *Theatro* erat, quod affirmat *Seneca* Ep. 76. de *theatro Neapolitano*: *Et hîc, inquit, ingenti studio, quis sit pithaules bonus, judicatur. Habet tibicen quoque Græcus & præco concursus*. Ideoque *Pithaulas* centum habuisse *Carinum* memorat *Vopiscus*. Sed hîc *Pithaulas* paulo aliter interpretatur *Donatus*, & fuisse putat tibicines qui *Tibiæ* singulari specie concinuere, ita ut mulcerent aures, & quasi audientes persuaderent, nam $\pi\epsilon\iota\theta\omega$ est *Latinis persuadeo* & in sententiam meam adduco, & $\pi\epsilon\iota\theta\omega$ persuasio.

Fuere etiam Tibiæ, quæ aliis organorum generibus inserviebant, sed illas, quia extraneis vocibus insonuere peregrinis flatibus completis calamis, ut *Cassiodor.* lib. 1. ep. 45. ait, sciens prætereo, qui condixi me tantum demonstraturum differentiam inter Tibiam, & reliqua Organapneumatica, quæ spiritu humano excitata sonum edidère. Habuere tamen Veteres Organa, quæ vento animata exprimebant concentum, quoties digitis attingerentur regulæ cum Tibiis concinentes, de quibus elegans extat Epigramma Juliani Desertoris in Veter. Epigram. lib. i. cap. 86. Organa illa ætate Juliani primùm nata vult *Bulengerus*, in quibus variæ & impares Tibiæ folli-bus inspiratæ, digitis percutientibus varium sonum edidère. Quorum usus hodie ubique ferè viget. Illa denotavit *Manilius*, qui ita, ex emendatione *Scaligeri*, lib. 5.

*Hinc venient vocis dotes, Boreæque
sonantis,*

*Garrula, quæ modulis diversè Tibia
forma,*

Et


*Et quodcunque manu loquitur, flatu-
que movetur.*

His affinia apud Veteres fuere Organa
Hydraulica, in usu valde frequenti, & à
Ctesibio inventa, ex *Plinio* lib. 6. cap. 37.
Horum artifices *Hydraulæ* dicti sunt,
quorum meminere *Suetonius*, *Sidonius*
Apollin. *Petronius*, alique. Hydraulica
verò dicta quod vento, qui aquæ motu
creatur, inflata personant, teste *Vitru-*
vio lib. 10. cap. 1. & 13.

Atque hæc hæctenus de Tibiis Vete-
rum hisque affinibus Organis raptim in
chartam conjeci, quantum quidem va-
luit calamus, Antiquitate & Vetustatis
memoria subnixus. Plura fateor, præte-
rii, quæ addi potuissent, ut excreşceret
Volumen. Sed memor sum aurei illius
dicti de Caphesia Tibicine memoriæ
prodi; qui discipulum suum feriens,
quod contentiùs inflasset tibia, addidit
elogium sane divinum : ὅτι ἐν τῷ μέγαι-
ον ὄν, ἀλλ' ἐν τῷ ὄν τὸ μέγα.

F I N

S



I N D E X

Rerum & Verborum.

- A** Matorum Tibia, pag. 236, 237.
 Ambubijæ. 132, 333.
 Anulus Tibicinum. 342, 343.
 Apertæ Tibiæ, quænam. 58. 114.
 Arabicus Tibicen. 133.
 Armata saltatio. 241.
 Ars, Tibiarum cantus. 24.
 Artifices Tibicines. 94, 318.
 Arundo ad Tibias. 30, 31.
 Ascaules. 411.
 Añinorum ossa pro Tibiis. 25.
 Assa Tibia. 307, 308.
 Attinisluctus. 202.
 Avena, pro Tibia. 33, 34.
 Auleticus calamus. 26.
 αὐλὸς, Tibia. 13.
 αὐλὸς, pro cuspidis parte. ibid.
 Aura Tibialis. 96.
 in **B**ello Tibiarum usus apud
 Amazonas. 175.
 Lacedæmonios 172.
 Lydos. 175.
 Romanos ibid.
 Berecynthia Tibia. 72.
 Biforis Tibiæ peculiaris forma. 50, 51.
 βόμβυκας pars Tibiæ. 62.
 ipsæ Tibiæ. 80.
 Buccina. 399, 400, 401.
 Buccinatores. 402.
 Buxus pro Tibia. 12, 36.
C Alamos pro Tibiis ex-
 dendi modus. 31.
 Calamus à calendo. ibid.
 Calamus pro Tibia. 31, 32.
 Calcei Tibicinum. 361.
 Camptaula. 63, 69, 77, 78, 79.
 Canere, i. e. Tibias infla-
 re, 93, 94.
 Capistrati figura. 353.
 Capistrum Chirurgorum. 349.
 Damnatorum. 352.
 Capistrum Tibicinum. 344, 355, 356.
 Celeusina ad Tibiam. 289.
 Cerauæ, Tibicines. 73.
 Cervi Tibiis mulcentur. 295.
 Cervina ossa ad Tibias. 40.
 Choraules. 81. & seq.
 Cicuta pro Tibia. 34.
 Collegium Aeneatorum. 320.
 Litricinum. 319.
 Tibicinum. 318.
 Colonismus, i. e. cantus
 dissonus 126.
 Cometa Tibiarum specie. 301.
 Concha pro Tuba. 395.
 Concionatoria Tibia. 259.
 Con-

Condylus, digitorum cur-
vatura. 104.

in Consecratione Tibicen.
198.

Conviviales Tibiæ. 242. &
seq.

Convivium. *ibid.*

Coquebant ad Tibiam
Tyrrheni. 247.

Coqui. 248.

Cornei paxilli in Tibiis.
58.

Cornicen. 401.

Cornu Tibiæ materia. 37.
Tibiæ pars. 44, 45, 46.

ad sonus gravitatem. 49.

Cornua ex ære recurvo.
401, 402.

Coronati Tibicines. 243.

Corybantes. 145, 146, 200.

Curetes, quinam. *ibid.*

Quare bacchantes de-
scribuntur. 146.

Curva Tibia. 22, 43, 44.

Delphinus Tibiæ a-
mans. 300.

Diaulion. 220.

Discedere manus. 104.

Elegia luctuosum car-
men. 271.

Elymus pars Tibiæ. 63.
ipsa Tibia. 64, 72.

Equi Tibiarum cantu af-
ficiuntur. 293.

Fabri Tibiarum. 367.

Fabulones. 226.

Fissa Tibia, pro perforata.
55.

Fistula diversa à Tibia.
370.

Unde dicta. 372.

Quot cannis compacta.

379.

Fistulæ materia. 373, 374.

Connexionis modus.

375, 376, & seq.

Inventio. 381, 382.

Flagellati ad Tibiam servi.
153.

Flator Tibicen. 92, 316.

Flexores cantus. 78.

Foramen Tibiæ, pro ipsa
Tibia. 60.

Foramina Tibiarum. 53.
& seq.

Φωτισία. 37.

Funebris Tibia. 268. &
seq.

Φυσική. 13.

Γύσπας saltationis species
242.

Gingriator Tibicen. 315.

Ginglarus, parva Tibia
67. 75.

Glottocomeium. 344.

in Græcia Tibiarum usus:
127, 130.

Hinnulorum ossa, qua-
lia Tibiis apta. 39.

Hymenæus. 234, 235.

Hydraula. 415.

Hydraulica organa. *ibid.*

Inventores Tibiarum.
14. & seq.

Iugere, i. e. sonare. 93.

è **L**auri ramo Tibia. 37.
Lingulæ Tibiarum.
61.

Ad flexendos sonos. 62,
114.

Lituus. 406, 407.

Lotinæ Tibiæ. 37, 70.

Lotos, pro Tibia. 11.

Lucerna lepida. 227, & seq.

Lu-

Ludius. [224.](#)

Lymphatos reddit Tibia. [141.](#) & seq.

MAnuum ministerium in cantu Tibiarum. [100.](#)

Marsyas flumen. [340.](#)

Marsyas inventor Tibiarum. [17.](#)

Ejus cum Apolline certamen. [337.](#) & seq.

Medicorum dignitas apud Romanos. [159.](#)

Megaleſia. [208.](#)

Mefochorus. [364.](#)

Minerva Tibias invenit, & abjecit. [17.](#) & seq.

Miſturæ Medicamentorum. [160.](#)

Modi Tibiarum, quot. [118.](#) & seq.

Inter Modos & numeros differentia. [117.](#)

Monaulos. [64.](#) [67.](#) [68.](#)

Monumentarii ceraulæ. [277.](#)

Morbi curati Tibia. [162.](#)

ad Mores corrigendos efficax Tibia [152.](#) [155.](#)

Muſica ad ſanitatē confert. [162.](#)

Muſicæ quot genera. [2.](#) [3.](#)

Mygdonia Tibia. [73.](#)

NAbla. [409.](#)

Nænia ad Tibiam. [266.](#) [271.](#) [284.](#)

Unde dicta. [273.](#)

Nautica Tibia. [288.](#)

Nomi muſici unde dicti [119.](#)

Nuptiæ. [229.](#)

Nuptialis Tibia. [232.](#) [235.](#)

ὁ μὲν pars Tibiæ. [62.](#)

Orchumenius lacus. [27.](#) [28.](#)

Organa. [414.](#) [415.](#)

Organicæ Muſices genera. [4.](#)

Orgia Bacchi. [210.](#)

Orphei & Amphionis fabula unde orta. [140.](#)

Oſcula jaſtabant Tibicines. [334.](#) [335.](#)

Oſſeæ Tibiæ. [39.](#)

Paguri Tibiæ cantu capiuntur. [299.](#)

Pandorium. [386.](#) [387.](#)

Pantomimus. [221.](#)

Paſtinaca marina Tibiis delectatur. [299.](#)

Paxilli cornei Tibiar. foraminibus adaptati. [58.](#)

Eorum forma. [59.](#)

Perforate Tibia. [54.](#) [55.](#)

Pharmacopolæ, circumforanei. [159.](#)

Phonaſcus. [71.](#) [261.](#)

Phrygius cantus. [143.](#) [203.](#)

Pithaulæ. [412.](#)

Pithaulica Tibia. *ibid.*

Plagiaulos. [42.](#) [64.](#) [70.](#) [71.](#)

Planipedes. [226.](#)

Præcentio in modis Tibiar. [125.](#) [126.](#)

Præfica. [266.](#) [273.](#)

Procurator Fabrorum. [321.](#) Tibicinum. *ibid.*

Pythagorei Tibiis animi ferociam mollebant. [139.](#) [149.](#)

Quinquatrus minusculæ, Tibicinum feſtum. [322.](#)

ῥαπτοῦ. [69.](#)

S Alatrices. 224.
 Sambuca, materia Tibiar. 37.
 Scabellum Tibicinum. 162.
 & seq.
 Scabellorum crepitus. *ibid.*
 Semiviri Sacerdotes. 145.
 Servi an fuerint Tibicines. 330.
 Sicinnistæ. 277.
 Siticines. *ibid.*
 Sonatores, Tibicines. 106.
 Sonus varius Tibiar. 105.
 & seq.
 Spondæus modus. 147.
 Spondanila. *ibid.*
 Spondiales. *ibid.*
 Stipem colligere. 205.
 Stipula pro Tibia. 33.
 Subulo, Tibicen. 316.
 Symphonia. 115. 311.
 Symphoniæ Tibiar. 87.
 Symphoniaci. 252, 288, 331.
 Synaulia. 310.
 Syntonator. 260.
T Hebani Tibiarum cantu clari. 130.
 Tibiarum denominatio & synonymia. 9, 10, 11, 12, 13.
 Forma. 41. & seq.
 Inventor. 14. & seq.
 Materia. 25. & seq.
 Partes. 53.
 Tibiarum modi numerique 115. & seq.
 Tibiarum species & discrimina. 63. & seq. Uti sunt Tibiæ
 Egyptiæ. 64, 65, 74.
 Choriæ. 75, 81.
 Citharisteriæ. 76.

Dextræ & sinistræ. 88.
 Eburnæ. 34, 35.
 Gingrinæ. 74.
 Longæ. 80, 196.
 Mazadis. 76.
 Milvinæ. 74.
 Pares & impares. 87.
 Perfectæ. 75, 79.
 Phrygiæ. 46, 72.
 Præcentoriæ. 74.
 Puellatoriæ. *ibid.*
 Pueriles. 75.
 Pythiæ. *ibid.*
 Scytaliæ. 72, 75.
 Serranæ. 87, 90.
 Spondiæ. 75, 80, 81.
 Thurariæ. 74.
 Vascæ. 70, 74.
 Virginales. 75, 76.
 Viriles. 76.
 Tibiarum usus apud
 Carmanos. 133.
 Græcos. 127, 130.
 Romanos. 130.
 Syros & Arabas. 132.
 Thebanos. 131.
 Turcas. 133.
 Tibiarum usus quando
 cœpit & quando desit. 134, 135. earum usus.
 Ad animos afficiendos. 105. & seq.
 in Bello. 171.
 Carminibus recitandis. 261.
 Choreis. 198, 239.
 Comædiis. 216, 217.
 Concionibus. 256.
 Conviviis. 242. & seq. 262.
 Festis publicis. 206.
 Bacchi. 210.

Junonis. 207.
 Idææ Matris. 208.
 Minervæ. *ibid.*
 Funeribus. 267. & seq.
 Heroum ludibus. 262.
 Hymnis Deorum. 177.
 Ludis. 211, 212, 213, 214,
 215.
 Morborum curatione 158.
 Comitali morbo. 163.
 Dolore ischiadico. *ibid.*
 Mania & rabie. 166.
 Pestilentia. *ibid.*
 Tarantulæ moribus.
 164, 165.
 Nuptiis. 229. & seq.
 Regum inauguratione.
 167.
 Sacrificiis. 180, 187. &
 seq.
 Saltatione Pantomimi.
 211.
 Ludii. 224.
 Planipedis 226.
 Triremibus. 286. & seq.
 Triumphis. 169.
 Tibicen unde dictus. 314,
 315.
 Tibicen, pro Sacerdote.
 316.
 Tibicinæ. 333.
 Tibicines in æde Jovis ve-
 scebantur. 323.
 Tibicines in ædificiis. 11,
 317.
 Tibicinum, quid. 320.
 Tibini modi. 115.
 de Tibiis qui scripserunt.
 7, 8.
 Tonarion, Tibia. 259.
 Tuba in conviviiis. 241, 251.
 Funeribus. 285.
 Sacrificiis. 397.
 Unde dicta. 389.
 Ejus forma & species.
 391.
 Tibicen. 398.
 Vestitus Tibicinum.
 356, 357.
 Vituli cornu Tibiæ addi-
 tum. 46.
 Vox, pro sono Tibiæ. 105.
 Usus Tibiarum Varius.
 127.
 Zygia Tibiæ. 232.

F I N I S

E R R A T A.

P. 12. l. 12. & 17. leg. *Idæam & Idææ.*
 P. 91. l. 19. & p. 124. l. ult. leg. *Bulengero*
 & *Bulengerum.*

AOL. A 675632



